

ললিতমোহন ।

(উপন্যাস)



শ্রীদামোদর মুখোপাধ্যায় প্রণীত ।

কলিকাতা ।

চৈত্র, ১৩১১ সাল ।

PRINTED BY J. N. BASU,
AT THE WILKINS PRESS,
28, BEADON ROW
AND
PUBLISHED BY
SADHU CHARAN DASS,
AT THE GITA LIBRARY,
5, BINDU PALIT'S LANE,
CALCUTTA.

বিজ্ঞাপন ।

‘ললিতমোহন’ উপন্যাসে আমি কয়েকটা প্রয়োজনীয় কথা বুঝাইতে চেষ্টা করিয়াছি । আমি দেখাইতে গিয়াছি, পাপ-অনুষ্ঠানে নহে—চিত্তে । চিত্ত শুদ্ধি হইলে, অনুষ্ঠান কারীর নিকট হইতে পাপ দূরে পলায়ন করে । আর দেখাইতে চেষ্টা করিয়াছি, আর্থা বিধবার সংঘম সকল অবস্থাতেই অত্যাवश्यक এবং জীবনের শেষ দিন পর্যন্ত পতিহীনা আর্থা সৌমস্তিনী স্বামীকে সম্মুখে সমুপস্থিত জ্ঞানে জীবন ধারণ করিতে বাধা । সঙ্গে সঙ্গে আমি আরও একটা কঠিন কথার অবতারণা করিয়াছি । অধঃপতনের পথ বড়ই সহজ ; মনুষ্যালোকে অধঃপতন নিত্য সংঘটিত স্বাভাবিক ঘটনা । আমি এই ক্ষুদ্র পুস্তিকায় এই সাধারণ ঘটনার বিরুদ্ধ ভাব প্রদর্শনের চেষ্টা করিয়াছি । প্রলোভনে প্রমত্ত মানবের আলেখ্য প্রদর্শন পাপের পিচ্ছিলপথে পতন ও পরিণামে সর্বনাশ সংঘটন আমাদের নয়নসমক্ষে চারিদিকেই বিকট ভাষে নৃত্য করিতেছে, সেই সূত্রের অনুসরণ অনাবশ্যক বোধে, আমি দেখাইতে চেষ্টা করিয়াছি যে, পতনের পর উত্থান কিরূপে ঘটয়া থাকে এবং পুনরুত্থানের পরও মানব-জীবন কিরূপ

ললিতমোহন ।

প্রথম খণ্ড ।

ললিতমোহন ।

প্রথম পরিচ্ছেদ ।

সন্ধ্যার কিছু পূর্বে কাশীধামে কেদারঘাটের সন্নিহিত এক নাতিবৃহৎ ভবন হইতে, ললিতমোহন বাবু রাজপথে নিষ্ক্রান্ত হইলেন । তাহার সঙ্গে হিন্দুস্থানী ও বাঙ্গালী অনেক লোক । বৈশাখ মাস -সমস্ত দিন দুঃসহ গ্রীষ্মে সকলেই বাটার মধ্যে বসিয়া, অতিশয় কষ্টভোগ করিতে ছিলেন । একস্থানে বন্ধ থাকিয়া আর একপ ক্লেদ ভোগ করিতে কাহারও ইচ্ছা হইল না । সেইজন্য একটু বেলা থাকিতে থাকিতেই সকলে বাহির হইয়া পড়িলেন ।

ললিতমোহন বাবু বঙ্গদেশের এক সম্ভ্রান্ত ধনশালী ব্রাহ্মণের একমাত্র পুত্র ; দুর্ভাগ্য ক্রমে আট বৎসর বয়সের মধ্যেই ললিতমোহনের পিতৃ মাতৃ-বিয়োগ হয় । অগত্যা পিতৃ-বন্ধু ও আত্মীয় স্বজনের তত্ত্বাবধানে ললিতমোহনকে মানুষ হইতে হয় । একরূপ অবস্থায়, সাধারণতঃ যেকোন ঘটিয়া থাকে, ললিতমোহনের অদৃষ্টেও তাহাই ঘটিয়াছিল । লেখাপড়ার প্রতি তাঁহার বিশেষ আসক্তি জন্মিল না ।

পিতা বর্তমান থাকিলে যেরূপ শাসনাদি দ্বারা পুলকে কর্তব্য পথ দেখাটয়া দিতেন, আত্মীয় ব্যক্তির তাহা করিল না, অথবা সেরূপ উপায় অবলম্বনে তাহাদিগের সাহস বা ইচ্ছা হইল না। তাহার পিতার অনেক সঞ্চিত অর্থ ছিল ; পরের হাতে কর্তৃত্ব থাকিলে যেরূপ হয়, এস্তলে তাহাই হইল। মুখখোলা পাত্র মধ্যস্থ কর্পূরের ঋায় ললিতমোহনের অথরাশি অজ্ঞাতসারে উড়িয়া গেল।

অনেক সমবয়স্ক ও অধিক বয়স্ক বন্ধু আসিয়া ললিতমোহনকে ঘিরিয়া ফেলিল। দৌবনোদয়ের পূর্বেই ললিতমোহন সুরাপানাদি বিবিধ দ্রুক্ষ্মে পারদর্শী হইয়া উঠিলেন। আত্মীয়গণ তাঁহার বিবাহ দিবার চেষ্টা করিলেন ; অনেক ব্রাহ্মণ এই সুপাত্রে হস্তে রূপসী কন্যা সমর্পণ করিবার জন্য প্রার্থী হইলেন ; কিন্তু বিবাহে ললিতমোহনের প্রবৃত্তি হইল না। স্বাধীন ভাবে ভূঙ্গের ঋায়, কুসুমে কুসুমে ঘুরিয়া বেড়াইতেই তাঁহার আসনা হইল। বিবাহের নিগড় তিনি চরণে পরিলেন না।

বিষয়-কর্মের ভার ক্রমে ললিতমোহনের হস্তে পড়িল। নগদ টাকার কিছুই নাই, কেবল ভূ-সম্পত্তি মাত্র অবশিষ্ট আছে। তাহারও পরিচালনা ললিতমোহনের বড়ই কষ্টকর বোধ হইল। দরিদ্র প্রজার নিকট হইতে খাজানা আদায় করা, কারণে বা অকারণে লোকের উপর অত্যাচার করা, জোর করিয়া মিথ্যা বাব আদায় করা ইত্যাদি

জমিদারী সংক্রান্ত কোন কার্যাই তাঁহার ভাল লাগিল না ; তখন এই জমিদারী রূপ বন্ধন ছিড়িয়া ফেলিতে তাঁহার মন হইল । স্থির হইল যে, ভূ-সম্পত্তি পত্তনী দিয়া, ললিতমোহন অবাধরূপে দেশে দেশে ঘুরিয়া বেড়াইবেন এবং ইচ্ছামত কায়ে রত থাকিয়া আনন্দে কাল কাটাটবেন । নগদ দশ হাজার টাকা সেলামি লইয়া এবং বার্ষিক তিন হাজার টাকা খাজানা অবধারিত করিয়া, ললিতমোহন সমস্ত পৈত্রিক ভূ-সম্পত্তি হস্তান্তর করিলেন । ধাঙ্গা হইল--'তিনি যে স্থানে থাকিবেন, সে স্থানে মাসে মাসে তাঁহার নিকট আড়াই শত টাকা প্রেরিত হইবে ; কে'নও মাসেই ইহার অগ্রণা হইবে না ।' ললিতমোহন সুখী—ললিতমোহন নিশ্চিন্ত ।

স্বীতিমত লেখা পড়া শিক্ষা ললিতমোহনের ভাগে ঘটিল না । কুশিক্ষা, কুসংসর্গ ও কুদৃষ্টান্ত বাল্যকাল হইতেই তাঁহাকে বেঁধে রাখিয়া রাখিল, সুতরাং ললিতমোহনের অন্তর সুপথে বিচরণ করিবার সুযোগ পাইল না এবং তাঁহার মনোবৃত্তির সমুচিত বিকাশ হইল না । তথাপি পূর্ব জন্মার্জিত সুকৃতি ফলে অথবা পিতৃ পুত্র-গণের পুণ্যফলে, ললিতমোহনের বয়োবৃদ্ধির সহিত স্বতঃকৃতকগুলি সদ্বৃত্তির উন্মেষ হইল এবং এই পাপ-পঙ্কিল যুবার হৃদয়ে অনেক স্বর্গীয় সদ্বৃত্তির সুরণ হইল । তাঁহার দানশীলতা, পরহঃখে কাতরতা, বিনীত স্বভাব

ও নিরহঙ্কৃত ভাব অনেকেই অত্যাশ্চর্যা ও দেবোপম বলিয়া মনে করিতে লাগিলেন । তাঁহার রূপরাশিও অতুলনীয়—তাঁহার দেহের বর্ণ সমুজ্জ্বল গৌর, দেহ পরিণত ও লাবণ্যময়; বক্ষ বিশাল ও মাংসল, অঙ্গ-প্রত্যঙ্গ পেশল ও বলব্যঞ্জক, লোচনদ্বয় উজ্জ্বল, তীক্ষ্ণ অথচ স্থির ও ধীর । পরিচ্ছদের প্রতি ললিতমোহনের কখনই দৃষ্টি ছিল না, আডম্বর শূন্য অতি সামান্ত বস্ত্রাদি ব্যবহার করিতে পারিলেই তিনি পরিতুষ্ট হইতেন ।

এই প্রিয়দর্শন, শান্তু স্বভাব অথচ উচ্ছৃঙ্খল যুবা দশ হাজার টাকা লইয়া, কয়েক জন সঙ্গীসহ বিংশবর্ষ বয়ঃক্রম কালে স্বকীয় পিতৃ-ভবন পরিত্যাগ করিলেন । পশ্চিমের নানা স্থান তিনি পরিভ্রমণ করিলেন । কদম্বা ভোগে, কুৎসিৎ আনন্দে, নিন্দিত সংসর্গে, হাসিতে হাসিতে ললিতমোহনের দিন কাটিতে লাগিল । দশ হাজার টাকা শীঘ্রই শেষ হইয়া আসিল; পরতঃপূর্বে বিমোচনে অনেক টাকা খরচ হইয়া গেল, বিগড়িত অন্তর্ভানেও বিস্তর টাকা উড়িয়া গেল, অবশেষে এককালে নিঃসঙ্গ হইয়া ললিতমোহন কাশীধামে উপস্থিত হইলেন দীর্ঘকাল এই স্থানে অতিবাহিত করিতে তাঁহার বাসনা হইল । পূর্ব সঙ্গীদের অনেকে তাঁহাকে ত্যাগ করিল, অনেক নূতন সূত্রে পারাবত তাঁহার সঙ্গ গ্রহণ করিল । মাসিক আড়াই শত টাকা তাঁহার হস্তগত হইতেছিল, এই সামান্য

আয়ের উপর নির্ভর করিয়া কেদারঘাটের নিকট উল্লিখিত ভবনে ললিতমোহন কাল কাটাইতে লাগিলেন ।

বিবিধ দোষ ও গুণের নিমিত্ত ললিতমোহন বাবু অচিরে বারাণসীপুরে সুপরিচিত হইয়া উঠিলেন । দীন-দরিদ্রেরা তাঁহার দ্বারস্থ হইলে বিফল মনোরথ হইবে না বলিয়া বুঝিল, বিপনেরা তাঁহার শরণাগত হইলে বিপশুক্র হইবে বলিয়া জানিল, বিলাসিনীরা তাঁহার কুপাদৃষ্টি পাইলে ভাগ্যবতী হইবে বলিয়া স্থির করিল, ব্যবসায়ীরা এই অকাতর ক্রেতার নিকট প্রচুর লাভবান হইবে বলিয়া উৎসাহিত হইল, সংক্ষেপতঃ অতি অল্প কালেই তিনি কাশীর ভদ্রাভদ্র সকল শ্রেণীর নিকট পরিচিত ও সমাদৃত হইলেন ।

বাসায় এক ভৃত্য ও এক পাচক ব্রাহ্মণ তাঁহার পরি-চর্যা করিত ; তদ্ব্যতীত টহলসিং নামক এক বিশ্বস্ত ও নিতান্ত অমুগত ব্যক্তি, দ্বারবান অথবা সঙ্গীরূপে নিয়ত তাঁহার সঙ্গে থাকিত । ললিতমোহন বাবু জন্মভূমি পরি-ত্যাগ করার পরেই টহলসিং ভৃত্যরূপে তাঁহার সঙ্গ গ্রহণ করিয়াছে এবং এ পর্য্যন্ত একান্ত অমুরক্ত হৃদয়ে প্রভুর বাসনামুরূপ কার্য সাধন করিয়া আসিতেছে । প্রভুর হৃদয় ও সংকল্প সকলই টহল জানিত এবং সে হিতাহিত চিন্তা বিসর্জন দিয়া প্রভুর ইচ্ছায় সকল কার্য করিত । পশ্চিম-প্রদেশ-বাসী ও বঙ্গদেশ-বাসী অনেক লোক সর্বদা

ললিতমোহনের বাসায় থাকিত এবং তাঁহার বায়ে গ্রাসা-
চ্ছাদন নির্বাহ করিত। মাসিক আড়াই শত টাকায়
ললিতমোহন বাবুর আর খরচ চলে না। বাজারে অনেক
দেনা -- ললিতমোহন সে সম্বন্ধে উদাসীন।

বৈকালে ললিতমোহন বাবু প্রায়ই বেড়াইতে বাহির
হইতেন। এইরূপ বেড়াইতে বাহির হইয়া কখনই প্রায়
রাত্রি দ্বিপ্রহরের পূর্বে তিনি বাসায় ফিরিতেন না। কোন
কোন দিন সমস্ত রাত্রি বাটীতে ফিরিয়া আসিবার সুযোগ
হইত না; এই সুদীর্ঘকাল প্রায়ই অতিশয় জঘন্য কার্যে
ও নীচ সংসর্গে অতিবাহিত হইত। যখন তিনি বেড়াইতে
বাহির হইতেন, সে সময় তাঁহার সঙ্গে অনেক লোক
থাকিত। ভ্রমণ কালে নানা শ্রেণীর লোকের সহিত
ললিতমোহনে সাক্ষাৎ হইত। অনেকে এই সময়ে
তাঁহাকে আপনাদের অভাব ও প্রাথনা জানাইত এবং
সাক্ষাতে তাঁহার নিকট মনের ভাব জানাইয়া অভীষ্ট
সিদ্ধির প্রার্থনা করিত। আমরা যে দিনকার কথা
বলিতেছি, সেই দিন অপরাহ্নে এইরূপ ভ্রমণ কালে,
তাঁহার জীবন নাটকের এক নূতন অঙ্কাভিনয়ের সূত্রপাত
হইল এবং অচিরে সেই ঘটনা তাঁহার গম্ভীর পথের
নিয়ামক হইয়া উঠিল।

দ্বিতীয় পরিচ্ছেদ ।

বেলা প্রায় ৫ টার সময় ললিতমোহন বাবু বাসস্থান হইতে নিষ্ক্রান্ত হইলেন । সঙ্গে অনেক পশ্চিমে ও বাঙ্গালী । তাঁহার পরিধানে এক কালাপেড়ে স্ফুট ধুতি, কিন্তু তাঁহার কোঁচা ভাঙ্গা এবং বিশৃঙ্খল ; দেহে জামা নাই, গলদেশে শুভ্র যজ্ঞসূত্র বুলিতেছে । বাম স্বক্কর উপর এক অযত্ন ক্রান্ত উত্তরায়, পায়ে চটি জুতা, এই অবস্থায় সঙ্গীগণবেষ্টিত ললিতমোহন বাবু পথে উপস্থিত হইলেন । সঙ্গীগণ সকলেই পশ্চাতে চলিতে লাগিলেন । ধীর গতিতে, শাস্ত ভাবে, ললিতমোহন যেন শোভা ছড়াইতে ছড়াইতে অগ্রে চলিতে লাগিলেন । অল্পদূর মাত্র অগ্রসর হওয়ার পর এক কনেষ্টেবল প্রায় ভূমিতে হস্ত সংলগ্ন করিয়া তাঁহাকে সেলাম করিল । ললিতমোহন হাস্য মুখে প্রতি সম্মান করিয়া, তাঁহার কুশলাদি সংবাদ গ্রহণ করিলেন । পথে অনেক নর-নারী ভক্তিসহকারে এই ভ্রষ্টাচারী যুবাকে প্রণাম, নমস্কার, আশীর্বাদ ও অভিবাদনাদি করিতে লাগিল । এক মুদি তাঁহাকে ভক্তিভাবে প্রণাম করিয়া বলিল,—“হুজুর ! খয়রাতি চাউল আজি দশ সের

বাড়িয়াছে । এখন হইতে দিন একমণ করিয়া খয়রাৎ খরচ চলিবে কি ? সাবেক প্রায় আড়াইশত টাকা বাকী, এ মাসেও প্রায় দুই শত টাকা বাড়িবে ।”

ললিতমোহন বলিলেন,—“তোমার টাকা অনেক হইল সত্য, কিন্তু যেমন করিয়া পারি এই মাসকাবারে তোমাকে বেশী টাকা দিব । এখন হইতে এক মণ চাউলই প্রতি দিন খরচ পড়িবে । কি করি বাবা, অনেক গুলি নূতন দুঃখী লোকের কষ্টের কথা শুনিয়া অগত্যা সাহায্য বাড়াইতে হইল । তা বাপু, আর যাচাতে না বাড়ে তাহার চেষ্টা করি । তোমার কল্যাণ হউক । খয়রাতি চাউল যেন বন্ধ না হয় ।”

আর একটু অগ্রসর হইলে, এক শীর্ণকায় প্রাচীন ব্যক্তি তাঁহার নয়নে পড়িল । বৃদ্ধ প্রণাম করিয়া বলিল,—“আমি মহাশয়ের নিকট যাইতেছিলাম । যে ঘরে আমি বাস করি, তাহার ভাড়া মাসিক চারি আনা । ছয় মাসের ভাড়া দিতে পারি নাই, কাজেই বাড়ীওয়ালা তাড়াইয়া দিতেছে । ছেলেপিলে লইয়া কোথায় যাইব ? মহাশয় অগতির গতি ।”

ললিতমোহন বাবু একটু চিন্তা করিয়া বলিলেন,—
“তাহ তো ! বড়ই গোলার কথা বটে । আপাততঃ এক টাকা পাইলে বোধ হয়, বাড়ীওয়ালা তোমাকে থাকিতে দিবে—কেমন ?”

বৃদ্ধ বলিল,—“বোধ হয়, এক টাকা পাইলে সে এখন ঠাণ্ডা হইবে ।”

তখন ললিতমোহন বাবু বয়স্খদিগের প্রতি দৃষ্টিপাত করিয়া বলিলেন,—“কাহারও নিকট একটা টাকা আছে ভাই ? আমাকে ধার দিলে চির বাধিত হইব ।”

বন্ধুগণ পরস্পর মুখ চাওয়া-চায়ি করিতে লাগিল । কাহারও হাতে টাকা নাই অথবা থাকিলেও দিতে ইচ্ছা নাহ । তখন ললিতমোহন বাবু পার্শ্বস্থিত এক হালুইকরকে লক্ষ্য করিয়া বলিলেন,—“বাবা আমাকে একটা টাকা ধার দিতে পার ? আমি কাণি তোমাকে সুদসমেত ফেরত দিব । আমাকে তুমি চেন কি ?”

দোকানদার বলিল, -“আপনাকে কাশীর কে না চিনে ? টাকা দিতেছি ।”

ললিতমোহন সেই বৃদ্ধকে দেখাইয়া বলিলেন,—“ইহাকেই টাকাটা দেও ; তোমার কলাণ হউক ।” তাহার পর বৃদ্ধকে বলিলেন,—“তুমি টাকা লইয়া যাও ; অত্র সময়ে আমার সহিত সাক্ষাৎ করিও ।”

বৃদ্ধ অন্তরের সহিত অনেক আশীর্বাদ করিতে লাগিল ; কিন্তু সে কথায় কর্ণপাত না করিয়া ললিতমোহন অগ্রসর হইতে লাগিলেন ।

সন্মুখে চট্টোপাধ্যায় মহাশয়ের কাপড়ের দোকান । ললিতমোহন বাবু আসিতেছেন দেখিয়া চট্টোপাধ্যায়

মহাশয় উঠিয়া দাঁড়াইলেন এবং নমস্কার করিয়া বলিলেন,

“ইদানীং কিছু বেশী কাপড় খরচ হইতেছে ; আজি ত্রিশ টাকার গিয়াছে, মাঝে মাঝে পাঁচ শত টাকা বাকী বহি-
য়াছে, একটু বিবেচনা না করিলে আর্মি তো মারা যাই।”

ললিতমোহন বাবু নমস্কারান্তে বলিলেন, “তাই তো চট্টোপাধ্যায় মহাশয় ! আপনার অনেক টাকা বাড়িয়া গেল। এবার যেরূপে হউক আপনার টাকা কমাইয়া ফেলিব।”

চট্টোপাধ্যায় মহাশয় বলিলেন, “আপনার মনে থাকিলেই হয়—দৃষ্টি রাখিবেন, যেন আর বাড়িয়া না যায়।”

ললিতমোহন বলিলেন,—“এবার আপনাকে টাকা দেওয়ার পূর্বে কোনমতেই আর একটা পরামর্শ দেয়া বাড়াইব না। এখন আসি তবে।”

এই বলিয়া নমস্কারান্তে সঙ্গীত সহ ললিত বাবু অগ্রসর হইতে লাগিলেন। যেখানে পথ বক্র হইয়া দশাশ্ব মেধ ঘাটের দিকে গিয়াছে, সেই মোড়ের নিকট এক ক্ষুদ্র গৃহে এক কালী-প্রতিমা প্রতিষ্ঠিতা আছেন। এ স্থানে জনসমাগম আরও বহুল ; কিন্তু সেই জন প্রবাহ ভেদ করিয়া অগ্রসর হইবার নিমিত্ত ললিতমোহন বাবুকে বিশেষ কষ্ট পাইতে হইল না। অনেকেই সমস্ত্রমে বিবিধ বিধানে তাহাকে অভিযানাদি করিয়া পথ ছাড়িয়া দিল।

তখন ললিতমোহন বাবু দেখিতে পাঠিলেন, অদূরে ছিন্ন-মলিন-বসনারূতা এক নারী অধোমুখে দণ্ডায়মানা । নারীর বস্ত্র এতই ছিন্নভিন্ন যে তদ্বারা তিনি বহু আয়াসেও আপনার দেহ সম্পূর্ণরূপে আচ্ছন্ন করিতে পারিতেছেন না । পাছে পথ-প্রবাহী লোকের দৃষ্টি তাঁহার দিকে পড়ে, এই ভয়ে রমণী ঘেন সঙ্কোচে মরণাপন্ন ভাবে সন্নিহিত দেবালয়ের ভিত্তিতে আপনার দেহ, যতদূর সম্ভব দৃঢ়সংলগ্ন করিয়া, বিনত বদনে দাঁড়াইয়া আছেন । যদি সম্ভব হইত, তাহা হইলে তিনি হয়তো সেই প্রাচীরে আপনার শরীর প্রবিষ্ট করাইয়া নিশ্চিন্ত হইতেন । রমণী সুন্দরী, যুবতী এবং সধবা ।

যেখানে সংগোপনের যত চেষ্টা, সেখানে ততই প্রকাশ । এই শত গ্রন্থিয়ুক্ত এবং বহু রক্তবিশিষ্ট মলিনবসনা ব্রীড়াবনতা সুন্দরীকে দেখিবার নিমিত্ত, বহু দিক হইতে বহু লোক সোৎসুক নয়নে চাহিয়া রহিয়াছে ।

সুন্দরীর অবস্থা এবং লোক সকলের ভাব ললিতমোহন বাবু লক্ষ্য করিয়া বলিলেন,—“তোমরা কি দেখিতেছ ভাই ? কেন এখানে দাঁড়াইয়া এ হুঃখিনী স্ত্রীলোককে বিব্রত করিতেছ ?”

অনেকে লজ্জিত হইয়া সরিয়া পড়িল ; অনেকে সে দিক হইতে দৃষ্টি অপসারিত করিল ।

ললিতমোহন বাবু অপেক্ষাকৃত নিকটস্থ হইয়া

জিজ্ঞাসিলেন,—“তুমি কে ? এখানে কেন দাঁড়াইয়া আছ ?”

সুন্দরী কোন উত্তর দিতে পারিলেন না । একবার করুণপূর্ণ নয়নে ললিতমোহন বাবুর মুখের প্রতি চাহিতে তাঁহার বাসনা হইল ; কিন্তু ঘাড় ভুলিতে তাঁহার সাহসে কুলাইল না । তাঁহার সুন্দর, শান্তিময়, সরল মুখের এক পার্শ্ব ললিতমোহন বাবু ও তাঁহার সঙ্গীগণের নয়নে পড়িল ; একজন অগ্রসর হইয়া ললিতমোহনের কাণে কাণে বলিল,—“আজ যাত্রা ভাল—বেশ জিনিষ—সস্তায় কিস্তিমান্ত হইবে ”

বিশেষ বিরক্তির সহিত সেই সঙ্গীর প্রতি দৃষ্টিপাত করিয়া ললিতমোহন বাবু বলিলেন,—“ছি ছি ! দেখিতেছ না, ইনি লজ্জাশীলা ভদ্রকন্যা ! এই কাশীতে কিসের অভাব ? তবে এ সতী স্ত্রীর প্রতি এরূপ কুদৃষ্টি কেন ভাই ? আমি তোমার কথায় বড়ই দুঃখিত হইলাম ।”

সে একটু অপ্রতভ হইয়া অন্য দিকে মুখ ফিরাইল ; কিন্তু আব এক বয়স্ক অক্ষুট স্তরে বলিল,—“কাশীতে যেরূপ সতী গণে ঘাটে পারে পারে ঠেকে, এও শরতো তাহারই একজন ।”

কথা অক্ষুট হইলেও নারীর কর্ণে তাহা প্রবেশ করিল, তিনি যেন লজ্জায় জড়পদার্থবৎ হইয়া রহিলেন । ললিত-

মোহন একটু দৃঢ়স্বরে বলিলেন,—“তোমাদের এইরূপ কুৎসিত রহস্য আমার বড়ই বিরক্তিকর ।”

সঙ্গীগণ পরস্পর বিজ্ঞপসূচক ভঙ্গী সহকারে একজন অপরের মুখের দিকে চাহিতে লাগিল । লালতমোহন পুনরায় কোমলস্বরে জিজ্ঞাসিলেন,—“তুমি কোথায় যাইবে বাছা ? কেন এখানে দাঁড়াইয়া আছ মা ?”

যুবতীর শরীর একটু নড়িয়া উঠিল । অতি মৃদুস্বরে উত্তর হইল,—“আপনার সহিত দেখা করিব বলিয়া এখানে আছি ।”

লালতমোহন বলিলেন, “কি দরকার বল ?”

যুবতী বলিলেন, - “আমি বড় দুঃখিনী ।”

আর কিছু বলতে পারিতেছেন না বুঝিয়া লালতমোহন বলিলেন, --“বুঝিতেছি, তুমি বড় দুঃখিনী, তাহার পর কি বলিবে বল ? আমাদের তোমার যে উপকার হওয়া সম্ভব, আমি তাহা নিশ্চয়ই করিব । তোমার কি দুঃখ বল ?”

যুবতী বলিলেন,—“আমার দুঃখ অনন্ত ; সকল কথা আপনাকে জানাইতে চাহি না । সম্প্রতি আমার পিতা কঠিন পীড়ায় ভুগিতেছেন ; ঔষধ ও চিকিৎসা হইলে তিনি বাঁচিলেও বাঁচিতে পারেন । শুনিয়াছি, আপনি দয়ার সাগর, আপনাকে জানাইলে উপায় হইবে মনে করিয়া, আমি এখানে দাঁড়াইয়া আছি ।”

ললিতমোহন বলিলেন,—“তা—মা, আমি সাধ্যমতে সাহায্য করিতে ক্রটি করিব না । আমার অবস্থা অতি মন্দ, তথাপি কয়েকটা টাকা যোগাড় করিয়া দিতে পারি বোধ হয় ; আর ডাক্তার ও ওষধের ব্যবস্থা করিয়া দিতে পারি । কিসে তোমার সুবিধা হইবে ?”

বিনতবদনা সুন্দরী বলিলেন, - “তাছাড়া আমি জানি না ; আপনি দয়া করিয়া যদি আমাদিগের আশ্রয়ে পদার্পণ করেন, আর অবস্থা বুঝিয়া যদি ব্যবস্থা করেন, তাহা হইলে বোধ হয় সুবিধা হইতে পারে, কিন্তু সেরূপ অনুরোধ করিতে আমার সাহস হয় না ।”

ললিতমোহন বলিলেন,—“সন্তানকে আত্মা করিতে কেন সাহস হইবে না ? তুমি বেশ বলিয়াছ মা আমি এখনই তোমার বাটীতে যাইব । তুমি আমাকে ঠিকানা বলিয়া দিয়া বাটী যাও । আমি বড় জোর আধঘণ্টার মধ্যে সেখানে উপস্থিত হইব ।”

সুন্দরী বলিলেন,—“নাটোর সত্বের দক্ষিণে একটা খুব বড় বাড়ী আছে ; সেখানে এক প্রভূত ধনশালিনী বিধবা বাঙ্গালীর মেয়ে বাস করেন, এজন্য সে বাড়ীকে লোকে বাঙ্গালী রানীর বাড়ী বলে, তাহারই বামপার্শ্বে এক জীর্ণ একতলা ঘরে আমরা থাকি । আমি এখন যাই তবে, আমার পিতার কাছে কেহ নাই, জানি না এতক্ষণে তাঁহার কত কষ্ট হইতেছে ।”

ললিতমোহন বলিলেন,—“আমি স্থান ঠিক বুঝিতে পারিয়াছি, আমি এখন যাইতেছি, তোমার কোন চিন্তা নাই মা !” তাহার পর পশ্চাতের এক ব্যক্তির ‘দিকে দৃষ্টি পাত করিয়া বলিলেন,—“টহল সিং ! টান আনার মা, তুমি বাটী পর্য্যন্ত ইহার সঙ্গে যাও, আমি এখনই সেখানে যাইব । যতক্ষণ আমি না যাই, ততক্ষণ তুমি সেখানেই থাকিবে, যদি কোন প্রয়োজনে মা কোন আদেশ করেন, তুমি সে আদেশ তখনই পালন করিবে ।”

নত মস্তকে সেলাম করিয়া টহল সিং কহিল,—“যো হু কুম ।”

তাহার পর সঙ্গীগণকে একটু দূরে ডাকিয়া আনিয়া ললিতমোহন বলিলেন,—“ভাই সব এখন আমাকে মাপ কর ; যেখানে যাওয়ার কথা, এখন আমি কোন নতেই সেখানে যাহতে পারিব না । টহলের সঙ্গে যিনি যাইতেছেন, উঁহার বাটীতে এখন আমাকে যাহতে হইবে । যদি আমি সেস্থান হইতে শীঘ্র ছুটী পাই, তাহা হইলে নিশ্চয়ই তোমাদের সহিত মিলিয়া যেখানে যাইবার কথা আছে, সেখানে যাইব ; নতুবা আমি নাচার ।”

একজন বন্ধু একটু বিরক্ত ভাবে বলিলেন,—“তুমি কি পাগল হইলে ? ঐ ভিখারিণী ছুঁড়িটার কথায় ভিজিয়া আজিকার সকল আশোদ মাটি কবিতো চাহ নাকি ? কেন মিছা গোল করিতেছ ? আইস—বাজে কথা রাখিয়া দেও ।”

আর এক জন বন্ধু বলিল,—“ছুঁড়িটার চেহারা ভাল বটে, চং করিয়া ললিতমোহনকে বেশ ফাঁদে ফেঁপিয়েছে।”

ললিতমোহন বলিলেন,—“বড় ঘৃণার কথা, এতদিন এত মেয়েমানুষ লড়াই ঘেঁসামেঁসি করিয়াছে, এথাপি তোমরা আকার প্রকার দেখিয়া বুঝিতে পার না, কে ভাল কে মন্দ? আমি উই কথায় বুঝিয়াছি নিশ্চয়ই উনি ভদ্র-কন্যা; বড় দায়ে পড়িয়াই আমাদের কাছে আসিয়াছিলেন। আমোদ তো নিতাই আছে, সে জন্ত একজনের জীবন রক্ষার বিষয়ে গুঁদাগুঁদা ক'বা, আমি তো ভাই কোন মতেই উচিত বলিয়া বিবেচনা করি না।”

তৃতীয় বয়স্ক অগ্রসর হইয়া একটু ক্রোধের সহিত বলিলেন,—“কিন্তু কোহিলা বিবি কি মনে করিবে বল দেখি? একটা রাজার বাড়ীতে আজ তাহার মজুরার কথা ছিল, তাহা বন্ধ করিয়া সে তোমার জন্ত বাসিয়া আছে একটা তুচ্ছ কাজের জন্ত তাহার মনে কষ্ট দেওয়া উচিত হইবে কি? আজ যদি সেখানে যাওয়া না হয়, তাহা হইলে আমি নিশ্চয়ই বলিতেছি, আমাদের সকল খাতির একদম মাটি হইয়া যাইবে।”

ললিতমোহন একটু চিন্তা করিয়া বলিলেন,—“সত্য বটে, কোহিলা বিবি এখন কাশীর প্রধান বাইজি; সত্য বটে তাহার স্ত্রীর স্ত্রী আর কোথাও দেখি নাই

এমন স্থানে আমাদের খাতির নষ্ট হওয়া বড়ই দুঃখের বিষয় ; কিন্তু যতটুকু রূপবতী বা গুণবতী হউক না কেন, তাহার বিরক্তির ভয়ে কর্তব্যের অবহেলা করা আমি ভাল মনে করি না । আমরা সুখের পায়রা, শত সুখের দবছা খোলা আছে, কখন কোন স্ত্রীলোকের বাধা হই নাই, ভবিষ্যতেও হইবে কিনা বলিতে পারি না । তাহারা আমোদ-আহ্লাদের সামগ্রী, যখন যিনি দয়া করিবেন, তখনই আপন জ্ঞান করিয়া তাহার সহিত আমোদ করিতে হইবে ইহাই জানি । কোহিলা বিবি খাতির না করে, আর দশজন হয় তো পরম সমাদর করিবে । ক্ষতি কিছুতে নাই ভাই ; তথাপি তাহাকে বিরক্ত করার আমার কোন লাভ নাই । আমি অনুরোধ করিতেছি, তোমরা সকলে এখনই দেখানে যাও এবং প্রাণ ভরিয়া আমোদ আহ্লাদ কর ; আমার নাম করিয়া বিবিজ্ঞানকে লাখলাখ সেলাম জানাইও ; আমি যদি পারি তাহা হইলে এখনই তোমাদের সহিত জুটিব । আপাততঃ আমাকে বিদায় দাও ।”

কাহারও কোন উত্তরের অপেক্ষা না করিয়া উদ্বিগ্ন ভাবে ললিতমোহন বাবু আপনার বাসস্থানাভিমুখে প্রত্যাবর্তন করিলেন, দুই জন অনুযাত্রী তাঁহার অনুসরণ করিল ।

৫ বয়স্কগণ কিয়ৎকাল বিশ্রামবিষ্ট হইয়া সেই স্থানে

দাড়াইয়া রুহিল ; একবার তাহাদের মনে হইল, ছোর
করিয়া ফিরাইয়া আনিতে হইবে, আবার কি পরামর্শ
করিয়া তাহারা নিরস্ত হইল ; তাহারপর তাহারা একমত
হইয়া বিবিজ্ঞানের বাটীর অভিমুখে গাত্রা করিল ।

— — —

তৃতীয় পরিচ্ছেদ ।

চিন্তিতভাবে ললিতমোহন বাবু বাসার অভিমুখে ফিরিতেছেন দেখিয়া, বস্ত্র বিক্রেতা সেই চট্টোপাধ্যায় মহাশয় বলিলেন,—“একি বাবু! এখনই ফিরিতেছেন যে?”

ললিত বাবু এতই অশ্রমনস্ক ছিলেন যে, দোকানের নিয়ম দিয়া যাইবার সময় চট্টোপাধ্যায় মহাশয়কে লক্ষ্য করেন নাই। চট্টোপাধ্যায় মহাশয়ের সহিত সাক্ষাৎ করাই ললিত বাবুর প্রয়োজন, কিন্তু তিনি চিন্তার প্রাবল্যে সে কথা ভুলিয়া গিয়াছেন। এখন প্রশ্ন শুনিয়া বলিলেন,—“হাঁ—আজ্ঞে—একটু বিশেষ প্রয়োজনে এখনই ফিরিলাম। আপনার নিকটই দরকার।”

ললিতমোহন বাবু দোকানে উঠিলেন। চট্টোপাধ্যায় মহাশয় ‘আসুন আসুন’ বলিয়া তাঁহাকে সমাদরে অভ্যর্থনা করিলেন। উপবেশন করিয়া ললিত বাবু বলিলেন,—“বড় দায়ে ঠেকিয়া আপনার নিকট আসিয়াছি; আমার একটু বিশেষ উপকার আপনাকে করিতে হইবে।”

চট্টোপাধ্যায় বলিলেন,—“বলুন।”

ললিতমোহন বাবু বলিলেন, “পাঁচটি টাকা আর এক ছোড়া বিলাতী গাটী আমার এখনই দরকার, দয়া করিয়া আপনাকে দিতে হইবে।”

চট্টোপাধ্যায় বলিলেন,—“এ বিষয়ে আমাকে ক্ষমা করিতে হইবে বাবু। সামান্য পুঁজি লইয়া আমি কাজ করি। এক জায়গায় অনেক টাকা পড়িয়া থাকিলে ব্যবসা অচল হয়; আপনার নিকট অনেক টাকা জমিয়াছে; আর বাড়াইলে আমার দোকান উঠিয়া যাইবে। আমাকে ক্ষমা করুন—আমি টাকা, কাপড় কিছুই দিতে পারিব না।”

ললিতমোহন বাবু বলিলেন,—“আপনার অনেক টাকা পাওনা হইয়া গিয়াছে, সেজন্য আমি বড় লজ্জিত আছি। আপনার দেনা কোনমতে বাড়াইতে আমার ইচ্ছা নাই, তথাপি বড় বিপদে পড়িয়া আপনার নিকট আসিয়াছি। আপনি এদায়ে আমাকে রক্ষা করুন। মাসকাবার নিকট হইয়াছে, বোধ হয় আর এক সপ্তাহের মধ্যে খাজনার টাকা আসিবে; এবারকার টাকা হইতে আপনাকে নূনকল্পে একশত টাকা দিবই দিব।”

চট্টোপাধ্যায় বলিলেন,—“আপনি কখনই কথা ঠিক রাখতে পারিবেন না। আপনার চারিদিকে দেনা; একশত টাকা যে দিয়া উঠিতে পারিবেন এরূপ বোধ হয় না; কিন্তু এমাসে আপনার নিকট যদি একশত টাকা

আদায় না পাই, তাহা হইলে আমার বিপদের সীমা থাকিবে না ।”

ললিতমোহন বাবু বলিলেন,—“হাজার বাক্সাট হউক, এবার যে আপনাকে একশত টাকা দিব, তাহার কোন ভুল নাই । আপাততঃ আপনি আমাকে টাকা পাঁচটা আর সাড়ী ছোড়াটা দিয়া রক্ষা করুন ।”

চট্টোপাধ্যায় বলিলেন,—“নগদ টাকা আমি কোন-মতেই দিতে পারিব না ! আপনার অনুরোধ একবারেই ঠেলিতে আমার সাধ্য নাই । কাজেই সাড়ী ছোড়াটা দিতে হইবে । সে যাহা হউক হঠাৎ কি দরকার উপস্থিত হইল, বলুন দেখি ?”

ললিতমোহন বাবু বলিলেন,—“মন্দ কাজে ব্যয় করিতেছি, মনে করিবেন না; হঠাৎ এক বিপত্তি তুঃখিনীর জগুই টাকা কাপড়ের প্রয়োজন হইয়াছে ; টাকা পাঁচটি আপনি দিবেন না কি ?”

চট্টোপাধ্যায় বলিলেন,—“সাধ্য নাই—উপায় থাকিলে দিতাম । আমি জানি আপনি মন্দ অভিপ্রায়ে টাকা-কাপড় চাহিতেছেন না । মন্দ কার্য্যে আপনার ব্যয় আছে বটে, কিন্তু সকলেই জানে, আপনার সদায়ই বেশী ; এই জগুই আমরা আপনাকে আদর করি, শ্রদ্ধা করি, ভাল বাসি ; কিন্তু বাবু ! আমি প্রাচীন লোক, আমার কথায় দোষ গ্রহণ করিবেন না ; আয়ের অতিরিক্ত

সদ্যয়ও ভাল নহে। আপনি চারিদিকে জড়াইয়া পড়িতেছেন, একটু বুঝিয়া চলিলে আমরা সুখী হই।”

ললিতমোহন বাবু কহিলেন,—“আপনি পিতৃস্থানীয় বিজ্ঞ লোক ; আপনার আদেশ আমার শিরোধার্য্য। এক্ষণে আমার সময় নাই, কল্যাণ আপনার সাহিত সাক্ষাৎ করিয়া সকল বিষয়ের পরামর্শ করিব। টাকাতো নিতান্তই দিবেন না, কাপড় জোড়াটাই দিন তবে, দেখি যদি টাকার অন্য উপায় করিতে পারি।”

তখন চট্টোপাধ্যায় মহাশয় ঘরের ভিতর হইতে এক জোড়া মোটা রকমের সাড়ী আনিয়া দিলেন। ললিত বাবু, কাপড় ভাল কি মন্দ সে সম্বন্ধে কোন অভিপ্রায় প্রকাশ না করিয়া বলিলেন,—“এখন আসি তবে, কালই দেখা হইবে ; নমস্কার।”

চট্টোপাধ্যায় নমস্কার করিলেন। ললিত বাবু কাপড় লইয়া প্রস্থান করিলেন, পরে ভাবিতে লাগিলেন,—‘বিপদের বাটীতে শুধু হাতে যাওয়া বড়ই ভুল ; কিন্তু কি করা যায় ; অভাবে পাঁচটা টাকা কোথায় পাই। বাসায় জিনিষপত্র কিছুই নাই, সামান্য দুই চারিটা থালা-ঘটি আছে মাত্র, তাহাতে কি হইবে ?’ সহসা তাঁহার মনে পড়িল, অতি মূল্যবান একটা অক্ষুরী তাঁহার বাসায় আছে। সকল দ্রব্যসামগ্রী তিনি নষ্ট করিয়াছেন, কিন্তু সেই অক্ষুরাটি এক জন আত্মীয়ের স্মরণ-চিহ্ন বলিয়া, অতি যত্নে তিনি রক্ষা

করিয়াছেন ; বাস্তবের মধ্যে সেই অঙ্গুরীটি আছে, এই কথা স্মরণ হওয়ার পর তিনি সোৎসাথে গৃহাভিমুখে ধাবিত হইলেন ।

বাসায় জগন্নাথ নামে এক ভৃত্য ছিল, সে জানিত, তাহার প্রভু রাত্রি দ্বিপ্রহরের এদিকে কোন মতেই বাসায় ফিরিবেন না । সুতরাং সে নিকৃষ্ণ চিত্তে স্বেচ্ছামত আমোদ উপভোগে লিপ্ত ছিল ; সেই পল্লীর ‘তেলাবউ’ নামে পরিচিতা বঙ্গদেশীয়া এক স্ত্রীলোকের সহিত তাহার বনিষ্ঠ আত্মীয়তা ছিল । বাবুর শয়ন মন্দিরে, বাবুর প্রসাদী সুরা সেবন করিতে করিতে তেলিনী প্রণয়িনীর সহিত জগন্নাথ বড় আনন্দে কাল কাটাইতে ছিল ; সহসা সদর দরজার কড়া বাজিয়া উঠিল, জগন্নাথের কর্ণে সে ধ্বনি প্রবেশ করিল, কিন্তু জগন্নাথ তাহাতে বিচলিত হইল না । আবার অধিকতর জোরে কড়া বাজিল, তখন জগন্নাথের প্রণয়িনী বলিল,—“কে কড়া নাড়িতেছে, শুনিতেছ না ?”

জগন্নাথ বলিল,—“কৈ মাঙনে বালি হোগি; ক্ষুদ বাবু হোঙ্’ ভবহি হাম তোমকো ছে’ড়্কে আভি নেহি উঠেঙ্গা ।”

চাঁৎকার করিয়া ললিত বাবু ডাকিলেন, ‘জগন্নাথ ! দরজা খোল ।’ কণ্ঠস্বর শুনিয়া, জগন্নাথ চমকিয়া উঠিল ।

তেলিনী বলিল,—“বাবু যে !”

জগন্নাথ বলিল,—“ইস্‌বখ্ত বাবু কব্‌হি লোটতা নেহি । কৈ কাম খাতির আয়া হোগা, হাম জানতা দো লহমাকা যাস্তি নেহি ঠহেরাঙ্গে, তোম্ ইরে পালকা নীচে রহেঁ যাও পিয়ারি ! হাম দরজা খোলনে যাতা হুঁ ।”

তেলিনী বলিল,—“বড় ভয় করে ।”

জগন্নাথ বলিল,—“ক্যায়াডর ? খোড়া রহেঁ যাও মেরিজান ।”

পুনরায় চীৎকার করিয়া ললিতমোহন বলিলেন,—
“দরজা খোল, কি করিতেছ জগন্নাথ ?”

জগন্নাথ চীৎকার করিয়া বলিল,—“বাতাহুঁ !”—
এদিকে অক্ষুটস্বরে বলিল,—“জল্‌দি ঘুম যাও পিয়ারি, দিল্লগিকা বাৎ নেহি, বাবু গোসা করতা হায় ।”

তখন অগত্যা জগন্নাথ-প্রণয়িনী, সেই নাতি উচ্চ পালঙ্কের নিম্নে কণ্ঠে প্রবেশ করিল। সম্মুখে একটা বায় ও একটা ট্রাঙ্ক ছিল, স্তত্রাং পশ্চাৎভিত্তিনী রমণীকে সম্মুখ দিক হইতে দেখিতে পাইবার কোনও সম্ভাবনা থাকিল না। একটু কম্পিত পদে আসিয়া বিচলিত হস্তে জগন্নাথ দরজা খুলিয়া দিল।

ললিতবাবু ভবন-মধ্যে প্রবেশ করিয়া বিরক্ত ভাবে বলিলেন,—“কতক্ষণ দাড়াইয়া আছি, কি করিতে ছিলে তোমরা ?”

কোন উত্তর শুনিবার পূর্বেই ললিতবাবু দ্রুতপদে

উপরে উঠিয়া কক্ষমধ্যে প্রবেশ করিলেন । জগন্নাথ তাঁহার অনুসরণ করিল ;-তিনি কাহাকেও কোন কথা না বলিয়া, ব্যস্তভাবে পালঙ্কের নিম্ন হইতে ললিতমোহন বাবু বাস্তু টানিয়া বাহির করিলেন । বাস্তু টানিবার সময় তিনি সবিস্মরে দেখিতে পাইলেন, পর্য্যাক্ তলে বাস্তু ও ট্রাকের পশ্চাতে এক নারী শয়ন করিয়া রহিয়াছে । জিজ্ঞাসিলেন, — “কে তুমি ?”

কেহ কোন উত্তর দিল না ; তখন তিনি জগন্নাথকে বলিলেন,—“একি জগন্নাথ ! কে এখানে ?”

তখন জগন্নাথ একটু নত হইয়া পালঙ্কের নীচে দৃষ্টিপাত করিল ; তাহার পর বলিল, —“কুছ্ নেহি ছজুর, কুছ্ নেহি ।”

তখন ললিতবাবু একটু রাগত ভাবে আসিয়া, জগন্নাথের হস্ত ধারণ করিলেন এবং তাহাকে আকর্ষণ করিতে করিতে বিপরীত দিক দিয়া পালঙ্কের সমীপে আনিয়া বলিলেন,—“কুছনেহি, তবে এ কি ?”

তখন জগন্নাথ অকাতরে বলিল,—“কে কাপড়া ওপড়াকা গাঁটিরি হোগি ।”

অল্প সময় হইলে জগন্নাথের এ উত্তরে সকলকে হাসিতে হইত, কিন্তু এখন ললিতবাবু বড় ব্যস্ত । তাঁহার মনও অতিশয় উৰ্ব্বিত, এজন্ত হাসির পরিবর্তে তাঁহার রাগের মাত্রা একটু বাড়িয়া উঠিল, বলিলেন,—“গাঁটিরি !

গাঁটরির কখন হাত থাকে ? পা থাকে ? ছি জগন্নাথ !
তুমি আমার সহিত তামাসা করিতেছ ! আমি বড়ই
বিরক্ত হইতেছি ; কিন্তু আমার এখন রহস্যের সময় নয়,
যে কাণ্ড ঘটয়াছে, তাহা আমি বুঝিতে পারিয়াছি ।
মনিবের ঘরে একরূপ ব্যবহার করা চাকরের পক্ষে বড়ই
দোষের কথা । খাটের নীচে কে আছে, বাহিরে আইস ।
আমি তোমাকে কোনরূপ শাস্তি দিব না ।

বাহা গাঁটরি বলিয়া জগন্নাথ নির্দেশ করিয়াছিল,
তাহা নড়িতে লাগিল এবং অনতিকাল মধ্যে পালঙ্কের
নিম্ন দেশ হইতে নিজ্জান্দ হইয়া, এক প্রোচ বয়স্কা
নারীরূপে অধোমুখে দণ্ডায়মানা হইল । তাহার বদন
প্রায়শঃ আচ্ছন্ন হইলেও, ললিত বাবু তাহাকে সহজে
চিনিতে পারিলেন এবং বলিলেন,—“কেও তেলিবউ !
তোমার এ কাজ ! আমার খাবার জন্ত এবার কোথা
হইতে যে আটা আনিয়া দিয়াছ, তাহাতে বালি কিচ্
কিচ্ করে, খাইতে কষ্ট হয় । কোন উপায়ে আজ
চারিটি ভাল আটা আনিতে পারিবে না কি ?”

তেলিবউ অবাক ! সে চরিত্রহীনা স্ত্রীলোক, ইহা
সাধারণে জানে ; সুতরাং ললিত বাবুর সম্মুখে ধরা পড়ায়
তাহার বিশেষ কুণ্ঠা না হইলেও তাঁহারই শয়ন কক্ষে
এমন কি তাঁহারই শয্যা, তাঁহারই এক ভৃত্যের সহিত
আমোদ-আহ্লাদে প্রবৃত্ত হইয়া, সে যে যৎপরোনাস্তি

অপরাধ করিয়াছে, তদ্বিষয়ে তাহার কোন সন্দেহ ছিল না। তজ্জন্তু সেই অশেষ তিরস্কার, লাঞ্ছনা ও অপমানের প্রত্যাশা করিতেছিল। তৎপরিবর্ত্তে গৃহস্থালীর কথা শুনিয়া, বাবুর একটা অসুবিধা দূর করিবার ভার পাঠিয়া, কি বলিতে হইবে তাহা সে স্থির করিতে পারিল না। গলায় কাপড় দিয়া এবং ভূতলে মস্তক স্থাপন করিয়া, সে বাবুকে প্রণাম করিল; তাহার পর ধীরে ধীরে প্রস্থান করিল।

বিছানার নীচে ললিত বাবুর চাবি থাকিত; বাক্স খুলিবার কখনও প্রয়োজন হয় না; সুতরাং চাবিতে মড়িচা ধরিয়া ছিল। যথাস্থান হইতে চাবি বাহির করিয়া ললিত বাবু বাক্স খুলিলেন। বাক্স হইতে ললিত বাবু কোটা বাহির করিয়া, তাহার আবরণ উন্মোচন করিলেন; যে কোটায় অঙ্গুষ্ঠী থাকে, তাহা পড়িয়া আছে। অঙ্গুরীয় দেখিতে পাইলেন; কিন্তু সেই বছবার দৃষ্ট—বহু সমাদৃত অঙ্গুরীয় এই কি? তাহা ভিন্ন আর কি হইবে। যেন কেমন কেমন—অন্যরূপ অঙ্গুরীয় নহে কি? না, তাহা কেন হইবে! সেই বাক্স, সেই কোটা, সেই অঙ্গুরীয় সব ঠিক আছে। কোটা সহ অঙ্গুরীয় এবং সেই নূতন সাটা জোড়াটি লইয়া ললিত বাবু প্রস্থান করিলেন। গমনকালে তিনি জগন্নাথকে বলিয়া গেলেন, একরূপ বেয়াদবি করিয়া ভাল কর নাই! যাহা হইবার হইয়াছে, আর

এমন কাজ করিও না, রাত্রিতে আমি কখন ফিরিব
তাহার স্থিরতা নাই, সাবধান থাকিও ।

বেগে ললিত বাবু প্রশ্নান করিলেন । পথিমধ্যে তাঁহার
পরিচিত প্রসিদ্ধ চিকিৎসক রমানাথ বাবুর সহিত সাক্ষাৎ
করিলেন । স্থির হইল, ডাক্তার বাবু অবিলম্বে নির্দিষ্ট
স্থানে উপস্থিত হইবেন । ঔষধের মূল্য ও ডাক্তারের
দর্শনী, ললিত বাবু পরে দিবেন ।

চতুর্থ পরিচ্ছেদ ।

নাটোর সত্বেৰ অনতিদূৰে, এক জীৰ্ণ একতালি
ভবনেৰ দ্বাৰ সমীপে, টহলদিং দণ্ডায়মান ; ঘৰেৰ মধ্য
মেজেৰ উপৰ অতি সামান্য ও মলিন শয্যাৰ এক পীড়িত
পুৰুষ শায়িত ; ঘৰেৰ এক দিকে এক দড়িৰ আলনায়
কয়েক খানি জীৰ্ণ ও মলিন বস্ত্ৰাবশেষ ঝুলিতেছে ।
পীড়িত ব্যক্তিৰ একপাৰ্শ্বে মিট মিট কৰিয়া ক্ষীণ প্ৰদীপ
জ্বলিতেছে । অপৰ পাৰ্শ্বে সেই মলিন-বসনা সুন্দৰী
সাশ্ৰুণনে উপবিষ্টা ; সুন্দৰীৰ কেশৰাশি কৃষ্ণ ও বিশৃঙ্খল,
দেহ ভূষণ শূন্য, কেবল প্ৰকোষ্ঠে শঙ্খ বলয় এবং বাম হস্তে
তদতিরিক্ত এক লৌহ ভূষণ শোভা পাইতেছে । সমুচিত
আহাৰাদিৰ অভাবে শৰীৰ শীৰ্ষ ও লাবণ্য বিহীন ।
দেহেৰ অত্যুজ্জ্বল গৌৰবৰ্ণ, মলিনতা ও কালিমাচ্ছন্ন ।
বদন সম্পূৰ্ণৰূপে অবগুৰ্ঠনমুক্ত, গণ্ডঘৰ্ম্ম বৰ্জিত আভা
বিহীন, অধৰোষ্ঠ লোহিত বৰ্ণ পৰিশূন্য এবং নেত্ৰঘৰ্ম্ম
স্বাভাবিক উজ্জ্বলতা বিচ্যুত হইলেও দৰ্শন মাত্ৰেই উপলব্ধ
হয় যে, এই দারিদ্ৰ্য নিপীড়িতা নারী পৰমা সুন্দৰী ।
শয্যাশায়িত কৃষ্ণ পুৰুষ এই যুৱতীৰ পিতা ; পিতাৰ

কপালে হাত বুলাইতে বুলাইতে কণ্ঠা জিজ্ঞাসিলেন,—
“বাবা এখন কেমন বুঝিতেছ ?”

আর্তস্বরে যন্ত্রণা সূচক একটা ধ্বনি বাক্ত করিয়া পিতা বলিলেন,—“কেমন যে বুঝিতেছি তাহা বলিয়া কোন লাভ নাই ; তথাপি তোমাকে বলাই উচিত । এ পীড়া হইতে আমি অব্যাহতি পাইব না, এ দুঃখের জীবন শেষ হইলে কোন ক্ষতি নাই, কিন্তু তোমার কি হইবে ? আমি তোমার কোন কাজে লাগিতাম না, তুমি চেষ্টা করিয়া উপযুক্ত পুত্রের স্থায় এই অন্ধ পিতাকে এক মুষ্টি অন্ন দিতে, তথাপি আমি তোমার সঙ্গী ও অভিভাবক । আমার মৃত্যুর পর তুমি একাকিনী আপনার ধর্ম বজায় রাখিয়া কিরূপে কাল কাটাইবে, তাহা আমি বুঝিতে পারিতেছি না । ভগবান্ ভিন্ন আর ভরসা কি আছে ?”

পুরুষ অন্ধ ; স্মরণ্যঃ তিনি দেখিতে পাইলেন না যে, তাঁহার কণ্ঠা অবিরল ধারায় অশ্রু বর্ষণ করিতেছেন । কিন্তু তাঁহার হৃদয় আশঙ্কায় উদ্বেলিত হইয়া উঠিল ; অন্ধ কণ্ঠার দিকে মুখ ফিরাইয়া বলিলেন,—“সরযু কঁাদিতেছ কি মা ? কঁাদিয়া কোন ফল নাই, যাহা ঘটিবে তাঁহার গতিরোধ করিতে আমরাদিগের সাধ্য নাই । এখন অনর্থক রোদনে সময় নষ্ট না করিয়া ভবিষ্যতের উপায় চিন্তা করাই আবশ্যিক । তুমি যে মহাত্মার কথা

বলিতেছিলে, তিনি এক্ষণে দয়া করিয়া পদধূলি দিবেন কি ?”

কন্তার নাম সরযুবালা, নয়ন মার্জ্জন করিয়া সংকুচ স্বরে সরযু বলিলেন ---“আগিবাব নাশা দিখাছিলেন, সময় উত্তীর্ণ হইয়াছে, কেন আগিলেন না জানি না। শুনিয়াছি তিনি আতশয় পরো কারী, এক্ষণে আমাদিগের অদৃষ্ট !”

পিতা বলিলেন, “তাহাই ঠিক ; আমাদিগের অদৃষ্ট বেক্রপ মন্দ, তাহাতে কাহারও সাহায্য পাইবার আশা করা যায় না। আমার মৃত্যুর পর তুমি কি করিবে মা ?”

সরযু বলিলেন, “সে কথায় কাজ কি বাবা।”

পিতা বলিলেন, “তোমার ব্যবস্থা কি হইবে শুনিলে, বোধ হয় কতকটা স্থস্থির হইতে পারিব।”

কন্তা বলিলেন,—“যদিই ভগবান আমার নিকট হইতে তোমাকে কাড়িয়া লন, তাহা হইলে, আমি কোন উপায়ে আর একবার স্বামীর সহিত দেখা করিবার চেষ্টা করিব। যদি সে সৌভাগ্য ঘটায় উপায় না হয়, তাহা হইলে যেরূপে হউক আমার দুর্দশার কথা তাঁহাকে জানাইয়া একমুষ্টি অন্নের ভিক্ষা করিব। তিনি যতই নিদ্রিয় হউন, তথাপি আমার একমাত্র আশ্রয়। শতবার অপমানিতা হইলেও আবার তাঁহার নিকট ভিক্ষা করিতে আমার কোন লজ্জা নাই। এ দেহ নষ্ট করিলে সকল গোল

মিটিয়া যায় ; কিন্তু যদি কোন দিন ইহা তাঁহার কাজে লাগে, এই আশায় আশ্রয়তা করিতে পারিব না তবে যদি বুদ্ধি, ধর্ম রক্ষা করা অসম্ভব হইতেছে, তাহ হইলে তৎক্ষণাত্ দেহে প্রাণ থাকিলে না । জীবন থাকিতে কদাপি ধর্মনাশ হইতে দিব না ।”

অন্ধ পুরুষ কাতর ভাবে দীর্ঘনিশ্বাস ত্যাগ করিলেন এবং দেহের সমস্ত শক্তি একত্র করিয়া উচ্চৈঃস্বরে বলিয়া উঠিলেন,—“হা ভগবান্ !”

তাহার স্বর বাহিরে টহলসিংহের কণ্ঠগোচর হইল সে ব্যস্তভাবে ছারসমীপে আনিয়া জিজ্ঞাসিল,—“আমাকে কিছু বলিতেছেন কি মা ?”

সরযু বলিলেন,—“না বাবা, বাবু আধঘণ্টার মধ্যে আনিবেন কথা ছিল, প্রায় দেড় ঘণ্টা হইয়া গেল : তোমার কি বোধ হয় তিনি আসিবেন না ?”

টহলসিং বলিল,—“না মা, যে কথা বাবু বলেন তাহার অস্তথা হইতে আমরা কখন দেখি নাই । দেনা পাওনা, আনন্দ আহ্লাদ, এ সকল বিষয়ে তাহার কথার নড়চড় দেখিয়াছি, কিন্তু কাহারও কোন উপকার করিবার কথায় তাঁহাকে কোনরূপ উল্টা পাণ্টা করিতে দেখি নাই বা শুনি নাই ।”

তৎক্ষণাত্ বাহির হইতে শব্দ হইল,—“আমি আনিয়াছি না, কি করিতে হইবে বলুন ।”

সঙ্গে সঙ্গে টহলসিং বলিয়া উঠিল—“বাবু আসিয়া-
ছেন”

ভিতর হইতে সরয়ু বলিলেন,—“আপনি ভিতরে
আসুন।”

কাপড় ও কোটা হস্তে লইয়া ললিত বাবু গৃহমধ্যে
প্রবেশ করিলেন। সেই মৃত্যু-কবলগত-প্রায় পীড়িত
পুরুষ এবং তদ্রূপ নিতান্ত দীনভাবাজ্ঞ দ্রব্য-সামগ্রী
দর্শনে, ললিত বাবু বুঝিলেন, ছুরবস্থা ও বিপদ তথায়
মৃতি পরিগ্রহ করিয়া বিরাজ করিতেছে।

কেহ কোন কথা বলিবার পূর্বে তিনি পীড়িতের
পার্শ্বে ধুলির উপর উপবেশন করিলেন এবং হস্তাঙ্কিত
বস্ত্র জোড়াটী সরয়ুর হস্তে প্রদান করিয়া বলিলেন,—
“এখনই ডাক্তার আসিবেন। আপনি আগে কাপড়
ছাড়িয়া এই নূতন কাপড় পরুন। যে কাপড় আপনি
পরিয়াছেন, তাহা না ছাড়িলে লোকের সম্মুখে বাহির
হইতে পারিবেন না। তাহার পর আমাকে সকল কথা
বলুন।”

রুগ্ন ব্যক্তি বলিলেন,—“আপনি ব্রাহ্মণ। উঠিয়া
আপনার চরণে প্রণাম করিতে আমার শক্তি নাই।
আমি কায়স্থ। পুরুষানুক্রমে ব্রাহ্মণ-সেবা আমাদের
ধর্ম। হা ভাগ্য! আজ নিকটে ব্রাহ্মণ পাইয়াও আমি
তাঁহার চরণ ধূলি লইতে পারিতেছি না।”

ললিত বাবু বলিলেন,—“সেজন্তু হুঃখ কারবেন না ; আমার চরণ-ধূলায় যদি আপনার ভক্তি থাকে, তাহা হইলে আপনি অনায়াসে গ্রহণ করিতে পারেন. আমি চরণ অগ্রসর করি:তছি ।”

পীড়িত বলিলেন,—“দুরদৃষ্টের কথা—আমি অন্ধ ; আপনার পবিত্র মূর্তি দেখিয়া, অন্তিমকালে পুণ্যসঞ্চয় করিবার ভাগ্যও আমার নাই। প্রভো! যদি চরণ-ধূলি দিতে কৃপা হইরাছে, তাহা হইলে আর একটু কৃপা করিয়া আমার মাথায় পাদপদ্ম স্থাপন করুন।”

ললিত বাবু বলিলেন,—“আপনি পীড়িত ; আপনার বাসনা পূর্ণ করাই উচিত। আপনার মাথায় চরণস্পর্শ করাইতেছি ।”

ললিত বাবু উঠিয়া দাঁড়াইলেন এবং অগ্রসর হইয়া পীড়িত ব্যক্তির মস্তকের সহিত আপনার চরণ সংলগ্ন করিলেন। অন্ধ বলিলেন,—“আমি ধন্ত হইলাম। রোগের যাতনা দূর হইয়া শরীর শীতল হইল। মা সরস্ব! তুমি ঠাকুরের কথামত কাপড় বদলাইয়া ফেল। আমরা ভিক্ষুক, কাহারও দান গ্রহণে আমাদের আর লজ্জা নাই। বিশেষ ইঁনি ব্রাহ্মণ। আমরা চিরদিনই ব্রাহ্মণের আশ্রিত এবং প্রসাদভোজী।”

বস্ত্র হস্তে লইয়া সরস্ব উঠিয়া গেলেন। ললিত বাবু আসিয়া আবার রোগীর শয্যার পাশে বসিলেন।

তখন রুগ্নব্যক্তি বলিলেন,—“শুনিয়াছি আপনি পরোপকারী মহাপুরুষ । দেখিতে পাইতেছেন, আমার দুর্দশার সীমা নাই ; এ সময়ে আপনি আমার অনেক উপকার করিতে পারেন ।”

ললিত বাবু বলিলেন,—“আমাদ্বারা যে সাহায্য সম্ভব তাহা আমি নিশ্চয়ই করিব । এখনই ডাক্তার রমানাথ বাবু আপনাকে দেখিতে আসিবেন ; আবশ্যিক মত ঔষধ পথ্যাদির কোন অভাব হইবে না ।”

অন্ধ ঈশ্বর হাসিয়া বলিলেন,—“ঔষধ বা চিকিৎসায় আমার আর প্রয়োজন নাই । আমার যে অবস্থা ঘটিয়াছে, তাহা হইতে নিষ্কৃতি অসম্ভব । আমার এই দুঃখিনী কণ্ঠার সছপায় আপনি করিবেন, ইহাই আমার প্রার্থনা ।”

বস্ত্র পরিবর্তনান্তে সরযু আসিয়া পুনরায় পিতার পার্শ্বে উপবেশন করিলেন ।

ললিত বাবু জিজ্ঞাসিলেন,—“আপনার পরিচয় জানিতে ইচ্ছা করি, কিন্তু যদি কষ্ট হয়, তাহা হইলে এখন আর কথায় কাজ নাই ।”

অন্ধ বলিলেন,—“কথা কহিতে আমার কোন কষ্ট নাই, কিন্তু আমি বুঝিতেছি, এখন না বলিলে হয়তো আর আপনাকে কোন কথাই জানাইতে পারিব না । কলিকাতায় শ্রামবাজারে আমার নিবাস ছিল ।”

সংক্ষেপে পীড়িত পুরুষ আপনার পূৰ্ণ বৃত্তান্ত জানাই-
 লেন । ললিত বাবু বুঝিলেন, কলিকাতা শ্রামবাজার
 নিবাসী সুপ্রসিদ্ধ ধনশালী চন্দ্রমোহন ঘোষ মহাশয় অদৃষ্টের
 আশ্চর্য্য আর্ভবনে, আজি এই দুর্দশাগ্রস্ত । এক সময়ে
 বহু দাস-দাসী বাঁহার সেবা করিত, বহুলোক বাঁহার কুপার
 ভিখারী ছিল, আজি তিনি দুর্দশার চরম সীমায় উপনীত ।
 কেন এরূপ হইল ? কোম্পানির কাগজের জুয়াখেলা,
 জ্ঞাতিবিরোধ এবং মোকদ্দমায় চন্দ্রমোহন বাবু সর্বস্বান্ত
 হইয়াছেন । সংসারে কণ্ঠা ও পত্নী ভিন্ন আপনার লোক
 কেহ ছিলেন না । সোভাগোর সঙ্গীগণ, দুর্ভাগোর আগমন
 দর্শনে পলায়ন করিলেন । অনবস্ত্রের নিদারুণ অভাবে
 কখন চন্দ্রমোহন বাবু প্রপীড়িত, সেই সময় তাঁহার পত্নী
 গঙ্গানাভ করিয়া সমস্ত যন্ত্রণার হাত হইতে অব্যাহতি
 পাইলেন । যথাকালে কলিকাতার এক সম্ভ্রান্ত বংশীয়
 বিপুল বিভবশালী যুবর সহিত সরযুবালার বিবাহ
 হইয়াছিল ; সেই ইন্দ্ৰিয়াসক্ত সুরাপায়ী পাষণ্ড যুবা
 বিবাহের পর কখন পত্নীর মুখাবলোকনও করিল না ।
 শ্বশুরের দুর্দশায় কোনরূপ সহায়তা বা তাঁহার কোন
 সংবাদ গ্রহণও করিল না । দৈব-বিড়ম্বনায় চন্দ্রমোহন
 বাবু অন্ধ হইয়া পড়িলেন । ভিক্ষা ভিন্ন জীবিকা-
 পাতের আর কোনই উপায় থাকিল না । যে স্থানে এক
 সময়ে তিনি বহুলোক প্রতিপালন করিয়াছেন, সেখানে

ভিক্ষোপজীবী হইয়া বাস করিতে তাঁহার প্রবৃত্তি হইল না । বারাণসী ভিক্ষার উৎকৃষ্ট ক্ষেত্র এবং দূরদেশ । অষ্টাদশবর্ষীয়া দুঃখিনী কল্যাকে সঙ্গে লইয়া, অন্ধ চন্দ্রমোহন বাবু ভিক্ষাবৃত্তির দ্বারা জীবনপাত করিবার আশায় তিন নাম হইল, কানীধামে আগমন করিয়াছেন । দুর্ভাগ্য দুর্ভাগ্যের চির অনুচর ; এখানে আগমন করার পর নিদারুণ ব্যাধি তাঁহাকে আক্রমণ করিয়াছে ।

সমস্ত রক্তান্ত শ্রবণ করিয়া, ললিত বাবুর পরদুঃখ প্রবণ হৃদয় সাতিশয় ক্লিষ্ট হইল । তিনি বলিলেন,—“আপনি নিশ্চিত হউন । আপনার বা মা সরযুর সম্বন্ধে বাহা কিছু আবশ্যক হইবে, আমি প্রতিজ্ঞা করিতেছি, প্রাণান্ত পণ করিয়া ও তাহা করিব ।”

চন্দ্রমোহন বাবু বলিলেন,—“আমি বয়সে অনেক বড় ; সুতরাং আপনাকে আশীর্বাদ করিতে পারি । আশীর্বাদ করিতেছি, আপনি চিরদিন পরম সুখে থাকিবেন ।”

সরযু কাঁদিতে কাঁদিতে আসিয়া ললিত বাবুর চরণে প্রণাম করিলেন এবং বলিলেন,—“বাবা ! এই করিবেন, যেন আমাকে ধর্মহীনা হইতে না হয় । যেন কুচক্রে পড়িয়া আমার জীবনমৃত্যু না ঘটে ।”

টহলসিং বাহির হইতে বলিল,—“ছজুর ডাক্তার বাবু আসিয়াছেন ।”

ললিত বাবু বাহিরে গিয়া সাদরে ডাক্তার বাবুকে

সঙ্গে এঁহারা আসিলেন । রমানাথ বাবু রোগীর নিকটে আসিয়া বিবিধ প্রকারে তাঁহার অবস্থা পরীক্ষা করিলেন । প্রস্থান-কালে ললিত বাবু তাঁহার সঙ্গে আসিলেন । বাহিরে আসিয়া রমানাথ বাবু বলিলেন,—“রোগীর জীবনের কোন আশা নাই । হৃদযন্ত্রে এক প্রকার কঠিন পীড়া হইয়াছে । যে কোন সময়ে তাহার ক্রিয়া রোধ হইয়া মৃত্যু হইতে পারে । বন্ধে ও স্মৃতিকিৎসায় থাকিলে, কিছুকাল এইরূপ রোগীকে বাচাইয়া রাখা যায়, কিন্তু এখন আর এ রোগীর কোন আশা নাই । ঔষধ বা পথ্যে কোন উৎকার হইবে না । কখন মৃত্যু হইবে ঠিক বলবার না । তবে দুই তিন দিনের বেশী বাচিবার কোন সম্ভাবনা নাই ।”

ডাক্তার প্রস্থান করিলেন :

পঞ্চম পরিচ্ছেদ ।

ললিত বাবু বুঝিয়া দেখিলেন, ঔষধাদির প্রয়োজন না থাকিলেও রোগী এবং তাঁহার কণ্ঠার আহারাদির জন্য কিঞ্চিৎ পয়সার প্রয়োজন । আর বুঝিলেন, একটা বিধাসী স্ত্রীলোক এখানে থাকা আকণ্ঠক ; রাত্রি বেকুপে হটক কাটাইয়া, প্রাতে একটা স্ত্রীলোক আনিতে হইবে । তিনি স্থির করিলেন, টহলসিংহের সহিত বাহিরে বসিয়া রাত্রি কাটাইবেন । কিন্তু পয়সার ব্যবস্থা কি হয় ? হাতে একটাও পয়সা নাই । টহলসিংহকে কোন উপায়ে চারি আনা পয়সা, অভাবে আধসের ছুগ্ধ, দুই পয়সার তৈল এবং দুই আনার জলখাবার ধার করিয়া আনিবার নিমিত্ত অনুরোধ করিলেন । টহলসিংহ অনায়াসে তাহা আনিতে পারিবে বলিয়া প্রস্থান করিলে, ললিত ঘরের মধ্যে প্রবেশ করিলেন ।

সরযু জিজ্ঞাসিলেন,—“ডাক্তার কি বলিলেন বাবা ?

চন্দ্রমোহন বাবু বলিলেন,—“ডাক্তারের কথা জিজ্ঞাসা করিয়া কোন ফল নাই যা । আমি নিজে বুঝিতেছি, আমার শেষ হইয়া আসিয়াছে ।”

তাহার পর অন্ধ আন্দাজে আন্দাজে ললিত বাবুর

পায় হাত দিলেন । বলিলেন,—“এ অন্তিমকালে আপ-
নিই আমার ভরসা । মা সরযু ! উঠিয়া আসিয়া ঠাকুরের
চরণ ধর । প্রভো ! আপনার চরণে আমার এই
নিরাশ্রয়া কন্যাকে ফেলিয়া দিলাম, যাহাতে ইহার মঙ্গল
হয়, আপনি তাহার ব্যবস্থা করিবেন । আমার আর
কোন প্রার্থনা নাই ।”

সরযু আসিয়া ললিতমোহনের চরণ সমীপে উপবিষ্ট
হইলেন । ললিত বাবু বলিলেন,—“আমি আবার বলি-
তেছি, সেজন্য আপনার কোন চিন্তা নাই । আপনার
কন্যাকে আমি ‘মা’ বলিয়াছি ; জননীর মঙ্গল চিন্তা
অতঃপর মস্তানের প্রধান ব্রত হইবে ।”

পিতা ও কন্যা ললিতমোহন বাবুর চরণ ছাড়িয়া
দিলেন । অনেকক্ষণ সকলেই নির্ঝাক রহিলেন ।
কথিত সামগ্রীসহ টহলসিং ফিরিয়া আসিল ; ললিতমোহন
বাবু তাহার হস্ত হইতে সামগ্রী সকল লইয়া গৃহমধ্যে
স্থাপন করিলেন এবং বলিলেন,—“মা, এই পাত্রে গরম
দুগ্ধ আছে ; মধ্যে মধ্যে কর্তাকে একটু একটু করিয়া
খাওয়াও । এই ঠোঙায় কিছু জলখাবার আছে, সবগুলি
তোমাকে খাইতে হইবে মা ! আর এই পাত্রে তৈল
আছে, প্রদীপে একটা মোটা সলিতা দিয়া, তৈল পূর্ণ
করিয়া রাখ । আমি বাহিরে থাকিব, বার বার আসিয়া
ধবর লইব ।”

কোন উত্তর শুনিবার পূর্বেই ললিত বাবু বাহিরে চলিয়া আসিলেন । তিনি বাহিরে আসিলে টহলসিং বলিল,—“যখন ডাক্তার আসিয়াছিলেন, তখন আপনাকে ডাকিতে কোহিলা বিবির লোক আসিয়াছিল । আমি বলিয়া দিয়াছি, এখন বাবুর সহিত দেখা হইবে না । সুযোগ হইলে আমি খবর জানাইব ।”

ললিত বাবু বলিলেন,—“বেশ বলিয়াছ । আজ রাত্রিতে দেখানে যাইবার কোনই উপায় হইবে না । একা থাকা কষ্টকর হইবে । তুমি থাকিতে পারিবে না টহল ?”

টহল বলিল,—“কেন পারিব না ! হুজুর যখন থাকিতেন, তখন আমাকে অবশ্যই থাকিতে হইবে । খাওয়াদাওয়ার কি হইবে ?”

ললিত বাবু বলিলেন,—“আমি কিছুই খাইব না । তুমি কোথাও হইতে একটু বাহা হয় খাইয়া আইস । তামাক খাইবার বড় ইচ্ছা হইয়াছে, তাহার কোন উপায় হয় কি টহল ?”

টহল বলিল,—“কেন হইবে না ? আমার নিকট এখনও কয়েকটা পয়সা আছে, আমি সমস্ত যোগাড় করিয়া আনিতেছি ।”

টহল প্রস্থান করিল ও অবিলম্বে একখানি চেটাই, একটা গড়িয়া, কলিকা, তামাক, টিকা, দিয়াশলাই ও কয়েক দোনা পান লইয়া ফিরিল । ললিত বাবু সেই

চেটাইয়ে বসিয়া, পান-তামাক খাইতে খাইতে পরম পরিতৃপ্তি অনুভব করিতে লাগিলেন । কোথায় কোহিলা বিবির সর্বস্বথপূর্ণ আমোদময় কক্ষ—আর কোথায় মরণাপন্ন অপরিচিত ব্যক্তির সাহচর্য! বার বার ললিত বাবু উঠিয়া রোগীর অবস্থা দেখিতে লাগিলেন । রাত্রি নির্ঝিল্লি কাটিয়া গেল ।

প্রাতে টহল একটী জ্বীলোকের সন্ধানে গেল । ললিত বাবু ঘরের মধ্যে প্রবেশ করিয়া দেখিলেন, রোগীর কথা কহিতে কষ্ট হইতেছে । সহসা বাক্য কথনের অসামর্থ্য বড়ই দুর্লক্ষণ বলিয়া তাঁহার মনে হইল । অনেক সময় রোগীর নিকট অপেক্ষা করিয়া তিনি বাহিরে আসিলেন ; বুঝিলেন চন্দ্রমোহন বাবুর জীবন-প্রদীপ নির্ক্ষাণ হইতে আর বিলম্ব নাই ; এখনই সংকারাদি কার্যের নিমিত্ত টাকার প্রয়োজন হইবে । রাত্রিকালে এক প্রচ্ছন্ন স্থানে কোটা লুকাইয়া রাখিয়াছিলেন, দেখিলেন কোটা সেই স্থানেই আছে, অঙ্গুরী বাঁধা দিয়া এখনই টাকা সংগ্রহ করিতে হইবে ।

টহল তাহার পরিচিত ও বিশ্বাসী এক জ্বীলোক ঘরে লইয়া ফিরিয়া আসিল । ললিত বাবু জ্বীলোককে সংক্ষেপে সকল কথা বুঝাইয়া, সরযুর নিকট লইয়া গেলেন । জ্বীলোক প্রয়োজনীয় কার্যে সরযুর সহায়তা করিতে লাগিল ।

বাহিরে আশিয়া লালিত বায়ু প্রসারিত হইলে কোটা
 খানখন করিলেন এবং তাহার অধি হইতে অধিকার
 গাঁওর কাঁচা টেলার বলিলেন, — “আমার বিলাস
 এই অধিকার দায় অনেক টাকার হইবে । প্রধানকার
 গাঁও এখনই ধারা খাইবে বলিয়া বোধ হইলো, এখন
 আদাততঃ কিছু খরচ হইবে । পরেও কিছু টাকার
 দরকার হইবে । সুই কোথাও এ অধিকার গাঁওয়া,
 আচাৰ্য্যকে চমকিত টাকার আশিয়া দিতে পার কি ?”

টেলার বলিল, — “এই পারস্যের এক বাড়িতে আদনা-
 মের সুলতানের এক ভবিষ্যি বিনা সারকর : ~~এই~~ এক ~~সুলতানের~~
 প্রধান আচার্য্য জামায়াত খাতিবী গাঁওর সুলতানের হইলে,
 গাঁওয়ে ১০ গাঁও বসিতে হয় ; আদা অধিকার গাঁওর
 টাকার, তাহা হইলে একটু দূরে গাঁওর আদান বিলাস
 আদানসী গাঁও মোরকর নকটে হইলে টাকার আদান
 গাঁও ।”

লালিত বায়ু বলিলেন, — “না, দূরে গাঁওর গাঁও নাহা
 প্রধান হইলেই হতমৌদ্র পার টাকার লইলে প্রাচীন ।”

অধিকার লইয়া টেলার প্রধান করিল । লালিত বায়ু
 পুনরায় গাঁও অধি প্রবেশ করিলেন ; বলিলেন, চন্দ্র
 মোহন গাঁওর বাকশাক বাকশারই গাঁও হইয়াছে এবং
 তাহার সাদখানুর গাঁও বড়ই এক হইয়াছে ।”

ময়মু বলিলেন, — “কি কুখিণ্ডিত গাঁও

লালিত বাবু বলিলেন, — “আমি তুমি দুইজনেই এত
নাগরীতে আসা-যাওয়া করতাম; খায়া প্রাচীরের ওপর এখনই
প্রাচীরে। আমি সায়াহ্নে প্রস্তুত হই।”

কন্যাও তাকে লালিত মোহন কীর্ত্তি চন্দ্রমোহন বাবু
ওসম্পন্ন লালিত বাবু মনোযোগসহকারে করিলেন।

লালিত বাবু দীর্ঘশ্বাসে বলিলেন, — “কোন চিন্তা
নাহি, আসনি এখন নিশ্চিত্তে তবে বিশেষরূপে কান
করুন।”

অন্যত্র তাৎক্ষণিক কীর্ত্তি চন্দ্রমোহন, টেলিফোন, কীর্ত্তি-
চিন্তা আনন্দে লালিত বাবুকে লালিত বাবুকে আনন্দে
নিশ্চিত্তে করি। লালিত বাবুকে লালিত বাবুকে
আনন্দে করি। লালিত বাবুকে লালিত বাবুকে
আনন্দে করি। লালিত বাবুকে লালিত বাবুকে

লালিত বাবু বলিলেন, — “সে কি কথা! তুমি এত কষ্টে পারি
কোন, তুমি এত কষ্টে পারি কোন? এখন
কি করিতে হইবে।”

লালিত বাবু বলিলেন, — “প্রকারে করিতে পারি
একদম জীবিত লোক এখনই আনিত হইবে, কোথায়
আমি জানি কি?”

লালিত বাবু বলিলেন, — “আজকে যি, এত প্রায়ই দৃষ্টি
কোন মোহন বাবুকে লালিত বাবুকে লালিত বাবুকে
হইবে, এ কাজে সফল।”

ললিত বলিলেন,—“ডাকিয়া আনিতে যাও । এদিকে আর দেরি নাই ।”

টহল চলিয়া গেল । ললিতমোহন পুনরায় গৃহমধ্যে প্রবেশ করিয়া দেখিলেন, চন্দ্রমোহন বাবুর দেহ হইতে আত্মা বিচ্ছিন্ন হইতেছে, দেখিতে দেখিতে শেষ নিশ্বাস বাতাসে মিশিয়া গেল ; সকলই ফুরাইল ! সরযু যুত পিতার চরণে আছড়াইয়া পড়িয়া হৃদয়ভেদী রোদন করিতে লাগিলেন ।

সহীসা বাহিরে তুমুল কোলাহল উপস্থিত হইল । সঙ্গে সঙ্গে পাঁচ সাত ব্যক্তি অতিশয় ক্রোধসহকৃত ছুঁকাব্য বলিতে বলিতে সেই স্থানে প্রবেশ করিল । একজন জিজ্ঞাসিল,—“তোমর নাম ললিত ?”

ললিত বাবু বলিলেন,—“হঁ। । কেন তোমরা এখানে গোল করিতে আসিয়াছ, দেখিতেছ না এখানে এই বিপদ ?”

এক ব্যক্তি বলিল,—“রেখে দে তোমর বিপদ—পাজি জুয়াচোর !”

ললিত বাবু অবাক ! বলিলেন,—“আমি কবে কাহার সহিত কি জুয়াচুরি করিয়াছি ভাই ?”

আগন্তুক বলিল,—“যেন কিছুই জানে না ! ছই বৎসর ছেল খাটিতে হইবে । তোরা কি দেখিতেছিস্ ? বাধ না বেটাকে—পলাইয়া যাইরে ।”

ললিত বলিলেন,—“পলাইব না---বাঁধিতে হইবে না, যেখানে যাইতে বলিবে, আমি সেখানেই যাইতেছি । কিন্তু ভাই, তোমরা দয়া করিয়া বাহিরে একটু অপেক্ষা কর, আমি এই মরার গতি-মুক্তির ব্যবস্থা করিয়া, যেখানে যাইতে বলিবে, সেখানেই যাইব ।”

আগন্তুকগণের মধ্যে যে ব্যক্তি কথা কহিতেছিল, সে ললিত বাবুর গলায় হাত দিয়া বলিল.—“চল গুয়ার ! তোমার সকল কাজ শেষ হইলে, তুই যাইবি ? আমরা তোমার হুকুমের তাঁবেদার নহি ।”

তখন ললিত বাবু সেই অসভ্য হৃদয়-হীন বর্করের বক্ষে একরূপ প্রচণ্ড মুষ্টিঘাত করিলেন যে, সে ‘বাবাগো’ বলিয়া পাঁচ পদ পিছাইয়া গেল ।

ললিত বাবু বলিলেন,—“এই শোকের স্থানে দাঁড়াইয়া আমি কাহারও সহিত বিবাদ করিতে চাহি না । এই বিপদের ক্ষেত্রে কাহারও রক্তপাত করিতে ইচ্ছা করি না । ভাই সব, তোমাদিগকে আবার বলিতেছি, আমাকে এখানকার ব্যবস্থা শেষ করিতে দাও, তাহার পর যেখানে যাইতে বলিবে, আমি নির্দিষ্টবাদে তোমাদের সঙ্গে যাইব ।”

আগন্তুকেরা কোন উত্তর দিল না । এক সঙ্গেই চারি পাঁচ জন আসিয়া ললিতকে জড়াইয়া ধরিল । তিনি বলিলেন,—“আমি ইচ্ছা করিলে তোমাদের পাঁচ জনকে ছুড়িয়া ফেলিতে পারি, কিন্তু এখন কাহারও সহিত

কোনরূপ বিবাদ করিতে আমার ইচ্ছা নাই। ঐ, তুমি সাবধানে আমার মা'র যত্ন করিবে। মা! তুমি কোন চিন্তা করিও না, আমি যত শীঘ্র পারি ফিরিয়া আসিব। টেলসিং এখনই আসিবে। তাহার সাহিত্ত নিঃসঙ্কোচে কথা কহিও। সে সকল বিষয়ের সুব্যবস্থা করিতে পারিবে।”

ছবুত্তেরা আর কথা কহিতে দিল না। ধাক্কা মারিতে মারিতে তাহারা ললিতকে লইয়া চলিল।

হা সরযুবালা! বিধাতার ভাঙারে যত নিষ্কারুণ্য সঞ্চিত ছিল, সকলই কি তোমার এই শীগ, কাতর ও কোমল হৃদয়োপরে বর্ষিত হইতেছে! কিন্তু দেবি! সহ্য কর, সহিসুত্রার পবিত্র তন্ত্রী যেন ছিন্ন না হয়। বিপদই মনুনের পরাক্রম। কাম ধর্ম্মশীলা—ধর্ম্মই ধার্ম্মিকের সহায়। কবি বলিয়াছেন—“নীচৈর্গাঢ় ভূপরি চ দশা চক্র-নেমিক্রমেণ।” নীচের দশা মনুনের দশা কখন উন্নত, কখনও বা অবনত হইয়া থাকে। তোমার দুর্গতির একশেষ হইয়াছে, আবার সোভাগ্য সূর্য্যের জ্যোতির্ম্ময় কিরণ তোমার ছুঃপতামস নাশ করিবে না কি?

সরযুবার কণ্ঠে রোদন-ধ্বনি নাই। বিপদের গুরু পেষণে প্রপীড়িতা অবলা যেন সংজাহীনা। অশ্রু নাই, আবেগ নাই, উচ্ছ্বাস নাই। সংজাহীনা পাষণ-প্রতিমার স্তায় সরযু, বিগত-জীব পিতৃপদতলে পতিতা।

ষষ্ঠ পরিচ্ছেদ ।

যে বাটীতে চন্দ্রমোহন বাবুর মৃতদেহ এখনও নিপতিত
রহিয়াছে, তাহারই অব্যবহিত পার্শ্বে বিপুল বিভব-
শালিনী শ্রীমতী রাধিকানন্দরী দেবীর বাসভবন ।
রাধিকানন্দরী নদীয়া জেলার এক দরিদ্র ব্রাহ্মণের এক
মাত্র তনয়া ; ধনলোভে নিঃস্ব পিত এক প্রভূত সম্পত্তি-
শালী স্ত্রীবিবের সহিত, সপ্তম বর্ষীয়া ছুহিতার বিবাহ দেন ।
অষ্টমবর্ষ বয়স্ক কালে, রাধিকার বৃদ্ধ পতি গঙ্গালাভ
করেন । কণ্ঠ্য বৈধব্যে পিতা-মাতার দৈন্য দূর হইল বটে,
কিন্তু ঋণময় ভগবান্ অসহুপারার্জিত বিত্ত বহুদিন
তাঁহাদিগকে ভোগ করিতে দিলেন না । রাধিকার পিতা-
মাতা অচিরকাল মধ্যে লোকলীলা সম্বরণ করিলেন ।
বিপুল বিভবরাশির একমাত্র উত্তরাধিকারিণী পিতৃ-
মাতৃহীনা রাধিকা, সংসার-সমুদ্র-বক্ষে কর্ণধারবিহীন
তরণীর ঋণ একাকিনী ভাসিতে লাগিলেন । বৌধন
সমাগমের পূর্বেই কুলোকেরা তাঁহাকে কুশিকা দিয়া
কুপথে আনিবার নিমিত্ত বিবিধ চেষ্টা করিতে লাগিল ।
জানি না, কোন্ আত্যন্তিক শক্তিবলে, রাধিকানন্দরী
স্বাভাবিক অতিক্রম করিয়া, আপনার চরিত্রে

কলঙ্কের ছায়াপাত হইতেও দিলেন না । অসীম লাবণ্য সম্পন্ন রাধিকা, ক্রমে উদ্ভিন্ন-যৌবনা হইলেন । লালসাপরতন্ত্র বহুব্যক্তি, বিবিধ প্রলোভনের জাল পাতিয়া, এই সম্পত্তি-সম্পন্ন ও সৌন্দর্য্যশালিনী ললনাকে আবদ্ধ করিবার চেষ্টা করিতে লাগিল । কিন্তু বিফল-মনোরথ হইয়া, সকলকেই উপহাসাম্পদ হইতে হইল । সকলেই বুঝিল, রাধিকার হৃদয়ে করুণা নাই, প্রণয় নাই, স্পৃহা নাই এবং আবেগ নাই । অনেকে স্থির করিল, এই শোভাময়ী যুবতী স্ননিপুণ-শিল্পী-গঠিত পাষণ্ড প্রতিমা বিশেষ ।

রাধিকা পুরুষের সহিত আলাপ করেন না ; পুরুষের প্রসঙ্গ আলোচনা করেন না ; তিনি ভূষণ মাত্রও ব্যবহার করেন না ; সামান্য বসন ব্যতীত কিছুই পরিধান করেন না ; স্বল্পমাত্র সামান্য সামগ্রী ব্যতীত কিছুই ভোজন করেন না । কয়েকজন পরীক্ষিত স্বভাবা সচ্চরিত্রা নারী, নিয়ত তাঁহার সঙ্গে থাকে ও পরিচর্যা করে । তাহাদের অনেকে প্রৌঢ়বয়স্কা, কেহ কেহ বর্ষীয়সী । সহপদেশ পূর্ণ ধর্ম্মগ্রন্থের তিনি আলোচনা করেন এবং সঙ্গিনীগণের সহিত তিনি সংপ্রসঙ্গে দিন যাপন করেন । ষোড়শী রাধিকা কাশীতে বিশাল অট্টালিকা ক্রয় করিয়া-ছেন এবং গত ছয়মাস হইতে এই স্থানে বাস করিতে-ছেন ।

সঙ্গিনী ব্যতীত অনেক দাস-দাসী, ষারবান্, রক্ষী, আমলা প্রভৃতি রাধিকাসুন্দরীর আশ্রয়ে দিনপাত করে। এক দীর্ঘমায়, ধনস্বতন্ত্র, রক্ষিত পুরুষ তাঁহার প্রধান কর্মচারী; সকলে তাঁহাকে দেওয়ানজী বলিয়া ডাকে। দেওয়ানজী বড় বড় সম্ভাবের লোক, পান হইতে চুণ খামিলেও তিনি সহ্য করিতে পারেন না। সামান্য অপবাধেও তাঁহার নিকট ক্ষমা নাই। যাহা যেরূপ হয় উচিত, তাহার একটু অন্তথা দেখিলে, তাঁহার ক্রোধের সীমা থাকে না। আইন এবং ন্যায়ের কথা, সততঃ তাঁহার মুখে লাগিয়া আছে। বাজারের পয়সা হইতে চাকর একটা মাত্র পয়সা চুরি করিয়াছে বুঝিলে, তিনি তৎক্ষণাতঃ তাহাকে পুলিশে না দিয়া, ক্ষান্ত হন না। দেওয়ানজীর মুখে কখন গল্পকথা বাতীর হয় না। বিশেষ হাস্যজনক প্রসঙ্গ শুনিয়াও, দেওয়ানজী কখন ঈষৎ হাস্যও করেন না। তাঁহার কর্তব্য বিকট ও কর্কশ; নিতান্ত প্রয়োজন না হইলে, কোন লোক তাঁহার নিকটস্থ হইতে ইচ্ছা করে না। কর্মচারিবর্গের শীর্ষস্থানে এই মহাত্মা প্রতিষ্ঠিত থাকায়, রাধিকাসুন্দরী অনেক বিষয়ে নিশ্চিন্ত হইয়াছেন। দেওয়ানজীর ভয়ে কেহই রাধিকার নিকট আসিবার চেষ্টা করিতে বা ছুটলোকেরা কোনরূপ কুমন্ত্রণার কাঁদ পাতিতে সাহস করে না।

অন্য প্রান্তে দেওয়ানজী বিশেষ কুপিতভাবে অঙ্গন

মধ্যস্থ এক কাঠাসনে বসিয়া আছেন, উভয় পার্শ্বে একটু অন্তরে অনেক আমলা, দ্বারবান ও ভৃত্যাদি দণ্ডায়মান । অতি সামান্য এক মলমলের খান দেওয়ানজীর দেহের অধোভাগ আচ্ছন্ন করিয়াছে এবং নিকটে নয়ানসুখের এক পিরায় তাঁহার দেহের উর্দ্ধভাগ আবৃত করিয়াছে ।

পাঁচজন বিকট দর্শন ভৃত্য ধাক্কা মারিতে মারিতে ললিত বাবুকে এক দেওয়ানজীর সম্মুখে আনিয়া উপস্থিত করিল । দুইজনে ললিত বাবুর হাত ধরিয়া অহিল, তিনজন দূরে গিয়া দাঁড়াইল ।

ললিত বাবু বলিলেন - ‘মহাশয়ই কি আমাকে নির্যাতন করিতে এখানে আনাইয়াছেন?’

বিকৃতস্বরে দেওয়ানজী বলিলেন,—“হাঁ ! নির্যাতন করিব না, সন্দেশ খাইতে দিব না কি ? এখনই শ্রীঘরে যাইতে হইবে, জান না !’

ললিত বাবু বলিলেন,—“কেন” ?

দেওয়ানজী বলিলেন,— “বেটা যেন কিছুই জানে না ! এখনি জুয়াচুরি করিয়াছিস্, আবার জিজ্ঞাসা করিতেছিস্ কেন ? তোকে এখন পুলিষে চালান দিব শূয়ার ।”

ললিত বাবু বলিলেন,—“আমার সহিত সাবধানভাবে কথা কহিবেন । আমি ভদ্রসন্তান, আপনার লোকজন দেখিয়া আমি একটুকুও ভীত হইতেছি না । একটা সামান্য বাঁশের লাঠি লইয়া, আমি এখনই অনায়াসে

আপনার সমস্ত লোকগুলিকে মাটিতে শোয়াইতে পারি । কিন্তু এখন আমি ঘোর বিপদে পড়িয়াছি । অন্য কোন চিন্তা করিতে বা মানাপমানের বিচার করিতে, আমার এখন সময় নাই । আপনি এ সময়ে আমাকে যত ইচ্ছা দুর্বাক্য বলুন বা আপনার লোকেরা যথেষ্ট দুর্ব্যবহার করুক, আমি কিছুতেই দুঃপাত্ত করিব না । কেবল সর্বিনয়ে প্রার্থনা করিতেছি, আসল কথাটা আমাকে শীঘ্র বলুন । আমার সময় নাই—বড় বিপদ ।”

দেওয়ান্‌জী বলিলেন,—“তোমার বড় বিপদই বটে । জুয়াচুরি করিলে বড় বিপদে পড়িতে হয় । তোমার লোক এখনই একটা আঙুটী বাঁধা দিয়া, তোমার নাম করিয়া আমাদিগের জমাদারের নিকট হইতে কুড়ি টাকা ধার করিয়া লইয়া গিয়াছে, জান কি ?”

ললিত বাবু বলিলেন,—“জানি বৈকি । আমারই প্রয়োজনে, আমারই আঙুটী লইয়া টহল সিং এই বাটী হইতে কুড়ি টাকা ধার করিয়া লইয়া গিয়াছে—ইহা আমি বেশ জানি ।”

দেওয়ান্‌জী বলিলেন,—“তবেতো ভাল ! সে আঙুটী কাচবসান—পিতলের—তাহার দাম দুই পরসাত্ত হয় না ।”

ললিত বলিলেন,—“অসম্ভব নহে ; আঙুটী বহুদিন পূর্বে আমার এক পরমাশ্রয় ব্যক্তির নিকট আমি পাইয়াছিলাম, আমার তখন বোধ হইয়াছিল, তাহার দাম

হাজার টাকার কম হইবে না । অতি যত্নে বাস্তব মধ্যে তাহা তুলিয়া রাখিয়াছিলাম, বড় ভয়ানক এক বিপদ উপস্থিত হওয়ার অথচ হাতে একটি মাত্র পয়সা না থাকায়, গতকল্য এই আঙুটী বাহির করিতে হইয়াছে । যখন বাহির করি, তখনি আমার যেন মনে হইয়াছিল, বুঝি, এটা সে আঙুটী নহে । কিন্তু কোনরূপ পরিবর্তনের সম্ভাবনা না থাকায়, আমি সে সন্দেহ গ্রাহ্য করি নাই । যদি আপনারা বুঝিয়া থাকেন যে, ইহা একটি সামান্য পদার্থ, তাহা হইলে সে জন্ত আমাকে নিগ্ৰাতন বা এত অপমান কেন ? আপনাদের টাকা আমার টেকেই রহিয়াছে, এখনও কিছুই খরচ হয় নাই । টাকা ফেরত লইয়া আমার আঙুটী আমাকে দিলেই সকল গোল চুকিয়া যার ।”

দেওয়ান্‌জী বলিলেন,—“বা রে ! ছুধের ছুধ, জলের জল ! তোর মত মূর্থ আর কখন দেখি নাই । টাকা ফিরাইয়া দিলে দণ্ডবিধি আইনের হাত হইতে তোর অব্যাহতি হয় কৈ ! তোকে ফৌজদারী সোপরোদ না করিলে, আমার কর্তব্য কর্মের ত্রুটি হইবে ।” সঙ্গে সঙ্গে একজন কর্মচারীর প্রতি আদেশ করিলেন,—“ভেল আংটী বাধা দিয়া টাকা ধার লওয়ার একটি বৃত্তান্ত কাগজে ইংরাজীতে লেখ ; তাহার পর এই জুমাচোরটার সহিত জমাদার ও দুইজন সাক্ষীকে থানায় পাঠাইয়া দাও ।”

ললিত বলিলেন,--“আপনার যাচা ইচ্ছা হয় করিবেন, কিন্তু আপাততঃ আমাকে ছাড়িয়া দিন। কাশীর প্রায় সকল লোকই আপনাকে জানে, কোতোয়াল ও মাজিষ্টর সাহেবও আমাকে জানেন। আমার নাম ললিতমোহন চট্টোপাধ্যায়, আমাকে খুঁজিয়া লভতে পুলিশের কোন কষ্ট হইবে না। আমি কিঃ আপাততঃ আর কোন মতেই অপেক্ষা করিতে পারিতেছি না।”

কথা সমাপ্তির সঙ্গে সঙ্গে ললিত বাবু তাহার বাহু ধারণকারী দুইজন পালোয়ানকে বিপরীত দিকে ঠেলিয়া দিলেন, তাহারা দূরে গিয়া ভূপতিত হইল। তিনি প্রশ্ন করিতেছেন দেখিয়া, দেওয়ান্জী এক ডাও পাক ডাও শব্দে চাৎকার করিয়া উঠিলেন। তখন ত্রিশজন লোক ললিত বাবুকে ধরাও করিল। এখন উদ্ভূত “সংস্কৃত শায় সঙ্ঘ দিয় ললিত এক তেজপুরী” ধারবানের পাকা পাঠি কাড়িয়া লইলেন এবং চিরাত্যস্ত ও সুদক্ষ লাঠিয়ালের দ্বারা তাহা ঘুরাইতে লাগিলেন। আক্রমণকারীরা দূরে সরিয় গেল। ললিত বাবু চাৎকার করিয়া বলিলেন,— “পথ কাড়িয়া দাও : রক্তপাত করিতে ইচ্ছা নাই।”

সহসা উপর হঠাৎ আরী-কণ্ঠে শব্দ হইল,--“রাণীমার ছকুম, বাবুকে কেহ কোন কথা বলিও না। শীঘ্র চেয়ার বাহর করিয়া বসিতে দাও। একজন পাখা আনিয়া বাতাস কর। যদি বাবুর ডামাক খাওয়া অভ্যাস থাকে,

তাঃ হইলে গুড় গুড়িতে জল ফিরাইয়া দেয় তাহাকে
সাজিয়া দাও ।”

লোকেরা বুঝা আকস্মিক চেষ্টা পরিত্যাগ করিল ।
জিঃ বাবু হাতের লাঠি দূরে ফেলিয়া দিয়া বলিলেন,—
“যে দেবী আমার প্রতি দয়া প্রকাশ করিলেন, যদি
তঁাহার বয়স আমার অপেক্ষা কম হয়, তাহ হইলে আমি
অনুরোধ সত্বে আশীর্বাদ করিতেছি, তিন সপ্তমুখে
মুগা হইবেন । যদি তঁাহার বয়স বেশী হয়, তাহা হইলে
আমি জন্মের ভক্তি দিয়া তঁাহার মরণ বন্দনা করিতেছি ।
আমি সমগ্রান্তরে আসিয়া অনুরোধ কৃত কৃত্য বাক্য পরিব ”

উপর হইতে সেই নারী গাভার বসিয়া, —“আমার
অনুরোধ, একটু অপেক্ষা করিয়া চন্দ্রকে বন্দন ”

একজন ভূতা তাড়াতাড়ি একখানা গদ অঁটা চেয়ার
আনিয়া দিল, কাহ্ন ও প্রবাসন লগ্নিত চেয়ারে বাসিয়া গড়ি
লেন । আর একজন ভূতা পশ্চাৎ হইতে আত্মনির
দ্বারা তাহারে বা গ্রাস করিতে লাগিল । অবিলম্বে প্রকাণ্ড
শট্কাযুক্ত গুড় গুড়িতে তরভি তাহাকে আনিয়া, ক্লান্ত
লগ্নিত সাগ্রহে ধূমপান করিতে লাগিলেন । বলিলেন,—
“আপনারিগের অনুরোধে চরিতার্থ হইলাম, অতঃপর
আমার প্রতি কি আদেশ ?”

উপর হইতে সেই নারী বলিল,—“নারীমা জানিতে
ইচ্ছা করেন, আপনি কি বিপদে পড়িয়াছেন ?”

ললিত বলিলেন,—“আপনাদের বাড়ীর পার্শ্বে এক মাত্র যুবতী ও সুন্দরী কন্যা সঙ্গে লইয়া একজন দরিদ্র কায়স্থ বাস করিতেন, প্রায় এক ঘণ্টা পূর্বে তাঁহার মৃত্যু হইয়াছে, এখনও শবের গতি হয় নাই । দুঃখিনী কন্যা মৃত পিতার পদতলে পড়িয়া আছে, এখানে তাঁহাদিগের কোন আপনার লোক নাই মৃতের গতি ও তাঁহার কন্যার সুব্যবস্থা আমাকেই করিতে হইবে ।”

আবার উপর হইতে প্রশ্ন হইল,—“তাঁহাদিগের সহিত আপনার কি সম্বন্ধ ?”

ললিত উত্তর দিলেন,—“তাঁহারা কায়স্থ, আমি ব্রাহ্মণ, সম্বন্ধ কিছু নাই ; তবে এখন সেই কন্যা আমার মা !”

আবার উপর হইতে প্রশ্ন হইল,—“তাঁহাদিগের সহিত আপনার কত দিনের পরিচয় ?”

ললিত বাবু বলিলেন, “গত সন্ধ্যা হইতে ।”

উপর হইতে পুনরায় প্রশ্ন হইল,—“আপনি টাকা ধার করিয়াছিলেন কেন ?”

ললিত উত্তর দিলেন,—“হাতে একটীও পয়সা ছিল না, কলা রাত্রিতে আমার দ্বারবান্ কোথা হইতে কয়েক আনা পয়সা ধার করিয়া রোগীর জন্ত একটু দুগ্ধ ও তাঁহার কন্যার জন্ত কিছু জলখাবারের আয়োজন করিয়া দিয়াছিল । এক্ষণে মৃতের সংস্কার ও তাঁহার পরে আমার

মার সম্বন্ধে সুব্যবস্থার জন্ত টাকা ধার করিয়াছিলাম ; আঙুটী যে ভেল, তাহা আমি জানিতাম না ।”

উপর হইতে নারী বলিল,—“রাণীমাতা তাহা বেশ বুঝিয়াছেন, আপনাকে টাকা ফিরাইয়া দিতে হইবে না । আপনি এক্ষণে প্রস্থান করুন, রাণীমাতাও এখনই স্বয়ং সেখানে যাইয়া সেই পিতৃ হানা কন্ডার যত্ন করিবেন । না বুঝিয়া দেওয়ান্জী বড়ই গুরুতর অপরাধ করিয়াছেন, সেজন্ত রাণীমাতা আপনার চরণে সবিনয়ে ক্ষমা প্রার্থনা করিতেছেন ।”

ললিত গাত্রোথান করিলেন ।

উপর হইতে পুনরায় প্রশ্ন হইল,—“আর একটা কথা, বঙ্গদেশের কোথায় আপনার নিবাস ?”

ললিত বাবু বলিলেন,—“নিবাস আমি বহুদিন ত্যাগ করিয়াছি । পূর্বে ছালা জেলায় হরিপুরে আমার নিবাস ছিল ।”

দেওয়ান্জী দাঁড়াইয়া বলিলেন,—“ভুবন বাবু আপনার কে ?”

ললিত বাবু বলিলেন,—“ভুবনমোহন চট্টোপাধ্যায় আমার পিতা ।”

তখন কাঁপিতে কাঁপিতে কাঁদিতে কাঁদিতে দেওয়ান্জী আসিয়া ললিত বাবুর চরণ সমীপে নিপতিত হইলেন এবং বলিলেন,—“আপনি সেই ললিত বাবু ! আপনাকে

কত কোলে পিঠে করিয়াছি, চিরদিনই এ অধম দাস আপনাদের অন্ন খাইয়াছে। আপনি চিরদিনঃ পরোপকারী; বাল্যকালে আপনি কর্তাকে লুকাইয় গরিবদের টাকা-পয়সা দিতেন। আজ আমি যে অপরাধ করিয়াছি, তাহাতে নরকে ও আমার স্থান হইবে না।”

ললিত বাবু হাত ধরিয়া দেওয়ান্‌জীকে ধমকালেন এবং বলিলেন,—“আপনার দণ্ডবিধিতে কি বলে আমি জানি না, কিন্তু আমার বিবেচনায় এ বুঝিয়া বা না জানিয়া কোন অশ্রয় করিলে অপরাধ হয় না। আপনাকে আমি চিনিতে পারিলাম না। আপনি কে?”

নরনের জল মুছিয়া দেওয়ান্‌জী বলিলেন,—“আমি জীবন-রি সেন।”

ললিত বাবু সেন,—“ঠিক ঠিক আনন্দের কথা আমার বেশ মনে পড়িতেছে, চুল গুলা সব পালিয়া গিয়াছে, আর কোন পরিবর্তন হয় নাই। এখন আমার সময় নাই, পরে আসিয়া আপনার সহিত ভাণ করিয়া আলাপ করিব। আপনি আমাদের পুত্র হন; আমি এখন আসি।”

ললিত বাবু প্রস্থান করিতে প্রবৃত্ত হইলেন, কিন্তু আধকদূর গমন করিতে পারিলেন না। পিঙ্গলিকা-শ্রেণীর ঞ্চায় অগণ্যপ্রায় জনসমাগমে ভবনদ্বার নিরুদ্ধ হইল, তুমুল কোলাহলে ভবন কম্পিত হইতে লাগিল। হিন্দু ও মুসলমান উভয় শ্রেণীর লোকই বেগে অগ্রসর

হঠতে লালিল, সকলের হস্তেই লাঠি । বাঙ্গালি, হিন্দুস্থানী, মাদ্রাসারী ও মাদ্রাসাট্টা মার্ মার্ শব্দে ধাবিত হইতে লাগিল । লালিল নিবৃত্তি না পারিয়া, ললিত বাবু তখন 'ক' বাক্য কর্তব্য স্থির করিতে পারিলেন না । এক ব্যক্তি চীৎকার করিয়া বলিল,—“বাহারা আমাদের ললিত বাবুর গায়ে হাত তুলিয়াছে, তাহাদের জ্ঞান-বাচ্চা নিকাশ করিতে হইবে ।”

আর এক ব্যক্তি বলিল,—“তাহাদের বাড়ী ভাঙ্গিয়া সমভূমি করিতে হইবে ।”

আর এক ব্যক্তি বলিল,—“ললিত বাবু কাশীর লোকের প্রাণ ।”

আর এক জন বলিল, “ললিত বাবু দেবতা ।”

একজন লালিল নানা বুদ্ধিতে পারিলেন তাহার অপমানের সংবাদ শ্রবণে অসম্মানকারিদিগকে দণ্ডিত বাবু প্রতি লক্ষ্য করিয়া লোকেরা উন্মত্ত হইয়াছে । তখন তিনি চীৎকার করিয়া বলিলেন,—“ভাই সব, বন্ধু সব, তোমরা ললিত বাবুকে চেন কি ? আমারই নাম ললিত বাবু । এইজন্য আমার কোন অপমান করে নাই ভাই ! তোমাদের ললিত বাবু তোমাদের মধ্যেই রহিয়াছেন ।”

বেগে গিয়া ললিত বাবু সেই জনতার মধ্যে পড়িলেন, তখন চারিদিক হঠতে ‘জয় বিশ্বনাথ’ ধ্বনি উঠিল । তখন সেই উন্মত্ত জনগণ ললিত বাবুকে মাথার উপর তুলিয়া

লইল । ললিত বাবু অতি কষ্টে ভূতলে নামিয়া বলিলেন,
—“ভাইসব ! আমার সহিত চলিয়া আইস ।” ললিত
বাবুকে বেষ্টন করিয়া আনন্দোচ্ছ্বাসে দিঅাগুল নাচাইতে
নাচাইতে মানবগণ প্রস্থান করিল ।

রাধিকামুন্দরী উপর হইতে যবনিকার অন্তরালে থাকিয়া
সমস্ত ব্যাপার প্রত্যক্ষ করিলেন এবং বুঝিলেন এ সংসারে
মমুষ্য-প্রেমই দেবত্ব । দেবতার পূজা করাই পরম ধর্ম ।
তিনি দীর্ঘনিশ্বাস ত্যাগ করিলেন । পাষাণে অঙ্কপাত
হইল ।

দেওয়ান্জী জীবনহরি সেন এই প্রাচীন বয়সে বুঝি-
লেন, দণ্ডবিধির সকল স্থল ঠিক নহে । সকল ক্ষেত্রে
তাহার প্রয়োগ হইতে পারে না । তিনি আরও বুঝিলেন,
ক্ষমা ও করুণাই মহত্ব, যে মহৎ সে-ই পূজনীয় । তিনি
অনেকক্ষণ সেই স্থানে বসিয়া আপনার কুর্কাণ্ডির
আলোচনা করিতে লাগিলেন । পাষাণে অঙ্কপাত হইল !

সপ্তম পরিচ্ছেদ ।

চন্দ্রমোহন বাবুর বিগত-জীব কলেবর মণিকর্ণিকা সন্নিহিত শ্মশানে, ভয়ানকশেষে পরিণত করিয়া, ললিত বাবু একাকী অপরাহ্ন কালে সরযুবালার সেই জীর্ণভবনে প্রত্যাগত হইলেন । তাঁহার দেহ ক্লান্ত ও অবসন্ন, পরিধান বস্ত্র জলনিরুক্ত, চরণ পাছকা বিহীন । বহুলোকে চন্দ্রমোহন বাবুর নখর শরীর বহন করিয়া, শ্মশানে লইয়া গিয়াছিল ; ললিত বাবু সেই সঙ্গে গমন না করিলে কোন ক্ষতি হইত না, কিন্তু পাছে পিতার রীতিমত সংকার হয় নাই বলিয়া সরযুবালার হৃদয়ে বেদনা অনুভব করেন, পাছে অপরিচিত ব্যক্তিগণের হস্তে সে ভার অর্পণ করিলে, ললিতের প্রতি তাহার বিশ্বাস কমিয়া যায়, এইরূপ আশঙ্কায়, অধিকন্তু আত্ম-প্রসন্নতার অনুরোধে, ললিত এই অপ্রীতিকর কার্যে স্বয়ং লিপ্ত হইয়াছিলেন । চন্দ্রমোহন বাবুর অবস্থা হীন না হইলে, যে ভাবে তাঁহার অন্ত্যেষ্টিক্রিয়া সম্পন্ন হইত, অধুনা তাহার কোনই ন্যূনতা ঘটিল না । গত রাত্রি অনাহারে ও জাগরণে অতিবাহিত হইয়াছে । প্রাতে একদিকে মৃত্যু ও শোক, অপর দিকে অসম্ভব অত্যাচারের প্রেীড়ন । বেলা তিনটা বাজিয়াছে ;

এখনও স্নানার্থে মাত্র ললিতমোহনের উদরস্থ হইয় নাই।
 দেহ আর ঢাল না, পা আর টেঁটে না, কথা আর ফুটে
 না; তথাপি সরযুর সখ্যতায় বিশেষ সুখের আনন্দ বোধিয়া,
 তিনি আসনার আরাম ও শান্তির অন্বেষণ করিতে
 অগমন

ললিত দেখিলেন, সরযুর ভবন সন্নিধানে, করে ভজন
 ধারবান্ অপেক্ষা করিতেছে। তাহাকে দর্শন মাত্র
 তাহার সন্মান সহকারে সেলাম করিল। সহজেই ললিত
 বাবু বুদ্ধিতে পারিলেন, তাহার রাধিকা সুন্দরীর লোক।
 লোকেরা তাঁহাকে কোন কথা বলিল না, তিনিও কিছু
 জিজ্ঞাসা করিলেন না। দ্বার-সন্নিধানে আসিয়া দেখিলেন,
 টহল সিং চেটাইয়ের উপর বসিয়া চুলিতেছে। তাঁহার
 বিশ্রামের বাধার কথা অন্যত্রের বাধা ললিত তাঁহাকে
 কেও ডাকিলেন না। তিনি নিঃশব্দে ঘরের মধ্যে প্রবেশ
 করিলেন। দেখিলেন, এক দেব-বালাও তাঁহাকে বন্দনাগণে
 আসীনা, তাহাকে সন্মান করিয়া, সরযু
 বালা গাঢ় নিদ্রায় অনিচ্ছুক। তাহাজন স্ত্রীলোক স্নিগ্ধ
 দূরে উপবিষ্ট। সেই জ্যোতির্ময়ী সগায় শোভাশালিনী
 দেবীর নয়নের সহিত ললিতের নয়ন মিলিল। পাছে
 অক্ষুণ্ণতা, শোকাতুরা বালার নিদ্রা ভঙ্গ হয়, এই আশঙ্কায়
 সেই দেবা, লজ্জায় বিচলিত বা ব্যস্ত হইলেন না। অঞ্চল
 বস্ত্রের কিয়দংশ দ্বারা তিনি বদন মণ্ডলের একদেশ মাত্র

আচ্ছন্ন করিয়া, সমান বসিয়া রহিলেন । সেই দেবী শ্রীমতী রাধিকা সুন্দরী ।

ললিতের হৃদয়ে এক অননুভূতপূর্ব আনন্দের সঞ্চার হইল । বহু সুন্দরীর সহিত তিনি মিশিয়াছেন, খেলিয়াছেন ও কাল কাটাইয়াছেন, কিন্তু কখন কাহাকেও ক্রৌড়নক ব্যতীত আর কিছুই তাঁহার মনে হয় নাই । কিন্তু একি ! সৌন্দর্য্যের একরূপ পবিত্রভাব, দৃষ্টির একরূপ কলঙ্কহীন কোমলতা, লজ্জার একরূপ মাধুর্য্যময় শিথিলতা এবং সমস্ত অঙ্গের একরূপ লালসা বিহীন কমনীয়তা, তিনি আর কখনও প্রত্যক্ষ করেন নাই । তিনি বুঝিলেন, আজই তাঁহার জন্ম সার্থক ।

ললিত অতি বিনীত ভাবে এবং মৃদুস্বরে বলিলেন,—
“আমি জানিতাম না, না জানিয়া ঘরের মধ্যে আসার বড়ই অপরাধ হইয়াছে । আমাকে ক্ষমা করুন, আমি বাহিরে যাইতেছি ।”

তৎক্ষণাৎ ললিত বাহিরে আসিয়া দ্বারের পার্শ্বে দাঁড়াইলেন । যে দাসী প্রাতে উপর হইতে কথা কহিয়াছিল, সে একেত্রে উপস্থিত ছিল । রাধিকার ইঙ্গিতে সে আসিয়া দ্বারের ভিতর দিকে দাঁড়াইল এবং অক্ষুট রবে বলিল,—“আপনার কোন অপরাধ হয় নাই । আপনারা যাত্রা করার পরই রাণী মা এখানে আসিয়াছেন, আপনি ক্ষমা প্রার্থনা করার তিনি দুঃখিত হইতেছেন । আপনি

আগে কাপড় ছাড়ুন, তাহার পর অশ্রু কথ্য হইবে ”

কিঞ্চিৎ দূরে একজন খান্সামা তোয়ালে জড়ান বস্ত্র ও একজোড়া চটিজুতা লইয়া দাঁড়াইয়াছিল। পরিচারিকার অশ্রু-সঙ্কেত দর্শনে সে আসিয়া ললিত বাবুর সম্মুখে উত্তম রূপে কৌচান, দেশী উৎকৃষ্ট এক কালাপেড়ে ধুতী ধরিয়া দাঁড়াইল। ললিত বলিলেন,—“বস্ত্র পরিবর্তনের বড়ই প্রয়োজন হইয়াছে; যিনি আমার জন্ত এ সুব্যবস্থা করিয়া রাখিয়াছেন, আমি তাঁহার নিকট চির কৃতজ্ঞ।”

বস্ত্র ত্যাগ করা হইলে, ভৃত্য তাঁহার চরণ ধৌত করিয়া জুতা পরাইয়া দিল, তাহার পর অতি মূল্যবান বোতাম এবং সাঁচাকাজযুক্ত এক বেল্দার জামা তাঁহার সম্মুখে ধরিয়া দাঁড়াইল। ললিত বলিলেন,—“জামা গায়ে দেওয়া আমার বড় অভ্যাস নাই, কিন্তু এখন বোধ হয়, জামা গায়ে দেওয়া দরকার। দাও গায়ে দিই।”

আর একজন ভৃত্য দৌড়িয়া এক গদি অঁটা চেয়ার আনিল। জামা গায়ে দিয়া, ললিত তাহাতে বসিলেন। সঙ্গে সঙ্গে ভৃত্য এক ভৃত্য উৎকৃষ্ট সরবৎ পূর্ণ এক রূপার মাস ধরিয়া দাঁড়াইল। ভৃত্যহর ললিত তাহা পান করিয়া বলিলেন,—“আঃ! করুণাময়ী দেবীর ব্যবহার বোধ হয় এই সকল আয়োজন হইয়াছে। আমার মৃতদেহে যেন জীবন আসিল।”

সঙ্গে সঙ্গে পান এবং ধূম উদগারী শট্কা আসিল ।
তামাক খাইতে খাইতে ললিত বাবু বলিলেন,—“এ
বস্ত্রাদি আমি কোথায় ফেরৎ পাঠাইব ?”

পরিচারিকা বলিল,—“ফেরৎ না পাঠাইলেই রাণী-
মাতা সুখী হইবেন । তবে যদি আপনি রাখিতে ইচ্ছা
না করেন, তাহা হইলে ষাহাকে ইচ্ছা দান করিবেন ।”

ললিত বলিলেন,—“রাখিতে আমি আপত্তি বোধ
করি না, কিন্তু দেখিতেছি, আমার অতি মূল্যবান বোতাম
লাগান রহিয়াছে । আমি হয়ত কালই বাধা দিয়া বা
বিক্রয় করিয়া, এ গুলি নষ্ট করিয়া ফেলিব ।”

পরিচারিকা বলিল,—“ক্ষতি কি ?”

ললিত বলিলেন,—“আমার মা সরযু ঘুমাইতেছেন
বড় শোকের পর সহজেই গাঢ় নিদ্রা আইসে । মার
সহস্কে কি ব্যবস্থা করা উচিত, তাহা স্থির না করিয়া,
আমার যাওয়া হইবে না ।”

পরিচারিকা বলিল,—“আমাদিগের রাণীমাতাও
সরযুবালাকে মা বলিয়াছেন, কাজেই উনি এখন আমা-
দের দিদিমা । যতদিন অন্য সুব্যবস্থা না হয়, ততদিন
দিদিমাকে নিজের বাটীতে, নিজের কাছে রাখাই
রাণীমার অভিপ্রায় । আপনি দিদিমা’র পরম হিতৈষী,
আপনার অকুমতি না লইয়া কোনই কাজ হইতে পারে
না । রাণীমা সাগ্রহে জিজ্ঞাসা করিতেছেন, তাঁহার

নিকট দিদিমা থাকায় আপনার আপত্তি হইবে কি ?”

ললিত বলিলেন,—“রাণী দিদির এই সদয় ব্যবস্থায় আমি নিশ্চিত হইলাম । আজ প্রাতে তাঁহার আশ্চর্য্য সন্ধিবেচনার প্রমাণ পাইয়াছি । লোকমুখে তাঁহার অশেষ সুখ্যাতি শুনিয়াছি । এখন তাঁহার আশ্চর্য্য দয়ার ও দূরদর্শিতার প্রমাণ দেখিতেছি । ভাগ্যক্রমে দৈবাৎ তাঁহার ভুলোক-ভুলভ সুপবিত্র শোভা প্রত্যক্ষ করিয়াছি । তাঁহার ঞ্চায় দেবীর নিকট আমার ধর্ম্মশীলা মা সরযু আশ্রয় পাইলে, আমার দায়িত্ব কিছুই থাকিবে না । এ সম্বন্ধে রাণী কেন আমার অনুমতি চাহিতেছেন ? হুঃখিনী সরযুবালা এককালে নিরাশ্রয় ও নিরবলম্বন । এখন তিনি সকলেরই কৃপার পাত্র । আমি না হই ঘটনাক্রমে করেক ঘণ্টা আগের আত্মীয়, কিন্তু তাই বলিয়া তাঁহার উপর অপরের দয়া প্রকাশের অবসর থাকিবে না এমন নহে । আমি পুরুষ, সংসারশূণ্য উচ্ছৃঙ্খল ব্যক্তি ; ধর্ম্মশীলা যুবতী কুলবালার ভার গ্রহণ আমার পক্ষে শোভা পায় না । রাণীর ঞ্চায় দেবীর নিকট তিনি থাকিলে সকল দিকে মঙ্গল হইবে ।”

পরিচারিকা বলিল,—“তাহা হইলে দিদিকে যুম ভাঙ্গার পর, রাণীমাতা আপন বাটীতে লইয়া যাইবেন ?”

ললিত বলিলেন,—“অনার্য্যাসে ; ইহাপেক্ষা সুব্যবস্থা

আর কিছুই হইতে পারে না । এখন এইরূপ চলুক, পরে অবস্থা বুঝিয়া ব্যবস্থা করা যাইবে । তাহা হইলে এখন এখানে আমার আর থাকিবার প্রয়োজন নাই । রাণী অনুমতি করিলে, আমি এখন চলিয়া যাইতে পারি । বড় ক্লান্ত হইয়াছি, বিশ্রামের অতিশয় প্রয়োজন হইয়াছে ।”

পরিচারিকা বলিল,—“যদি অশুবিধা বোধ না করেন, তাহা হইলে রাণীর বাটীতে শুষ্ক অবস্থিতি করিলে, তিনি সুখী হইবেন ।”

ললিত বলিলেন,—“বড় অনুগ্রহের প্রস্তাব । কিন্তু আমার বাটীতে অনেক লোক হয় ত অপেক্ষায় রহিয়াছে ; আমার নিকট অনেকের অনেক প্রয়োজন আছে ; আমি এখন যাই । ঘুম ভাঙ্গিলে সরযুকে বলিবেন, তাঁহার পিতার অন্ত্যেষ্টি যথা সম্ভব সমারোহে সম্পন্ন হইয়াছে, কোন বিষয়েই ক্রটি হয় নাই । তাঁহার তত্ত্বাবধান সম্বন্ধে আমি আর কি বলিব । যে দেবী তাঁহার ভার গ্রহণ করিলেন, তাঁহার কার্যে অপূর্ণতা থাকিতে পারে না । রাণীকে বল, আমি এখন যাইতেছি ।”

পরিচারিকা বলিল —“একটু অপেক্ষা করুন, পাঙ্কি আসিতেছে । আপনি বড় ক্লান্ত আছেন, হাঁটিয়া যাইতে কষ্ট হইবে ।”

বাস্তবিক, তখনই ছয়জন বাহক একখানি সুন্দর পাঙ্কি

লইয়া আসিল । ভৃত্য ললিত বাবুর সন্মুখে একখানি কৌচান দেশী উড়ানি খুলিয়া ধরিল, ললিত তাহা গ্রহণ করিয়া বলিলেন,—“পাক্কির ভাড়া দিবার পয়সা এখন আমার হাতে নাই । বোধ হয় রাণীর ব্যবস্থা অনুসারে তাহা আমাকে দিতে হইবে না । ভাল, তাহাই হইবে । সেই গুণবতী দেবীর নিকট কৃতজ্ঞতার ভার আর একটু বাড়িলে সুখেরই কারণ হইবে । আমার দ্বারবান্ টহলসিং এখানে থাকিবে কি ?”

পরিচারিকা বলিল,—“বিশেষ কোন প্রয়োজন নাই, আপনার ইচ্ছা ।”

ললিত আসন ত্যাগ করিয়া টহলসিংহকে বাসায় যাইতে বলিলেন এবং স্বয়ং পাক্কির নিকটস্থ হইয়া বলিলেন,—“তবে এখন আমি আসি ।”

পরিচারিকা বলিল,—“রাণীমাতা আপনাকে প্রণাম করিতেছেন ।”

ললিত বলিলেন,—“আশীর্বাদ করিতেছি, তাঁহার মঙ্গল হউক ।”

পাছে সরযু বাবার নিদ্রা ভঙ্গ হয়, এই ভয়ে রাধিকা স্নানরী বক্রভাবে ভূতলে মস্তক স্থাপন করিয়া, উদ্দেশে ললিত বাবুকে প্রণাম করিলেন । অনেকক্ষণ তিনি মাথা তুলিতে পারিলেন না ; যখন মুখ তুলিলেন, তখন তাঁহার গণ্ডমুখ ঘেন সমুজ্জল রক্তাভ হইয়াছে এবং

ঠাহার নেত্রদ্বয়ে যেন অশ্রুজল দেখাইতেছে। অনেকক্ষণ তিনি ভাল করিয়া মুখ তুলিতে পারিলেন না। অনেকক্ষণ তিনি কাহারও সহিত কথা কহিতে পারিলেন না।

ললিত বাবুকে বহন করিয়া পাছ চালায়া গেল।
রাধিকা সুন্দরী একটা ক্ষুদ্র দীর্ঘনিশ্বাস ত্যাগ করিলেন।

অষ্টম পরিচ্ছেদ ।

পরদিন মধ্যাহ্ন কালে ললিত বাবুর নামে আড়াইশত টাকার নোট পূর্ণ এক রেজেষ্টারী পত্র আসিল ; সঙ্গে সঙ্গে তাঁহার বয়সগণ আসিয়া জুটিলেন এবং একপ্রকার জোর করিয়া তাঁহাকে উড়াইয়া লইয়া গেলেন । কুসঙ্গে কুকার্যে ও কুচর্চায় তিনদিন চলিয়া গেল ; বিস্তর পাওনাদার, বিস্তর সাহায্যার্থী, বিস্তর আত্মীয় তিনদিন তাঁহার সহিত সাক্ষাতের অভিপ্রায়ে বারংবার তাঁহার বাসায় আসিতে লাগিল, কাহারও মনোরথ সফল হইল না ।

চতুর্থ দিনের প্রাতঃকালে ললিত বাবু বাসায় ফিরিলেন । তখন অনেক ভিক্ষুক আসিয়া তাঁহার অঙ্গন ও সদর দরজা দখল করিল এবং তাঁহার জয় ঘোষণা করিতে লাগিল । অনেক পাওনাদার বাহিরের বারাণ্ডার ও বাহিরের প্রকোষ্ঠে অপেক্ষা করিতে লাগিল ; একটু উচ্চ রকমের সম্মানিত অর্থার্থীগণ তাঁহার নিকটে আসিয়া তাঁহাকে ঘেরাও করিয়া বসিল ।

ললিতের বদন এই কয় দিনের অত্যাচারে কেমন নিশ্চিন্ত হইয়াছে । চক্ষু রক্তবর্ণ, কেশরাশি বিশৃঙ্খল, দেহ

অলসিত এবং অবসাদগ্রস্ত ; দেড়শত টাকা তিন দিনে উড়িয়া গিয়াছে ।

কোহিলা বিবি আবদার ও জোর করিয়া, পঞ্চাশটাকা লইয়াছে ; সুরা এবং খাণ্ড ও অখাদ্যের জন্ত পঞ্চাশ টাকা উড়িয়া গিয়াছে । দান খয়রাতে প্রায় পঞ্চাশ টাকা খরচ হইয়াছে ।

ললিতবাবুর কিন্তু এ সকল কথা কিছুই মনে ছিল না । তিনি নির্জনস্থানে, টহলসিংকে ডাকিয়া টাকার কথা জিজ্ঞাসা করিলেন ; সে ঝরচের হিসাব বুঝাইয়া দিয়া, তাহার নিকটে যে একশত টাকা অবশিষ্ট ছিল, তাহা তাহার প্রভুকে দেখাইল ।

তখন ললিতবাবু টহলসিংকে বলিলেন,—“পাঁচ সাত টাকা ভাঙ্গাইয়া এই ভিক্ষুক দিগকে দুই চারি পয়সা হিসাবে দিয়া বিদায় কর, আর পাওনাদারগণকে সন্ধ্যার পর আসিতে বলিয়া দাও । এখন আমার শরীর বড় খারাপ । টাকার যাহা হয় উপায় করিয়া, আজই সন্ধ্যার পর সকলের দেনা মিটাইব । জগন্নাথ চা আনিল না কেন ?”

ললিতবাবু ঘরের মধ্যে প্রবেশ করিলেন, উপস্থিত লোক-জনদিগকে লক্ষ্য করিয়া সবিনয়ে বলিলেন,—“আপনারা সকলেই সন্ধ্যার পর আসিবেন, আজ সকলেরই দেনা মিটাইয়া দিব । এখন শরীর বড় খারাপ, বসিতে বা কথা

কহিতে পারিতেছি না ; এবেলা আমাকে ক্ষমা করিবেন । চট্টোপাধ্যায় মহাশয়, একটু বসিয়া যান । কয়েকটা প্রয়োজনীয় কথা আছে ।”

সমবেত লোকেরা কেহ একটু অসন্তোষ প্রকাশ করিয়া, কেহ বা আপনার প্রয়োজনের গুরুতা জানাইয়া, কেহ বা ‘সন্ধ্যার পর যেন ফরিতে না হয়’ বলিয়া চলিয়া গেল । কেবল আমাদের পূর্ব পরিচিত বস্ত্র-বিক্রেতা চট্টোপাধ্যায় মহাশয় বসিয়া রহিলেন ।

ললিতবাবু বলিলেন,—“আপনাকে একশত টাকা দিতে পারিব না । নব্বই টাকা আপনি টহলসিংহের নিকট হইতে লইয়া যান ; বোধহয় দুই চারি টাকা টহলের নিকট বাসা খরচের জন্য থাকিবে । এ সমুদ্রে দুই চারি টাকায় কি হইবে !”

চট্টোপাধ্যায় মহাশয় বলিলেন,—“একশত টাকার স্থানে, নব্বই টাকা পাইয়া আমি অসন্তুষ্ট হইতেছি না । বাকী দেড়শত টাকা বুঝি উড়িয়া গিয়াছে ? বৈকালে এত লোককে আসিতে বলিয়া দিলেন কোন্ ভরসায় ? কি উপায় ঠাওরাইয়াছেন ?”

ললিতবাবু বলিলেন,—“সেই কথা বলিব বলিয়াই আপনাকে বসিতে বলিয়াছি, আমার কাছে একশেট হীরার বোতাম আছে, তাহার মূল্য প্রায় আড়াই হাজার টাকা হইতে পারে । বিক্রয় করিয়া যদি আপনি

ছই হাজার টাকাও আনিয়া দিতে পারেন, তাহা হইলেও অনেক গোল মিটিয়া যায় ।”

চট্টোপাধ্যায় বলিলেন,—“কৈ দেখি বোতাম ?”

রাধিকাসুন্দরীর ভৃত্য যে জামা দিয়াছিল, তাহাতেই বোতাম লাগান ছিল ; সেই জামা গায়ে দিয়াই ললিতবাবু তিনদিন ভঙ্গসমাজ হইতে অন্তর্দ্বান হইয়াছিলেন, আজ ফিরিয়া আসিয়া সেই জামা বিছানার উপর ফেলিয়াছেন, এক্ষণে বোতাম খুলিবার জন্ত বিছানার নিকটস্থ হইয়া জামা হাতে তুলিয়া লইলেন । দেখিলেন, সে বোতাম জামায় নাই । তাহার স্থানে তিন পয়সা মূল্যের বাজারের খুটা বোতাম লাগান রহিয়াছে । হতাশ ও বিরক্তভাবে ললিতবাবু জামা ফেলিয়া দিলেন ; তাঁহার মনে হইল, কোহিলা একবার বড়ই অমুরাগ দেখাইয়া, এই বোতাম লইবার জন্ত আবদার কুরিয়াছিল ; পুণ্যময়ী দেবীর নিকট প্রাপ্ত উপহার, একটা বারনারীকে প্রদান করিতে তাঁহার প্রবৃত্তি হয় নাই ; তাই তিনি তৎকালে অনেক মিষ্ট-ওজরে তাহার অমুরোধ রক্ষা করেন নাই । এক্ষণে বুঝিলেন, যখন তিনি সুরাপানে অচেতন অথবা নিদ্রিত, অথবা যখন জামা খোলা ছিল, সেইরূপ কোন সূযোগে কোহিলা বোতাম খুলিয়া লইয়াছে । আর কি সে তাহা দিবে ? বলিলে হয়ত স্বীকার করিবে না । স্বীকার করিলেও হয়ত দিবে না । ছই একশত টাকা পাইলে দিবে কি ?

চিন্তিতভাবে ললিতবাবু চট্টোপাধ্যায় মহাশয়ের নিকট ফিরিয়া আসিয়া বলিলেন,—“বোতাম হারাইয়া গিয়াছে । পাওয়া যাইবে কিনা জানি না, চেষ্টা করিতে হইবে । আপনাকে আর অনর্থক বসাইয়া রাখিব না । যাহা হয়, বৈকালে জানাইব ।”

জগন্নাথ চা লইয়া আসিল । চট্টোপাধ্যায় মহাশয় গাত্ৰোত্থান করিয়া বলিলেন,—“আমার দোকানে লোক নাই, আমি এখন আসি । একরূপ মূল্যবান বোতাম আপনার পূর্বে ছিল না ; থাকিলে আমি কখন না কখন দেখিতে পাইতাম । বোধ হয়, কোনস্থানে ইহা পাইয়া থাকিবেন, একরূপ জিনিষ হারাইয়া যাওয়া বড়ই দুঃখের বিষয় ! আপনি এ সম্বন্ধে বিশেষ মনোযোগ না করিলে, আমরা অতিশয় দুঃখিত হইব ।”

চট্টোপাধ্যায় মহাশয় প্রশ্ন করিলেন চা ও তামাক খাইতে খাইতে ললিত বাবু অনেকটা প্রকৃতিস্থ হইলেন । ভাবিতে লাগিলেন,—‘সরযু তিনদিন সরযুবালার কোনই সন্ধান লওয়া হয় নাই ; বড় অন্তায় হইয়াছে ; কিন্তু চিন্তার কোন কারণ নাই । যে দেবীর নিকট তিনি আশ্রয় পাঠিয়াছেন, তাহাতে ভাবনার কোন প্রয়োজন নাই । যত্নের কোনই ক্রটি হইবে না । সেই দেবীর, এই অল্পবয়সে কি আশ্চর্য্য বিবেচনা শক্তি ! কি অমানুষিক শোভা ! তুচ্ছ আমোদে এ কয়দিন সকল কর্তব্যই তুলিয়া-

ছিলাম, কিন্তু রাধিকার কথা ভুলিতে পারি নাই। যখন সুরায় প্রমত্ত, যখন কোহিলার সহিত রঙ্গরসে মত্ত, যখন বয়স্শগণের সহিত রহগালাপে উৎফুল্ল, তখনও থাকিয়া থাকিয়া রাধিকার কথা মনে পড়ায়, আমি চমকিয়া উঠিয়াছি। আমাকে সকলেই এবার যেন অগ্ৰমনস্ক বলিয়া অভিযোগ করিয়াছে। কোহিলা এজ্ঞা দুই একবার অভিমান দেখাইয়াছে। সেই দেবী—তিনি কি আমার এইরূপ চরিত্র-হীনতার কথা জানিতে পারিয়াছেন? জানিতে পারিয়াছেন। আমার মাতাল অবস্থার তাহার লোক, আমার সন্ধানে সেই কুস্থানে গিয়াছিল। কি লজ্জার কথা! তখন আমাকে সে কথা কেহই জানায় নাই, কাল রাত্রিতে জানাইয়াছে। কেন সন্ধানে গিয়াছিল? কোন দরকার পড়িয়াছিল কি? সরষুর কোন প্রয়োজন উপস্থিত হইয়াছে কি? রাধিকা—তিনি মানুষ নহেন, এ অধম দুরাত্মাকে তাহার কোন প্রয়োজনই হওয়া সম্ভব নহে। তবে কি সরষুরই কোন আবশ্যক হইয়াছে? একটা চতুর্থীর শ্রদ্ধা আবশ্যক। সে আজ না কাল? কালই বুদ্ধি হইবে। যদি আজই হয়, এখনই এক বার যাওয়া আবশ্যক। মুখ দেখাইতে লজ্জা হইতেছে, তথাপি যাইতে হইবে, এখনই যাই। ফিরিয়া আসিয়া স্নান আহার করিব।”

ললিতমোহন উঠিয়া উত্তরীয় গ্রহণ করিলেন। টহলসিং আসিয়া সংবাদ দিল, চাটুঘো ঠাকুর নব্বই টাকা লইয়া গিয়াছেন, ভিক্ষায় সাড়ে ছয় টাকা গিয়াছে, আমার নিকট সাড়ে তিন টাকা আছে। ললিত বাবু কোন কথা বলিবার পূর্বেই রাধিকা সুন্দরীর দেওয়ান জীবনহরি সেন মহাশয় আসিয়া উপস্থিত হইলেন। ললিতমোহন বাবু তাঁহাকে সমাদরে অভ্যর্থনা করিয়া বলিলেন,—“আমি এখনই আপনাদিগের বাটীতে যাইতেছিলাম, খবর সকল ভাল তো?”

ললিত বাবুর চরণধূলি লইয়া সেন মহাশয় বলিলেন,—“খবর ভাল, আপনাকে যাইতেই হইবে। আমি আপনাকে লইয়া যাইবার জন্ত আসিয়াছি। আজ শ্রদ্ধা আশনি না থাকিলে দিদিমা এবং রাণীমাতার বড়ই ক্ষোভ জন্মিবে।”

ললিত বাবু বলিলেন,—“আজ শ্রদ্ধা! আমি মনে করিয়াছিলাম কাল। তবেতো আমাকে এখনই যাইতে হইবে। কি ভুল! আমার মত লোকের সকল কর্ম্মই এইরূপ ভুল হয়।”

জীবনহরি বলিলেন,—“ভুলে কোন ক্ষতি হয় নাই। সমস্ত আয়োজন হইয়াছে। আপনি গিয়া দাঁড়াইলেই কার্য আরম্ভ হইবে। রাণীমাতা তিনদিন আপনার নিমিত্ত নানাখানে সন্ধান করিয়াছেন।

ললিত বাবু একটু লজ্জিত ভাবে বলিলেন,—“আমি
 ণিনিয়াছি, তিনি নামাস্থানে, দয়া করিয়া, আমার সন্ধান
 লইয়াছেন ; সেজন্য আমি বড় লজ্জিত হইয়াছি । আজ
 সরযুর পিতৃশ্রদ্ধা না হইলে, আমি হরতো সেখানেই যাইতে
 পারিতাম না । চলুন তবে, বেলা অধিক হইয়া উঠিল .”

উভয়েই প্রস্থান করিলেন । সন্ধ্যার পর বহুলোককে
 টাকা দিবার কথা আছে, তাহা ললিত বাবু ভুলিয়া
 গেলেন । মূল্যবান বোতাম শেট্টি কেহ অপহরণ করি-
 য়াছে, তাহার কথা ললিতের আর মনে থাকিল না ।
 নানারূপ কথা কহিতে কহিতে তাঁহারা রাধিকা সুন্দরীর
 ভবনে উপস্থিত হইলেন ।

সুসঙ্গত সমারোহে শ্রদ্ধা সম্পন্ন হইল । অনেক
 ব্রাহ্মণ ও দরিদ্র ভোজন করিল, অনেকে অনেক দান
 পাইল, ললিত বাবু তত্ত্বাবধান করিয়া সমস্ত কৰ্ম্ম সুসম্পন্ন
 করিলেন । বেলা তিনটার সময় চন্দ্রমোহন বাবুর
 স্বর্গার্থ অনুষ্ঠান একরূপ শেষ হইল । তখন ললিত বাবু
 ভোজন করিলেন । ভোজনে তাহার ইচ্ছা ছিল, কিন্তু
 পাছে সরযুর মনে কষ্ট হয়, পাছে পিতৃশ্রদ্ধা অসম্পূর্ণ
 রহিল মনে করিয়া সরযু কাতর হন, এই ভয়ে ললিত-
 মোহন ইচ্ছা পূর্বক ভোজনে প্রবৃত্ত হইলেন । আরও
 তাঁহার মনে হইল, রাধিকাসুন্দরীর বাণীতে এই কৰ্ম্ম
 হইতেছে ; ব্যয়, আয়োজন, তত্ত্বাবধান সমস্তই রাধিকা

সুন্দরীর ; এম্বলে আহার না করিলে, তিনিও মনে মনে অভিমান করিতে পারেন । অন্তঃপুর সংলগ্ন এক কক্ষে তাঁহার আহারের স্থান হইল । সরষু বালা তাঁহার সম্মুখে বসিয়া রহিলেন । পার্শ্বস্থ কক্ষে, যবনিকার অন্তরালে রাধিকাসুন্দরী দাঁড়াইয়া থাকিলেন । আর যবনিকার অপরদিকে, ললিত বাবুর সম্মুখে আমাদিগের সেই পূর্ব-পরিচিতা ব্রাহ্মণকন্যা দাঁড়াইয়া রহিল ।

আহার সমাপ্তির পর ললিত বাবু বলিলেন,—“মা সরষু ! পিতা মাতা কাহারও চিরদিন থাকে না । তোমার পিতা দারিদ্রতা, অন্ধতা এবং রোগে, বড়ই কষ্ট পাইতে ছিলেন । মৃত্যু তোমার পক্ষে বড়ই শোক জনক হইলেও, তাঁহার পক্ষে শান্তিজনক হইয়াছে । বিশেষতঃ কাশীধামে মৃত্যু বড়ই পণোর কথা ; তোমার পিতা সেই পুণ্য সঞ্চয় করিয়া, পরম সদৃগতি লাভ করিয়াছেন । তুমি তাঁহার জন্ত শোকে কাঁদে হইও না ।”

সরষু বলিলেন,—“না বাবা, কাতর হইবার কোনই কারণ নাই । আমার পিতা মরিয়া বাঁচিয়াছেন । আমি তাঁহারই জন্ত আপনার ভায় পুত্র, আর রাণীমার জ্বায় কন্যা লাভ করিয়াছি । আমার পিতা জীবনের শেষভাগে আমার চিন্তায় অতিশয় ব্যাকুল ছিলেন ; আজ নিশ্চয়ই তিনি দেবদরীর লাভ করিয়া দেখিতে পাইতেছেন, তাঁহার কন্যা সম্পূর্ণ নির্ঝিন্ন হইয়াছে । অভাবের তাড়না নাই,

ধর্মরক্ষার জন্ত উদ্বিগ্ন নাই । আপনাদের কৃপায় তাঁহার সদগতির নিমিত্ত যে ব্যয় ভূষণ হইল, তাঁহার অবস্থা পূর্ববৎ স্বেচ্ছল থাকিলে, তাহা ঘটিত কি না সন্দেহ । এ সকলই আপনার অনুকম্পায় হইয়াছে ।”

ললিত বাবু বলিলেন,—“যে দেবীর অনুকম্পায় এই সকল ঘটিয়াছে, তুমি তাঁহার নিকট কৃতজ্ঞতা প্রকাশ কর মা ! যিনি দয়া করিয়া তোমাকে আপনার ক্রোড়ে গ্রহণ করিয়াছেন, আমার বিশ্বাস তিনি মানবী নহেন । আমি তোমার বিশেষ কোন উপকারে লাগি নাই । যিনি কৃপা করিয়া তোমার ভার গ্রহণ করিয়াছেন, আমি তাঁহার নিকট যাবজ্জীবন চিরকৃতজ্ঞ ।”

সেই ব্রাহ্মণকন্যা বলিল,—“রাণীমা বলিতেছেন, আপনি দয়ার অবতার । আপনাকে দর্শন করিয়া, রাণীমাতা জীবে দয়া করিতে শিখিতেছেন । দয়ার একরূপ যথুরতা আছে, তাহা তিনি আপনাকে দেখিবার আগে জানিতেন না ।”

ললিত বলিলেন,—“আমার কার্যাদি যতই অধিক জানিতে পারিবেন, ততই আপনারা বুঝিবেন, আমি অতি ঘৃণিত অধম জীব । ঘনিষ্ঠতার আধিক্য হইলেই আমি নিশ্চয়ই আপনাদিগের ঘৃণাস্পদ হইব । আমার স্ত্রীর অপাত্রে আপনাদের এই অনুগ্রহ দেখিয়া আমি নিজেই লজ্জিত হইতেছি । আমি এক্ষণে প্রস্থান করিতেছি ।

মা সরযু! আমি আবার আসিয়া তোমার সন্ধান লইব। চারিদিন তোমার খোঁজ লইতে না আসা আমার পক্ষে বড়ই নিন্দাজনক হইয়াছে। কিন্তু মা, তুমি যে স্থানে আশ্রয় পাইয়াছ, সেখানে আমার গায় হীন-বাল্লির কোন সন্ধান করিতে আসা অনাবশ্যক। রাণীকে বল, আমি বিদায় প্রার্থনা করিতেছি।”

ব্রাহ্মণকণ্ঠা বলিলেন,—“আপনার এখন যাওয়া হইবে না। আপনি এখন বৈঠকখানায় বিশ্রাম করুন, আপনার সহিত আরও অনেক কথা আছে।”

অগত্যা ললিত বাবু বৈঠকখানায় প্রবেশ করিলেন, এবং তত্রত্য সুকোমল শয্যায় শয়ন করিলেন। টানা পাখা ছলিতে আরম্ভ হইল। ভৃত্য পান তামাক দিয়া গেল। সহজেই ললিত বাবুর একটু তন্দ্রা আসিল। দিবানিদ্রা তাঁহার অভ্যাস ছিল না, অতি অল্পক্ষণ পরেই আবলা ছাড়িয়া গেল। তিনি আবার উঠিয়া বসিলেন এবং তামাক টানিতে লাগিলেন।

পূর্ব পরিচিতা ব্রাহ্মণকণ্ঠা তথায় উপস্থিত হইলেন। তাঁহাকে দর্শন মাত্র ললিত বলিলেন,—“দেখিতেছি, তুমি অতিশয় বুদ্ধিমতী। আমাকে হয় তো সরযুবালার জন্ত এখানে বার বার আসিতে হইবে। তোমার সহিতই কথাবার্তা রুহিতে হইবে, তোমার দ্বারাই সংবাদ আদান-প্রদান চলিবে। সুতরাং তোমার সহিত ভাল করিয়া

পরিচয় হওয়া আবশ্যিক । আমি তোমাকে কি বলিয়া ডাকিব ?”

পরিচারিকা বলিল,—“এখানকার লোকে আমাকে গিন্নি মা বলে । রাণীমাতাও দয়া করিয়া আমাকে গিন্নি মা বলেন । আমার প্রতি তাঁহার অনুগ্রহের সীমা নাই ।”

ললিত বলিলেন,—“তবে আমিও মা বলিয়া ডাকিব । মা বড় মিষ্ট স্বর, আকার প্রকারে বোধ হয়, অতি ভদ্রবংশেই তোমার জন্ম ।”

গিন্নি মা বলিলেন,—“আমি ব্রাহ্মণের কন্যা, কিন্তু সে কথা এখন আর প্রয়োজন নাই । আপনাকে জিজ্ঞাসা করিতে আসিয়াছি, জামার সহিত যে বোতাম দেওয়া হইয়াছিল, আমাদের আবশ্যিক হইলে আপনি তাহা ফেরৎ দিবেন বলিয়াছিলেন, তাহা যদি এখন ফিরাইয়া দিতে বলি, তাহা হইলে পাওয়া যাইবে কিনা ?”

ললিত বড়ই অপ্রস্তুত হইলেন । কি বলিবেন,—এক বার বালিসে হেলান দিয়া বসিলেন, একবার গুড়গুড়ির পরিতাক্রমণ হাতে তুলিয়া লইলেন, দুই টান টানিয়া আবার তাহা ফেলিয়া দিলেন । তাহার পর বলিলেন,—“না ।”

গিন্নি মা আবার জিজ্ঞাসিলেন,—“কেহ কি তাহা চুরি করিয়াছে ?”

ললিত বাবু উত্তর দিলেন,—“না।”

আবার প্রশ্ন হইল,—“কাহাকেও কি তাহা দান করিয়াছেন?”

আবার উত্তর হইল,—“না।”

গিন্নি মা জিজ্ঞাসিলেন,—“চুরি ঘাষ নাই, দান করেন নাই, তবে তাহা কি হইল?”

ললিত বলিলেন,—“একজন তাহা চাহিয়াছিল, আমি দিতে স্বাকার কবি নাট, তাহার পর পান্সা যাইতেছে না; বোধ হয় সে-ই লইয়াছে।”

গিন্নি মা বলিলেন,—“আপনার জিনিষ জোর করিয়া লইতে তাহার অধিকার আছে কি?”

ললিত বলিলেন,—“যখন লইয়াছে বুঝিতেছি, তখন তাহার অধিকার আছে, মনে করাই উচিত।”

গিন্নি মা বলিলেন,—“কেন উচিত? আমার অনিচ্ছায় বা অজ্ঞাতমারে কোন দ্রব্য লইলে চুরি করা হয়। যদি আমরা আইনের সাহায্যে সে জিনিষ চোরের হাত হইতে উদ্ধার করিবার চেষ্টা করি, তাহাতে আপনার আপত্তি আছে কি?”

ললিত উত্তর দিলেন,—“আমি সেরূপ কোন গোলমাল ঘটাইতে ইচ্ছা করি না।”

গিন্নি মা বলিলেন,—“সে লোক তবে আপনার খুব প্রিয়পাত্র বোধ হয়!”

ললিত বলিলেন,—“না। তাহার সহিত আমার ঘনিষ্ঠ পরিচয় আছে ; কিন্তু সেজন্য তাহাকে প্রিয়পাত্র বলিতে পারি না। সেরূপ পরিচয় অনেকের সঙ্গে আছে। কাহাকেও বিশেষ প্রিয়পাত্র বলিয়া, আমার মনে হয় না।”

গিন্নি মা জিজ্ঞাসিলেন,—“সে স্ত্রীলোক, না পুরুষ ?”

লজ্জায় ললিতের মুখ বিবর্ণ হইল। কিন্তু তিনি মিথ্যা কথনে অশক্ত। বলিলেন,—“স্ত্রীলোক।”

গিন্নি মা জিজ্ঞাসিলেন,—“যদি তাহার নিকট ২৫তে কোশলে জিনিষ উদ্ধারের চেষ্টা করা যায়, তাহাতে আপনার আশঙ্কি আছে কি ?”

ললিত বলিলেন,—“না। আগিও এইরূপ উপায় অবলম্বন করিবার ইচ্ছা করিতেছিলাম।”

তখন গিন্নিমা আপনার বস্ত্র মধ্য হইতে একটি মরকো-লেদারের কেন্ বাহির করিলেন এবং তাহার ডালা খুলিয়া ললিত বাবুর সম্মুখে ধরিলেন।

সবিস্ময়ে ললিত দেখিলেন,—কেসের মধ্যে হীরক খচিত সেই মনোহর গোতাম ঝক্ ঝক্ করিতেছে !

গিন্নি মা বলিলেন,—“বিস্মিত হইবেন না। আজি প্রাতে, আমাদিগের একজন বিশ্বস্ত কন্সচারী একটা নির্দিষ্ট স্থানে আপনাকে খুঁজিতে গিয়াছিল, গতকল্য সে আপনাকে সেই স্থানে দেখিয়াছিল, আজি যখন সে

গিয়াছিল, তখন আপনি সেখান হইতে চলিয়া আসিয়াছেন, তখন সেখানে গোপনে এই বোতাম বিক্রয়ের চক্রান্ত চলিতেছিল। আমরাদিগের লোক, স্নুকোশলে সেখানে বিশ্বাসভাজন হইয়াছিল, বোতাম দেখিয়া আমাদের জিনিষ বাগিয়া সে চিনিয়াছিল। একশত টাকা মাত্র মূল্য ধায়া করিয়া, সে ইহা খরিদ করিয়াছিল। যে বিক্রয় করিয়াছিল, তাহার লোক সঙ্গে আসিয়া এখান হইতে টাকা লইয়া গিয়াছে। এক্ষণে আপনার সামগ্রী আপনি গ্রহণ করুন। গিন্নি মা কেসের ডালা বন্ধ করিয়া গলিতের নিকটে রাখিয়া দিলেন।”

ললিত বলিলেন,—“আমি আর লইব কেন? একবার তোমরা ইহা দিয়াছিলে, আমি নষ্ট করিয়াছিলাম, তোমরা মূল্য দিয়া উদ্ধার করিয়াছ। আবার আমি লইব কেন?”

গিন্নি মা বলিলেন,—“যে উপায়ে, যেই কেন উদ্ধার করুক না, জিনিষ আপনারই ছিল—আপনারই আছে, আপনি না লইলে ইহা লইবে কে?”

ললিত নিরুত্তর। গিন্নি মা আবার বলিলেন,—“আপনার সহিত পরিচয় হওয়ায় রাণীমাতা অতিশয় আনন্দিত হইয়াছেন। আমরা স্ত্রীলোক, বিদেশে থাকি, আপনি এখানে একজন বিশেষ প্রতিপত্তিশালী ব্যক্তি। অনুগ্রহ পূর্বক সতত আমরাদিগের খোঁজ খবর লইবেন, ইহা আমরাদিগের প্রার্থনা।”

ললিতমোহন বলিলেন, —“আমি রাণীদিদির সৌজন্তে
বিমোহিত হইয়াছি । যাহাতে তাঁহার অধিকতর কৃপা-
ভাজন হইতে পারি, প্রাণপণে তাহার চেষ্টা করিব ।”

গিণি মা চলিয়া গেলেন । ললিত প্রস্থান করিবার
অভিপ্রায়ে গাত্রোথান করিলেন, এমন সময় সরযুবালা
তথায় প্রবেশ করিলেন । তাঁহার পশ্চাতে টাকায় পূর্ণ
এক রজত থালা লইয়া এক দাসী আসিল । সরযু গলায়
কাপড় দিয়া ললিতকে প্রণাম করিলেন । দাসী টাকার
থালা বাবুর চরণ সমীপে স্থাপন করিল ।

ললিত বলিলেন,—“একি মা !”

সরযু বলিলেন,—“সন্তানকে জননীর দান, —ইহাতে
নূতনত্ব কি আছে বাবা !”

ললিত বাবু বলিলেন,—“এত টাকা তুমি কোথায়
পাইলে মা !”

সরযু বলিলেন,—“কণ্ঠার নিকট দান গ্রহণ করি-
য়াছি ।”

ললিত বলিলেন,—“আমি ইহা লইব কেন ?”

সরযু বলিলেন,—“কেন লইবেন না বাবা ! আজ
আমার পিতৃ-শ্রাদ্ধের দিন, আপনার কৃপায় আমার পিতার
সদৃগতি হইয়াছে, আপনার কৃপায় আমি নিরাপদ
হইয়াছি, যে টাকা আমি ভিক্ষায় পাইয়াছি, তাহা যদি
আপনাকে দিলে আমার পরম পরিভূষি হয়, আপনি

তাহাতে বাধা দিবেন কেন ? তবে কি বাবা, আপনি আমাকে কেবল মুখেই মা বলেন ? তবে কি বাবা, আপনি আমাকে গলগ্রহ বলিয়া মনে করেন ? তবে কি বাবা, আপনার দ্বারে যে সকল ভিখারী হাজির থাকে, তাহারই একজন বলিয়া আমাকে মনে করেন ? তবে আর আপনার টাকা লওয়া কাজ নাই ।”

সরযু কাঁদিয়া ফেলিলেন । তাঁহার ভগ্নী দেখিয়া ও বাক্যের আশ্রয় না ও, অভিমানময় দৃঢ়তা গুনিয়া, গলিতের ও চক্ষুতে জল আসিল । তাহার ইচ্ছা হইল, স্নেহের সহিত সমাদরে স্বহস্তে সরযুর মুখ মুছাইয়া দেন । বলিলেন,—“আমি টাকা লহতেছি মা ! তুমি কাঁদিও না । ইহাতে কত টাকা আছে ?”

নয়নের জল মুছিয়া এবং একটু প্রকৃতিস্থ হইয়া সরযু বলিলেন,—“তুফ জাজার ।”

ললিত বুঝিলেন --- ইহা বিধি নিষোজিত ব্যবস্থা । রাধিকা সুন্দর্য্য কি দৈব শক্তি-শালিনী ! তাঁহার মনে হইল, আর দুই ঘণ্টা পরে ঠিক দুই হাজার টাকা না হইলে, তাঁহাতে অপমানিত হইতে হইবে । ইহা জানিতে পারিয়াই কি সেই দেবা, এইরূপ কৌশলে তাহা দান করিলেন ?

আরও অর্ধঘণ্টা পরে বিহিত বিধানে বিদায় গ্রহণের পর ললিত বাসার অভিমুখে যাত্রা করিলেন ।

দুইজন দৌবারিক টাকার মোট লইয়া তাঁহার সঙ্গে চলিল।

পনরদিন অতীত হইয়া গেল। অনেকে লক্ষ করিল, সহসা ললিত বাবুর বিশেষ পরিবর্তন হইয়াছে। তিনি যেন বড় গস্তীর প্রকৃতির লোক হইয়া পড়িয়াছেন। লোকের সহিত বেশী কথা কহেন না। আগোদ-আহ্লাদে যোগ দেন না, কুস্থানে বিচরণ করেন না, কুচর্চায় থাকেন না এবং সুরাপানও করেন না। তাঁহার বয়স্গণণ বিবিধ চেষ্টায় তাহাকে পূর্ববৎ নিন্দিত আনন্দে প্রবৃত্ত করিতে না পারিয়া, তাঁহার নিকট আসা যাওয়া কমাইয়া দিয়াছে। তাঁহার মুখের ভাব যেন বিশেষ চিন্তাকুল, কেন সহসা তাঁহার এরূপ পরিবর্তন হইল, তাহা নির্ণয় করিবার জন্ত হিতৈষীগণ অনেক চেষ্টা করিয়াছেন, কিন্তু কেহই কোন কারণ জানিতে পারেন নাই।

দান ও পরোপকার সমানই চলিতেছে, সেইরূপ কার্যে লিপিত বাবু উৎসাহিত হন বটে, কিন্তু অল্প সকল ব্যাপারে তিনি উদাসীন ও নির্লিপ্ত। আয়, ব্যয় সমানই চলিতেছে। লালিত বাবুকে আর ঋণগ্রস্ত হইতে হইতেছে না।

রাধিকা সুন্দরীর বাটতে লালিত বাবু আর যান না। সরষু বালার সংবাদ প্রতিদিনই গ্রহণ করেন। টঙ্কলসিং আবশ্যিকমত সংবাদাদি গ্রহণ করিয়া এবং যাহা বলিবার

থাকে তাহা বলিয়া আইসে। বুদ্ধিমান টহল প্রভুর একান্ত অনুরক্ত। সে ললিত বাবুর এই ভাব-পরিবর্তন সর্বোপায়ে লক্ষ্য করিয়াছিল। অনেক কার্য্যকারণ বিচার করিয়া সে স্থির করিয়াছিল—শ্রীমতী রাধিকা সুন্দরী দেবী তাহার প্রভুর এ পরিবর্তনের কারণ। গিনি মা নামে পরিচিতা সেই পরিচারিকার সত্চিত তাহার প্রায়ই সাক্ষাৎ ঘটিত। সাক্ষাৎ হইলে বাবুর সহক্কে নানা কথা উঠিত। টহল অনেক কথা বলিয়া ফেলিত।

পূর্বাপর বিচার করিলে ললিতবাবুর এ আকস্মিক পরিবর্তন বড়ই বিস্ময় জনক বলিয়া মনে হয়; কিন্তু মনোবৃত্তির গতির ক্রম আলোচনা করিলে, এই পরিবর্তন অসম্ভব বলিয়া বোধ হইবে না। যেক্রপ অসংঘত স্বাধীনভাবে ললিতমোহন, এতকাল জীবনপাত করিয়া আসিতেছেন, তাহাতে তাঁহার অতীত জীবনে দারিদ্রের প্রতি দয়া ব্যতীত অল্প কোনরূপ বন্ধনের লক্ষণ দেখা যায় নাই। আমোদ ও কুসংসর্গে সময় কাটে বলিয়াই তিনি তাহাতে লিপ্ত হইয়াছেন। তাম পাশার গ্রাম এক প্রকার খেলা বাবিয়াই তিনি আমোদ প্রমোদ করিয়াছেন, কিন্তু বিশেষ আকর্ষণে বদ্ধ হইয়া জীবনের একমাত্র অবলম্বন মনে করিয়া অথবা পরম আনন্দ-প্রদ কর্তব্য জ্ঞান করিয়া তিনি তাহা করেন নাই। এইরূপ অনাসক্ত ব্যক্তির হৃদয়ে সহসা অননুভূতপূর্ব

আকর্ষণ উপস্থিত হইয়াছে । রাধিকা সুন্দরীর সন্নিবেচনা, কারুণা, সরসুর প্রতি দয়া, সর্বোপরি রূপরাশি, ললিত মোহনকে বড়ই অভিভূত করিয়াছে । তাহার পর তাঁহার দূরদৃষ্টি, ললিতমোহনের প্রতি অনুরাগ-সূচক বাক্য ব্যবহার, সকলই ললিতমোহনের হৃদয়ে গুরুতর আবর্তন উৎপাদন করিয়াছে । সেই আবর্তনের বিষম প্রতিক্রিয়া উপস্থিত হইয়াছে । যে কখন ভালবাসা পায় নাই, ভাল বাসে নাই ; সে সহসা ভালবাসা পাইয়াছে, ভাল বাসিয়াছে । যে কখন স্নেহ মমতা ভোগ করে নাই, সে অযাচিত ভাবে তাহা প্রাপ্ত হইয়াছে । বড়ই গুরুতর বন্ধন হইয়াছে । বিষম প্রতিক্রিয়ার হৃদয়ে তুমুল আলোড়ন উপস্থিত হইয়াছে । টহল ঠিকই বুঝিয়াছে রাধিকা সুন্দরীই এই পরিবর্তনের কারণ ।

নবম পরিচ্ছেদ ।

যতই দিনের পর দিন গড়াইতে গড়াইতে চলিতে লাগিল, ততই রাধিকা সুন্দরীর শরীর কাতর হইতে লাগিল । সেই দিন—সরযুবার সেই পিতৃবিয়োগের ভয়ানক দিন—রাধিকা সুন্দরীর সুদৃঢ় হৃদয়ে এক ভয়ানক পরিবর্তন ঘটিয়াছে । এতদিন ভ্রমেও যে ভাব তাঁহার হৃদয়ে স্থান পায় নাই, যে প্রকৃতি শত শত অনুকূল সুযোগ অবলম্বন করিয়াও তাঁহার অন্তরে একটুও স্থান পায় নাই, সেই দিন তাহা রাধিকার অজ্ঞাতসারে তাঁহার হৃদয় অধিকার করিয়াছে ।

সুন্দরী সাবধানে, সংগোপনে, নিরন্তর বিবিধ চেষ্টায় মনকে প্রকৃতিস্থ করিবার প্রয়াস করিতাছেন—কিন্তু বৃথা সে প্রয়াস ! রাধিকার অন্তর চিন্তায় আকুল ; তাঁহার আনন্দ গিয়াছে, ভাষা গিয়াছে, উৎসাহ গিয়াছে, শান্তি গিয়াছে, যে অসাম রূপরাশি তাঁহাকে নিরাভরণা স্বর্গ কন্ঠার দ্বায় শোভাময়ী করিয়া রাখিয়াছিল তাহা অস্ত-হিত হইয়াছে । জীর্ণ রোগীর ন্যায় তিনি দুর্বল ও ক্ষীণ হইয়াছেন । তাঁহার বর্ণের সে উজ্জ্বলতা নাই, সে শোভা নাই, নমনের সে প্রথরতা নাই এবং দেহের সে কমণী-

য়তা নাই । নিতান্ত অবসন্ন ভাবে মলিন-বসনা রাধিকা ভূতলে বসিয়া আছেন ।

ধীরে ধীরে সরযুবালী তথায় উপস্থিত হইলেন । শোকের প্রখরতা ক্রমেই নষ্ট হইয়া যায় । সরযু আপনার অবস্থা সম্যক্ প্রনিধান করিতে সক্ষম হইয়াছেন এবং আপনার বর্তমান অবস্থায় সুখী হইতে অভ্যাস করিয়াছেন । রাধিকার অত্যধিক ভালবাসা তাঁহাকে সম্ভাবিত সকল সুখের অধিকারিণী করিয়া দিয়াছে । উত্তম বস্ত্র তিনি পরিধান করেন, বিবিধ ভূষণ তাঁহার দেহের শোভা বৃদ্ধি করে, পরিচারিকারা তাঁহার সেবা করে এবং রাজ-ভোগ্য খাদ্যপেয় তিনি সেবন করেন । সেই শতগ্রন্থিযুক্ত মলিন বসনা, ধূলিধূসরিতা, মুষ্টিমেয় অন্তের ভিখারিণী সরযুবালী এখন সর্ববিধ ভোগবিলাস-পরিবৃত হইয়াছেন, কিন্তু অভাগিনীর আনন্দ কোথায় ! যে তরুর আশ্রয়ে তাঁহার এই সৌভাগ্যোদয় হইয়াছে, তাহা যে ক্রমে শুকাইতেছে । তিনি বিবিধ উপায়ে রাধিকাকে প্রসন্ন করিবার নিমিত্ত চেষ্টা করিয়াছেন ; ফল কিছুই হয় নাই, কাতরতা ক্রমেই বৃদ্ধি ।

সরযু নিকটে আসিলে, রাধিকা জোর করিয়া অধর প্রান্তে একটু হাসি আনিলেন, সে হাসি মরণাপন্ন রোগীর বিকট ভঙ্গীর ন্যায় রাধিকার মুখ বিকৃত করিল, তাঁহার যে হাসি অলৌকিক শ্রী বাড়াইয়া দর্শকের মনে

আনন্দ ছড়াইয়া দিত, যে হাসি সরযুর প্রাণের সকল তাপ ও জ্বালা দূর করিয়া এখনও জাগিয়া রহিয়াছে, সে হাসি কোথায় লুকাইয়াছে। রাধিকার হাসি দেখিয়া সরযুর ভয় হইল।

রাধিকা বলিলেন,—“একটু জল খাইয়াছ কি মা ?”

সেইস্থানে বসিয়া পড়িয়া সরযু বলিলেন,—“না।”

রাধিকা একটু ব্যাকুল ভাবে বলিলেন,—“কেন খাও নাই। একটু জল না খাইলে মুখ শুকাইয়া যায়, শরীর খারাপ হয়। গিনি মা কোথায় ? তিনি তোমাকে একটু জল খাওয়ান নাই কেন ?”

সরযু বলিলেন,—“আমি খাই নাই। আর কিছুই খাইব না, এ পোড়া শরীরে আর প্রয়োজন নাই।”

রাধিকা উৎকণ্ঠিত ভাবে বলিলেন,—“এমন কথা কেন বলিতেছ মা ! আমার উপর রাগ করিয়াছ কি ?”

সরযু বলিলেন,—“রাগ করিয়াছি, কেন করিব না তোমার দেহ যাইতে বসিয়াছে, কেন এরূপ হইতেছে, তাহা বল না। ডাক্তার-বৈদ্যকে দেখাও না, কোন নিয়ম কর না, কাহারও কথা শোন না। তোমার যখন এই দশা, তখন আমি আর শরীরের যত্ন করিব কেন মা !

রাধিকা একটু চিন্তা করিলেন। তাহার পর বলিলেন,—“আমার দেহ যদি যায়, তাহাতে ক্ষতি কি মা ? আমি বিধবা, বিধবার যত শীঘ্র মৃত্যু হয়, ততই মঙ্গল।

যাহারা সহমরণ প্রথা উঠাইয়াছে, তাহারা নারীর শত্রু ।
বাঁচিয়া থাকিলে বিধবার বহু প্রকারে পতন হইতে পারে,
শত প্রকার কলঙ্ক ঘটতে পারে, আমি যদি মরি মা !
সে তো মঙ্গলের কথা ।”

দীর্ঘনিশ্বাস ত্যাগ করিয়া সরযু বলিলেন,—“যদি
এই কথাই সত্য হয়, তাহা হইলে, আমারই বা আর
দেহরক্ষার প্রয়োজন কি ! আমি তো মা সধবায় বিধবা ।”

রাধিকা বলিলেন,—“ছি মা ! এমন কথা মুখেও
আনিতে নাই । আজি না হয় কোন কারণে স্বামী-
চরণে তোমার স্থান নাই, কিন্তু কালই হউক বা দশ দিন
পরেই হউক, তোমার দেহ স্বামীর কাজে লাগিবে । অতি
অসময়ে হয় তো তুমি তাহার পরম উপকারে আসিবে,
তোমাকে সম্মান প্রসব করিতে হইবে । অনেক কর্তৃ-
ব্যের দায়িত্ব তোমাকে ঘাড়ে লইতে হইবে; স্মৃতির
প্রাণপণ যত্নে দেহকে রক্ষা করাই তোমার ধর্ম ।”

সরযু অধোমুখে চুপ করিয়া রহিলেন । তাহার পর
বলিলেন,—“আমি আর এখানে থাকিব না ।”

রাধিকা কাতর ভাবে জিজ্ঞাসিলেন,—“কেন মা,
এমন ভয়ানক কথা বলিতেছ ?”

সরযু বলিলেন,—“তুমি সদা আনন্দময়ী ছিলে, সকল
বিষয়েই তোমার উৎসাহ ছিল, আমি আসার পর হইতেই
তোমার সকলই গিয়াছে । আমি বুঝিয়াছি, আমিই তোমার

হুঃখের কারণ । আমি যেখানে যাইব, সেখানেই আমার আগে আগে হুঃখ ও ক্লেশ ছুটিয়া যাইবে । আমি চলিয়া গেলে, আমার তোমার মঙ্গল হইবে । আমি এখনই ললিত বাবুকে ডাকিয়া, ইহার ব্যবস্থা করিব ।”

বস্ত্রাঞ্চলে বদনারূত করিয়া, কাঁদিতে কাঁদিতে সরষু বালা বেগে চলিয়া গেলেন । তাঁহার মুখে ললিত বাবুর উল্লেখ শুনিয়া রাধিকার দেহে যেন তাড়িৎ-প্রবাহ ছুটিল, তাঁহার প্রাণে যেক্রম জাগিতেছে, অন্তর নিরন্তর দাঁহার ধ্যান করিতেছে, পরের মুখে আবাব সে নাম কেন ? রাধিকার বড় শোচনীয় দশা, প্রাণের বাধা কাহারও নিকট ব্যক্ত করিতে তাঁহার প্রবৃত্তি নাই ; অথচ লোকে বড়ই ব্যস্ত করিতেছে রাধিকা নিরুপায় !

গিন্নি মা ব্যস্তভাবে আসিয়া জিজ্ঞাসিলেন,—“সরষু কাঁদিতে কাঁদিতে গেলেন কেন মা ? কি হইয়াছে ?”

রাধিকার অপেক্ষা সরষু ছই বৎসরের বড় হইলেও, তিনি বলিলেন,—“সরষু ছেলেমানুষ । আমার শরীর কাহিল হইতেছে । সরষু বলিতেছেন, তিনি আমার পূর্বে আমি ভাল ছিলাম । তিনি আর এখানে থাকিবেন না ।”

সঙ্গে সঙ্গে রাধিকার মুখে বিষাদের ভয়ানক হাসি । ঠাকুরাণী বসিয়া পড়িলেন । বলিলেন,—“গুরুতর ভাবনার কথাই হইয়াছে, যাহা হউক, একটা স্থির করা

উচিত। এ ভাবে চলিলে তোমার জীবন আর বেশী দিন টিকিবে না।”

রাধিকা বলিলেন,—“না টিকিলে, কাহার কি ক্ষতি !
বিধবার মরণই মঙ্গল।”

ঠাকুরাণী বলিলেন,—“তাহা যদি বুঝিয়াছিলে, তবে
এ আশুগে ঝাঁপ দিলে কেন মা ! এত দিন মরিয়া রহি-
য়াছ, এখন মৃত প্রাণ বাঁচাইবার সাধ করিলে কেন ?”

রাধিকা অধোমুখ নিরুত্তর ! তাহার সকল
সাবধানতা ব্যর্থ হইয়াছে। তিনি বুঝি ধরা পড়িয়াছেন।

গিন্নি মা আবার বলিলেন,—“তুমি বল বা না বল,
আমি সকলই বুঝিয়াছি। যে দিন দেওয়ানজী প্রবঞ্চনার
অপরাধে, ললিত বাবুকে ধরিয়া আনিয়াছেন, সেদিন
তোমার মৃতপ্রাণে সঞ্জীবনী প্রবেশ করিয়াছে। শুকতরু
আবার মুঞ্জারত হইয়াছে। এখন উপায় !”

তখন ঠাকুরাণীর বক্ষে মস্তক স্থাপন করিয়া, রাধিকা
কাঁদিতে কাঁদিতে বলিতে লাগিলেন,—“সঞ্জীবনী কাল-
কুটে ভরা। অমৃতে গবল উঠিয়াছে। আমি মরিতে
বসিয়াছি। তুমি আমার মা, গর্ভধারিণীর অপেক্ষাও
যত্নে আমাকে প্রতিপালন করিয়া আসিতেছ, এ যাতনা
আর সহে না, তুমি আমার শীঘ্র মৃত্যুর উপায় করিয়া
দিয়া বাঁচাও মা।”

তখন ঠাকুরাণীও কাঁদিতে লাগিলেন। সম্মুখে রাধি-

কার মুখ মুচাইয়া দিয়া, ঠাকুরাণী বলিলেন,—“ছি মা ! আত্মহত্যা মহাপাপ, সে কথা মুখেও আনিও না । চিত্ত স্থির করিবার চেষ্টা কর ।”

রাধিকার নয়নে জল, মুখে হাসি । বলিলেন,—“কি বলিতেছ মা ! আমার প্রাণের ভিতর যে যুদ্ধ চলিতেছে তাহা বলিবার নহে । চিত্ত স্থির করিবার কোন সম্ভাবনা নাই । আত্মহত্যা যদি মহাপাপ হয়, তাহা হইলে সে পাপ আমার হইয়া গিয়াছে । আমি বিধবা, ব্রাহ্মণ কন্যা, যেদিন তাঁহাকে দেখিয়া প্রাণের সিংহাসন পাতিয়া দিয়াছি, সেই দিনই আমার আত্মহত্যা হইয়া গিয়াছে ; আর আমার আত্মহত্যার পাপ নাই ।”

গিগি মা বলিলেন,—“ঠিক বলিয়াছ, পাপ যাহা হইবার, তাহা হইয়া গিয়াছে ; যাহা হইয়া গিয়াছে, তাহা আর ফিরিবে না । তবে উপায় !”

রাধিকা বলিলেন,—“এখন উপায় মৃত্যু ।”

ঠাকুরাণী বলিলেন,—“বার বার তোমার মুখে এ কথা আর শুনিতে পারি না । তোমার এ দুঃখের অবস্থা আর দেখিতে পারি না । বড় স্নেহে তোমাকে মানুষ করিয়াছি, বড় আদরে তোমাকে লালন পালন করিয়াছি, তোমার জন্ম নিজের সকল দুঃখ আলা তুলিয়াছি, তোমার এ যত্নগা সহ্য না যে মা !”

রাধিকা বলিলেন,—“বাস্তবিকই মা, আমি তোমা-

দের কষ্টের কারণ হইয়াছি, প্রাণপণ ব্রত করিয়াও আমি আত্মসংযম করিতে পারি নাই । এখন আপনি মারিতে বসিয়াছি, যাহারা ভালবাসে, তাহাদিগকে মারিতেছি । অধিক দিন আমার জন্ত তোমাদিগের কষ্ট পাইতে হইবে না । আমি বুঝিতেছি, কাল নিকট হইয়া আসিতেছে ।”

ঠাকুরাণী বলিলেন,—“এ এক কথা ! ভাবিয়া দেখ আর কি কোন উপায় নাই । তুমি ধনশালিনী, তুমি স্বাধীনা, তুমি যাহা ইচ্ছা করিতে পার ।”

বলদৃষ্টা সিংহিনীর গায় ঠাকুরাণীর বক্ষাশ্রম ত্যাগ করিয়া, রাধিকা গর্জিয়া উঠিলেন ; তাঁহার পাণ্ডু-বদন রক্তবর্ণ হইয়া উঠিল, তাঁহার লোচন দিয়া জ্যোতিঃ বাহির হইতে লাগিল । সেই ক্ষীণ কলেবর থাকিয়া থাকিয়া কাঁপিতে লাগিল : বলিলেন,—“ছিছি মা ! তোমার স্নেহ আজ তোমাকে ধর্ম্মাধর্ম্ম ভুলাইয়া দিল ? আমার ধন আছে, স্বাধীনতা আছে, অতএব আমি ব্যভিচারের শ্রোতে গা ভাসাইয়া দিব । আমার কাজে কথা কহিবার কেহ নাই, তাই বলিয়া কি আমি, নরকে ডুবিব । ধনের দ্বারা দুর্গাম চাকিয়া যায়, তাই বলিয়া কি আমি ধর্ম্মের মস্তকে পদাঘাত করিব ? সত্য বটে, আমি মনে মনে ব্যভিচারিণী হইয়াছি ; কিন্তু আমার এ পাপ কদাপি মনের বাহিরে একটু অগ্রসর হইতে পাইবে না । মৃত্যুকে সাদরে আলিঙ্গন করিবার নিমিত্ত ব্যাকুল হইয়াছি, কিন্তু

দেহে প্রাণ থাকিতে, কখনই ইহা পাপ পঙ্কিল করিব না।”

গিন্নি মা বলিলেন,— “আমি তোমাকে পাপের কথা বলিতেছি না। বাভিচারের ঘৃণিত কথা, তুমি কেন তুলিতেছ ? আমার স্বামী এদেশের প্রধান পণ্ডিত ছিলেন, তাঁহাকে কে না জানেন ? আমি তাঁহার মুখে বার বার শুনিয়াছি যে, বিধবার বিবাহ শাস্ত্রসঙ্গত, আরও শুনিয়াছি যে, বিদ্যাসাগর মহাশয় একটা প্রমাণ দিয়া বুঝাইয়াছেন যে, বিধবা বিবাহ কোনরূপ দোষের কাজ নহে। আমাদের মনে হয়, তোমার মত বিধবার বিবাহ হওয়া উচিত। আমি তাহাই মনে করিয়া কথা তুলিয়াছিলাম।”

স্বামিকা বলিলেন,— “হইতে পারে, বিধবার বিবাহ শাস্ত্র সঙ্গত; কিন্তু সমাজ তাহার বিরোধী, আপনার সুখের জন্তু যাহারা সমাজের বিরুদ্ধাচরণ করে, তাহারাও মহাপাপী, সমাজ যাহা ভাল বুঝিয়াছে, দেশের লোক যাহা মানিয়া চলিতেছে, তাহার অনুসরণ করাই ধর্ম। মৃত্যু শাস্ত্র বা বিলম্বে ঘটবেই ঘটবে। সেই মৃত্যুর ভয়ে আমি কেন সমাজকে অবহেলা করিয়া পাপে ডুবিব ?”

গিন্নি মা বলিলেন,— “ভাবিয়া দেখ মা ! তোমার এ কার্যে সমাজের কোন ক্ষতি হইবে না। তোমার আত্মীয় কুটুম্ব বা কোন জ্ঞাতি নাই, সুতরাং তোমার কার্যে

কাহারও মাথা হেঁট হইবে না । বিশেষতঃ যেখানে তোমার জন্ম ও যে গ্রামে তোমার বিবাহ হইয়াছিল, সেখানকার কোন লোকও এখানে উপস্থিত নাই, কাজেই কাহারও নিকট তোমার লজ্জা পাইতে হইবে না । তুমি স্বদেশ ত্যাগ করিয়া, অপরিচিত ভাবে দূরদেশে বাস করিতেছ, সুতরাং তোমার কার্যো সমাজের কোন ক্ষতি হইবে না ।”

রাধিকা গিন্নিমার নিকট সরিয়া বসিলেন । বলিলেন, —“চিরদিনই তোমার বুদ্ধি অতিশয় তাক্ক, তুমি আজ এত তুল বুদ্ধিতেছ কেন ? আমার প্রতি স্নেহের প্রাবল্যে, আমার মরণের ভয়ে, তোমার বুদ্ধির লোপ পাইয়াছে । বুদ্ধিয়া দেখ মা ! আমি যদি পৃথিবীর এক প্রান্তে বাস করিতাম, যদি মনুষ্যবাসহীন গহন-বনে আমি থাকিতাম, তাহা হইলেও যে সমাজে আমার জন্ম, যে সমাজের নিয়ম আমি এতদিন পালন করিয়াছি, যে সমাজের রীতি, নীতি, ব্যবস্থা ও ব্যবহার আমি শিক্ষা করিয়াছি, আমার পূর্বপুরুষগণ যে নিয়মাদি পালন করিয়া স্বর্গগত হইয়াছেন, আমিও তাহাই পালন করিতে বাধ্য । আহা, ব্যবহার, বাক্যালাপ, পরিচ্ছদ, ধর্ম, অনুষ্ঠান কিছুই যখন আমরা পরিত্যাগ করি নাই, তখন আজ তুচ্ছ আত্মতৃপ্তির অনুরোধে একটা ভয়ানক নির্দিত কার্য্য কখনই করিতে পারিব না । না মা, তুমি যে কথা বলিয়াছ, কার্য্যে করা দূরে থাকুক, আমি তাহা মুখেও

আনিব না । আর তুমি পূর্বে যে ধন সম্পত্তির কথা তুলিয়াছিলে, তাবিয়া দেখ, ইহা কাহার ? আমার স্বামীর স্মৃতি আমার মনে পড়ে না । একদিন তাঁহাকে দেখিয়া ছিলাম, তিনি আজি স্বর্গে, তিনি জীবিত থাকিলে আমার এই দেহ তাঁহারই সেবার লাগিত । আমার সহিত এই রূপ সম্বন্ধ হইয়াছিল বলিয়াই আমি তাঁহার প্রভূত ধন-সম্পত্তির উত্তরাধিকারিণী হইয়াছি । এদেহ এক দিন তাঁহার চরণে নিবেদিত হইয়াছিল । নিবেদিত বস্তু পুন-রায় নিবেদন হয় না । তিনি বাঁচিয়া না থাকিলেও আমার দেহ বাঁচিয়া আছে ; যতক্ষণ দেহ আছে, ততক্ষণ ইহা তাঁহারই থাকিবে । তাঁহার স্থানে অন্য লোক বসাইতে আমার কোনই অধিকার নাই ।”

ঠাকুরাণী নিরুত্তর, কিন্তু স্নেহের আতিশয্যে তাঁহার মন এ সকল কথার গভীরতা বুঝিয়াও বুঝিল না । বলিলেন,—“হৃদয় সংযত করিতে পারিলেই ভাল হইত । আমি বুঝিতেছি, তুমি সেজন্ত যত্নের ক্রটি কর নাই, এখনও করিতেছ না ; ইহাও বুঝিয়াছি যে, তুমি উচ্ছা করিয়া অসাবধান হইয়া, এ আশুনে ঝাঁপ দেও নাই । অদৃষ্টের বিড়ম্বনায়, অনিচ্ছায় এই আশুন তোমাকে ঘিরিয়া ফেলিয়াছে । ইহা হইতে নিষ্কৃতির আর উপায় নাই । উপায় নাই দেখিয়াই, হতাশ হইয়া আমি তোমাকে বিবাহের পরামর্শ দিতেছি ।”

কাতরতার সহিত হাসি মিশাইয়া রাধিকা বলিলেন,—“তবে মা ! এই দুঃখিনী সরষুবালার একটা বিবাহ দেও না কেন ?”

গিন্নি মা সবিস্ময়ে বলিলেন,—“সেকি কথা ! সরষুর স্বামী আছেন, সরষু যে বিবাহিতা ।”

রাধিকা বলিলেন,—“তবে কি আমারই স্বামী নাই ? সরষুর স্বামী আছেন, কিন্তু সরষু তাহাকে দেখিতে পান না, তাঁহার সেবায় লাগেন না, তাঁহার কোন সংবাদও পান না । বুঝিয়া দেখ মা, আমারও তো ঠিক সেই অবস্থা ! আমার স্বামী আছেন—নিশ্চয়ই আছেন ! আমিও তাঁহার সেবায় লাগি না । তাঁহাকে দেখিতে পাঠি না, তাঁহার কোন সংবাদও পাই না । সরষুর যদি স্বামী আছেন বলিয়া বিবাহ না হয়, তবে আমারই বা হইবে কেন ?”

ঠাকুরাণী কোন উত্তর খুঁজিয়া পাইলেন না ; তথাপি বলিলেন,—“স্বামী মরিয়া যাওয়া ও স্বামী বাঁচিয়া থাকা এক কথা নহে ”

রাধিকা বলিলেন,—“একই কথা । স্বামী মরিলেও বাঁচিয়া থাকেন, তঁহাই তো আমরা শিখিয়াছি । স্বামী বাঁচিয়া যদি দূর দেশে বাস করেন, যদি ইচ্ছায় বা অনিচ্ছায় জীব সংবাদ না লন, তাহা হইলে ষেকরূপ ঘটনা হয়, মরিলেও তো তাহাই হয় । তোমার মতে যদি বিধবার

বিবাহ করা আবশ্যিক হয়, তাহা হইলে যাহার স্বামী দূর দেশে চলিয়া গিয়াছেন, স্বামী কোন অপরাধে কারাগারে বা দ্বীপান্তরে গিয়াছেন, কোন কারণে স্বামী সংবাদ লইতে ক্ষান্ত হইয়াছেন অথবা কোন আসক্তিতে জীর কথা ভুলিয়া গিয়াছেন, সে জীর পুনরায় বিবাহ করা উচিত। সেরূপ বিবাহ যেমন অসঙ্গত, বিধবার বিবাহও সেইরূপ অসঙ্গত ”

নিরুপায় হইয়া গিয়া বালিলেন, —“পৃথিবীর অনেক জাতিহ তো বিধবা বিবাহ করে।”

রাধিকা বালিলেন,—“করে। আমি যেরূপ বলিয়াছি, সেরূপ ঘটিলে তাহাদিগের সধবারাও আবার বিবাহ করে। তাহারা জানে, বিবাহ একটা লৌকিক সম্বন্ধ; তাহারা বিশ্বাস করে, দেহেরই বিবাহ হয়; আর তাহারা মনে করে, বিবাহ একটা সাময়িক চুক্তি মাত্র; এইজন্য তাহারা অনায়াসে বিবাহ ভাঙিতে ও গড়িতে পারে, কিন্তু মা! আমরা ব্রাহ্মণের ঘরের মেয়ে, আমরা কখনও এরূপ কথা বিশ্বাস করি নাই, শিথিতেও পাই নাই। আজ নূতন করিয়া এশিক্ষা হইবে কেন? আমার মনে হয়, এইরূপ বিবাহ আর ব্যভিচার, কেবল কথার মারপ্যাচ মাত্র।”

ঠাকুরাণী বুঝিয়া দেখিলেন যে, রাধিকার তর্ক ও যুক্তি অলঙ্ঘনীয়। আরও বুঝিলেন—রাধিকার মনের গতি

ফিরিবার কোনই সম্ভাবনা নাই। চিন্তায় স্নেহময়ী ঠাকুরাণীও হৃদয় আকুল হইল। বলিলেন,—“আইস মা! বাহিরে যাই, সরষু দিদি হয়তো, এখনও কোথায় নসিয়া কাঁদিতেছেন।”

রাধিকা বলিলেন,—‘সরষু ভাল মেয়ে, হয়তো তাহার অন্তরে ভবিষ্যতে ভাল হইবে, সেজন্য এই সময়ে চেষ্টা করা উচিত। আমার শরীর ভাল নহে, শীঘ্র আরও মন্দ হইলে হইতে পারে। সরষুর ব্যবস্থা করিবার জন্য আমি ব্যাকুল হইয়াছি।’

ঠাকুরাণী বলিলেন,—“তুমি মঙ্গলময়ী, সুস্থ থাকিয়া লোকের হিতচেষ্টা কর, ইহাই বিশ্বেশ্বরের চরণে প্রার্থনা ; আইস, বাহিরে যাই।”

রাধিকা হতাশভাবে বলিলেন,—“চল।”

তখন ধীরে ধীরে বৃদ্ধার ত্রায় শিথিল পদে কুশকারী রাধিকা অগ্রসর হইলেন। ঠাকুরাণী দীর্ঘনিশ্বাস ড্যাগ করিয়া তাহার অনুসরণ করিলেন।

দশম পরিচ্ছেদ ।

সুখেই থাক আর দুঃখেই থাক, আজ যে সূর্য্য পূর্বা-
কাশের নিম্নভাগে প্রকটিত হইয়া দিবসের নবাগম ঘোষণা
করিয়াছেন, কালি আবার সেই সূর্য্য সেই স্থানে সমুদিত
হইয়া দিব্যভাষায় বলিয়া দিবেন, তোমার নিম্নমিত
জীবনের একটা দিন ফুরাইয়া গেল। দিনের পর দিন
বেগে পলাইতে লাগিল।

এডিসন্ এক স্থানে বলিয়াছেন—কার্য্যময় ব্যক্তির
সময়ের অভাব হয় না। প্রভাত বাহারা তাম, পাশা
প্রভৃতি অকর্ম্ম লইয়া দিন কাটায়, তাহারা কর্ম্মের সময়
পায় না। বাহারা নেপোলিয়নের গ্রায় কর্ম্মবীর, তাহারা
সময়াভাবে কার্য্যসাধনে অক্ষম হইয়াছে, একরূপ অলৌক
উক্তি শুনা যায় না। কর্ম্মের দিন অতি শীঘ্র পলাইয়া
যায়, কিন্তু ফিরিয়া দেখিলে উপলব্ধ হয়, রাশিকৃত কর্ম্ম
সগর্বে মাথা তুলিয়া অনুষ্ঠাতার জয় ঘোষণা করিতেছে :
কর্ম্মে অনাসক্ত ব্যক্তির সুদীর্ঘ দিন মস্তুরগতিতে গমন করে
সত্য, কিন্তু ফিরিয়া দেখিলে, কেবল অন্ধকার ভিন্ন আর
কিছুই পরিদৃষ্ট হয় না। তথাপি আসক্ত ও অনাসক্ত
উভয়েরই দিন সমান চলিতেছে। শাস্ত্রকারেরা

বলিয়াছেন, চিন্তাযুক্ত ও ব্যাধিগ্রস্ত ব্যক্তির দিন যাইতে চাহে না ।

চিন্তা, ব্যাধি ও কৰ্ম এ তিনের কিছুই কখনও লালিত-মোহনকে অধিকার করিতে পারে নাই । সুখ ও দুঃখ, হিত ও অহিত, ভাল ও মন্দ কোনও বিষয়ের জ্ঞান তিনি কখনও চিন্তাকুল হন নাই । অরণ্যবিহারী সুখের বিহঙ্গমের গায়, শৈলসানুবাহী সলিল-রাশির গায় তিনি স্বেচ্ছামত পথে হিতাহিত বোধ বিরহিত হইয়া পর্যটন করিয়া আসিতেছেন । কখনও কোনরূপ চিন্তা বা বিচার প্রভাবে তাঁহাকে গন্তব্য পথ পরিত্যাগ করিতে হয় নাই । ভগবানের অনুগ্রহে তাঁহার রমণীয় দেহ কখনও কোন প্রকার ব্যাধি-বৈকল্যের অধীন হয় নাই । সেই সুগঠিত কলেবরে আশ্চর্য্য শক্তি । নিরন্তর অনিয়ম অত্যাচারেও সে শক্তি অপচিৎ হয় নাই । জ্ঞানোদয়ের পর হৃৎতে কোনও রোগের বজ্রণা ভোগ করিতে হইয়াছে, এরূপ কথা লালিতমোহনের মনে পড়ে না । কোনও নির্দ্ধারিত ও নিয়মিত কৰ্ম্মের তিনি অধীন নছেন, ঘটনাবলী তাঁহাকে যখন যে পথে লইয়া চলিতেছে, তখন তিনি কোনও রূপ প্রতিবাদ না করিয়া সেই পথে ধাবিত হইতেছেন, কোনও রূপ ছুরাকাজ্জ্বা বা কোনও রূপ ভোগ-সুখ তাঁহাকে আসক্ত ও বদ্ধ করিতে পারে নাই । কৰ্ম্ম ও অকৰ্ম্ম সম্বন্ধে তিনি বিচার-বিহীন, কেবল একমাত্র কৰ্ম্ম

তাঁহাকে কথঞ্চিৎ আবদ্ধ করিয়াছিল। পরের চুঃখ বিমোচন তাঁহার জীবনের প্রধান প্রিয় কার্য্য ছিল, সেই কৰ্ম্ম বিশেষ সদনুষ্ঠান বলিয়া তিনি জানিতেন না। সে জন্ম কোনও রূপ প্রশংসা বা নিন্দার তিনি প্রত্যাশা করিতেন না অথবা তাহা সমাপ্ত হইলে আপনাকে ধন্য ও কৃতার্থ বলিয়া মনে করিতেন না। সেরূপ কার্য্যের সহিত ধর্ম্মের কোনও সম্বন্ধ আছে কি না, তাহা তিনি জানিতেন না। দরিদ্রের অভাব মোচন, ব্যাধিগ্রস্তকে শাস্তিদান এবং শক্তিশালী ব্যক্তির পর-নিপীড়ন নিবারণ না করিয়া তিনি থাকিতে পারিতেন না। ভাল কার্য্য মনে করিয়া তাঁহার তৎসাধনে এরূপ অত্যাশক্তি জন্মিত না।

তাঁহার নিন্দিত আচরণ সম্বন্ধেও মনের এই ভাব। তিনি অভ্যস্ত অসৎকাৰ্য্য সমূহ নিন্দনীয় পাপানুষ্ঠান বলিয়া মনে করিতেন না। কিন্তু সৰ্ব্বরহস্যবিৎ নারায়ণ কখন কোন সূত্র ধরিয়া মানবরূপ ছায়াবাজীর পুতুলগণকে নাচাইতে থাকেন, তাহা নির্ণয় করা অসম্ভব। কিরূপ কারণে মনুষ্য-মনের কখন কি গতি হয়, কোনও বিজ্ঞান শাস্ত্র তাহা অবধারণ করিতে পারে নাই, কখনও পারিবে কি না সন্দেহ।

ললিতমোহনরূপ মত্ত হস্তী শৃঙ্খলবদ্ধ হইয়াছে। সেই দিন—যেদিন পিতৃহীনা কাতরা সরযু বালার মস্তক অঙ্কে ধারণ করিয়া লাবণ্যময়ী রাধিকাসুন্দরী তাঁহাকে দেখা

দিয়াছেন, সেই দিন হইতে ললিতমোহনের হৃদয়ে এক বিষম আবর্তনের সূত্রপাত হইয়াছে, সেই দিন হইতে ললিতের অন্তর যেন তাঁহার অজ্ঞাতসারে জীবনের অগ্র গতি খুঁজিয়া লইতে আরম্ভ করিয়াছে, সেই দিন হইতে ললিতমোহন বুঝিয়াছেন—মানবজীবনে অপার্থিব আনন্দ, স্বর্গীয় আলোক এবং নন্দনের সুখ উপস্থিত হইলেও হইতে পারে। অত অল্প সময়ের মধ্যে ললিতমোহন রূপান্তরিত মনুষ্য হইয়াছেন

ললিতমোহন নিশ্চেষ্ট ও নিরুদ্যম, আর তিনি পথে বাহির হন না : পূর্ববৎ টহলসিং রাধিকাসুন্দরী ও সরযু-বালার সংবাদাদি আনয়ন করে। স্বয়ং সে বাটাতে গমন করিতে ললিতমোহনের আর ভরসা হয় না। কেন ?

সরযুবালার সম্বন্ধে কর্তব্যের এখনও শেষ হয় নাই। সে দুঃখিনী এখন অনেক বিষয়ে নিশ্চিঞ্চ হইয়াছে সত্য, কিন্তু যাহা তাহার প্রধান প্রার্থনীয়, যাহা না পাইলে তাহার জীবনের সকল সুখই বৃথা, তাহার এখনও কোনও ব্যবস্থা করা হয় নাই। তাহার যাহাতে স্বামী চরণে স্থান হয়, সেজগৎ চেষ্টা করিতে ললিতমোহন বাধ্য। তাহার জন্ম কি করিতে হইবে ? একবার সরযুকে লইয়া কলিকাতায় চেষ্টা করা উচিত নহে কি ? পনের দিন হইয়া গেল, আর সময় নষ্ট করা অন্তায়; কাশীতে আর ললিতমোহন থাকিবেন না, দূরে চলিয়া যাইবেন। কিন্তু ১

হৃদয় তো সঙ্গে যাইবে, যন্ত্রণা কমিবে না । না কষুক, তথাপি এস্থান ত্যাগ করিতে হইবে ; তাঁহার যাহা হয় হউক, সরযুর হিতচেষ্টা তো হইবে ।

তৎক্ষণাৎ রাধিকাসুন্দরীর ভবনে গিয়া সরযুর সহিত সাক্ষাৎ করিতে তাঁহার বাসনা হইল । রাধিকার অশ্রুস্ততার সংবাদ তিনি কিছুই শুনেন নাই, মনে মনে স্থির করিলেন, তাঁহার হৃদয়ে যে নিদারুণ কালানল জ্বলিতেছে, তাহার দাহ তিনি নীরবে সহ্য করিবেন, তথাপি জীবনের শেষ দিন পর্য্যন্ত এতদূরে কাহারও নিকট ঘূর্ণাকরেও একবার ইঙ্গিতমাত্রে তিনি তাহা বাক্য করিবেন না ।

কেন ?

ললিত জানিতেন,—রাধিকা ধর্ম্মশীলা—রাধিকা পুণ্যময়ী—রাধিকা অপাপবিদ্ধা । যে কুৎসিত ভোগের লোভে ললিতমোহন একাল প্যাস্তু বুরিয়াছেন, রাধিকাসুন্দরীকে দর্শন করিয়া সে প্রবৃত্তি তাঁহার হৃদয় হইতে দূরে পলায়ন করিয়াছে । এখন তাঁহার অস্তুরে ভোগ-বাসনার স্থলে ভক্তির সিংহাসন পরিষ্কার আছে । তারল্যের পরিবর্তে তথায় গাঢ়তা বাসা বাধিয়াছে এবং নিন্দিত লিপ্সার স্থলে ভালবাসার উৎস ফুটকা উঠিয়াছে । সুতরাং অধর্মে তাঁহার মতি নাই—অপ্রাপ্য বস্তু প্রাপ্তির জন্ত কোনও আকিঞ্চন নাই, মধুময়ী শান্তির হানে গরল ঢালিয়া দিতে তাঁহার বাসনা নাই । তিনি বহিঃচরিত্র জীবন লইয়া যন্ত্রণায়

অধীর হইতে কৃতসংকল্প, কিন্তু প্রতিকারের সকল চেষ্টার উদাসীন ।

দ্বিপদ কালে একাকী আপনকক্ষে শয়ন করিয়া ললিতমোহন আপনার মনের আশুনে, নীরবে ও অপরের অলক্ষিতভাবে দগ্ধ হইতেছেন । এই সময়ে টহলসিং তথার ধীরে ধীরে উপস্থিত হইল । তাহাকে দর্শন মাত্র ললিত একটু বিচলিত হইয়া উঠিয়া বসিলেন ; জিজ্ঞাসিলেন,—“আমার মা ভাল আছেন ? আর সেখানকার খবর সব ভাল ?”

সুচতুর টহল একান্ত প্রভুভক্ত । প্রভুর হৃদয়ে যে তাঁর যাতনার উদ্ভব হইয়াছে, তাহা সে বেশ বুঝিতে পারিতেছে । সে ইহাও জানিয়াছে যে, যন্ত্রণা কেবল এক দিকে জন্মে নাই, উভয় দিকেই যাতনার সমান অধিকার । সে জানিত, তাহার প্রভু পাপাসক্ত ও চরিত্রহীন হইলেও সমাজ বিগঠিত, নিন্দনীয় আচরণে এককালেই অশক্ত ; সুতরাং উভয় দিকের এইরূপ হৃদয় ভাবের বৃত্তান্ত জানিয়া ও বুঝিয়া সে বড়ই কাতর হইয়াছিল । যেরূপে হউক, একদিন কথাটা প্রভুর নিকট উপস্থিত করিতে তাহার ইচ্ছা ছিল ; আজই বেশ সুযোগ হইয়াছে মনে করিয়া সে বলিল,—“হজুবকে বলাই ভাল ; সেখানে রাণীমাতার শরীর কিছু অসুস্থ হইয়াছে ।”

ললিতমোহন হঠাৎ শয্যা ত্যাগ করিয়া উঠিয়া দাঁড়াইলেন ; তাহার পর, গৃহমধ্যে পরিক্রমণ করিতে করিতে বলিলেন,—“অশুস্থ হইয়াছেন ! কাহার কাছে তুমি এই সংবাদ শুনিলে ?”

টহল বলিল,—“গিন্নি মা, আমাকে সকল কথা বলিয়াছেন ; আপনার একবার সেখানে যাওয়া উচিত নহে কি ?”

প্রশ্নের উত্তর না দিয়া ললিতমোহন জিজ্ঞাসিলেন,—“কিরূপ অশুখ ?”

টহল বলিল,—“আপনার সহিত সাক্ষাৎ হইলে, গিন্নি মা সকল কথা জানাইবেন । শুনিয়াছি, আপনারও ষেরূপ অশুখ, রাণীমারও ষেরূপ অশুখ । আর একদিনে এক কারণেই দুই জনেরই অশুখ উপস্থিত হইয়াছে ।”

ললিতমোহন একটা দেওয়ালের দিকে মুখ করিয়া, নিশ্চল মূর্তির স্থায় স্থিরভাবে দাঁড়াইয়া, টহলের শেষ বাক্য শ্রবণ করিলেন । অনেক ক্ষণে তাহার কথা কহিবার শক্তি হইল—বলিলেন,—“তুমি কি শুনিতে হয় তো কি শুনিয়াছ, এক বুঝিতে হয় তো আর বুঝিয়াছ ।”

টহল বলিল,—“ধর্ম্মাবতার ! আমি ঠিকই শুনিয়াছি বুঝিয়াছি, প্রতিকারের কোন উপায় নাই জনের প্রাণ, দুইজনকে না ভুলিলে এ কষ্টের শেষ হইবে না ।

ললিতমোহন মনে মনে বলিলেন,—“ঠিক কথা ।
রাধিকাসুন্দরী তুমি স্বর্গের দেবী ! টহল যদি ঠিক বুঝিয়া
পাকে, তাহা হইলে এই অযোগ্য অধমকে হৃদয়ে স্থান
দিয়া তুমি আপনার সর্বনাশ আপনিই করিয়াছ ।
ঈশ্বরের নিকট প্রার্থনা করি, যেন টহলের অনুমান
মিথ্যা হয় ।

প্রভুকে নির্ঝাঁকু দেখিয়া টহল কাতর ভাবে কর
ষোভে বলিল,—“হুঁজুর কি হইবে ? আপনি দিন দিন
শুকাইয়া যাইতেছেন ”

ললিতমোহন বলিলেন,—“উপায় হইবে, কোন চিন্তা
না , তুমি এখন যাও ”

আর কোন কথা বলিতে সাহস না করিয়া টহল
প্রস্থান করিল ।

ললিতমোহন চিন্তা করিতে লাগিলেন,—“যদি টহলের
অনুমান সত্য হয়, তাহা হইলে দেশ ছাড়িয়া যাইব ।
সে দেবীর হৃদয়ে বাহাতে আমার নাম না আঠসে, তাহা-
রই উপায় করিব । আমি পাষণ, পাপী, নারকী, আমার
বাহা হয় হউক, বিশ্বের তাঁহাকে শান্তি দেও—মুহু কর ।
পীড়ার সংবাদ পাইয়াছি, একবার যাইব । টহলের
অনুমান সত্য কি না বুঝিয়া আসিব, তাহার পর যাহা
কর্তব্য তাহাই করিব ।

বেলা অনুমান চারিটার সময় বহুদিন পরে পুনরায়

ললিতমোহন বাবু পথে বাহির হইলেন । সেই বেশ—
 পরিধানে এক সামান্ত ধুতি, স্বক্কে এক বিশৃঙ্খল-শ্রুত
 উত্তরীয় । সঙ্গে কোন লোক নাই । বিবাদে সজীব
 প্রতিমুক্তিবৎ ললিতমোহন ধীরে ধীরে অবনত মস্তকে
 অগ্রসর হইতে লাগিলেন । পথ-প্রবাহী-লোক এবং
 পার্শ্ববর্তী দোকানদার অনেকে তাঁহাকে নানা প্রকারে
 অভিবাদন করিতে লাগিল । অনেকে তাঁহার কুশল
 সংবাদ জিজ্ঞাসা করিল । অনেকে তাঁহার ক্রমতা হেতু
 হুঃখ প্রকাশ করিল । সবিস্ময়ে সকলেই লক্ষ্য করিল যে,
 ললিত বাবু কাহারও প্রশ্নের ভাল করিয়া উত্তর দিলেন
 না । কাহারও প্রতি হয়তো দৃষ্টিপাত করিলেন না, কোনও
 কোনও লোককে প্রতিনমস্কারাদি করিলেন না । ললিত
 বাবুর শ্রায় ব্যক্তির পক্ষে একরূপ ব্যবহার বড়ই আশ্চর্য্য
 বলিয়া সকলেই অনুভব করিল । তাহারা স্থির করিল,
 নিশ্চয়ই তাঁহার কোনও রূপ ভয়ানক পরিবর্তন
 হইয়াছে ।

ধীরে ধীরে ললিতমোহন রাধিকামুন্দরীর ভবনে উপ-
 নীত হইলেন । সেখানকার সকলেই ললিত বাবুকে
 সম্মান সহকারে প্রণাম করিল । ললিত বাবু ধীরে ধীরে
 দেওয়ান-খানায় প্রবেশ করিলেন । দেওয়ান জীবনহরি
 সেন তাঁহাকে প্রণামাদির পর বলিলেন,—“অজি শুনি-
 তেছি, মা ঠাকুরাণীর শরীর অসুস্থ হইয়াছে ।”

ললিত বাবু চমকিত হইয়া বলিলেন,—“অসুস্থ !
কি পীড়া, কতদিন হইয়াছে ?”

জীবনহরি বলিলেন,—“কি পীড়া ঠিক বলিতে পারি
না, শুনিতেছি, সম্প্রতি তিনি অসুস্থ হইয়াছেন । আমরা
হু আজ সংবাদ পাঠিয়াছি ।”

“ডাক্তার বৈদ্যা ডাকা হইয়াছিল কি ?”

জীবনহরি বলিলেন,—“না, সেজন্য আমরা কোনও
হুকুম পাই নাই । আপনারও চেহারা বড় খারাপ দেখি-
তেছি, শরীর ভাল নাই কি ?”

ললিত বাবু বলিলেন,—“না ।”

রাধিকাসুন্দরী, ঠাকুরাণী ও সরষুবালা এক স্থানে
বসিয়া কি পরামর্শ করিতেছিলেন, এমন সময় এক জন
পরিচারিকা আসিয়া সংবাদ দিল,—“ললিত বাবু আসিয়া-
ছেন, দেওয়ানখানায় বসিয়া আছেন । “শ্রবণ মাত্র রাধিকার
সমস্ত শরীর কাঁপিয়া উঠিল, দস্তে দস্তে পেষণ করিয়া এবং
করাঙ্গুলি সমূহ দৃঢ় মুষ্টিবদ্ধ করিয়া অনেকক্ষণ তিনি নীরবে
অধোমুখে রহিলেন । হৃদয়ের উত্তেজনা ও বক্ষবেপন
কথঞ্চিৎ মন্দীভূত হইলে, তিনি বলিলেন,—“আসিয়াছেন ?
ভালই হইয়াছে । তাঁহাকে সকলের শেষের বৈঠকখানা
ঘরে আনিয়া বসাত, মা তুমি যাও, আদর অভ্যর্থনার
যেন কোন ক্রটি না হয় ।”

একজন পরিচারিকা দেওয়ানখানা হইতে ললিত

বাবুকে ডাকিয়া আনিয়া প্রান্তের বৈঠকখানায় বসাইল । অত্যন্ত চিন্তিতভাবে গিন্নি মা তথায় প্রবেশ করিলেন এবং দূর হইতে ললিত বাবুকে দেখিয়া বালিয়া উঠিলেন,—
“একি ! আপনার চেহারা এত খারাপ কেন বাবা ? কি পীড়া হইয়াছে ?”

ললিত বাবু বলিলেন, “কি পীড়া হইয়াছে, জানি না, শরীরটা ভাল নাই ; সে কথা যাউক, রোগের পীড়ার সংবাদে আমি বড়ই চিন্তিত হইয়াছি, তাহার কি অবস্থা বল দেখি ?”

ঠাকুরাণী বসিয়া পড়িলেন — বলিলেন,—“দেহ ও মন উভয়েবই অবস্থা বড় খারাপ । অতিশয় চিন্তার কারণ হইয়াছে ।”

ললিত বাবু শূন্যভাবে আকাশের পানে চাহিয়া রহিলেন ।

গিন্নি মা বলিলেন,—“যে দিন সরযুর পিতা স্বর্গ-রোহণ করেন, সেই দিন হইতেই পীড়ার সূত্রপাত হইয়াছে, তাহার পর কোনই বাড়িতেছে ।”

ললিতবাবুর এখনও সেই ভাব । সমান শূন্যদৃষ্টি, নাগায় যেন নিশ্বাস নাই । রক্তের যেন গতি নাই । দেহে যেন সংজ্ঞা নাই । ঠাকুরাণীর কথা তাহার কর্ণগোচর হইল কি না সন্দেহ । তথাপি গিন্নিমা বলিতে লাগিলেন,—
“আপনি আসিয়াছেন, ভালই হইয়াছে । আমি বোধ হয়, আজই আপনার নিকট বাইতাম ।”

সহসা ললিত বাবুর চমক ভাঙ্গিল। তিনি বলিয়া উঠিলেন,—“যাইতেন ! কেন ? কেন ? আমার দ্বারা কি উপকার সম্ভব ? যদি প্রাণ দিলেও দেবী আরোগ্য হন, আমি তাহাতেও প্রস্তুত, বলুন, কি করিতে হইবে ?”

ঠাকুরাণী বলিলেন,—“আপনি আমাদের পরমাত্মীয়। আপনি পুরুষ, এ অবস্থায় কি কর্তব্য বিবেচনা করিয়া আপনি কাজ করুন।”

ললিত বাবু বলিলেন,—“এ পর্য্যন্ত ডাক্তার বৈদ্য ডাকা হয় নাই কেন ?”

“ডাক্তার বৈদ্য এ ব্যাধির কোন উপশম করিতে পারিবে বলিয়া আশা নাই।”

“চিকিৎসকে উপশম করিতে পারে না, এমন কি ব্যাধি আছে ? পারুক না পারুক, চেষ্টাও তো করিতে হয়।”

“মনের ব্যাধি, চিন্তায় প্রাণ ভাঙ্গিয়া গিয়াছে। চিকিৎসক কি করিবে ?”

ললিত বলিলেন,—“বটে ! তাহা হঠলে সে চিন্তার কারণ দূর করিবার চেষ্টা করা হইতেছে না কেন ?”

“উপায় নাই।”

“সে দেবীর হৃদয়ে এমন কি কঠোর সূদৃঢ় চিন্তা, অনিল ?”

ঠাকুরাণী বলিলেন,—“তিনি অজ্ঞাতসারে এক দেব-
তুলা পুরুষকে ভাল বাসিয়াছেন ।”

ললিত বাবু শিহরিয়া উঠিলেন । আবার তিনি
নির্ঝাক্ !

ঠাকুরাণী বলিতে লাগিলেন,—“সে ভালবাসা এতই
বন্ধমূল হইয়াছে যে, তাহা উৎপাটন করিবার কোনই
সম্ভাবনা নাই ? রাণীমা অনেক চেষ্টা করিয়াছেন,
আমরাও বিস্তর উপায় দেখিয়াছি—সকলই বৃথা ।”

ললিত বাবু এখনও নীরব-পুত্তলিকার স্থায় নিশ্চল ।

ঠাকুরাণী বলিতে লাগিলেন,—“সেই নিরাশ প্রণয়ের
জগ্ন ভগ্ন-হৃদয়ে রাণীমা মরিতে বাসিয়াছেন—তথাপি
তাহা ত্যাগ করিবার সাধ্য নাই ।”

ললিত বাবু এখনও পূর্ববৎ নিশ্চল ও নির্ঝাক্ ।

গিন্নি মা বলিতে লাগিলেন,—“পাপে তাঁহার পরিতৃপ্তি
হইতেই পারে না, শাস্ত্র-সম্মত বিবাহেও তাঁহার মতি
নাই, তবে উপায় ?”

ললিত বাবু এতক্ষণে কথা কহিবার শক্তি পাইলেন,
বলিলেন,—“বুঝিয়াছি, এ রোগের ঔষধ নাই । যে দেবী
পাপের ছায়ামাত্রও স্পর্শ করিতে অশক্ত—নিন্দিত কার্যের
নিকটে ঘাইতেও অক্ষম, ভগবান ! সে দয়াময়ী দেবীর
হৃদয়ে এমন কালানল কেন জ্বালিলে ? বুঝিয়াছি,
জীবনে তাঁহার আর শান্তির আশা নাই । চিত্তের অনলে

বিষে বিষক্রম হইবে, গিন্নি মা, আমি বাই । পুড়িবে—
এ আশ্বিনে, একজন নহে—দুইজন পুড়িবে । কিন্তু সে
কথার আর কাজ নাই । হয় তো, আমার সহিত আপ-
নাদের এই শেষ সাক্ষাৎ । আমার নাম হয়তো আপ-
নারা আর শুনিতে পাইবেন না ।”

ললিতবাবু প্রস্থানের উপক্রম করিতেছেন, এমন সময়
সরষ, বালা তথায় উপস্থিত হইলেন ।

ললিত-মোহন ।

দ্বিতীয় খণ্ড ।

প্রথম পরিচ্ছেদ ।

কলিকাতার সন্নিহিত, অধুনা কলিকাতা মিউনিসিপালিটির অন্তর্ভূত কালীঘাট, সনাতন ধন্যাবলম্বী আৰ্য্য-জাতির পবিত্র তীর্থ । এই স্থানে আদ্যাশক্তি ভগবতীর অশ্লিষ্টতা হইয়াছিল । যে দেবী পিতৃ-মুখে পতি-নিন্দা শ্রবণ করিয়া তৎক্ষণাৎ দেহ ত্যাগ করিয়াছিলেন এবং যিনি বিবিধ বিধানে সতী-ধর্ম্মের পরাকাষ্ঠা প্রদর্শন করিয়া বসুন্ধরা পুণ্য-প্রদীপ্ত করিয়াছেন, তাঁহার বিগত-জীব ধর্ম্ম দীপ্ত কলেবর শ্রীভগবান্ বিষ্ণু সুদর্শন চক্র দ্বারা বহুখণ্ডে বিভক্ত করিয়াছিলেন । সেই খণ্ডীকৃত দেহাংশ ভারতের যে যে স্থানে নিপতিত হইয়াছে, সেই সেই স্থান সুপবিত্র তীর্থরূপে পরিগণিত হইয়া রহিয়াছে । আদিগঙ্গা সন্নিধানে ভগবতীর মন্দির মস্তকোত্তোলন করিয়া সতীদেবীর মহিমা ঘোষণা করিতেছে ।

দেবীর কুপায় প্রতিদিনই কালীঘাটে লোকারণ্য । সকল লোকই যে ভক্তি-বিগলিত হৃদয়ে তথায় দেবী-পূজার নিমিত্ত সমবেত হয় এরূপ নহে । ভিক্ষা প্রাপ্তির লোভে বহু নর-নারী সে স্থানে ব্যস্তভাবে ছুটাছুটা করে ; বাত্মী ধরিয়া ছলে বলে ও কোশলে অর্থোপার্জন করিবার

অভিপ্রায়ে বিস্তর বিপ্র-বেশ-ধর পুরুষ চারিদিকে ধাব-মান হয় । সধবা ও কুমারী সাজিয়া বিস্তর চরিত্রহীনা স্ত্রীলোক, ষাট্রীদিগকে জ্বালাতন করে । পুষ্প ও পণা বিক্রেতারা নিরন্তর খরিদার সংগ্রহের নিমিত্ত চীৎকার করে । বিস্তর ছাগের জীবন প্রতিদিন সেই স্থানে অব-সিত হয় । যে অংশে বলিদান হয়, তথায় রুধির-শ্রোত বহিতে থাকে । তাহারই সন্নিধানে অনেকে ডালা পাতিয়া যথাপ্রসাদ বিক্রয় করে । অনেকে কুলের মালা ষাট্রীদিগের গলায় দিবার নিমিত্ত গণ্ডগোল করে ; মন্দির সম্মুখস্থ বারাণ্ডায় ৩ নাট মন্দিরে অনেক ব্রাহ্মণ দেবী ভাগবত, মার্কণ্ডেয় চণ্ডী, মহিষ স্তব, কালীকা স্ততি, দেবী-সূক্ত প্রভৃতি পাঠে নিযুক্ত ; ইত্যাদি বিভিন্ন ব্যাপারে দেবীর মন্দির, অঙ্গন প্রভৃতি সকল স্থান জনতাপূর্ণ কোলাহলময় ।

সকল তীর্থের যে দুর্গতি হইয়াছে, কালীঘাটের অদৃষ্টেও তাহাই ঘটিয়াছে । পুণ্যাঙ্গার অপেক্ষা এখানে পাপীর প্রাচুর্য্য ; ধর্ম-প্রাণ সাধুর অপেক্ষা অত্যাচারী পাপাসক্তের আধিক্য এবং দেবতানুরাগী পুষ্প-চন্দনাদি, আহরণ-প্রয়াসী লোকের অপেক্ষা সুরা, গাঞ্জিকা প্রভৃতি মাদক-সেবী ও কুৎসিত সামগ্রী সহকৃত ছুরাঙ্গাদের বাহুল্য পায়দৃষ্ট হয় ।

অনেকে অনেক কামনা লইয়া দেবীর মন্দিরে উপ-

স্থিত হয় ; যে ছুরাখা জাল প্রবন্ধনা করিয়া ফৌজদারিতে
 পড়িয়াছে, যে হতভাগ্য পর-পীড়ন দ্বারা অর্জিত বিষয়-
 সম্পত্তি হারাষ্টতে চলিয়াছে, যে নরাধম নরহত্যা করি-
 য়াছে বা সতী স্ত্রীর ধর্মনাশ করিয়াছে, তাহারাও রক্ষার
 নিমিত্ত পরম পুণ্যময়ী ধর্মরূপিণী আদ্যাশক্তির চরণে
 শরণাগত । যে দুর্কৃত্ত বিষয় লোভে আপনার সহো-
 দরের ঋণ কামনা করিতেছে, যে ছুরাচার মনোরথ
 সিদ্ধির প্রকৃষ্ট সুযোগ হইবে ভাবিয়া প্রণয়িনীর স্বামী
 নাশের কল্পনা করিতেছে, যে পাপাধম প্রণয়ের প্রতি-
 দ্বন্দ্বাকে নিপাত করিবার উপায় অবেষণ করিতেছে,
 তাহারাও বাসনা সিদ্ধির নিমিত্ত মহামায়ার আশ্রয় গ্রহণ
 করিয়াছে । বাহার মোকদ্দমা অন্তায় এবং বাহার ঋণ-
 সঙ্কত তত্ত্বভরণ জয় কামনার গললগ্নীকৃত-বাসে দেবীর
 নিকট সমাগত । কেহ রোগমুক্তি কামনার, কেহ শত্রু
 নাশের বাসনার, কেহ বিপদ-শক্তির অভিপ্রায়ে দেবীর
 সমক্ষে সঞ্জলনরনে সমুপস্থিত । কেহ যোড়শোপচারে
 পূজা দিবার প্রতিজ্ঞা করিতেছে, কেহ ছাগবলি দিতে
 অঙ্গীকারবদ্ধ হইতেছে, কেহ বা সোণার নথ, রূপার
 বালা এবং পটুনাটী দিবার নিমিত্ত প্রতিশ্রুত হইতেছে ।
 একরূপ বিবিধ উৎকোচ লইয়া ব্রহ্মাণ্ডেশ্বরী সকলের
 অভিপ্রায় পূরণ করেন কি ?

শনি মঙ্গল বারে, উপনয়নাদির দিনে এবং বিশেষ

বিশেষ পর্কোপলক্ষে কালীঘাটে জনসমাগমের অতি বাহুল্য হয়। শনিবারের প্রতি বোধ হয় ভগবানের বিষদৃষ্টি আছে; কেননা শনিবারের অপরাহ্ন হইতে রবিবারের সমাপ্তি পর্যন্ত কলিকাতা ও তৎসন্নিহিত বহু স্থানে অত্যাচার ও পাপের শ্রোত প্রবল বেগে প্রবাহিত হয় এবং পবিত্র পুণ্যক্ষেত্র সমূহেও নারকীলীলার বিকট অভিনয় ও পাপের উদ্দাম নর্তন পরিদৃষ্ট হইয়া থাকে।

জ্যৈষ্ঠ মাস, রবিবার; অনেক সুরাপায়ী দল বাঁধিয়া আজ কালীঘাটে উপস্থিত হইয়াছে, অনেক চরিত্রহীনা নারী পুরুষের সঙ্গে অথবা স্বাধীন ভাবে দেবালয়ে আসিয়াছে, অনেকে অনেক প্রকার অসদভিসন্ধি সাধনের নিমিত্ত আজি এখানে জুটিয়াছে। অনেকে মন্দির সন্নিধানে ঘর ভাড়া লইয়া আহাৰাদির উদ্যোগ করিতেছে, অনেকে মন্দিরঙ্গনে গোলমাল করিতেছে, অনেকে জনতা ভেদ করিয়া মন্দির-মধ্যে দেবীর নিকট যাইবার নিমিত্ত ঠেলাঠেলি করিতেছে, অনেকে দ্বার সন্নিধানে কোনও সুন্দরী যুবতীর সহিত ঘেঁসাঘেঁসি করিবার অভিপ্রায়ে অপরের যেন ধাক্কা খাইয়া তাহার গায়ের উপর পড়িতেছে, কেহ বা কোনও কুলকামিনীর নয়নের সহিত এতবার নিজ নয়ন মিলাইবার অভিপ্রায়ে বারংবার তাহার নিকট ঘুরিতেছে, কেহ বা কোনও নারী বিশেষকে

লক্ষ্য করিয়া বিক্রপ করিতেছে, কেহ বা অসীম সাহসিকতা সহকারে কোনও রমণীর অঙ্গে হস্তক্ষেপ করিয়া তিরস্কারভাজন হইতেছে অথবা প্রহার খাইতেছে । কোথায়ও কোনও লজ্জাহীনা মধুরভাষিনী বলিতেছে, “মর মিন্‌সে চ’খের মাথা খাইয়াছি, মানুষ দেখিতে পাইস্‌ না ।” কোথায়ও কোনও লজ্জাশীলা যুবতী মৃতকল্প হইয়া সঙ্গিনী প্রোটার দেহের সহিত ঘেন মিশিয়া যাইতেছেন, কোথায়ও কোনও অবগুণ্ঠনহীনা আপনার ক্ষৌত বক্ষঃ আরও ফুলাইয়া সগর্বে চারিদিকে চাহিতে চাহিতে জনতা ভেদ করিতেছে । মন্দির-মধ্যে বিষম কলরব ; বাহিরে ভিখারীর চীৎকার, চরণামৃত দানকারী বিপ্রেয় উচ্চরব, চণ্ডীপাঠ প্রভৃতির উচ্চধ্বনি, বলিদান স্থলে ‘জয়মা জয়মা’ শব্দের উচ্চরোল, দলছাড়া সঙ্গী বা সঙ্গিনীর অব্বেষণার্থ উচ্চ চীৎকার, মাল্যদানকারীগণের বিকট যুদ্ধধ্বনি, সিন্দূর-দানকারীর উচ্চরব, আশীর্বাদকারীর বিকট শব্দ, মাংস বিক্রেতাগণের চীৎকার ইত্যাদি বহুবিধ কলরবে দিঙ্মণ্ডল নিনাদিত ।

দেব-মন্দির হইতে সঙ্কীর্ণ পথে পশ্চিম অভিমুখে নির্গত হইয়া প্রশস্ততর রাজপথে পড়িতে হয় । উক্ত সঙ্কীর্ণ পথে এবং এই রাজপথের উভয় পার্শ্বে নানা সামগ্রীর দোকান । রাজপথের পশ্চিম দিয়া আদিগঙ্গা পর্যন্ত আর এক সঙ্কীর্ণ পথ । সে পথেরও উভয় পার্শ্বে অনেক দোকান ;

সেই সকল দোকানের এক খানিতে কয়েক জন নির্ভঙ্ক পুরুষ ও নারী বসিয়া অতিশয় ঘৃণিত ভাষাষোদে মত্ত রহিয়াছে ।

সেই সম্প্রদায়ের একব্যক্তির আকার মসৌর শ্রায় ঘোর কৃষ্ণবর্ণ ; সে অতিশয় স্থূল এবং খর্কাকার, তাহার মাথার চুল মোটা মোটা এবং খাড়া, চক্ষুদ্বয় ক্ষুদ্র এবং গোলাকার, নাসিকা একটু চেপ্টা এবং অনুচ্চ, নাসার নিম্নে গৌফ অতিশয় বিরল এবং ক্ষুদ্র, ইহার নাম মতিলাল মল্লিক, এ ব্যক্তি স্বর্ণবর্ণিক জাতীয় এবং প্রভূত ধনশালী । তাহার গারে জামা নাহি, পরিধানে সূচিক্রম যুতি, তাহার কোঁচার ভাগ খুলিয়া সে গলায় জড়াইয়াছে । এই যুবা বোধ হয় এই সম্প্রদায়ের নেতা ; কারণ ইহাকেই সঙ্গীগণ বাবু বলিয়া ডাকিতেছে এবং সঙ্গিনীরা মতি বলিয়া সম্বোধন করিতেছে । ঘনিষ্ঠতার মাত্রা অতি প্রগাঢ় হহলেও সঙ্গী ও সঙ্গিনীগণ ইহাকে সমীহ করিয়া কথা কহিতেছে । এই সম্প্রদায়ে মতি ব্যতীত আর তিন যুবা, এক বৃদ্ধ ও দুই নারী ছিল । অন্ততঃ দুই একটা কার্যাও যে মনুষ্য সমাজের নয়নাঙ্কুরালে সম্পাদন করিতে হয়, কোন কোনও কার্যা যে অপরে জানিতে পারিলে লজ্জায় অবনম্বা হইতে হয়, ইহা এই সম্প্রদায়ের কেহ জানিত না । তাহারা বহুজনাকীর্ণ রাজপথের অব্যবহিত পার্শ্বে প্রকাশ্য ভাবে দোকানে বসিয়া সুরাপান করিতে করিতে যে

সকল ঘণিত আচরণ করিতেছে, তাহার কোনও উল্লেখ করাই সম্ভব নহে ।

আদিগঙ্গা হইতে স্নান করিয়া সেই সময়ে সেই পথ দিয়া দুই জন প্রৌঢ়া সঙ্গিনীর মধ্যগতা এক যুবতী মন্দিরের দিকে আসিতেছেন । চরণ-পল্লবের কিয়দংশ বাতীত তাঁহার দেহের সকল ভাগ জলসিক্ত বস্ত্রে সমাচ্ছাদিত । তিনি সেই ভাবেই সঙ্গিনীদ্বয়ের হাত ধরিয়া জলে ডুবিয়া-ছিলেন, আবার সেই অবস্থাতেই প্রত্যাগমন করিতেছেন ; চলিতে তাঁহার চরণে চরণ বাধিতেছে, লজ্জায় তাঁহার অবগুণ্ঠনাবৃত বদন নত হইয়া পড়িয়াছে । প্রৌঢ়া সঙ্গিনীরা তাঁহাকে এক প্রকার বহন করিয়া লইয়া যাইতেছে বলিলেই হয় । তাঁহাদের সম্মুখে নাতিদূরে এক চিন্তাকুল ও গম্ভীর বদন যুবা ধীরে ধীরে আসিতেছেন ; নারী-দ্রাব্য পশ্চাতে এক ভোজপুরী বলশালী দ্বারবান । তাহার মস্তকে প্রকাণ্ড পাগড়ী, হস্তে সুদীর্ঘ লাঠি । সর্বাঙ্গে মহর গতিতে যে রূপবান চিন্তাকুল যুবা অগ্রসর হইতেছেন, তিনি আমাদের সুপরিচিত ললিতমোহন । তাঁহার পশ্চাতে সঙ্গিনীদ্বয়-মধ্যবর্তিনী সিল্কবসনা সত্ত্বস্বাতা সুন্দরী ওচন্দ্রমোহন বাবুর কন্যা সরযুবালা । তাঁহারা যখন উল্লিখিত সম্প্রদায়ের অধিকৃত দোকানের অতি নিকটে আসিয়াছেন, মতিলাল তখন একজন সঙ্গিনীর কর্ণ মর্দন হইতে অব্যাহতি লাভ করিবার অভিপ্রায়ে হাসিতে

হাসিতে লাফাইয়া উঠিল, তখন জঙ্গলী লোকেরা যে ভয়ঙ্কর
 লইয়া সহরে খেলাইয়া বেড়ায় তাহাকে তাহারই মত
 দেখাইতে লাগিল। সে দোকানের সম্মুখে বাঁপের নীচে
 আদিয়া দাঁড়াইল, প্রথমে ললিতমোহনের সৌম্য ও স্থির-
 মূর্তি তাহার নয়নে পড়িল, সে একরূপ ব্যক্তির সমক্ষে চীৎ-
 কার ও অসভ্যতা প্রকাশ অবিধেয় বলিয়া মনে করিল।
 তাহার পরে পরিচারিকার মধ্যবর্তিনী সরযুবালায় স্থল
 বসনাবৃত্ত মূর্তি তাহার নয়নে পড়িল। লজ্জাহীন পুরুষের
 অপেক্ষা পুরুষ স্বভাবা বিস্তর নারীর সহিত সে একাল
 পর্যন্ত বিচরণ করিয়া আসিতেছে, লজ্জায় নারী জাতির
 ভঙ্গির উপর যে মধুরতা আনয়ন করে, সঙ্কোচে রমণীর
 যে মোহন ভাব প্রদান করে, তাহা হৃৎগাং মতিলাল আপ-
 নার পাপীয়সী সঙ্গিনীদের দেহে কখনও দেখে নাই; সে
 বিশ্বয় সহকারে অপরিচিতা জ্ঞাতনামী সরযুবালার লজ্জা
 জনিত সুপবিত্র ভাব প্রত্যক্ষ করিতেছিল। সেই সময়ে
 তাহার এক বয়স্ক কলুষিতা সঙ্গিনীর পৃষ্ঠদেশে সোহাগের
 এক কীল মারিল, সেই ঘৃণিতা কামিনী তৎক্ষণাৎ চীৎকার
 করিয়া উঠিল, “বাবা গো! মারিয়া ফেলিল গো;
 আমাকে খুন করিল গো।” বাহার পূর্বাধি এই নিলঙ্ক-
 ব্যক্তি নিচরের মাঠলামী প্রত্যক্ষ করিতেছিল, চীৎকার
 শ্রবণে তাহার ফিরিয়াও চাহিল না, কিন্তু নবাগত
 লোকেরা কোনও ভয়ানক কাণ্ড হইল মনে করিয়া ত্রস্ত-

ভাবে সেই দিকে দৃষ্টিপাত করিল, ললিতমোহন ভীত ভাবে সেই দিকে চাহিলেন; সরযু কাঁপিয়া উঠিলেন, সতয়ে মুখের কাপড় কিঞ্চিৎ অপসারিত করিয়া সেইদিকে লক্ষ্য করলেন, তাঁহার মুখ হঠাৎ মূহুর্তে শব্দ বাহির হইল, “কি হইল ?”

মতিলাল সেই নিষ্কলঙ্ক সুর-সুন্দরীর বদন দেখিতে পাইল, তাহার নয়নের সহিত সরযুর সেই সুবিস্তৃত ভুবন-মোহন নয়নের মিলন হইল; মতি মোহিত হইল। নারীর দেহে এমন অলৌকিক শোভা থাকিতে পারে তাহা সে কখনও কল্পনাতেও কামিত না। লজ্জায় অবসন্ন হইয়া সরযু মুখের কাপড় টানিয়া দিলেন। এই কার্যের সময় তাঁহার হীরক খচিত সুবর্ণ বলয়সূত্র সুগোল নবনীত নিখিতবৎ সুকোমল ভূজ-বল্লীর কিরদংশ এবং চম্পক-কলিকা সদৃশ অক্ষুলাচয় মতির দৃষ্টিগোচর হইল; বিচ্যুতের গ্রাম একবার তাহার হৃদয়াকাশ নিমিষের জ্ঞান ঝলমিমা দিল, সেই বৈদ্যাতিক শক্তি-প্রভাবে তাহার হৃদয়ের এক অক্লকারময় অংশ আলোকিত হইয়া উঠিল, সে আত্মহারা হইয়া গেল।

ললিতমোহন, তাঁহার সঙ্গিনীত্রয় এবং দ্বারবানের মূর্তি নয়নান্তরালে চলিয়া গেল। তৎক্ষণাৎ মতিলাল এক জন বয়সকে ডাকিয়া কাণে কাণে অক্ষুট স্বরে কি বলিয়া দিল। বয়স প্রস্থান করিল।

দ্বিতীয় পরিচ্ছেদ ।

দুই সপ্তাহ অতীত হইল. সরযুবালাকে সঙ্গে লইয়া ললিতমোহন কলিকাতায় আসিয়াছেন ; আহিরীটোলায় এক গলীর মধ্যে দুইটি বাড়ী ভাড়া করা হইয়াছে । এক-টিতে ললিতমোহন, টহল সিং, একজন পাচক ও এক ভৃত্য বাস করেন ; অপরটিতে সরযুবালা থাকেন । রাধিকা-সুন্দরী সঙ্গে আবশ্যকাদিক অর্থ দিয়াছেন । আর লক্ষীর মা নামে পরিচিতা একজন পুরাতন বিশ্বস্তা অভিভাবিকা দিয়াছেন । তদ্ব্যতীত সরযুর এক পাচিকা ও বি আছে । টহল সিংহের পরিচিত ও বিশ্বাসী পূরণ দোবে নামে এক দ্বারবান সেই বাটীতে দরজার পাশ্বেবর্তী ঘরে সর্বদা অবস্থিতি করে ।

ললিতমোহনের শরীর ও মনের আশ্চর্য পরিবর্তন হইয়াছে । তাঁহার সমস্ত দেহের উপর চিন্তা ও বিষণ্ণতার ছায়া পড়িয়াছে ; যে সকল কৰ্ম্ম প্রিয়ানুষ্ঠান বলিয়া তিনি এতদিন অনুসরণ করিতেছিলেন, তাহার অনেকটা তাঁহাকে ত্যাগ করিয়াছে । বহুদিন তিনি সুরা স্পর্শও করেন নাই. বহুদিন তিনি কোনও কুসংসর্গে মিশেন নাই, বহুদিন তিনি কোনও প্রকার কুচিন্তায় রত হন নাই ।

পূর্বাচরিত কার্যা-কলাপের মধ্যে কেবল পরহুঃখ কাতরতা বাতীত আর সকলই তিনি পরিহার করিয়াছেন । ইচ্ছা-পূর্বক বা বল পূর্বক তাঁহাকে মনের এবংবিধ গতি ফিরাইতে হয় নাই, স্বতই তাঁহার চিত্তের এইরূপ ভাবান্তর হইয়াছে । ললিতমোহন এখন রূপান্তরিত মনুষ্য ।

সরযূর স্বামী সহ মিলন ঘটাইবার চেষ্টায় ললিতমোহন নিরন্তর নানা লোকের সহিত মিশিতে ও কথা কহিতে লাগিলেন । হৃদয়ের অবসন্ন ভাব পরাভূত করিয়া তিনি স্বক-শ্রু এই কর্তব্য পালন করিবার নিমিত্ত একাগ্র চিত্তে যত্ন করিতে লাগিলেন ।

দুর্ভুক্ত মতিলাল সকল সন্ধানই করিয়াছে এবং বুঝিয়াছে, এখানে সহজে তাহার মনোরথ সিদ্ধির কোনই সম্ভাবনা নাই । সরযূ কে এবং কেন তিনি কলিকাতায় আসিয়াছেন, তাহাও মতিলাল জানিয়াছে । সরযূর স্বামী রজনীকান্ত মিত্রের সহিত তাহার বেশ পরিচয় ছিল ; রজনী যে কুস্থানে সর্বদা যাতায়াত করিত এবং যে কুলটার প্রতি আসক্ত হইয়া আপনার স্ত্রীর কথা একবার মনে করিতেও স্মরণ পাইত না, মতিলাল সেই স্থানে কখনও যেনও যাতায়াত করিত এবং সেই কুহকিনীর সহিত তাহার বিশেষ আলাপ ছিল । যখন মতিলাল বুঝিল যে, অর্থ দ্বারা বা কোনরূপ প্রলোভনের ফাঁদ পাতিয়া এ হরিণীকে ধরা যাইবে না, তখন সে একটা ভয়ানক কৌশল

খাটাইতে মনস্থ করিল। সে স্থির করল, রজনীকান্তকে খাড়া করিয়া সরস্বতীকে হস্তগত করিতে হইবে। স্বামীর সহিত বন্ধুত্ব থাকিলেও সে তাহার সতী পত্নীর সর্বনাশ করিবার সংকল্প ত্যাগ করিল না। চরিত্রহীন, অসংযমী বর্ষরেরা এইরূপেই সংসারে পাপের আশ্রয় আনিয়া থাকে।

মতিলাল এইরূপ দৃঢ় সংকল্প করিয়া ললিতামোহনের সহিত সাক্ষাৎ করিল এবং বুঝাইল যে, তাহার প্রণয় তিনি ব্যাকুল সেই রজনীকান্তকে সে অনায়াসে তাহার হাতে আনিয়া দিতে পারে। রজনীকান্ত সম্বন্ধে অনেক সংবাদ সে ললিতমোহনকে জানাইল। এ পর্য্যন্ত ললিতমোহন বিবিধ চেষ্টায় রজনীর সম্বন্ধে যে যে সংবাদ সংগ্রহ করিয়াছিলেন, তাহার সহিত মতিলালের কথিত বৃত্তান্ত মিলিল। অনেক অজ্ঞাত সংবাদও মতিলাল জানাইল। তাহার সহায়তা গ্রহণ আবশ্যক বলিয়া ললিতমোহন স্থির করিলেন।

একদিন, দুইদিন, তিনদিন যাতায়াতের পর মতিলাল বুঝাইয়া দিল যে, একটা বিষয়ে ললিতমোহন বাবু অঙ্গীকার বদ্ধ হইলে, সে রজনীকান্তকে তাহার নিকট হস্তগত করিতে পারে। রজনী যদি কোন মতেই জানিত না পারে যে, সরস্বতী তাহার বিবাহিতা স্ত্রী, তাহা হইলেই তাহাকে গ্রহণে আনা বাইতে পারিবে। রজনী জানিত যে, তাহার স্ত্রী বর্তমান আছে। তথাপি সে

কখনও তাহার সহিত সাক্ষাৎ বা আলাপ দূরে থাকুক, একবার তাহার সংবাদও এ পর্য্যন্ত গ্রহণ করে নাই। জীবীর নামও সে ভুলিয়া গিয়াছে, সে পর-জীবী লোলুপ, বেপ্তা-সক্ত! আপনার জীবী জানিলে সে আসিতে চাহিবে না এবং কোনই ফল হইবে না।

মতিলাল বড়ই সুন্দর অভিনয় করিল; সে বুঝাইল তাহার এ বিষয়ে কোনই স্বার্থ নাই, কেবল সরযুগালার ঞ্চায় সতী নারীর দুঃখ নিবারণ এবং ললিতমোহনের ঞ্চায় মহাত্মার মনস্তৃষ্টি সাধন ব্যতীত তাহার আর কোনই উদ্দেশ্য নাই। সে স্বয়ং পাপী ও জঘন্স লোক, কিন্তু তাই বলিয়া ভদ্রলোকের কর্তব্যাকর্তব্য বিষয়ে তাহার বোধ আছে এবং কেবল কর্তব্যের অনুরোধেই সে এই কার্য সাধনের ভার স্বন্ধে গ্রহণ করিয়াছে।

ললিতমোহন বুদ্ধিমান হইলেও মতিলালের সমস্ত বাক্যেই তাঁহার বিশ্বাস হইল। অনেকরূপ বিবেচনা করিয়াও তিনি এই ব্যাপারে কোনও অনিষ্টের কারণ দেখিতে পাইলেন না।

মতিলালকে বিদায় দিয়া ললিতমোহন বাটা হইতে নিষ্ক্রান্ত হইলেন; তাঁহার মনে হইল, বোধহয় আর অতি অল্প কালের মধ্যেই কলিকাতার থাকিবার প্রয়োজন শেষ হইবে। তাহার পর কি করিতে হইবে? রাধিকার পীড়া। এতদিনেও তিনি হৃদয়ের দুর্বলতা পরিত্যাগ।

করিয়া সুস্থ হইতে পারেন নাই কি ? বোধ হয় না ।
 তাঁহার কোন সংবাদ পাইবার উপায় নাই । আমি জীবনে
 সে দেবীর মূর্তি, তাঁহার দয়া, তাঁহার সন্নিবেচনা, তাঁহার
 ধর্মশীলতা, কোন কথাই ভুলিতে পারিষ না । না পারি
 ক্ষতি নাই । আমার শ্রাম নগণ্য, অধম ব্যক্তি যদি যন্ত্রণার
 পেষণে মরিয়া যায় তাহাতেও সংসারের কোনই ক্ষতি
 নাই । কিন্তু সেই দেবী—সেই ধর্মশীলা, পুণ্যময়ী কোমল
 প্রাণা দেবী—যে এ অবক্রব্য যাতনা সহিতে পারিবেন,
 একরূপ বোধ হয় না । পাপে তাঁহার পরিতৃপ্তি হইবে না :
 আমি জ্ঞানোদয় হইতে একাল পর্য্যন্ত হিতাহিত
 বিবেচনা রহিত ভাবে পাপানুষ্ঠান করিয়াই আসিতেছি ।
 বুঝিরাছি, পাপে কেবল অতৃপ্তি—কেবল নিরানন্দ ।
 ভগবন ! এই কর, যেন এই পুণ্যময়ীর সম্বন্ধে আমার
 হৃদয়ে ভ্রমেও কোন কুপ্রবৃত্তির উদয় না হয় ; যেন
 তাঁহাকে দেবী বলিয়া হৃদয়ের আসনে পূজা করিয়াই
 আমার পরিতৃপ্তি হয় ; যেন প্রাণের প্রাণ হইতে তাঁহার
 চরণ উদ্দেশে ভক্তির কুসুম অর্পণ করিয়া, আমি সুস্থ
 থাকিতে পারি ।

ললিতমোহন আবার ভাবিতে লাগিলেন, সুখ
 ভোগে নহে—ভালবাসায় । ভোগ অনেক হইয়াছে,
 ভালবাসা কখনও হয় নাই । ভালবাসার সুখ অস্তুরে ।
 আমি অস্তুরের মধ্যে সেই ভালবাসা পুষিয়া সুখী হইবার

প্রার্থনা করি । বিশ্বনাথ ! আমাকে সে সুখ দাও, কৃপা করিয়া সে আনন্দ দাও, দয়া করিয়া সে তৃপ্তিতে ডুবাইয়া রাখ ।

অন্যমনস্ক ভাবে বেড়াইতে বেড়াইতে ললিতমোহন গঙ্গাতীরে উপনীত হইলেন ; কি মনোহর ! কি প্রসন্নতা-গূর্ণ ! ভাগীরথী বক্ষ বিদার করিয়া বিকট বংশীধ্বনি করিতে করিতে কতই স্ত্রীমার যাতায়াত করিতেছে, কতই নৌকা দাঁড় টানিতে টানিতে তরঙ্গের উপর নাচিয়া নাচিয়া চলিতেছে । তাঁরে অগণ্য প্রায় তরঙ্গী আরোহী অন্বেষণ করিতেছে । স্নানের ঘাট প্রায় জনশূন্য । ললিতমোহন এক ঘাটের সোপানে আসিয়া উপবেশন করিলেন । তিনি যে স্থানে উপবেশন করিলেন, তাহার দক্ষিণে অদূরে নিমতলার শ্মশান । শ্মশান হইতে ধূম উড়িতেছে, গন্ধ আনিতেছে, হরি-ধ্বনি উঠিতেছে । ললিতমোহনের মনে হইল, যত ভালবাসা, যত আশঙ্কি, যত আকাঙ্ক্ষা, সকলেরই এই স্থানে শেষ । যতদিন এই শেখদশা উপস্থিত না হয়, ততদিন বুঝি প্রাণের আবেগ মিটিবার আর উপায় নাই । প্রাণকে গঠিত করিতে পারিলে, মনকে সংযত করিতে অভ্যাস করিলে, উপায় হয় নাকি ? সে স্থান ত্যাগ করিয়া ললিতমোহন উত্তর দিকে চলিতে লাগিলেন ।

সহসা ললিতমোহন দেখিতে পাইলেন, পিচ্ছল পথে

তারে উঠিতে গিয়া ক্রোড়স্থ সস্তান-সহ এক যুবতী নারী কর্দমে পড়িয়া গেল । তৎক্ষণাৎ অনেকে হাসিয়া উঠিল ; কেহ কেহ বা ‘আহা পড়িয়া গেল !’ কেহ কেহ বা ‘আহা লাগিয়াছে কি ?’ বলিয়া মৌখিক সহানুভূতি প্রকাশ করিতে লাগিল । ললিতমোহন বেগে সেখানে উপস্থিত হইলেন ।

নারী সস্তান ক্রোড়ে লইয়া, কোন প্রকারেই উঠিতে পারিতেছে না । শিশু কাঁদিয়া জাকুল হইল । লজ্জায় ও অশ্রুবিধায় নারী বিব্রত হইতেছে ; ললিতমোহন নিকটস্থ হইয়া বলিলেন,— “আমি তোমার সস্তান মা ! তুমি খোকাকে আমার কোলে দেও । সস্তানের হাত ধরিতে কোন দোষ নাই, তুমি আমার হাত ধরিয়া উঠ ।”

নারী নিরুপায় অগত্যা তাহাকে ললিতমোহনের প্রস্তাবে সম্মত হইতে হইল ; তখন ললিতমোহন সেই কাদা মাখা ছেলেকে পরম সমাদরে কোলে গ্রহণ করিলেন এবং হাত ধরিয়া সেই ভূপতিভা নারীকে উঠাইলেন, তাহার পর জিজ্ঞাসিলেন,— “তুমি কোথা যাইবে মা ! তোমার সঙ্গে কে আছেন ?”

নারী মস্তক নত করিয়া বলিল,— “আমি নৌকা হইতে নামিতেছিলাম, অহিরীটোলায় যাইব ; সঙ্গে কেহ নাই ।”

ললিত আবার জিজ্ঞাসিলেন,—“একলা ধাইতে পারিবে ?”

নারী বলিল,—“হাঁ ?”

ক্রীয়ে উঠিলে ললিতমোহন শিশুকে নামাইয়া দিলেন,
নারী তাহাকে কোড়ে লইয়া ধীরে ধীরে চলিয়া গেল।

ললিতমোহন শূন্যমনে, পথ দিয়া চলিতে লাগিলেন।

তৃতীয় পরিচ্ছেদ ।

যে বাসায় সম্প্রতি ললিতমোহন অধিষ্ঠান করিতে-
ছেন, তাহা এক মহল। উপরে দুইটা ঘর, একটাতে
বাবুর বৈঠকখানা, নীচে পাকাদি হয়। বাসায় নিতান্ত
প্রয়োজনীয় দ্রব্য ব্যতীত অন্য কিছুই নাই। কুত্রাপি
কোনও সাজ-সরঞ্জাম বা বিলাসিতার দ্রব্য নাই।
বেলা চারিটার সময় সেই বৈঠকখানায় ললিতমোহন
একটা সামান্য শয্যার উপর একাকী বসিয়া আছেন।
তিনি ভাবিতেছেন, কেন দেখিলাম? কেন দেখা
দিলাম? যে হৃদয় কখনও অশান্তি কাহাকে বলে
জানিত না, তাহাতে কেন কালানল জ্বালিলাম? যে
অন্তঃকরণ কাহারও নিকট বশুতা স্বীকার করে নাই, সে
কেন আজ একমাত্র চিন্তায় আত্মবিসর্জন করিল?
ভালবাসায় যে সুখ, তাহা এখন বুঝিয়াছি। এই তাঁর
যাতনার মধ্যে—এই অকুল চিন্তার মধ্যে—বড় আনন্দ
এই ভালবাসা। সেই দেবীকে আমি ভাল বাসিয়াছি;
কেন ভাল বাসিয়াছি জানি না, তাঁহাকে ভাল করিয়া
কখনও দেখি নাই, তাঁহার সহিত কখনও কথা কহি নাই,
জীবনে আর দেখা হওয়ার কোন সম্ভাবনা নাই। আলাপ

পরিচয়ের কোন আশা নাই, তথাপি ভাল বাসিয়াছি ।
 তাঁহার সুখ্যাতি শুনিয়া, তাঁহার সন্ধিবেচনার পরিচয়
 পাইয়া, তাঁহার মায়া দয়া, দেখিয়া, তাঁহার সতীত্ব ধর্মের
 মাহাত্ম্য বুঝিয়া, আমি তাঁহাকে হৃদয়ের দেবী করিয়াছি ।
 মনে মনে তাঁহার চিরদাসত্বে বদ্ধ হইয়াছি । যন্ত্রণা
 হাসিতে হাসিতে সহিব, দারুণ তুষানলে নিয়ত নীরবে
 পুড়িব, অবক্তব্য ক্লেশে ধীরে ধীরে মরিব, তথাপি প্রাণের
 কথা, জগতে কাহাকেও জানাইব না ; তিনি সতী, তিনি
 বিধবা, তিনি ধর্মশীলা ! মনের মন্দিরে সেই প্রাতিমা,
 আমার সেই কল্পনার দেবী মূর্তি, প্রতিষ্ঠিত করিয়া,
 নিরন্তর প্রাণ ভরিয়া পূজা করিব ।

টহল সিং আসিয়া নিবেদন করিল,—“যেখানে
 বৈকালে ঘাইবার কথা ছিল এখন সেখানে যাওয়া
 হইবে কি ?”

ললিতমোহন বলিলেন—“না । আর একটু পরে মার
 কাছে ঘাইতে হইবে” ।

টহল সিং চলিয়া গেল । ললিতমোহন ভাবিতে
 লাগিলেন, তিনি এই নরাধমকে ভাল বাসিয়াছেন । কি
 আনন্দ ! কিন্তু এই ভালবাসায় তাঁহার দেহ মন অবসন্ন
 হইয়াছে । কেন তিনি এ ছুরাশা সাগরে ঝাঁপ দিলেন ?
 যাহাতে তাঁহার অধিকার নাই, যাহা মনে ভাবিলেও
 তাঁহার অধঃপতন হয়, সে পাপে তিনি কেন মজিলেন ।

আমি তাঁহার ভালবাসা চাহি নাহি, আমি স্বয়ং লুকাইয়া তাঁহাকে ভাল বাসিয়াছি, আর সে জন্য অশেষ হৃৎখের অসীম সুখ ভোগ করিতেছি। ভগবন্! দয়া করিয়া সেই দেবীর হৃদয়ে শান্তি দাও। তাঁহাকে এই অযোগ্য অপাত্তের প্রতি ভালবাসা ভুলাইয়া দাও। আমি দূরে আসিয়াছি, যে নগরে তিনি বাস করেন, যেখানকার বায়ুতে তাঁহার নিশ্বাস প্রশ্বাস মিশে, যেখানে আমার পাপ চরিত্রের অনেক কথা সতত তাঁহার কর্ণে প্রবেশ করে, সে স্থান হইতে আমি সুদূর প্রদেশে চলিয়া আসিয়াছি : তিনি পীড়িতা ; এই অবলম্ব্য প্রেমের জন্য তাঁহার শরীর ভাঙ্গিয়া গিয়াছে। কি হইবে ? নারায়ণ ! সেই যন্ত্রণা পীড়িত বালিকাকে এই অসম্ভব আশায় কেন মাতাইলে ? সেই কোমলপ্রাণা, হয়তো এই কঠোর যন্ত্রণা সহ করিতে পারিবেন না এই ভীষণ যুদ্ধে তাঁহার হৃদয় ছিন্ন ভিন্ন হইবে। তিনি হয়তো অবশেষে জীবনাশু ঘটাইবেন। তাহা হইলে কি ভয়ানক চিন্তা ! তাহা হইলে সংসারে থাকিবে কি ? করুণা দূরে চলিয়া যাইবে—মমতা চিরবিদায় গ্রহণ করিবে—দয়া প্রস্থান করিবে—মায়া অদৃশ্য হইবে—কোমলতা চলিয়া যাইবে, তবে এ সংসারে থাকিবে কি ? লক্ষ্মী মরুভূমি হইবে ! একপ দুর্দিন যেন না ঘটে।

সেই শয্যায় তিনি অনেকক্ষণ অধোমুখে শয়ন করিয়া

রহিলেন ; এইরূপ সময়ে এক প্রোঢ়া নারী সেই গৃহে প্রবেশ করিল এবং অনুচ্চ্বরে ডাকিল—বাবা !

ললিতমোহন হস্ত দ্বারা চক্ষু মার্জনা করিয়া উঠিয়া বসিলেন, বলিলেন,—“লক্ষ্মীর মা ! নূতন খবর কি ?”

এই লক্ষ্মীর মা কাণী হইতে সঙ্গে আসিয়াছে । ইহার সত্য চরিত্র যেমন সুনির্মল, বুদ্ধির তাক্ততা সেইরূপ প্রশংসনীয় ।

লক্ষ্মীর মা বলিল,—“আমি আর কি নূতন খবর দিব ? সরযুদিদি বড়ই ব্যাকুল হইয়াছেন, আপনি কি করিলেন ?”

ললিতমোহন বলিলেন,—“আমি এক রকম আয়োজন করিয়াছি ; এখন বাকী কাজ কেবল তোমারই বুদ্ধির উপর নির্ভর করিতেছে ।”

লক্ষ্মীর মা বলিল,—“বলুন, আমাকে কি করিতে হইবে ?”

ললিতমোহন বলিলেন,—“কলাই হয়তো রজনীকান্ত আসিতে পারেন । মাকে তিনি দেখিতে পান, মা ও তাঁহাকে দেখিতে পান, এমন আয়োজন করিয়া দিতে হইবে । সরযুকে আপনার স্ত্রী জানিয়া রজনী আসিতেছেন না । কোন কথা-বার্তার প্রয়োজন নাই ; তুমি বুদ্ধিমতী, অধিক কথা আমি কি বলিব, তুমি বুঝিয়া কাজ করিবে ।”

লক্ষ্মীর মা বলিল, —“উত্তম ব্যবস্থা। যদি বুঝি স্কুল ফল ফলিয়াছে, তাহা হইলে আমি কিন্তু জাগাই বাবুকে অনেক কষ্ট দিব।”

লক্ষ্মীর মা প্রণাম করিয়া প্রস্থান করিল। কিয়ৎকাল পরে ললিতমোহন বাস-ভবন হইতে নিষ্ক্রান্ত হইয়া সরস্বালার অধিকৃত ভবনদ্বারে উপস্থিত হইলেন। পূরণ দোবে উঠিয়া দাঁড়াইল এবং সমস্তম্বে নমস্কার করিল।

ললিতমোহন প্রতিনমস্কার করিয়া বলিলেন, —“দোবে ঠাকুর! তোমাকে একটা কথা বলিয়া রাখিতেছি। যদি লক্ষ্মীর মা কোন অশ্রায় কার্য্য করে, কোন অপরিচিত লোককে বাড়ী আসিতে অনুমতি দেয়, তাহাতে তুমি বাধা দিও না।”

পূরণ বলিল,—“যে আজ্ঞা।”

ললিতমোহন আবার বলিলেন,—“আবশ্যক হইলে, সকল কথাই তুমি আমাকে জানাইও কিন্তু লক্ষ্মীর মার সহিত কোন কার্য্যের জন্ত প্রতিবাদ করিও না।”

পূরণ আবার বলিল, —“যে আজ্ঞা।”

ললিতমোহন ভবন মধ্যে প্রবেশ করিলেন এবং নীচে হইতে চীৎকার করিলেন, মা কোথায় লক্ষ্মীর মা কইগো ?

কথা সমাপ্তি হইতে না হইতে সরস্ব বেগে সিঁড়ির

নিকটে আসিলেন এবং অতি মধুর স্বরে বলিলেন, “বাবা উপরে আসুন ।”

লক্ষ্মীর মা বলিল,—“একবার আপনাকে আসিতেই হইবে, দিদির অনেক কথা আছে ।”

ললিতমোহন বলিলেন,—“কথা থাকুক বা না থাকুক, আমি তোমার দিদিকে দেখিতে আসিয়াছি, না দেখিয়া যাইব কেন ?”

তিনি উপরে উঠিলেন । সরযু প্রাণের ভক্তি মিশাইয়া, ললিতমোহনের চরণে প্রণাম করিলেন । সেই সরযু—যিনি একদিন উদয়ানের জন্ত লালায়িত হইয়া—ছিলেন ; সেই সরযু—যিনি একদিন, প্রাণের দায়ে রাজপথে, লোকের কুপার ভিখারিণী হইয়াছিলেন ; সেই সরযু—যিনি একদিন শত গ্রন্থিবদ্ধ মালিন বস্ত্র পরিধান করিতেন ; সেই সরযু—যাঁহার মস্তকে তৈল ছিল না, দেহে লাবণ্য ছিল না, হৃদয়ে সুখ ছিল না, সংসারে নিতান্ত প্রয়োজনীয় কোনও সামগ্রী ছিল না, সেই বিষাদ মূর্ত্তি সরযু, আজি আনন্দময়ী প্রসন্নাননা । তাঁহার পরিধান বস্ত্র সুনির্ম্মল ও মূল্যবান । দেহের স্থানে স্থানে স্বর্ণালঙ্কার । স্বভাব সুন্দর অতুলনীয় রূপরাশি ভস্ম বিনির্ম্মুক্ত বহিরে জ্বায় আনন্দোদ্ভাসিত । সেবিকারা তাঁহার পরিচর্যা করিতেছে ; ভক্ষ্য ভোজ্য বিবিধ সামগ্রী, তাঁহার পরিভূষ্টি করিতেছে । কাহার কুপায়, সেই পিতৃমাতৃহীনা

বিপন্ন বালার, এই আশাতাত সৌভাগ্যোদয় হইয়াছে ? সরযু জানেন, দয়ার অবতার ললিতমোহনের অনুগ্রহে ভাগোর এই শুভ পরিবর্তন ঘটয়াছে। সত্য বটে, রাধিকাসুন্দরী সরযুর সুখ শান্তির সকল বাবুস্বাই করিয়াছেন, কিন্তু ললিতমোহন সদয় না হইলে, সেই দেবীর অনুগ্রহ লাভ ঘটিত না। ললিতমোহন জানেন, রাধিকাসুন্দরীর দয়ার সরযুবালা সুখের আশ্রয় পাইয়াছেন, সকল অভাব ঘুচিয়াছে। আর ললিতমোহন জানেন, সরযুবালার সান্নিধ্যে আগমন করায়, রাধিকাসুন্দরীরূপ দেবার, তিনি পরিচয় প্রাপ্ত হইয়াছেন; মোহাবেশময় নন্দনদ্বার তাঁহার সমক্ষে খুলিয়া গিয়াছে, উন্মার্গগামী জীবন প্রবাহ আপনার পথ চিনিয়া লইয়াছে। পাপের পঙ্কিল ত্যাগ হইতে তিনি মুক্ত হইয়াছেন। সরযু ললিতমোহনের নিকট যেরূপ কৃতজ্ঞ, ললিতমোহন মনে মনে বোধ হয় সরযুর নিকট তদপেক্ষা কৃতজ্ঞ।

বিষাদের সজীবমূর্তি স্বরূপ, গান্ধীর্গ্যের জীবন্ত প্রতিকৃতি স্বরূপ, ধীর, অন্নভাষী, ললিতমোহন বলিলেন, “মা, তোমার সকল মনোরথ সফল হউক। আমার জীবনে কখনও কোনও চিন্তা ছিল না, আমি নিজের হিতাহিত কখনও ভাবি নাই, আমার কোনও বন্ধন নাই, তোমার সুখ-শান্তি দেখিলে, স্বামী পদে তুমি স্থান পাইলে, আমি নিশ্চিন্ত হই।”

ললিতমোহন জানিতেন, যে প্রবল অনল তাঁহার অন্তরকে নিয়ত ধীরে ধীরে দগ্ধ করিতেছে, তাহার কথা এজগতে আর কেহ জানে না। ললিতমোহন বুঝিতেন, যে আনন্দময় যাতনা তাঁহার হৃদয় মনকে প্রাতিষ্ঠিত গ্রাস করিয়া রহিয়াছে, তাহার বৃত্তান্ত তিনি ভিন্ন আর কেহ বুঝে না। কি ভ্রান্তি ! ললিতমোহন ! তুমি পুরুষ, অপর কেন ও ব্যক্তির হৃদয়ের এই ভাব প্রণিধান করিতে তুমি পারিবে না। তোমার পুরুষ বন্ধুরা তোমার এই সুখের হৃদয় বুঝিতে পারে নাহ। কিন্তু স্ত্রীলোকের নিকট হৃদয়ের ও আবেগ প্রচ্ছন্ন করিতে তোমার কখনই সাধা নাহ। তোমার এই হৃদয়ের গতির প্রত্যেক কথা সবধু বুঝিয়াছেন ; আর বুঝিয়াছেন, কাশীতে রাধিকার মাতৃকল্প সেই শ্রোতা গিন্নি মা। এই দুই জনের ব্যবস্থায়, তুমি রাধিকাশুন্দরীর নিকট হইতে দূরে আসিয়াছ, এই দুইজন, তোমাদের হৃদয়ের পরবর্ত্তন ও গতি লক্ষ্য করিতেছেন।

ললিতমোহনের কণ্ঠস্বর বাক্যের ভঙ্গি ও কথার ভাব আলোচনা করিয়া সরযুর মুখ বিষন্ন হইল। তিনি বুঝিয়াছিলেন, দূরে আসিয়াও তাঁহার বাবা অন্তরকে একটুও প্রকৃতিস্থ করিতে পারেন নাই, বরং যন্ত্রণার ভার ক্রমেই বৃদ্ধি পাইতেছে। এখনকার কথা শুনিয়া বুঝিলেন, যাতনার তীব্রতা অতিশয় বাড়িতেছে, এবং ক্রমে অসহনীয়

হইয়া উঠিতেছে । মনে বড়ই কষ্ট হইল । অতি মৃদুস্বরে জিজ্ঞাসিলেন,—“কাশীর কোনও সংবাদ পাইয়াছেন কি বাবা ?”

ললিতমোহনের প্রাণ চমকিয়া উঠিল । মনে হইল, আবার সে কথা কেন ? যে কথা ভুলিতে অহনিশ চেষ্টা করিতেছি সে কথা উল্লেখে প্রয়োজন কি ? ভুল, বিষম ভুল ! যাহা আপনি ভুলিতে পার না ললিতমোহন ! চেষ্টা করি। তাহা কি কখনও ভুলিতে পারিবে ? যত চেষ্টা করিবে ততই এই চেষ্টা, তামাকে অধিকতর বেষ্টন করিবে । ভগবানের রূপা ব্যতীত এ অসাধ্য সাধনে তুমি কখনই কৃতকার্য হইবে না ।

যথাসাধ্য যত্নে মনকে স্থির করিয়া ললিতমোহন উত্তর দিলেন, “না ।”

সরযুবালা আবার জিজ্ঞাসিলেন, “দেওয়ানজীকে পত্র লিখিতে বলিয়াছিলাম, লিখিয়াছিলেন কি বাবা ?”

ললিতমোহনের উত্তর,—“না ।”

সরযু আবার জিজ্ঞাসিলেন,—“সেখান হইতে আর কাহারও পত্র পান নাই কি ?”

“না ।”

“আমাদিগের ছই চারি দিনের মধ্যে কাশীতে ফিরিবার সম্ভাবনা আছে কি ।”

“আমি চারিদিন পূর্বে দিদি ঠাকুরাণীর পত্র পাইয়াছি ।
মা বড় অসুস্থ ।”

ললিতমোহন বলিলেন, “বটে !”

সরয়ু বলিলেন,—“আর কোনও সংবাদ এ চারিদিন
পাই নাই, আপনি একটা টেলিগ্রাফ করিয়া দেননা কেন
বাবা ।”

স্বাধিকার অসুস্থতার সংবাদ ললিতমোহনের অবিদিত
নাই, সেই চিন্তা তাঁহার হৃদয়কে অহনিশ জ্বালাইতেছে ।
এই অসুস্থতা যে বৃদ্ধি পাইয়া অচিরে সর্বনাশ ঘটাইবে,
ইহাই তাঁহার প্রধান আশঙ্কা । একপ আশঙ্কার
স্থলে, সংবাদ না লইয়া থাকা অসম্ভব । বলিলেন,—
“আচ্ছা ।”

এই সময়ে লক্ষ্মীর মা তথায় উপস্থিত হইল, বলিল,—
“বাবা আপনার স্বামীর খাবার আজি এবাটা হইতে
যাইবে ।”

ললিতমোহন বলিলেন,—“বেশ, আমি তবে এখন
আসি, তুমি ব্যাকুল হইয়াছ জানাহয়্যা, তোমার নামে
টেলিগ্রাফ করিব ।”

ধীরে ধীরে ললিতমোহন প্রশ্ন করিলেন । তাঁহার
মূর্তি অদৃশ হইলে সরয়ু বালা দীর্ঘ নিশ্বাস ত্যাগ করিয়া
বলিলেন,—“হে বিশ্বনাথ ! কেন তুমি এ দেব-দেবীর হৃদয়ে
এ আগুন জালিলে ? যে পাপে এ পুণ্যাঙ্গদের কেহই

পদার্পণ করিবেন না, কেন তাঁহাদিগের মনে সেই
প্রবৃত্তি জাগাইয়া এ সৰ্বনাশ ঘটাইলে ? কেন ভগবান,
সুখের রাজ্যে দারুণ হলাহল ছড়াইলে ?” আবার
দীর্ঘ নিশ্বাস ত্যাগ করিয়া, সরষু ঘরের মধ্যে প্রবেশ
করিলেন ।

চতুর্থ পরিচ্ছেদ ।

আবার কালীঘাট । সরযু প্রভৃতি সকলকে সঙ্গে লইয়া, ললিতমোহন প্রাতে কালীঘাটে আসিয়াছেন । কেবল পুরণ দোবে বাটীতে আছে । কালীঘাটে যেরূপ বাসা পাওয়া যায়, সেরূপ বাসা ভাড়া করা হইয়াছে । সকলের স্নান ও দেবীদর্শন সমাপ্ত হইয়াছে, পাচিকা পাক আরম্ভ করিয়াছে, ঝি তাহার যোগাড় করিয়া দিতেছে ; সরযু ও লক্ষ্মীর মা এক কক্ষে বসিয়া আছেন ; বাটীতে অল্প লোকের প্রবেশ নিবারণের নিমিত্ত টহল সিং দ্বার সমাপে উপবিষ্ট, আর বাহিরের এক দাবায় চিন্তাকুল ললিতমোহন একাকী আসীন ।

সদৃশতা মুক্তকেশী সরযুর স্বভাবসুন্দর রূপরাশি যেন ক্রমেই অধিকতর ফুটিয়া উঠিতেছে ; মনের আশা বহু গুণে বাড়িয়া উঠিয়াছে । ললিতমোহন, তাহার স্বামী-সম্মিলনের ভার গ্রহণ করিয়াছেন । তিনি পরের জন্ত সততই প্রাণ দিতে প্রস্তুত, পরোপকারের নিমিত্ত তিনি অসাধ্য সাধনে তৎপর । সরযুর সেই বাবা যখন ভার গ্রহণ করিয়াছেন, তখন নিশ্চয়ই মনের বাসনা পূর্ণ হইবে । আনন্দ দেহের উপর বড়ই আশ্চর্য্য শক্তি সঞ্চার

করে । আনন্দে সরসুর হৃদয় ভরিয়া গিয়াছে এবং সর্বাপন্ন যেন উৎফুল্ল হইয়া উঠিয়াছে । ললিতমোহন আরও ভরসা দিয়াছেন যে, মা কালীর কৃপায় অতি সত্বরই কামনা সিদ্ধ হইবে । সেইজন্যই তো লক্ষ্মীর মার পরামর্শে, ললিতমোহনের উদ্বোধনে, সরসু মা কালীর চরণে প্রণাম করিতে আসিয়াছেন, তাহার নিকটে রোদন করিতে আসিয়াছেন ।

লক্ষ্মীর মা সরসুকে বলিল,—“দিদি ! আমি শুনিয়াছি, কামাইবাবু আজ কালীঘাটে আসিয়াছেন ।”

সরসুর প্রাণ বড়ই চঞ্চল হইল । স্বামী এত নিকটে ! যাঁহাকে বারেক দূর হইতে দেখিতে পাইলে, তিনি অপরিমিত সৌভাগ্য জ্ঞান করেন, সেই স্বামী এত নিকটে আছেন ; কিন্তু হায় ! যাঁহার চরণসেবায় সরসুর নিত্য অধিকার, তাহাকে একবার দূর হইতে দর্শন করিতেও তাহার ক্ষমতা নাহি । সরসু অধোমুখ ।

লক্ষ্মীর মা আবার বলিল,—“তাঁহাকে যদি দূর হইতে তুমি দেখিতে পাও, তাহা হইলে চিনিতে পারিবে কি ?”

সরসু বলিলেন,—“চিনিতে পারিব না ? নিশ্চয় তাহার মূর্ত্তি আমার প্রাণের মধ্যে জাগিতেছে, আমি তাঁহাকে চিনিতে পারিব না ? তিনি আমাকে কখনও দেখেন নাই; তিনি নিকটে আসিয়া দেখিলেও আমাকে চিনিতে পারিবেন না । কিন্তু আমি বিবাহের পর যে তিন দিন

স্বপ্নরবাণী ছিলাম, সে তিন দিন বার বার তাঁহাকে দেখিয়াছি । তাঁহার চুল দেখিলে চিনিতে পারি, নাক দেখিলে চিনিতে পারি, পা দেখিলে চিনিতে পারি । তাঁহার এক একটা অঙ্গ দেখিলে আমার চিনিতে ভুল হয় না । কিন্তু দিদি ! এ রথা আশ্রাস তুমি কেন দিতেছ ? এখানে তাঁহাকে দেখিতে পাওবার কি উপায় হইতে পারে ?”

লক্ষ্মীর মা বলিল,—“উপায় যদি করিতে পারি, চেষ্টা করিব কি ?”

সবয়ু আবার বলিলেন,—“এ কথা কেন জিজ্ঞাসা করিতেছ লক্ষ্মীর মা ! যদি অনেক চেষ্টা করিয়াও একবার মূর্ত্তমান্যের জন্ত তাঁহাকে দেখাইয়া দিতে পার, তাহা হইলেও আমার জন্ম সফল হইবে । যদি একবার দূর হইতে দেখিতে পাওয়ার পরেই আমাকে মরিতে হয়, আমি তাহাতেও প্রস্তুত । দেখা দূরে ষাউক দিদি ! যদি তাঁহার পায়ের, যদি তাঁহার জুতার, দুইটা ধূলা আনিয়া আমাকে দিতে পার, আমি তাহাও মাথায় ধরিয়া নারাজন্ম সার্থক করি ।”

লক্ষ্মীর মা নীরব । তাহার চক্ষুতে জল আসিল । বলিল,—“বলিতে পারি না, কত জন্মের পুণ্যে পুরুষের ভাগ্যে একপ স্ত্রী ঘটে । এমন রত্ন পাইয়াও যে হেলান হারাইল, তাহার গ্নান অভাগা আর কে আছে ।”

সরষু বলিলেন,—“ছিছি, এমন কথা বলিও না দিদি ! আমি জন্ম জন্মান্তরে অশেষ পাপ করিয়াছি, সেজন্তই আমার চরণে স্থান পাই নাই। তিনি দেবতা, যে দেবসেবা করিতে পার, তাহারই সৌভাগ্য ; আমার দুর্ভাগ্য, আমি দেবসেবার অধিকারিণী নহি। তুমি বলিতেছ দাদ, তিনি এখানে আসিয়াছেন, কিন্তু তোমরা তাহা জানিলে কিরূপে ?”

লক্ষ্মীর মা বলিল,—“বাবা সকল পরিচয় গ্রহণ করিয়াছেন। তিনি কলিকাতায় এপর্যন্ত অনেক সন্ধান করিয়াছেন। বিশেষরূপে না জানিয়াই কি তিনি একথা বলিতেছেন ?”

সরষু বলিলেন,—“বাবা যখন সন্ধানের পর স্থির করিয়াছেন, তখন সকলই ঠিক হইয়াছে।”

তখন লক্ষ্মীর মা বলিল,—“আমাদের এ বাসা আমরাই ভাড়া করিয়াছি, কিন্তু পাশের এ বাড়ী অনেক লোক ভাড়া করিয়াছে ; এই পাশের বাটীতেই জামাইবাবু আছেন।”

উভয় বাসাই এক বাড়ীওয়ালার। ঘরের দেওয়াল নাই, বেড়া দেওয়া। সরষু বুঝিলেন, এই বেড়ার বিপরীত দিকে তাঁহার আরাধ্য দেবতা অবস্থিতি করিতেছেন। ইচ্ছা হইল, এই সামান্য প্রতিবন্ধক দূর করিয়া তিনি দেবচরণে প্রণাম করিতে ধাবিত হইবেন, কিন্তু অসম্ভব।

লক্ষ্মীর মা আবার জিজ্ঞাসিল,—“তুমি তাঁহাকে দেখিতে পাইলে উৎসাহে মত্ত হইবেনা তো ? জামাইবাবু তোমাকে চিনিতে পারেন বা বুঝিতে পারেন এমন কোন কাজ করিবে না তো ?”

সরষু বলিলেন,—“না দিদি ! যদি তোমাদের দয়ায় একবার দেখিতে পাওয়ার ভাগা হয়, তাহা হইলে আমি নিশ্চল হইয়া মাটির পুতুলের মত চক্ষুর পাতা না ফেলিয়া, তাঁহাকে দেখিয়া লইব । আর কিছুই আমি করিব না । যদি দেখিতেই পাই, আর তাহার পর যদি তিনি আমাকে দাসী বলিয়াই চিনিতে পারেন, তাহাতেই বা ক্ষতি কি ?”

লক্ষ্মীর মা বলিল,—“সে অনেক কথা । মোটামুটি বলিতেছি যে, তিনি চিনিতে পারিলে, আমাদের গের ষড়যন্ত্র মাটি হইবে । তিনি অপরিচিতা স্ত্রী মনে করিয়া তোমাকে দেখেন, ইহাই আমাদের উদ্দেশ্য ।”

সরষু বলিলেন,—“তাহাই হইবে লক্ষ্মীর মা । আমি সত্যই অপরিচিতা । অপরিচিতারূপেই স্থির হইয়া থাকিব । কিন্তু সত্যই কি তাঁহাকে দেখাইয়া দিতে পারিবে লক্ষ্মীর মা ?”

লক্ষ্মীর মা বলিল,—“পারিব, চিন্তা করিও না, কোন ভয় নাই । এই বাসার বেড়ায় যে জানালা দেখিতেছ, তুমি ঐ দিকে চাহিয়া থাক, তাহা হইলে যাহা দেখিতে

চাহ, তাহাই দেখিতে পাহবে । আমি একটু চলিয়া যাইতেছি, শীঘ্র ফিরিব ।”

লক্ষ্মীর মা প্রস্থান করিল । সরযু একাগ্রচিত্তে, অতিশয় আগ্রহের সহিত সেই বাতায়ন অভিমুখে নয়ন স্থির করিয়া রাখিলেন ; সেদিক হইতে, নারীকঠোরিত সঙ্গীতধ্বনি, পুরুষের কলরব প্রভৃতি নানা প্রকার শব্দ সরযুর কণে প্রবেশ করিতে থাকিল ।

সহসা সরযু দেখিলেন, সেই বাতায়নের অপর পাশ্বে এক যুবাপুরুষ দণ্ডায়মান । তাহার দেহের নিম্নভাগ দেখিতে পাওয়া যাইতেছে না কিন্তু বক্ষঃস্থল হইতে মস্তক পর্য্যন্ত সঙ্গাংশ সুস্পষ্টরূপে দৃষ্ট হইতেছে ।

আশা সফল হইল । সম্মুখের ঐ প্রিয়লোক্য পুরুষই সরযু বালার স্বামী, সরযু বালার হৃদয়ের আরাধা । যুবার বর্ণ গৌর, মস্তকের কেশরাশি সমস্তে দ্বিধা বিভক্ত, ললাট প্রশস্ত, নয়ন উজ্জ্বল, কিন্তু নয়নতল কালিমাযুক্ত । যে মূর্তি তিন দিন বার বার দর্শন করায়, সরযুর হৃদয়ে পাষণাক্তিত প্রতিমার ন্যায় প্রতিষ্ঠিত আছে, সেই মূর্তি সশরীরে সরযুর নয়নসমক্ষে দণ্ডায়মান । সন্দেহ নাই, ভ্রান্তি নাই ।

সরযুর চক্ষুতে পলক নাই, নাসাতেও বুঝি বা নিশ্বাস নাই, নয়নে জল নাই, অধরোষ্ঠে হাসি নাই, অঙ্গপ্রত্যঙ্গের ক্রিয়া নাই, আছে কেবল হৃদয়ের অতিক্রমতগতি ।

রজনীকান্ত দূর হইতে এই শোভাময়ী সুন্দরীকে দর্শন করিয়া মোহিত হইলেন । রূপের প্রবল মাদরা ঠাট্টাকে মত্ত করিয়া ফেলিল । তিনি যে সকল ঘৃণিত ভোগে জীবন যাপন করিয়া আসিতেছেন, তাহার কৃতাপি রূপ অতুলনীয় শোভার সমাবেশ দেখিতে পান নাহ । সতীর দেহে যে অত দুঃখ সৌন্দর্যের আবির্ভাব হয়, কোন বিলাসিনার বেশভূষার অশেষ পারিপাট্যে ও তাহা হইতে পারে না । সেই রূপোন্নত পশু এই সুন্দরীকে লাভ করার জন্য ক্ষিপ্ত হইয়া উঠিল । সে রূপেরই দাস, ভোগকে সে প্রেম বলিয়া জানে এবং লাস্যে গনিত মত্ততাই তাহার বিবেচনায় ভালবাসার সার ।

অভাগা রজনীকান্ত ! যে সুন্দরীকে দেখিয়া তুমি আশ্রয় হইয়াছ, সর্বস্ব পণ করিয়াও যে সুন্দরীকে হস্তগত করিতে তুমি এখন পশ্চাৎপদ নও, জান কি নরাধম ! সে তোমার কে ? তোমার মতিচ্ছন্ন না হইলে, তুমি আপনার পায়ে আপনি কুঠারাঘাত না করিলে, এই সুন্দরীর সঙ্গসুখে, পরম আনন্দে হাসিতে হাসিতে জীবনযাত্রা নির্বাহ করিতে এবং ঐ সতী-লক্ষ্মী তোমার চরণসেবা করিতে করিতে অপার আনন্দভোগ করিতেন ।

লক্ষ্মীর মা ফিরিয়া আসিল । সঙ্গে সঙ্গে বাতায়ন হইতে রজনীকান্তের মূর্তি সরিয়া গেল । স্বর্গের দ্বার রুদ্ধ হইল । নন্দনের আলোক নিবিয়া গেল । সরযুর

নয়নে বসুকরা তমসাচ্ছন্ন হইল সরযু তখন সংজ্ঞাহীনা
কাষ্ঠগুবলিবৎ ।

লক্ষ্মীর মা ডাকিল, “দিদি ! দিদি !”

কোন উত্তর নাই । তখন লক্ষ্মীর মা সভয়ে সরযুর
গায়ে হাত দিয়া নাড়িতে নাড়িতে ডাকিল, “দিদি ! দিদি !
কি দেখিতেছ ? জানালায় ত কেহ নাই ।”

তখন সরযুর সংজ্ঞা হইল, তিনি বলিলেন,—“লক্ষ্মীর
মা, আর আমার দুঃখ নাই, আমার জীবন জন্ম সার্থক
হইয়াছে ; এখনই যদি আমার মৃত্যু হয় তাহা হইলেও
আমি দুঃখিত নই ।”

তখন সরযু সেই ভূমিতলে শুইয়া পড়িলেন, এবং
বস্ত্রে বদনাযুত করিয়া বালিকার আয় রোদন করিতে
লাগিলেন ।

পঞ্চম পরিচ্ছেদ ।

একজন প্রতিভাশালী বরণীয় কবি বলিয়াছেন যে, রূপজ মোহের আকর্ষণ অতি প্রবল : একথায় কোনই সন্দেহ নাই ; কিন্তু সঙ্গে সঙ্গে ইহাও বলা আবশ্যিক যে, নূতনত্বের প্রতি মনুষ্যের আসক্তি অতিশয় বলবর্তী । যাহারা চিত্তকে সংযত করিতে অভ্যাস করে নাই, যাহারা যৌবনের অব্যবহিত ভোগকেই জীবনের একমাত্র আনন্দ বলিয়া বুঝিয়াছে এবং যাহারা নিরন্তর ইন্দ্রিয় পরিতৃপ্তির নিমিত্ত ব্যাকুল, তাহারা নূতনত্বেরই পক্ষপাতী । যে পদার্থ একবার ভোগ করা হইয়াছে, যে পদার্থের নূতনত্ব অপচিত হইয়াছে, তাহারা তৎসম্বন্ধে আকৃষ্ট চিত্ত হয় না । এই নূতনত্বের প্রতি অমুরাগ নিবন্ধন পাষণ্ডেরা নিত্য নব নব ভোগের পদার্থ অনুসন্ধান করিতে ব্যস্ত : এ জন্ত স্বকীয়া অপেক্ষা পরকীয়ার প্রতি ছর্ভুৎসগণের আকাঙ্ক্ষা অতি প্রবল । এজন্য পরমা সুন্দরী স্বকীয়াকে উপেক্ষা করিয়া, ভোগাসক্ত ব্যক্তির অতি কুৎসিতা পরকীয়া লাভের নিমিত্ত ব্যাকুল হইয়া থাকে । এই নূতনত্বের প্রতি অমুরাগ সংসারে অনেক অনর্থ ঘটাইয়াছে,

এবং বোধ হয়, মানব জাতির অবসান কাল পর্যন্ত এই প্রকৃতি ঘোর অনর্থ উৎপাদন করিতে থাকিবে ।

রজনীকান্ত চিরদিন অব্যাহাতে কুম্ভ হইতে কুম্ভে বিচরণ করিয়া আসিতেছে । ভোগের তৃপ্তি বা আকাঙ্ক্ষার নিবৃত্তি কখনই হয় নাই । হৃদয়ের অনুরাগ মিশাইয়া, প্রাণের ভালবাসা মাখাইয়া, সে কখনও ভোগ করিতে শিখে নাই । এইরূপ অনিয়মিত ভোগীরাই, নৃতনাত্মক জগৎ লালায়িত হইয়া থাকে । সবযুবীলাকে সে আপনার পত্নী বলিয়া জানিত না । এই সৌন্দর্য্যময়ী পূর্ণাঙ্গী যুবতীকে দেখিয়া সে কাণ্ডজ্ঞান পরিশূন্য হইল, এবং ভোগ রাসনা নিবৃত্তির এই নূতন পদার্থ সংগ্রহ করিবার নিমিত্ত সে হিতাহিত বোধ রহিত হইয়া পড়িল ।

ছুরাচার মতিলালকে রজনীকান্ত পরম হিতৈষী মিত্র বলিয়া স্থির করিল ; কারণ তাহারই উদ্যোগে, এই নবীনা সুন্দরী রজনীকান্তের নয়নপথবর্ত্তিনী হইয়াছে । সে মতিলালের মুখে শুনিয়াছে, এই সুন্দরী নূতনেরও নূতন । যৌবনোদয়ের পূর্বে হইতেই সুন্দরীর স্বামী নিরুদ্দেশ । আকাঙ্ক্ষার মাত্রা অতিশয় বাড়িয়া গিয়াছে ।

মতিলাল পাশ্বেই দাঁড়াইয়া ছিল, রজনীকান্ত তাহার সহিত অনেক পরামর্শ করিল ; যদি সর্ব্বস্ব নষ্ট করিয়াও এই সুন্দরীকে হস্তগত করিতে পারা যায়, রজনী তাহাতেও কৃতসংকল্প হইল । স্থির হইল, মতিলাল

সুযোগ করিয়া দিবে এবং রজনী সুন্দরীকে লইয়া পলায়ন করিবে । তাহার পর অদৃষ্টে যাহা থাকে হইবে । সেজন্য এক্ষণে চিন্তার কোন প্রয়োজন নাই ।

মতিলাল বুঝিল, কোন প্রকারে সরযুবালাকে সরাইয়া দূরে আনিতে পারিলেই তাহার মনোরণ সিদ্ধ হইবে । যে কুলটাব সহিত রজনীর সম্প্রতি সম্বন্ধ, সে ব্রাহ্মসৌ বিশেষ । যথাকালে তাহাকে সকল কথা জানাইলে, সে রজনীর গলায় কাপড় দিয়া শতমুখী প্রহার করিতে করিতে পরিয়া লইয়া যাইবে । তখন গৃহবহিষ্কৃত সরযুর সতীত্বের গোরব থাকিবে না, কোন আত্মীয় স্বজন থাকিবে না । তখন মতিলালের আশ্রয় ব্যতীত সরযুর আর গতি থাকিবে না । বলে হউক, ছলে হউক, মতিলাল তাহাকে হস্তগত করিবেই করিবে ।

এইরূপ পরামর্শ আঁটিয়া নরাধম মতিলাল তৎক্ষণাৎ ললিতমোহনের নিকটস্থ হইল । সরযুবালা স্বামীকে দেখিতে পাইয়াছেন, এবং রজনীও অপরিচিত নারী বোধে আপনার স্ত্রীকে দেখিয়াছেন । সরযুর এই নামান্ত্র সৌভাগ্য উদয়েই আনন্দের সীমা নাই । ললিতমোহন সন্তুষ্ট হইয়াছেন, এবং এই ষোগাযোগের নিমিত্ত মতিলালের নিকট আন্তরিক কৃতজ্ঞ হইয়াছেন । যখন মতিলাল নিকটস্থ হইল, তখন ললিতমোহন এক দীন ব্রাহ্মণের সহিত কথা কহিতেছিলেন । ব্রাহ্মণ অতি শীর্ণ

রোগকাতর এবং নিতান্ত দরিদ্র । তিনি ললিতমোহনকে বলিতেছিলেন,—“আমি ভিক্ষার জন্ত আজ চারিদিন হইতে কালীঘাটে যাওয়া আসা করিতেছি । ভিক্ষা করিতে জানি না, বিশেষ রোগে কাতর, দৌড়াদৌড়ি করিয়া লোকের কাছে যাইতে পারি না, কাজেই শ্রম হইতেছে, ফল কিছু হইতেছে না । পরিবার অনেক, জীবনধারণের কোন উপায় নাই । আপনার ভাব দেখিয়া বুঝিয়াছি আপনি মহাশয় । আপনাকে এই স্থানে একা পাইয়া হৃৎথের কথা জানাইলাম ।”

ব্রাহ্মণের কথা ললিতমোহনের হৃদয়ে আঘাত করিল । তিনি আদরের সহিত সেই ভিক্ষুককে আপনার আসনে বসাইলেন । বলিলেন—“আপনি এবেলা আমাদের এখানেই আহার করুন, আহারান্তে আমা দ্বারা আপনি যে যৎসামান্য সাহায্য পাইবেন, তাহা লইয়া যাইবেন ।”

ব্রাহ্মণের সহিত একাসনে বসিয়া যখন ললিতমোহন তাঁহার সাংসারিক অবস্থার পরিচয় গ্রহণ করিতেছেন, সেই সময় ভল্লুকোপম মতিলাল তাঁহার নয়নে পড়িল । অতি সমাদরে তিনি তাহার অভ্যর্থনা করিলেন । মতিলাল অঙ্গুলি সঙ্কেতে ললিতমোহনকে উঠিয়া আসিতে বলিল ।

ললিতমোহন উঠিয়া আসিয়া বলিলেন,—“আপনি

যাহা বলিয়াছেন তাহাই করিয়াছেন । বুঝিতে পারিয়াছি, আপনি পরোপকারী, যথার্থ ভদ্রলোক ; আপনার কথায় আমাদের কোনই অविश्वास নাই । মিলনের সম্বন্ধে আপনি আর কি পরামর্শ স্থির করিয়াছেন বলুন ।”

মতিলাল বলিল,—“সকলই ঠিক করিয়াছি । কলাই বোধ হয় রজনীকে, তাহার স্ত্রীর বাসায় পাঠাইয়া দিতে পারিব ;” কিন্তু সে যদি স্ত্রী বলিয়া জানিতে পারে, তাহা হইলে তাহার মনের ভাব বদলাইয়া যাইবে । আমি একাল পর্যন্ত অনেকবার তাহার সাহিত স্ত্রীর কথা কহিয়াছি, সে স্ত্রীর নাম শুনিলে চটিয়া উঠে ; আর স্ত্রীর খোঁজ খবর লইতে বা তাহার সহিত দেখা করিতে সে নিতান্ত নারাজ ; অতএব আপনি এ বিষয়ে বিশেষ সাবধান থাকিবেন ।”

ললিতমোহন বলিলেন,—“আমি এরূপ অনেক পুরুষের সংবাদ জানি, তাহারা আপনার স্ত্রীর সহিত কোন সম্বন্ধ না রাখিয়া, কুকাঙ্গে মাতিয়া থাকে ; কিন্তু ইহাও জানি, যদি কখনও ঘটনাক্রমে স্ত্রীর সহিত একবার সাক্ষাৎ হয়, তাহা হইলে সেরূপ লোকও অনেক সময়ে, ফিরিয়া যায় । সাক্ষাতের সম্বন্ধে আপনি কি ব্যবস্থা করিতেছেন বলুন ।”

মতিলাল বলিল,—“পাঠাইয়া দিব, আপনারা তাহাকে হাতে রাখিয়া কাজ করিবেন । দেখাসাক্ষাৎ বোধ হয়

বাটীতে হইবে না। সে তাহাতে সম্মত হইবে না, বোধ হয় ভয়ও পাইবে। স্থানান্তরে লইয়া যাইতে চাহিবে, সে বিষয়ে আপনার কি মত ?”

ললিতমোহন বলিলেন,—“তাহাতে আমার অমত নাই, কিন্তু সে যদি, মাতাল ইয়ারদেব মধো বা মন্দস্থানে লইয়া যায়, তাহাতে আমি মত দিতে পারিব না।”

মতিলাল বলিল,—“ঠিক কথা। এ বিষয়ে রীতিমত সাবধান হইয়া আপনি কাজ করিবেন আমি এখন আদি, যদি কোন নূতন বাবস্থা হয় তাহা আমি আপনাকে জানাব। আপনারা বোধ হয়, এখনই আহিরীটোলায় ফিরিবেন।”

ললিতমোহন বলিলেন,—“বোধ হয়, আরও ঘণ্টাতই দেরী হইবে। আপনার পরোপকার চেষ্টায় আমি অতিশয় সুখী হইয়াছি; ভগবান নিশ্চয়ই আপনার মঙ্গল করিবেন। কালই অনুগ্রহ পূরক সংবাদ দিবেন।”

মতিলাল পণাম করিয়া বলিল,—“নিশ্চয়।”

সে প্রশ্ন করিল, তাহারই ব্যস্ততা বোধ হয় বেশী। কোন প্রকারে রজনীকান্তের দ্বারা সরযুদালাকে অন্তস্থানে লইয়া যাইতে পারিলেই সে যে, রজনীকান্তকে তাড়াইতে পারিবে এবং রজনীকে দূর করিতে পারিলেই সরযু তাহারই হইবে তদ্বিষয়ে তাহার কোন সন্দেহ নাই। সুতরাং সে অতিশয় ব্যস্ত হইয়া পরামর্শ আঁটিতে লাগিল।

অতিথি ব্রাহ্মণ পরিতোষ সহকারে আহার করিলেন, বাসার সকলেরও আহারাদি শেষ হইল। তখন ললিতমোহন সেই ব্রাহ্মণকে সঙ্গে লইয়া বাজারে আসিলেন এবং তাহাকে একমন চাউল, চারিখানি বস্ত্র, নগদ দুইটি টাকা এবং মুটিয়া ভাড়ার জন্য কিঞ্চিৎ পয়সা দিয়া বিদায় করিলেন। ব্রাহ্মণ অশ্রুপূর্ণ নহনে ললিতমোহনকে আশীর্বাদ করিতে লাগিলেন, সে কথা শুনিবার নিমিত্ত কোন অপেক্ষা না করিয়া ললিতমোহন অগ্ৰ দিকে চলিয়া গেলেন।

ললিতমোহনের অনুপস্থিতি কালে লক্ষ্মীর মাকে একবার বাহিরে আসিতে হইল। এক ভিখারিণী অনেক ক্ষণ হইতে, চারিটা পাত্রাবশিষ্ট অন্নের নিমিত্ত অপেক্ষা করিতেছিল। আহারের পর অনেক গুলি ভাত বাঁচিয়া গেল, সেই গুলি তাহাকে দিবার নিমিত্ত লক্ষ্মীর মা বাহিরে আসিল। যেখানে ভিখারিণী দাঁড়াইয়াছিল, তাহা অতি সঙ্কীর্ণ পথ। লক্ষ্মীর মা আসিয়া দেখিল, সেই সঙ্কীর্ণ পথে এক যুবা পাদচারণা করিতেছেন। লক্ষ্মীর মা সবিস্ময়ে চিনিল, সেই যুবা রজনীকান্ত মিত্র। বাতায়নে অলক্ষ্যে লক্ষ্মীর মা তাহাকে দেখিয়াছিল, আজ দেখার পূর্বেও দূর হইতে ললিতবাবুর পরামর্শ ক্রমে সে তাহাকে চিনিয়া রাখিয়াছিল। এক্ষণে লক্ষ্মীর মা মুখ খুব গম্ভীর করিল এবং রজনীবাবুর দিকে দৃকপাত না

করিয়া ভিখারিণীর নিকট ভাতের হাঁড়ি রাখিয়া দিয়া বলিল,—“দাঁড়াও তুমি, আবার ডাল তরকারী আনিতেছি !”

রজনীকান্ত নিকটস্থ হইয়া জিজ্ঞাসিলেন,—“এই বাড়ীতে ললিতবাবু নামে একটা ভদ্রলোক আছেন কি গা ?”

লক্ষ্মীর মা মুখ তুলিল না । সেদিকে ফিরিয়াও চাভিল না । বলিল,—“হাঁ ।”

সে আর কোন কথা না বলিয়া বাসার মধ্যে প্রবেশ করিল । অন্তরালে আসিয়া সে আপনমনে হাসিয়া ফেলিল, তাহাকে হাসিতে দেখিয়া সরষু জিজ্ঞাসিলেন,—“হাসিতেছ কেন দিদি !”

লক্ষ্মীর মা বলিল,—“ইঁদুর খাঁচার ঢুকিবার পথ খুঁজিতেছে ।”

যে বাতায়ন দিয়া রজনীকান্তের মূর্তি সরষুর নয়নে পড়িয়াছিল, তাহার এদিকে একটা বাঁশের আলনা খাটান ছিল । লক্ষ্মীর মা তাহার উপর দুইখানি ভিজা কাপড় ছড়াইয়া দিয়া দেখার পথ বন্ধ করিয়াছিল । সরষুকে সে ঘরের মধ্যে হইতে বাহিরে আসিতে বায়ণ করিয়া আসিল । ডাল তরকারী লইয়া, লক্ষ্মীর মা আবার বাহিরে আসিল । দেখিল তখনও রজনীকান্ত সেই স্থানেই পরিক্রমণ করিতেছেন । লক্ষ্মীর মা পূর্ববৎ মুখ ভার করিল, এবং সেদিক হইতে দৃষ্টি অপসারিত করিল ।

রজনীকান্ত আবার নিকটস্থ হইয়া বলিলেন,—
“চলিয়া যাইতেছ কেন ? দাঁড়াওনা । মানুষের সহিত
কথা कहিলে, মানুষের গা পচিয়া যায় না ।”

লক্ষ্মীর মা দাঁড়াইল, কিন্তু কোন কথা कहিল না ।
রজনীকান্ত বলিলেন,—“তোমার সহিত দুইটা দরকারী
কথা আছে । দয়া করিয়া শুনবে কি ?”

ভিগারিণী অন্নব্যঞ্জন লইয়া আশীর্বাদ করিতে করিতে
প্রস্থান করিল । লক্ষ্মীর মা বলিল,—“আপনার সহিত
কখনও জানা শুনা নাই ; আমাকে বলিবার কথা
আপনার কি আছে, বুঝিতেছি না । আমি এখন বড়
ব্যস্ত ।”

রজনী বলিল,—“বেশী কথা আমি বলিব না । জানা
শুনা কাহারও সহিত কাহারও থাকে না, ক্রমে হয় । তুমি
মনে করিলেই আমার অনেক উপকার করিতে পার ;
তুমি যদি দয়া কর, তাহা হইলে একটা কথা তোমাকে
জানাই ; কেবল কথাটার উত্তরের জন্ত তুমি যাহা চাই
তাহাই দিতে আমি সম্মত আছি ।”

লক্ষ্মীর মা বলিল,—“চাহিবার কথা এখন থাকুক ।
টাকা কড়ি আমরা দুইহাতে বিলাইয়া থাকি, সে লোভ
দেখাইয়া কাজ নাই, আপনার উপকারের কথা
বলিতেছেন ; কি করিলে আপনার উপকার হইবে সে
কথাটা আগে বলুন ।”

রজনী বলিল,—“তোমাদিগের সঙ্গে একটি ছনিয়ার
সেরা পুনরী আছে ন ?”

“আছে ন।”

“আমি তাঁহাকে একবার দেখিয়াছি।”

“বড় অন্যায় করিয়াছেন। লুকাইয়া সতী-সাবিত্রী
পরস্রাকে দেখা বড়ই দোষ।”

“যে দোষ একবার করিয়াছি, তাহাই আর একবার
করিতে চাই। দোহাই তোমার, আমি পায়ে ধরিতেছি,
ইহার উপায় তোমার করিয়াই দিতে হইবে।”

লক্ষ্মীর মা গম্ভীর ভাবে বলিল—“হইবে না। যদি
কোন কথা থাকে, এখানে তাহা বলিবার স্থান নহে।
কথার দরকার হইলে কলিকাতার বাসায় গিয়া বলা উচিত।”

ছায় রুদ্ধ করিয়া লক্ষ্মীর মা ভিতরে চলিয়া গেল।
দীর্ঘনিশ্বাস তাগ করিয়া রজনী প্রস্থান করিল।

ললিতমোহন তখনই একখানি গাড়ী সদর রাস্তায়
রাখিয়া বাসায় আসিলেন, জিনিষপত্র গোছাইয়া লইয়া
সকলে প্রস্থান করিলেন। সুলবস্ত্রে দেহ সমাচ্ছন্ন করিয়া
কি, পাচিকা ও লক্ষ্মীর মার সহিত সরযুবালা গাড়িতে
উঠিলেন। টহল সিং ও ললিতমোহন গাড়ীর ছাদের উপর
বসিলেন। সবিশয়ে ললিতমোহন ও লক্ষ্মীর মা দেখিলেন,
রজনীকান্ত ও তৎপশ্চাতে মতিলাল দূরে দাঁড়াইয়া
তাঁহাদের দিকে চাহিয়া আছেন। গাড়ী চলিয়া গেল।

ষষ্ঠ পরিচ্ছেদ ।

সেইদিন সন্ধ্যার পর মতিলাল আহিরাঁটোলার বাসায় আসিয়া ললিতমোহনের সহিত সাক্ষাৎ করিল। যে সময়ে সে আসিল, তখন লক্ষ্মীর মা তথায় উপস্থিত ছিল; মতিলাল আসিতেছে জানিয়াই সে পার্শ্বস্থ বাবে গুর দ্বারের অন্তরালে দাঁড়াইয়া রহিল; বাস্তবতা যেন মতিলালেরই বোধ। সে অনেক আগ্রহ প্রকাশ করিল, অনেকরূপ হিতৈষিতার কথা বলিল, অনেক সাবধানতার উপদেশ দিল, আপনার সততার অনেক পরিচয় জানাইল, নিঃস্বার্থভাবে পরোপকারের জন্য সে কষ্ট স্বীকার করিতেছে বলিয়া; আপনাকে আপনি সুখ্যাতি করিল এবং যাহাতে ছুই এক দিনের মধ্যে সকলের বাসনা পূর্ণ হয়, সে তাহার ব্যবস্থা করিয়া দিবে বলিয়া অনেক ভরসা দিল। ললিতমোহন তাহার কথার অনুমোদন করিলেন এবং তাহাকে হিতৈষী বলিয়া স্বীকার করিলেন। মতিলাল বিদায় হইলে, লক্ষ্মীর মা দেখা দিল এবং বলিল,—“বাবা আপনি এই মতিলালকে কিরূপ বুঝিতেছেন ?”

ললিতমোহন বলিলেন,—“অতি মন্দলোক বলিয়াই

বুঝিতেছি ; ইহার অভিসন্ধি খুব খারাপ, কিন্তু ইহার জন্যই রজনীকান্তকে পাওয়া গিয়াছে ; মার সহিত দূর হইতেও একবার চক্ষুর মিলন হইয়াছে, ইত্যাদি কারণে এই মতিলালকে আমি তাড়াইতেছি না ।”

লক্ষ্মীর মা বলিল,—“আমারও ঠিক সেই বিশ্বাস । আজই ইহার কথা শুনিয়া বুঝিলাম, এ যদি নিজে একবার দিদি ঠাকুরাণীর সহিত দেখা করিতে পায়, তাহা হইলে তাহাকে অনেক কথা শিখাইয়া দিতে পারে ; ইহাতেই বুঝা যাইতেছে লোকটার মতলব নিশ্চয়ই খুব খারাপ । এ লোকটাকে আমরা প্রথমে যে দিন কালীঘাটে দেখিয়াছি, তখনই বুঝিয়াছি ইহার মত ইতর লোক আর নাই । আর এ বিষয়ে মতিলালের এত আগ্রহ দেখিয়াও আমার বড়ই সন্দেহ হইয়াছে । এইরূপ নীচলোক যে পরোপকারের জন্ত এত ছুটাছুটি করিতেছে, ইহাতো আমার কোন মতেই বোধ হয় না ।”

ললিতমোহন বলিলেন,—“ঠিক বলিয়াছ । ইহার অভিপ্রায় যে মন্দ সে বিষয়ে আমার আর কোনই সন্দেহ নাই ; তুমি রজনীকান্তের সহিত একটু ভাল রকম আলাপ করিয়া লইতে পারিলে, মতিলালের যাতায়াত আমি বন্ধ করিয়া দিব ।”

লক্ষ্মীর মা বলিল,—“আজ তাঁহার সঙ্গে প্রথম কথা কহিয়াছি । আর একবার দেখা হইলেই আমি ভাল

করিয়া তাঁহাকে বুঝিয়া লইব । তাহার পর কি হইবে ?”

ললিতমোহন বলিলেন,—“তাহার পর অবস্থা বুঝিয়া কাণ্য করিতে হইবে ।”

লক্ষ্মীর মা চলিয়া আসিল ।

আমরা পূর্বেই বলিয়াছি, যে কুলটার সহিত রজনী-কাস্তুর মনিষ্ঠতা ছিল, মতিলাল তাহাকে অনেক কথা জানাইয়াছিল ; তাহার সাহায্য অনেক সময়ই আবশ্যিক । সেই কুলটা যখন গুনিয়াছিল, যে, রজনীকাস্তুর সহ-ধর্ম্মিণী বিশেষ আয়োজনে এতদিন পরে কলিকাতায় আসি-য়াছে, তখন জন্মের মত তাহার সর্বনাশ করিয়া দেওয়াই উচিত । রজনীকান্ত কুলটার হাতেই আছে, সরযু বালা তাহাকে কুলটার হাত ছাড়া করিয়া লইতে পারিবে বলিয়া বোধ হয় না, তথাপি শত্রু শেষ করাই কর্তব্য । এ সম্বন্ধে মতিলাল তাহাকে যে সমস্ত পরামর্শ জানাইয়া-ছিল, কুলটা সে সমস্ত সিদ্ধান্ত অকাট্য বলিয়া মনে করিয়া-ছিল । রজনীকান্ত দ্বারা সরযুকে ভুলাইয়া মতিলাল হাতে আনিবে এবং তাহার সর্বনাশ করিবে ইহা উত্তম পরামর্শ বলিয়া সে বুঝিয়াছিল । বিশেষতঃ একরূপ সংকার্য্যে মতিলাল একজন সিদ্ধহস্ত মহাপুরুষ । একরূপ কার্য্যে মতিলাল অর্ধব্যয় করিতে অকাতর । যে নারী তাহার একবার মন আকর্ষণ করে, সে তাহাকে হস্তগত

না করিয়া ছাড়িবার পাত্র নহে। তাহার পর স্বামীর চক্ষুতে সরযুবালার আর কোন মূলা থাকিবে না। উপপত্নীকে ব্যাভিচারিণী জানিয়াই পুরুষে আদরে গ্রহণ করে, কিন্তু স্ত্রী চরিত্রহীনা বলিয়া সন্দেহ হইলেও স্বামী কখনও তাহাকে গ্রহণ করিতে সম্মত হয় না। রজনী কান্তকে আবশ্যিক হওয়ায় মতিলাল সেঃ কুলটার পরগণা-গত হইয়াছে।

লক্ষ্মীর মা ও ললিতমোহন মতিলালের ভাবভঙ্গী আলোচনা করিয়া ঠিক এইরূপই সন্দেহ করিয়াছেন এবং এ সম্বন্ধে বিশেষ সাবধান হইয়া কার্য করিতে সংকল্প করিয়াছেন।

সরযুবালার শয্যার নিকটেই লক্ষ্মীর মা শয়ন করিয়া থাকে। আজি কালীঘাট হইতে সরযু বড়ই প্রসন্ন মনে ফিরিয়া আসিয়াছেন। মনে বড়ই আশা হইয়াছে। যখন একবার দেখা পাওয়া গিয়াছে, তখন আবারও দেখা পাওয়া যাইবে। তাহার পর নিশ্চয়ই তিনি দাসীকে দাসী বলিয়া স্বীকার করিবেন, কিন্তু তিনি রূপা করিয়া এখানে পদধূলি দিলেও বাবা লক্ষ্মীর মা আমাকে দেখা করিতে দিবেন না বলিতেছেন কেন ?

ধীরে ধীরে অনুচ্চস্বরে সরযুবালা ডাকিলেন,—
“লক্ষ্মীর মা! ঘুমাইয়াছ কি দিদি !

লক্ষ্মীর মা বলিল,—“না কেন ডাকিতেছ ?”

সরযু অনেকক্ষণ কিছু বলিতে পারিলেন না। শেষে সাহসে ভর করিয়া অজ্ঞামিলেন,—“তিনি আমিরে, আমি যদি দূর হইতে তাঁহাকে একটা প্রণাম করি, তাহাতে তোমাদের আপত্তি আছে কি?”

লক্ষ্মীর মা বলিল,—“কিছু না। হয়তো তোমাকে তাহাষ্ট করিতে বলিব; কিন্তু নিকটে যাইতে বা কথা কাহিতে দিতে আমরা এখন চাই না।”

সরযু বলিলেন,—“কেন লক্ষ্মীর মা! আমি তাঁহার জিনিস, যদি তিনি দয়া করিয়া আমার সহিত একটা কথা কহিতে ইচ্ছা করেন, আমাকে নিকটে যাইতে আজ্ঞা করেন, তাহা হইলে তোমরা তাহা করিতে দিবে না কেন দিদি!”

লক্ষ্মীর মা বলিল,—“তুমি তাঁহার জিনিস মতা, কিন্তু তিনিতো অনেকের জিনিস।”

সরযু বলিলেন,—“হইলেনই বা তিনি অনেকের; আমি দাসী, প্রভুর ইচ্ছামত কাজ কেন না করিব?”

লক্ষ্মীর মা বলিল,—“তাঁহাতে করিতে হইবে, সেই জন্তইতো এত আয়োজন; কিন্তু বুঝিয়া দেখিতে হইবে, বাজাইয়া লইতে হইবে, তাঁহার মতলব কি। কোথাকার জল কোথা গিয়া দাঁড়াইবে। এই সকল না ভাবিয়া চিন্তিয়া কাজ করিলে একেবারে গড়াইয়া পড়িলে বড়ই অনিষ্ট হইবে।”

সরষু অনেক ভাবিয়া চিন্তিয়া বলিলেন,—“কিন্তু ইহাতে তাঁহাকে কষ্ট দেওয়া হইবে নাকি লক্ষ্মীর মা!”

লক্ষ্মীর মা বলিল,—“হয় হইবে, এত দয়ালু কাজ নাই দিদি, তিনি হয়তো কাহারও কেনা গোলাম, হয়তো তোমাকে লইয়া একটা তামাসা করিতে চাহেন, হয়তো তোমাকে একটা বিপদেই ফেলিবেন, তাঁহাকে বিশ্বাস নাই। আগে বুঝিতে হইবে, তোমার প্রতি তাঁহার টান পড়িয়াছে কিনা, আগে বুঝিতে হইবে, তোমাকে হাতে পাইলে, তিনি কিরূপ ব্যবহার করিবেন, আগে বুঝিতে হইবে, তিনি তোমাকে স্ত্রী জানিয়া স্ত্রীর মত মর্যাদা করিবেন কিনা, তাহার পর তুমি স্বহস্তে তাঁহার পা ধোয়াইয়া সেই চরণামৃত খাইও, মাথার চুল দিয়া তাঁহার পা মুছাইয়া দিও, কিন্তু এখন তুমি দিদি! উতলা হইতে পাইবে না।”

সরষু নীরব। এই সকল কথার কোন উত্তর দিতে তাঁহার ইচ্ছা হইল না। অনেকক্ষণ পরে বলিলেন,—“কাশীর টেলিগ্রামের কথা বাবাকে জানাইয়াছ কি?”

লক্ষ্মীর মা বলিল,—“না। তিনি কোন কথা জিজ্ঞাসা করেন নাই; অকারণ আমার একথা জানান ভাল নয় বলিয়া মনে হইয়াছে।”

সরষু চিন্তা করিতে লাগিলেন; সরষুর নামে কাশী হইতে টেলিগ্রাম আসিয়াছে। দেওয়ান জীবনহরি

জানাইয়াছেন, রাণী মার শরীর ভাল আছে ; তিনি তীর্থ পর্য্যটনে ঘাইতেছেন । এ সংবাদ সরযুবালা বড়ই অমঙ্গল সূচক বলিয়া মনে করিয়াছেন । অনেক তীর্থ পর্য্যটন করিয়া রাধিকামুন্দরী কাশীতে আসিয়া বাস করিতেছেন । এ স্থান হইতে জীবনের শেষ কাল পর্য্যন্ত তাঁহার আর দিনেকের জগৎ ও স্থানান্তরে ঘাইবার বাসনা ছিল না, তবে কেন তিনি সহসা তীর্থ পর্য্যটনের সংকল্প করিয়াছেন ! সরযু বুঝিলেন, নিশ্চয়ই রাধিকামুন্দরী প্রাণের আবেগ কোন মতে শান্ত করিতে পারিতেছেন না, নিশ্চয়ই তিনি বাতনায় ছটফট করিতে করিতে শয্যাকণ্টকী রোগের ঞ্চায় স্থান পরিবর্তনের ইচ্ছা করিয়াছেন, নিশ্চয়ই তিনি হৃদয়ের দুঃসহ জ্বালা নিবৃত্তির নিমিত্ত ভিন্ন ভিন্ন স্থানে ভ্রমণ, ভিন্ন ভিন্ন কার্যের অনুষ্ঠান এবং ভিন্ন ভিন্ন চিন্তায় আত্ম নিয়োজন করিতে কামনা করিয়াছেন । বৃথা এ চেষ্টা । যদি মনের চেষ্টায় মনের গতি না ফিরে, যদি আপনাকে আপনি শান্ত করিতে না পারেন, যদি হৃদয় হইতে প্রবৃত্তিকে স্বহস্তে ছিড়িয়া ফেলিতে না পারেন, তাহা হইলে কোন উপায় নাই । বিভিন্ন স্থান, বিভিন্ন দৃশ্য, বিভিন্ন ঘটনা, বিভিন্ন কার্য এবং বিভিন্ন চেষ্টা এ ব্যাপারে কোনই সহায়তা করিবে না । সরযুর সিদ্ধান্ত অদ্রান্ত ।

সরযু আবার ভাবিতেছেন, টেলিগ্রাম বলিতেছে,

রাধিকামুন্দরী ভাল আছেন; মিথ্যা কথা। তাঁহারই আদেশে দেওয়ানজি এইরূপ মিথ্যা সংবাদ পাঠাইয়াছে। যে আগুন তাঁহার আগের ভিতর জলিতেছে, তাহাতে ভাল থাকার কোন সম্ভাবনা নাই। আমার বোধ হইতেছে, এই অগ্নি তাহাকে দগ্ধ করিয়া ফেলিবে। তিনি কখনই ভাল নাই, কিন্তু আমাদেরকে অকারণ অশুভতার সংবাদ দিয়া বাস্তব করিবার প্রয়োজন নাই, এই ক্ষুদ্র তাঁহার আদেশে দেওয়ানজি মিথ্যা সংবাদ দিয়াছেন, বড়ই চিন্তার বিষয়। এমন ধর্মশীলা পুণ্যময়ী দেবী কখনও আর দেখি নাই। ভগবন্। তাঁহার কেন এইরূপ মতিভ্রম ঘটাইলে ?

আর ললিতমোহন আমার পিতৃ স্বরূপ, অথবা গর্ভের, সম্ভান স্বরূপ, এমন পরোপকারী মনুষ্য আর কখনও হয় না। তাঁহার হৃদয়ের জ্বালা গীরবে তাঁহাকে পুড়াইতেছে। মুখে তাহার কোনই প্রকাশ নাই, ব্যবহারে কিছুই বৃষ্টি-বার উপায় নাই, কিন্তু তাঁহার মূর্তি, তাঁহার ভাব, সকলই বলিয়া দিতেছে যে, ললিতমোহন এখন আর সে ললিতমোহন নহেন।

রাধিকামুন্দরী ও ললিতমোহনের মিলন হইলে কি অদ্ভুত অতুলনীয় সম্বন্ধ হইত; কিন্তু কোন উপায় নাই; কল্পনাতেও কোন পক্ষেরই তাহা ভাবিতে অধিকার নাই। তবে কি হইবে ? এ আগুন নিবিবে কিসে ?

সরযু একটি দীর্ঘনিশ্বাস তাগ করিলেন। আবার ভাবিলেন, শুনিয়াছি ললিতমোহন চিরদিনই বড় পাপাসক্ত; কিন্তু আগরাতো তাহার কোন চিহ্নও দেখি নাই, কেবল দেবত্ব ও পুণ্যময়ত্বই তো দেখিতেছি। যদি তিনি কখনও পাপাচরণ করিয়া থাকেন, সে পাপের কোনই প্রলেপ তাঁহার প্রাণে লাগে নাই, সে পাপ তাঁহার দেবত্বের একটুও অপচয় করিতে পারে নাই। দেবতারা সগয়ে সময়ে অতি গহিত কাহ্য করিয়াছেন; কিন্তু তাহা তাঁহাদের লীলা-প্রকাশ মাত্র। আমরা বাবা যদি কখনও পাপ করিয়া থাকেন, তাহাও তাঁহার লীলা বলিয়া বুঝিতে হইবে।

রজনীকান্তের চিন্তায়, ললিতমোহন ও রাধিকাসুন্দরীর অবস্থা আলোচনায় এবং নিজের বাকুলতায় সমস্ত রাত্রিই সরযুবালার নিদ্রা হইল না। প্রভাতে একটু তন্দ্রা আসিলে, সরযু স্বপ্ন দেখিলেন,—রজনীকান্ত দূরে দাঁড়াইয়া নীরবে অশ্রু বর্ষণ করিতেছেন। সরযু বাকুল ভাবে তাঁগকে শান্ত করিবার নিমিত্ত তাঁহার নিকটস্থ হইতেছেন। নিদ্রার আবেশে তিনি বলিলেন,—“দাসী এতদিন চরণ সেবা করে নাই বলিয়া অভিমান করিও না।”

লক্ষ্মীর মা তাঁহার গা নাড়িতে নাড়িতে ‘কি স্বপ্ন দেখিতেছ দিদি!’ বলিয়া সরযুর ঘুম ভাঙ্গাইয়া দিল। সরযু উঠিয়া বসিলেন। স্বপ্নের আবেশে যে আনন্দ

মোহ তাঁহাকে আচ্ছন্ন করিয়াছিল, তাহা চলিয়া গেল ।
তখন সরযু অঞ্চলের বস্ত্রে বদনায়ত করিয়া রোদন
করিতে লাগিলেন ।

হৃদয়কে শান্ত করিয়া সরযু শয্যা ত্যাগ করিলেন ।
লক্ষ্মীর মা কার্যাতুরে চলিয়া গেল ।

সপ্তম পরিচ্ছেদ ।

বেলা সাড়ে সাতটার সময় ললিতমোহন বাবুর বাসায় যাইবার অভিপ্রায়ে, লক্ষ্মীর মা দরজা পর্যন্ত আসিয়া দেখিল, এক যুবা সতৃষ্ণ নরনে তাহাদের বাটার দিকে চাহিতে চাহিতে রাজপথে পরিভ্রমণ করিতেছেন । সহজেই লক্ষ্মীর মা চিনিতে পারিল—সে যুবা রজনীকান্ত । নিকটস্থ হইয়া রজনীকান্ত বলিলেন,—“কালি, কালীঘাটে তোমাকে দেখিয়াছিলাম ।”

লক্ষ্মীর মা বলিল,—“আজি আবার এখানেও দেখিতেছেন ; এত ঘন ঘন সাধাৎ কেন বলুন দেখি ?”

রজনীকান্ত বলিলেন,—“আমি শুনিয়াছি তোমার নাম লক্ষ্মীর মা । তোমার নিকট আমার অনেক প্রার্থনা আছে ।”

লক্ষ্মীর মা বলিল,—“অনেক যদি হয়, তবে এখন থাক, আমার অনেক কাজ ।”

লক্ষ্মীর মা মুখভার করিয়া প্রস্থানের উপক্রম করিতেছে দেখিয়া রজনীকান্ত বলিলেন,—“তুমি আমার কথা না শুনিয়া যাইও না । আমি তোমাকে বিশেষ সন্তুষ্ট করিব, তুমি আমার কথা রাখ ।”

লক্ষ্মীর মা বলিল,—“পথে দাঁড়াইয়া কথা হইবে না ; আপনি ভিতরে আসুন ।”

রজনীকান্ত কৃতার্থ হইলেন ; ভাবিলেন যখন নরম হইয়াছে, তখন আর যাহা বলিব, তাহাও শুনিবে। লক্ষ্মীর মার সহিত রজনী বাটার মধ্যে প্রবেশ করিলেন। একজন অপরিচিত যুবাকে সঙ্গে লইয়া লক্ষ্মীর মা বাটাতে প্রবেশ করিতেছে দেখিয়াও, ললিতমোহন খাবুর আঙ্গা অনুসারে, পূরণ দোবে কোনও আপত্তি করিল না। দ্বারবানের খন্ডের বিপরীত দিকে আর একটি খালিঘর ছিল, লক্ষ্মীর মা সেই ঘরে রজনীকে বসাইল এবং বলিল,—
বেশী কথা আমি ভাল বাসি না, অধিক আড়ম্বরে কাজ নাই, আপনার মনের কথা আপনি স্পষ্ট করিয়া বলুন, কোন সঙ্কোচের প্রয়োজন নাই, কোন লোভ দেখাইলেও ফল হইবে না। দেখিতেছি আপনি ভদ্র-সন্তান, কাল কালীঘাটে একবার আপনি আমার কাছে আসিয়াছিলেন, আজি আবার সন্ধান করিয়া আমাদের বাসাতে আসিয়াছেন, কাজেই আপনার কথা শুনিয়া, উচিত উত্তর দেওয়া আবশ্যিক। বলুন কি আপনার কথা ?”

রজনী ভাবিলেন, এ স্ত্রীলোকের নিকট কোনরূপ বাজে কথা চলিবে না, বিশেষ তাঁহার প্রাণের যেরূপ ব্যাকুলতা তাহাতে গৌরচন্দ্রিকাও ভাল লাগিতেছে না।

বলিলেন, —“কালি কালীঘাটে তোমাদের সঙ্গে যে সুন্দরীকে দেখিয়াছি তিনি কে ?”

লক্ষীর মা বলিল,—“একজন অপরিচিত পুরুষকে কুলবালার পরিচয় কখনও বলিয়া দেওয়া যাইতে পারে না ; তাহা জানিয়াও আপনার কোন লাভ নাই। আগে আপনাকে জানা থাকিলে, না হয় পরিচয়ের কথা হইত।”

তখন রজনীকান্ত বলিলেন, —“লক্ষীর মা ! তুমি স্ত্রীলোক, স্বভাবত তোমাদের কোমল প্রাণ। তুমি বুঝিতেছ না, আমি এই সুন্দরীকে দেখিয়া অবধি পৃথিবীর সকল চিন্তা ত্যাগ করিয়াছি। তুমি দয়া কর— আমাকে রক্ষা কর।”

লক্ষীর মা বলিল,—“আপনাকে দয়া করিতে আমার কোন আপত্তি নাই, কিন্তু আপনি যদি সেই সুন্দরীকে একবার দেখিয়াই আহার নিদ্রা ত্যাগ করিয়া থাকেন, তাহা হইলে বুঝিতে হইবে যে আপনার প্রাণে কোন বল নাই। দৈবাৎ কোন সুন্দরী নগরে পড়িলে যে পুরুষ আত্মহারা হইয়া যায়, তাহাকে বিশ্বাস করিতে নাই ; সে হয়তো অনেকবার এমন আত্মহারা হইয়াছে, আর পরেও অনেকবার এইরূপ আত্মহারা হইবে।”

রজনীকান্ত বলিলেন,—“কি বলিব লক্ষীর মা ! কি বলিয়া তোমাকে বুঝাইব ? তুমি নারী, পুরুষের মনের

ভাব তোমরা বিশেষ অনুমান করিতে পার বলিয়' স্মৃতি আছে ; আমাকে বিশ্বাস কর, আমি সত্য বলিতেছি লক্ষ্মীর মা ! জীবনে রূপ দেখিয়াছি অনেক, কিন্তু একরূপ রূপ কখনও দেখি নাই । স্বীকার করিতেছি, লক্ষ্মীর মা ! আমি বড় পাষণ্ড, কিন্তু সত্য বলিতেছি, একরূপ মত্ততা ইহার পূর্বে আমার আর কখনও হয় নাই । কি করিলে তোমার বিশ্বাস হইবে ? কি উপায়ে তোমাকে আমার মনের ভাব বুঝাইব ? লক্ষ্মীর মা ! আমি তোমার শরণাগত হইয়াছি, তুমি আমাকে রক্ষা কর, নতুবা আমার জীবন থাকিবে না ।”

লক্ষ্মীর মা মনে মনে বুঝিল, ঔষধ ঠিক ধরিয়াছে ; ইঁহুর খাচার পড়িয়াছে, বড়সীতে মাছ বিধিয়াছে ; বলিল, —“আপনি এখন চলিয়া যান, আমার সঙ্গিনীর পরিচয়ে আপনার প্রয়োজন, আমি বিবেচনা করিয়া দেখিব আপনার মত অপরিচিত লোককে তাঁহার পরিচয় জানান উচিত কি না, আর এক দিন আসিলে আপনার কথার উত্তর শুনিতে পাইবেন । আগেই বলিয়াছি, আমার এখন অনেক কাজ, আমি এখন আর দাঁড়াইতে পারিব না ।”

রজনীকান্ত বলিলেন,—“যাইও না, লক্ষ্মীর মা ! আর একটা কথা না শুনিলে তোমাকে যাইতে দিব না । তোমরা নিঃসহায় নহ, দরিদ্র নহ, আর মন্দ চরিত্রের লোকও নহ এখানে ললিতমোহন বাবু নামে এক মহাশয়

লোক পাশের বাটীতে রহিয়াছেন, তিনি তোমাদের অভি-
ভাবক ; তাঁহার সঙ্গে ও দ্বারবান আছে আরও লোক আছে ।
তোমাদের এ বাটীতেও দ্বারবান, তিন চারিজন স্ত্রীলোক ও
আছেন ; এরূপ স্থলে নিতান্ত পাগল না হইলে, কখনও
কোন লোক কোনরূপ দুষ্ট অভিপ্রায়ে আসিতে সাহস করে
না । সত্যই লক্ষ্মীর মা ! আমি কোন মন্দ অভিপ্রায়ে
এখানে আসি নাই, সত্যই আমি আত্মহারা হইয়াছি ।
সত্য বটে তুমি আমাকে এখানে আসিবার জন্ত ইঙ্গিতে
অনুমতি দিয়াছিলে ; কিন্তু কেবল তোমার সেই ইঙ্গিতের
উপর নির্ভর করিয়া এখানে হঠাৎ আসিতে কাহারও
সাহস হয় না । আমি নিতান্ত পাগল না হইলে কখনই
এখানে আসিতে পারিতাম না ।”

লক্ষ্মীর মা বলিল,—“তাহা বুঝিতেছি । আপনি
আসিয়াছেন বলিয়া, আমি বিরক্ত হইতেছি না । আসিয়া
ভালই করিয়াছেন, কিন্তু এখন আর কথাবার্তা কহিবার
সময় নাই ; যখন একবার আসিয়াছেন, তখন কষ্ট করিয়া
আর একবারও আসিতে পারিবেন । অত্র সময় আসিলে,
আপনার সকল কথা শুনিয়া উচিত উত্তর দিব ।”

রজনীকান্ত বলিলেন,—“আর একবার কেন ? আমি
আর দশবার আসিব, সারা দিনই তোমাদের বাটীতে
পড়িয়া থাকিব । তুমি আমার প্রার্থনা শুনিয়া যাহা হয়
একটা ব্যবস্থা এখনই কর । দেখ লক্ষ্মীর মা ! আমি

একটা আসিয়াছি, আমি ইচ্ছা করিলে, দশজন লোক সঙ্গে গিয়া আনিতে পারিতাম। আমার মনে কোনরূপ অভ্যাচার বা অভদ্রতা প্রকাশ করিবার ইচ্ছা নাই; আমি অনুগ্রহপ্রার্থী হইয়াই তোমাব কাছে আসিয়াছি।”

লক্ষ্মীর মা বলিল, -“তা বেশ করিয়াছেন; কিন্তু একটা কথা জিজ্ঞাসা করি, আপনি জানিয়াছেন, আমাদের টাকার ঘোর আছে, লোক জনও আছে। ইহাও জানিয়াছেন যে আমরা মন্দ চরিত্রের লোক নহি। তবে আপনি কোন্ সাহসে কুলের সত্তা মেয়েকে দেখিবার ইচ্ছায় এখানে আসিলেন?”

রজনী বলিলেন,—“ঠিক জিজ্ঞাসা করিয়াছ। আমি কোন কথা লুকাইব না। আমি অতি মন্দ চরিত্রের লোক, মন্দ লোকের সঙ্গেই বেড়াই, মতিলাল আমার বন্ধু। সে আরও মন্দ লোক; আমি জীবনে এ পর্যন্ত অনেক পাপ করিয়াছি, কিন্তু এখনও কোন কুলবালার প্রতি কুভাবে দৃষ্টি করি নাই। মতিলাল, আমাকে তোমার সঙ্গিনীর কথা বলিয়া মাতাইয়া তুলিয়াছিল; তাহারই পরামর্শে আমি সুন্দরীকে কালীঘাটে লুকাইয়া দেখিতে গিয়াছিলাম। যাহা দেখিয়াছি, তাহাতে বুঝিয়াছি মতিলালের বর্ণনা অপেক্ষা সুন্দরীর শোভা অনেক বেশী। আমি দেখিয়া অবধি পাগল হইয়াছি।”

লক্ষ্মীর মা বলিল,—“যদিই আপনি ঘটনাক্রমে কোন

সুন্দরী কুলবালাকে দেখিতে পান, তাহা হইলে সে জন্ম পাগল হওয়া বড়ই অশ্রাম কথা ; আবার তাঁহাকে দেখিবার আশায় ঘুরিয়া বেড়ান নিতান্ত দোষের কথা ।”

রজনীকান্ত বলিলেন, —“এ বিষয়েও লক্ষ্মীর মা, একটু কারণ আছে । আমি যখন কালীঘাটে সুন্দরীকে দেখিয়াছি, তখন সুন্দরীও আমাকে দেখিতে পাইয়াছেন ; তিনি কুলবালা, আমাকে দেখার পর মুখ ঢাকিয়া সরিয়া যাইলেও তিনি পারিতেন, তাহা না করিয়া তিনিও এক দৃষ্টিতে আমাকে দেখিয়াছেন । আমি তোমার নিকট অকপটে সত্য কথাই কহিতেছি । পুরুষ মানুষ—আমার মত চরিত্রহীন পুরুষ মানুষ—বল লক্ষ্মীর মা এইরূপ হইলে একটু ভরসা পায় কিনা ? আমি কাজেই ভরসা করিয়াছি, একবার যখন দয়া করিয়া দেখা দিয়াছেন দেখিয়াছেন, তখন আর একবারও দেখিতে, দেখা দিতে ইচ্ছা হইতে পারে । ইহার উপর তুমিও আমাকে এখানে আসিতে একটু ভরসা দিয়াছিলে ; বুঝিয়া দেখ লক্ষ্মীর মা, এরূপ স্থলে আমার আসা কি অশ্রাম হইয়াছে ? আমি পাগল হইরাছি সত্য ; কিন্তু তুমি আমাকে দোষী মনে করিতেছ, আমি বাস্তবিকও তত দোষ করিয়াছি কি ?”

তখন লক্ষ্মীর মা বলিল,—“ঠিক কথা । আমিও দিদির মুখে এইরূপ কথা শুনিয়াছি বটে ।”

রজনীকান্ত বসিয়াছিলেন, উঠিয়া দাঁড়াইলেন । সাগ্রহে

জিজ্ঞাসিলেন,—“তিনিও আমার কথা বলিয়াছিলেন কি ? বল লক্ষ্মীর মা ! তিনি আমার নিন্দা করিয়াছেন কি ?”

লক্ষ্মীর মা বলিল,—“সে কথায় এখন আর কাজ নাই। এখনই যে ললিতমোহন বাবুর নাম আপনি করিতেছেন, তিনি বড়ই ভদ্রলোক। কোন পুরুষ এ বাটীতে আসিবার উপায় নাই ; আপনি আসিয়াছেন জানিলে, তিনি হয়তো সর্বনাশ ঘটাইবেন ; দূর হইতে দেখা হওয়ারও কোন উপায় দেখিতেছি না। আপনি আজ চলিয়া যান।”

রজনীকান্ত বলিলেন,—“চলিয়া যাইতেছি ; কিন্তু একটা কথা না শুনিয়া যাইব না, দোহাই তোমার, সত্য বল, সুন্দরী আমার সম্বন্ধে কি বলিয়াছেন।”

লক্ষ্মীর মা বলিল,—“বলিয়াছেন, ‘লোকটি বেশ বড়ই সুন্দর ; কিন্তু বোধ হয় অতিশয় দুশ্চরিত্র।’”

রজনীকান্ত আবার বসিয়া পড়িলেন ; অনেকক্ষণ চিন্তা করিলেন, তাহার পর বলিলেন, “সত্যই বলিয়াছেন, আমি বড়ই দুশ্চরিত্র, কিন্তু লক্ষ্মীর মা ! তুমি সুন্দরীকে বলিও, আমি এই কলঙ্ক ধুইয়া ফেলিব, আমি তাঁহার মুখের এই নিন্দা শুনিয়া, লজ্জায় মরিতেছি। এ দুগাম দূর করা অতি সহজ কাজ। তাহাকে দেখিবার আশায়, তাহার মুখে সুখ্যাতি শুনিবার আশায়, আমি আমার চরিত্র ভাল করিব। আমি প্রতিজ্ঞা করিতেছি লক্ষ্মীর মা, আমি আর দুশ্চরিত্র থাকিব না।”

লক্ষ্মীর মা বলিল,—“উত্তম প্রতিজ্ঞা । দিদি আরও
শুনিয়াছেন, গরুবিণী নামে একটা স্ত্রীলোকের আপনি
কেনা গোলাম ; তাহাকে ছাড়িয়া আপনি এক তিলান্ন
থাকিতে পারেন না । তাহাকে সঙ্গে লইয়া কালি আপনি
কালীঘাট গিয়াছিলেন ।”

রজনী আসনে বসিয়া বস্ত্র দ্বারা মুখ ঢাকিয়া ফেলি-
লেন । অনেকক্ষণ পরে বলিলেন,—“কে এ সকল কথা
বলিয়াছে, তাহা আমি জানিতে চাহি না ; কিন্তু কথা
সকলই সত্য । তোমার সঙ্গিনী আমার সম্বন্ধে এত সন্ধান
লইয়াছেন, আমার প্রতি আগ্রহের সহিত চাহিয়াছেন,
আমাকে সুন্দর বলিধা মনে করিয়াছেন, এ সকলই
আমার আশার অধিক সৌভাগ্য । তাঁহাকে জীবনে
আর দেখিতে পাই বা না পাই, আমি তাঁহার কাণে,
আমার দুর্গামের পরিবর্তে যশ, সুখ্যাতি ঘাহাতে প্রবেশ
করে, প্রাণপণে তাহারই চেষ্টা করিব । আমি সচরিত্র
নামের পরিবর্তে সচ্চরিত্র নাম তোমার সুন্দরী সঙ্গিনীর
মুখ হইতেই বাহির করিব । আমার এ প্রতিজ্ঞা যদি
আমি সফল করিতে না পারি, তাহা হইলে লক্ষ্মীর মা !
যে আশায় আমি পাগল হইয়াছি, বাহা দেখিয়া আমি
আত্মহারা হইয়াছি, সেই সম্বন্ধের সকল আশায় এই স্থানেই
শেষ ।”

লক্ষ্মীর মা বলিল,—“বেশ কথা । আপনি যদি কুসংস .

ছাড়িতে পারেন, যদি বেষ্ঠার প্রণয় ভুলিতে পারেন, যদি নেশা করার অভ্যাস ত্যাগ করিতে পারেন, তাহা হইলে আমি আমার সঙ্গিনীকে, আপনার সম্বন্ধে অনেক কথা বলি। তিনি যখন আপনাকে সুন্দর, সুপুরুষ বলিয়াছেন, তখনই আমি বুঝিয়াছি যে, আপনি দুষ্চারিণ না হইলে, আপনার সম্বন্ধে অনেক নিন্দার কথা না শুনিলে, তিনি হয়তো আপনার জন্য একটু বাকুল হইতেন। আপনি আমার কাছে সকল কথাই স্বীকার করিয়াছেন, আমাকে মনের বাসনা জানাইয়াছেন, অনেক অনুনয় বিনয় করিয়াছেন; দিদির কথাও আমি শুনিয়াছি, কাজেই এ বিষয়ের একটা সহপায় না করিলে, আমার অধর্ম্য হইবে।”

রজনী বলিলেন,—“লক্ষ্মীর মা! তুমি যথার্থই ভদ্র ঘরের মেয়ে; তুমি ঠিক বলিয়াছ, এ কলঙ্ক না মুছিতে পারিলে, আমার হইয়া কোন চেষ্টা করাই তোমার উচিত নহে। আমি তোমার নিকট অতিশয় বাধিত রহিলাম। বলিও, লক্ষ্মীর মা! তোমার সুন্দরী সঙ্গিনীকে বলিও, যদি রজনীকান্ত সজ্জরিত্র হইতে পারে, যদি রজনীকান্তের সুনাম প্রচারিত হয়, তবেই যে আর একবার দূর হইতে তাঁহাকে দর্শন করিবার কামনা করিবে; নতুবা এ নরাধমের নাম এ পৃথিবীতে আর থাকিবে না।” রজনীকান্ত বেগে প্রস্থান করিলেন।

অষ্টম পরিচ্ছেদ ।

আকাজ্জক! প্রথমেই দমন করিতে না পারিলে, ক্রমে অতিশয় বাড়িয়া যায় । সরযু সত্যই কালীঘাটে রজনী-কাহ্নকে প্রাণ ভরিয়া দেখিয়াছিলেন ; রজনীর চুচরি-ত্রতা বা ইতর আচরণের কথা লক্ষ্মীর মা তাঁহাকে জানাইয়াছে । রূপভোগের আকাজ্জক, নূতনত্বের আকাজ্জক, রজনীকে বুঝাইয়া দিয়াছে যে, ঘৃণিত সংসর্গ পরিত্যাগ না করিলে, এ সাধ মিটিবার উপায় নাই । রজনী সত্য সত্যই সাবধান হইয়াছেন । তিনি পনের দিনের মধ্যে দুইবার গরবিনীর বাটীতে গিয়াছিলেন, কোন বারই তিনি অতাল্পকালের বেশী সেখানে অপেক্ষা করেন নাই । সে পাশিষ্ঠা তিরস্কার করিয়াছে, অভিনানের অভিনয় করিয়াছে, কলহ করিয়াছে, রজনীর বিরক্তি বাড়িয়া গিয়াছে ; তিনি এক কালেই সে স্থান পরিত্যাগ করিয়াছেন, সঙ্গিগণ আর তাঁহাকে বড় একটা দেখিতে পায় না । মতিলাল আর তাঁহাকে খুঁজিয়া পায় না ; সে ললিতমোহন বাবুর নিকট আসিয়া, রজনীর সংবাদ জিজ্ঞাসা করিয়াছিল ; কিন্তু তিনিও বিশেষ কোন সংবাদ দিতে পারেন নাই ।

মতিলাল চিন্তাকুল ; কি হইল ! এতটা আয়োজন শেষে কি মাটি হইল ? এমন শিকার শেষে কি হাত হইতে ফস্কাইয়া গেল ? রজনী এখানেও আসে না, বাটীতেও আসে না, যেখানে তাহার আড্ডা সেখানেও যায় না, অথচ সে কলিকাতায় আছে জানিতে পারিতেছি । কি করিতে কি হইল, কিছুই বুঝা যাইতেছে না । গরবিণীও বড়ই চিন্তাকুল । রজনীর অনুগ্রহে সে স্বচ্ছন্দে জীবনপাত করে ; তাহার গায় ইতর লোকের, আশাতীত সুখের আয়োজন রজনী করিয়া দিয়াছেন । সরষুর আগমনে ভীত হইয়া সে তাঁহার সর্বনাশ ঘটাইবার অভিপ্রায়ে, মতিলালের সহিত ভয়ানক চক্রান্ত করিয়াছিল । সরষুর ভাল মন্দ কিছুই হইল না । লাভের মধ্যে, রজনী হঠাৎ তাহাকে ত্যাগ করিলেন । বড়ই বিপদের কথা । সে মতিলালকে এই সকল ছুর্বিপাকের মূলভূত বলিয়া নির্যাতন করিতে আরম্ভ করিল ।

এই সপ্তাহের মধ্যে, রজনী প্রায় প্রতিদিন অতি সাবধানে অস্ত্রের অলঙ্কিত ভাবে, সরষুর ভবনে আসিয়া লক্ষ্মীর মার সহিত দেখা করিয়াছেন । অনেকক্ষণ ধরিয়া অপেক্ষা করিয়াছেন, অনেকক্ষণ ধরিয়া কথা কহিয়াছেন, একদিন দৈবাৎ, অথবা লক্ষ্মীর মার ষড়যন্ত্রে, রজনীকান্ত উপরের বারেণ্ডায় সরষুকে দেখিতেও পাইয়াছেন । সেদিন সরষু বেশ-ভূষার অতিশয় পারিপাট্য

করিয়াছিলেন । সেদিন সরযু রজনীকে দেখিয়া, লক্ষ্যায় মুখ নত করিয়াছিলেন ; সে দিন সরযুর মুখে আনন্দের রেখা সমূহ প্রকটিত হইয়াছিল । রজনীর মন্তব্য যদি আরও বাড়িবার সম্ভাবনা থাকে, তাহা হইলে নিশ্চয়ই সেদিন সীমা ছাড়াইয়া গিয়াছিল ।

রজনী জানিতেন, মতিলাল অতি মন্দ লোক ; ইহাও তিনি জানিতেন, যে রজনীকান্তের অংশীদার হইবার জন্তই সে এত আয়োজন ঘটাইতেছে । এই সুন্দরীকে, এই কুলবালাকে সেরূপ জঘন্য লোকের সহিত পরিচিত করাইতে রজনীর ইচ্ছা ছিল না । যদি প্রেমের বন্ধনে, যদি উত্তম পক্ষের ভালবাসার গ্রস্থিতে, সরযুর সহিত আলাপ ঘটে, তাহা হইলে রজনী তাঁহার নিকট আত্ম নিবেদন করিবেন ; নতুবা সে সুন্দরীর আশা ত্যাগ করিয়া তিনি চির বিদায় গ্রহণ করিবেন, ইহাই রজনীর দৃঢ় সংকল্প । এই জন্ত আপনাকে সেই সুন্দরীর যোগ্য করিবার অভিপ্রায়ে, রজনী আপনার স্বভাব-চরিত্র সংশোধন করিতে প্রবৃত্ত হইয়াছেন ; বাক্য ব্যবহার সংযত করিতে অভ্যাস করিতেছেন ।

একদিন মধ্যাহ্ন কালে, রজনী সরযুর ভবনে আসিয়া উপস্থিত হইলেন ! নিম্নতলের যে পার্শ্বের ঘরে আমরা তাঁহাকে সেদিন দেখিয়াছিলাম, ষতক্ষণ আসিয়া লক্ষ্যায় মা তাঁহাকে না ডাকিত, ততক্ষণ সে ঘরেও তিনি যাইতে

পাইতেন না, তাঁহাকে পূরণ দোবের নিকটেই দাঁড়াইয়া থাকিতে হইত। সেদিন লক্ষ্মীর মা তাঁহাকে একটু আদরের সহিত সেই ঘবে আনিয়া বসাইল। রজনীকান্ত জিজ্ঞাসিলেন,—“লক্ষ্মীর মা ! এখন কি তোমার সঙ্গিনী আমাকে দুশ্চরিত্র বলিয়া মনে করেন ?”

লক্ষ্মীর মা বলিল, “না। আপনার স্বভাব ভাল হইতেছে, এইরূপ সংবাদই দিদি জানিয়াছেন। আমি বুঝিয়াছি, আপনি আমার দিদির জন্ত বাস্তবিকই প্রাণ হইয়াছেন ; কিন্তু কেবল রূপ দেখিয়াই যে মত্ততা তাহা বড বেলী দিন থাকে না। আপনার এই যে অনুরাগ, ইহা হয়তো অতি অল্পকালেই শেষ হইবে। তখন আমার দিদির জাতি বাইবে, ধর্ম্ম যাঁইবে, সর্বনাশ হইবে ; এই ভয়ে আমরা এই স্থানে এ ব্যাপারের শেষ করিয়া দিতে ইচ্ছা করিয়াছি।”

রজনীকান্ত বলিলেন,—“এমন আশঙ্কা কেন করিতেছ লক্ষ্মীর মা ! বল এজন্ত আমার আবার কি প্রমাণ দেওয়া আবশ্যিক ?”

লক্ষ্মীর মা জিজ্ঞাসিল,—“কি প্রমাণ আপনি দিতে পারেন ?”

রজনী বলিলেন,—“আমার বিষয়-সম্পত্তি যাহা কিছু আছে, সমস্তই আমি তোমার দিদির নামে রেজেষ্টারী করিয়া দিয়া সম্পূর্ণরূপে তাঁহার অনুগ্রহাধীন হইতে পারি।”

“আর ?”

রজনী বলিলেন,—“আর একবার্ দিয়া যাবজ্জীবন তাঁহার আজ্ঞাধীন থাকিতে পারি ।”

লক্ষ্মীর মা বলিল,—“আর ?”

রজনী বলিলেন,—“আর কি করা যাইতে পারে, আমি বুঝিতেছি না। তুমি যাহা আবশ্যক বলিবে, আমি তাহা করিতে পারি ।”

লক্ষ্মীর মা বলিল,—“তবে দেখিতেছি আপনি কিছুই পারেন না : তুচ্ছ বিষয় আশয়ের লোভ দেখাইয়া আমার দিদিকে হাত করিতে পারিবেন না। আর আজ্ঞাধীন থাকার কথা বলিতেছেন, আবার দিদির মত সর্বশুণে শ্রুণবতী, নিখুঁত সুন্দরী মনে করিলে, অনেক রাজ-রাজেশ্বরকেও আজ্ঞাধীন করিতে পারেন। বুঝিতেছি, আপনি চিরদিন টাকা দিয়া বেণ্ডার প্রণয় কিনিয়া আসিতেছেন, চিরদিন ছকুম তামিল করিয়া, ইতর স্ত্রী-লোকের ভালবাসা ভোগ করিয়া আসিতেছেন; কাজেই আপনি তাঁহার বেশী আর কিছু বোঝেন না। এই স্থানে এ বিষয়ের শেষ করিয়া দিন, আর এ কথা कहিয়া কাজ নাই। এ আশায় আপনি আর আমাদের বাটীতে আসিবেন না।”

রজনীকান্ত স্পষ্ট জবাব শুনিয়া কি উত্তর দেওয়া উচিত, সহসা তাহা স্থির করিতে পারিলেন না। সত্যই তো,

সম্পত্তির লোভে ইতর স্ত্রীলোকেরাই আনুগত্য করে,সতাই তো তাহারা পুরুষকে অধীন করিয়া গৌরব অনুভব করে; কিন্তু আর কি বলিলে নিজের দৃঢ়তা ব্যক্ত হইবে, কি করিলে প্রাণের আকর্ষণ বুঝান যাইবে, তাহা রজনী-কাণ্ডের মনে আসিল না । তিনি নীরব, অধোমুখ ।

লক্ষ্মীর মা আবার বলিল,—“আপনি ভালবাসেন নাই—আমার দিদিকে আপনি চিনিতে পারেন নাই ।”

রজনীকান্ত বলিলেন,—“আমি খুব বুঝিয়াছি । তাঁহার সরলতা দেখিয়া তাহার অশেষ গুণ শুনিয়া, তাঁহার রূপ দেখিয়া আমি বেশ বুঝিয়াছি,—তিনি স্ত্রীজাতির অলঙ্কার । যে পুরুষ তাঁহাকে আপনার বলিয়া গৌরব করিতে পাইবে সে ই এ জগতে ধন্য ।”

লক্ষ্মীর মা বলিল,—“তাহা যদি বুঝিয়া থাকেন, তাহা হইলে আপনি আমার দিদিকে বিবাহ করিবার প্রস্তাব করিতেন ; তাহা হইলে, তাঁহাকে অগ্ররূপে গ্রহণ না করিয়া পর্ত্বীরূপে গ্রহণ করিবার পরামর্শ করিতেন—তাহা হইলে তাঁহার সহিত পাপের সম্বন্ধ না ঘটাইয়া, ধর্ম্মের সম্বন্ধ ঘটাইতে আপনি ব্যাকুল হইতেন ; তাহা হইলে তুচ্ছ ধন-সম্পত্তি রেজেষ্টরী করিয়া দিবার কথা না বলিয়া, আপনি তাঁহাকেও ধর্ম্মতঃ আপনার অংশিনী করিবার ব্যবস্থা করিতেন ; আর তাহা হইলে, আপনি তাঁহার আজাদীন দাস হইবার প্রস্তাব না করিয়া; তাঁহাকে চরণ সেবিকা

দাসী বলিয়া স্থির করিতেন । রজনী বাবু ! আপনি ভুল বুঝিয়াছেন, আপনি বুঝিতে পারেন নাই যে, এই কুল-
বালা কুবেরের ঐশ্বর্য দিলেও ধর্ম ছাড়িতে পারে না ।
ধর্মের পথ দিয়া আমার দিদিকে পাইবার জন্ত যদি
আপনি চেষ্টা করিতেন, তাহা হইলে বোধ হয় আপনার
আশা সফল হইত ।”

রজনী বলিলেন,—“লক্ষ্মীর মা ! তুমি আমাকে স্বর্গে
তুলিয়া দিতেছ । এইরূপ সৌভাগ্যের কল্পনাও আমার
মনে হয় নাই । আমি স্থির করিয়াছিলাম, বিবাহিতা স্ত্রীর
অপেক্ষাও অধিকতর এক প্রাণ হইয়া তোমার দিদির
সহিত জীবন যাপন করিব । বিবাহের কথা মনে করিতে
বা মুখে আনিতে আমার সাহস হয় নাই । আমি শুনি-
য়াছি, তোমার দিদি সধবা, তাঁহার স্বামী নিরুদ্দেশ ; সধবা
নারীর বিবাহ হয় না । এ সকল কথা আমি অনেক
ভাবিয়াছি । তাঁহাকে বিবাহ করিতে পাইবার সৌভাগ্য
আমায় কখনই ঘটিবে বলিয়া মনে হয় নাই । বল লক্ষ্মীর
মা বল ! যদি কোন উপায় থাকে আমি এখনই তাঁহাকে
সমাজের সম্মুখে, নারায়ণের সম্মুখে, ব্রাহ্মণের সম্মুখে,
সকল অনুষ্ঠানের সহিত, ধর্মপত্নী রূপে গ্রহণ করিতে
প্রস্তুত আছি । অনুমতি কর লক্ষ্মীর মা ! আমাকে কৃতার্থ
কর, আমাকে আদেশ দেও, আমি এখনই সকল আয়ো-
জন করি ।”

লক্ষ্মীর মা বলিল,—“সত্য বটে, আমার দিদির এক-বার বিবাহ হইয়াছিল, কিন্তু সে স্বামীর সহিত কখনই গিলন বা আলাপ হয় নাই, তাঁহার কোন সন্ধানও নাই ; এ অবস্থায় অবিবাহিতা কুমারীরূপে দিদির পুনরায় বিবাহ দেওয়া যাইতে পারে, একথা সকল পণ্ডিতেরই মত ।”

রজনীকান্ত বলিলেন,—“পণ্ডিতের মত হউক বা না হউক, তোমরা সন্তুষ্ট হইলে, আমি চরিতার্থ হই । এখন বল লক্ষ্মীর মা ! কি করিতে হইবে ? ললিতমোহন বাবুর চরণ ধরিয়া যদি প্রার্থনা করিতে হয়, তাহা হইলে অগ্রে আমি তাঁহারই নিকট যাই না কেন ?”

লক্ষ্মীর মা বলিল,—“আপনার কিছুই করিতে হইবে না । আমি সকল ব্যবস্থা স্থির করিয়া রাখিব ; কিন্তু আপনিও বিবেচনা করিয়া দেখুন, পর জ্ঞীতেই আপনি চিরদিন অনুরক্ত । নিজের জ্ঞী জানিলে, আপনার হয়তো সকল অনুরাগ উড়িয়া যাইবে । তখন আমার দিদির তর্দশার সীমা থাকিবে না ।”

রজনীকান্ত বলিলেন,—“বড়ই বৃথা সন্দেহ করিতেছ । দেখিতেছ না লক্ষ্মীর মা ! আমি তোমার দিদিকে বারেক দেখিতে পাইবার আশায়, জীবনের যত কু-অভ্যাস, যত কু-প্রবৃত্তি সকলই ছাড়িয়া দিয়াছি । আমি যে কলিকাতার আছি ইহা আমার ঘনিষ্ঠ আত্মীয়েরাও জানেন না ; অথচ আমি প্রতিদিন এখানে না আসিয়াও থাকিতে পারি না ।

আমি তোমার দিক্‌দিকে দেখিতে পাই না, তাঁহার সহিত কথা কহিতে পাই না, তথাপি আমি এই স্থানেই আছি ! আমার মনে হয়, যেখানে তিনি আছেন, সে স্থানের নিকট থাকিলেও আমার জীবন আনন্দময় হইবে । লক্ষ্মীর মা ! আমি বাস্তবিকই অবিশ্বাসী লোক, আমার অতীত জীবন কেবল পাপময় ; একরূপ ব্যক্তিকে তোমরা নিশ্চয়ই অবিশ্বাস করিতে পার, কিন্তু তোমাদের বিশ্বাস ভাঙনই যদি না হইতে পারিলাম, তাহা হইলে আমার বৃথা এ জীবন ধারণ ।”

রজনীকান্তের চক্ষুতে জল আসিল ; তিনি অধোমুখে, মুখে কাপড় দিয়া বসিয়া রহিলেন । লক্ষ্মীর মা আসিয়া তাঁহার হস্ত ধারণ করিল, বলিল,—“দুঃখিত হইবেন না ; বড় বিষম কার্য্যে আমরা উত্তত হইতেছি । একরূপ স্থলে নানা প্রকার সাবধানতা আবশ্যিক, আমি সকল ব্যবস্থা স্থির করিয়া রাখিব, আপনি এখন একবার বাবার সহিত দেখা করিয়া যান । যাঁহা বলিতে হয় আমি বলিব, আপনার কেবল দেখা করিলেই হইবে ।”

কিয়ৎকাল পরে মহোল্লাসে রজনীকান্ত ললিতমোহন বাবুর বাসায় প্রবেশ করিলেন ।

নবম পরিচ্ছেদ ।

রজনাকান্তের অনাদরে গরবিণী বুঝিয়াছিল যে, রাগ করিয়া থাকিলে, অভিমান দেখাইলে, অবশুই ঘুরিয়া ফিরিয়া রজনাকান্ত তাহার নিকট আসিবেই আসিবে ; কিন্তু রজনী আর সেদিকে গেল না । দিনের পর দিন কাটিয়া যাইতে লাগল, অবশেষে মুখের অভিমান আর রাখিলে চলেনা দেখিয়া, গরবিণী রজনীকান্তকে ধরিবার জন্ত ব্যস্ত হইল । প্রথমে বন্ধু-বান্ধবের দ্বারা, তাহার পর নিজে সে রজনীর সন্ধান করিল ; কিন্তু ফল কিছুই হইল না । তাহার কুমন্ত্রণায় এই অবস্থা ঘটিয়াছে, সে মতিলালও আর দেখা দেয় না । তখন গরবিণীর এক মাসী বিস্তর চেষ্টা করিয়া রজনীকান্তের সহিত এক দিন দেখা করিতে পারিল ; দেখায় ফল কিছু হইল না । রজনী বলিয়া দিলেন, “গরবিণীর সহিত তাঁহার কোন বাধ্য বাধকতা নাই ! সে তাঁহার পত্নীও নহে, অথবা তিনি তাহার কোন কৰ্ত্তিও করেন নাই । সে পূর্বে যাহা ছিল, এখনও তাহাই আছে । যতদিন তাহার নিকট রজনীর যাতায়াত ছিল, ততদিন তাহাকে আবশ্যকাত্মক অর্থাদি দিয়াছেন, সুতরাং সেদ্বারা তাঁহার উপর কোন দাবি দাওয়া আসিতে

পারে না।” মাসী অনেক অনুনয়-বিনয়, কাঁদা-কাটা করিয়াছে। একবার গরবিণীর সহিত সাক্ষাৎ করিবার অনুরোধ করিয়াছে ; কিন্তু ফল কিছুই হইল না।

তখন গরবিণী নিরুপায়। সে বুঝিল, রজনী আপনার স্ত্রীকে চিনিতে পারিয়াছে এবং স্ত্রীকে পাইয়া তাহাকে উপেক্ষা করিয়াছে ; আর বুঝিল, মতিলাল যে সকল পরামর্শ করিয়াছিল, সে সমস্তই মিথ্যা ! সে-ই ষড়যন্ত্র করিয়া রজনীকান্তকে হাতছাড়া করাইল। তখন সরযু ও মতিলাল উভয়েরই সর্বনাশ করিতে গরবিণীর সংকল্প হইল।

মতিলালও আর রজনীকান্তের সাক্ষাৎ পায় না। সে যে যে রূপ আয়োজন মনে মনে স্থির করিয়াছিল, তাহার কোনই সুযোগ ঘটতেছে না দেখিয়া বড়ই বিরক্ত হইল। সেও বুঝিল, রজনী আপনার স্ত্রীকে চিনিয়াছে এবং তাহাকে পাইয়া অশ্রু সকলই ভুলিয়াছে। সে স্থির করিল, রজনী বড় অকৃতজ্ঞ। সে মাঝে পড়িয়া সকল ব্যবস্থা না করিলে, রজনী কখনই স্ত্রীর সন্ধানও পাইত না। তাহার ইচ্ছা হইল, যেক্রমে হউক, সরযুকে রজনীর হাত হইতে কাড়িয়া লইতে হইবে।

বিনা দোষে, অজ্ঞাতসারে চারিদিকে সরযুবালার শত্রু বাড়িতে লাগিল, কিন্তু সরযু বড় সুখী। লক্ষ্মীর মার মুখে তিনি শুনিতে পাইতেছেন, রজনীকান্ত নির্দোষ,—রজনীকান্ত সচ্চরিত্র, আর রজনীকান্ত তাঁহাকে পত্নীরূপে গ্রহণ

করিয়া, সংসার পাতাইতে প্রস্তুত । এত আশা, সরযু-
বালার ছিল না, আশার অধিক ফললাভ করিতে পাইলে,
কে না সুখী হয় ? কিন্তু এত সুখের মধ্যও বিষম দুঃখের
ছায়া, সরযুবালাকে অনেক সময় উদ্বিগ্ন ও আকুল-চিত্ত
করিতেছে । রাধিকাসুন্দরী অসুস্থ ; তীর্থ পর্য্যটনে গিয়া-
ছেন, আর কোন সংবাদ নাই, সংবাদ প্রাপ্তির কোন
উপায়ও নাই । ললিতমোহনের আকার-প্রকার দিন দিন
অধিকতর বিষাদপূর্ণ হইতেছে । উত্তরোত্তর ললিত-
মোহন সকল ব্যাপারে বীতস্পৃহ ও উত্তমবিহীন হইতে-
ছেন ; উভয়ের পরিণাম কি হইবে ? এ চিন্তা বাস্তবিকই
ভয়ানক ।

রজনীকান্তের যাতায়াত সমানই চলিতেছে ; কিন্তু
সরযুর ব্যাকুলতা অত্যধিক হইলেও এবং রজনীর আগ্রহ
অতি প্রবল হইলেও লক্ষ্মীর মা এখনও পরম্পরের সাক্ষাৎ
ঘটিতে দেয় নাই ; এখনও সে বড়শিতে মাছ গাঁথিয়া
খেলাইতেছে , যাহারা মাছ ধরিতে জানে, তাহারা খেলা-
ইতেই ভাল বাসে ।

বিবাহের পরামর্শ ছয়দিন হইতে চলিতেছে ; রজনী
সে জন্ত প্রতিদিনই বার বার লক্ষ্মীর মার নিকট অন্ননয়
ও প্রার্থনা করিতেছেন । লক্ষ্মীর মা একটা একটা ওজর
করিয়া কেবল কাল কাটাইতেছে ।

আর চলে না । রজনীকান্তকে আর কথায় ঠেলিয়া

রাখা যায় না। অনেকদিনের যাতায়াতে, অনেক দিনের কথা-বার্তাঘ এবং অনেক দিনের বিসংবাদে রজনীকান্ত সকলের পরিচিত না হইলেও সে বাটার ঘনিষ্ঠ আত্মীয় হইয়া উঠিয়াছেন : লক্ষ্মীর মার উপরে তাঁহার জোর করিয়া কথা বলিবার অধিকার হইয়াছে। রজনীকান্ত আজি লক্ষ্মীর মার সহিত বিষম ঝগড়া করিবার অভি-প্রায়ে, ললিতমোহন বাবুর পায়ে ধরিয়া কাঁদিবার অভি-প্রায়ে, সরযুবালার আলয়ে আসিয়া উপস্থিত।

বেলা তখন তিনটা। আষাঢ়মাস স্মৃতরাং দিনের এখনও অনেক বাকী। সমস্তদিন যুধলধারে বৃষ্টি পড়িতেছে। এখনও অনেক বেলা আছে, মেঘের জন্ত তাহা বুঝা যাইতেছে না। এইরূপ অসময়ে গাড়ীতে করিয়া রজনীকান্ত সরযুবালার ঘারে উপস্থিত হইলেন। পূরণ দোবে সমাদরের সহিত তাঁহাকে কক্ষমধ্যে লইয়া গেল। লক্ষ্মীর মাও সঙ্গে সঙ্গে আসিয়া দেখা দিল।

রজনী বলিলেন,—“লক্ষ্মীর মা! অকারণ মানুষকে কষ্ট দিলে, কেবল নিষ্ঠুরতারই পরিচয় দেওয়া হয়, লাভ কিছু হয় না।”

লক্ষ্মীর মা বলিল,—“আপনি বড় মানুষ, এইরূপ আসা যাওয়া আপনার কষ্ট বই কি! ইহাতে যদি কষ্টবোধ করেন, তাহা হইলে না হয় আর আসিবেন না।”

রজনী বলিলেন,—“তাহাই স্থির। তুমি ঠিক কথাই”

বলিয়াহ, আর আসিব না। শুনিতে পাইবে লক্ষ্মীর মা ! তোমার নিষ্ঠুরতায়, তোমার দিদির নির্দয়তায়, রজনী-কাস্ত প্রাণত্যাগ করিয়াছে। আমার মত অধম মরিয়া গেলে, কাহারও কোন ক্ষতি হইবে না ; কিন্তু ভগবান্ দেখিবেন, নর হত্যার পাপে তোমাদের দুই জনকেই পাপী হইতে হইবে।”

লক্ষ্মীর মা বলিল,—“আপনি মরিয়া পাপের বোঝা আমাদের ঘাড়ে চাপাইবেন, কিন্তু আমার দিদি ঠাকুরাণীর গতি কি হইবে ? তিনি তো আপনাকেই মন-প্রাণ সকলই দিয়া বসিয়া আছেন, আর তো তাহা ফিরিবার উপায় নাই। রাগের ভরে তাঁহাকে বিবাহের পূর্বেই বিধবা করিলে, আপনার নিষ্ঠুরতা না হইয়া পুণ্য হইবে নাকি ?”

রজনী উঠিয়া দাঁড়াইলেন এবং বলিলেন,—“লক্ষ্মীর মা ! এত মিথ্যা কথাও তোমার পেটে আছে ? আমি তোমার দিদির জন্ত পাগল ; কয়দিন হইতে তুমি বলিতেছ, তিনিও আমার প্রতি অনুরাগিনী। তবে লক্ষ্মীর মা ! তুমি আমাদের বিবাহ না ঘটাইয়া মজা দেখিতেছ কেন ?”

লক্ষ্মীর মা বলিল,—“বিবাহ তো হইয়া গিয়াছে বলিলেও হয় ; যখন কথা-বার্তা ধার্য্য হইয়া গিয়াছে, তখন আর বাকী কি আছে ? আপনি সে জন্ত এত উতলা

হইতেছেন কেন জামাই বাবু ! এই দারুণ বর্ষাকালটা কাটিয়া যাউক না, তাহার পর যাহা হয় করিলেই হইবে .”

তখন রজনী, আরও নিকটস্থ হইয়া বলিলেন,—
“তোমার পায়ে পড়ি লক্ষ্মীর মা ! আর একদিনও বিলম্বের কথা বলিও না । আয়োজন হইয়াছে, ললিত বাবু মত দিয়াছেন, তুমি আমাকে কয়দিন হইতে জামাই বাবু হইয়া থাকিতেছ, উভয় পক্ষের কুলের মিল হইয়াছে, সরস্বতী কৃপা করিয়া সম্মত হইয়াছেন, আর আমি পাগল হইয়াছি ! ইহার পরেও আর বিলম্বের কথা বলিলে, আমার বুকে ছুরি মারা হয় .”

লক্ষ্মীর মা নিরুত্তর ।

রজনী আবার বলিলেন,—“কথা কহিতেছ না কেন ? লক্ষ্মীর মা ! তুমি পরিচারিকা নহ, তুমি দাসী বা বি নহ ; তুমি অভিভাবিকা, আত্মীয়া । তুমি আমাদের স্বজাতীয়া, বয়সে বড় । আমি তোমার পায়ে ধরিতেছি, লক্ষ্মীর মা ! আমাকে রক্ষা কর, আর কষ্ট দিও না ।”

তখন লক্ষ্মীর মা সুর টানিয়া, অনুচ্চ স্বরে বলিল,—
“আচ্ছা ।”

আর কোন কথা লক্ষ্মীর মা বলিতেছে না দেখিয়া, রজনী সোধেগে জিজ্ঞাসিলেন,—“আচ্ছা কি লক্ষ্মীর মা ! তাহার পর আর কি বলিবে লক্ষ্মীর মা বল ! চূর্ণ করিয়া থাকিও না ।”

লক্ষ্মীর মা বলিল,—“আপনি আমার সঙ্গে উপরে আনুন । আমি ললিতমোহন বাবুকে ডাকিয়া আনাই ; যদি সম্ভব হয়, তাহা হইলে আজিই শুভকৰ্ম শেষ করিয়া দিব ; কিন্তু মনে থাকে যেন, আমি এ কয়দিনই আপনাকে বলিতেছি, যদি আপনার দোষে, আমার দিদিকে একটা দীর্ঘনিশ্বাস ফেলিতে হয়, তাহা হইলে, আপনার কাণ মলিয়া রক্ত বাহির করিয়া দিব ।”

রজনী বলিলেন,—“আর যদি প্রাণপণ স্বত্বে আমি তাহাকে আনন্দে রাখি, তাহা হইলে আমার কি পুরস্কার হইবে ?”

লক্ষ্মীর মা বলিল,—“চিরদিন আমার একটা বাঁদর পুষিতে সাধ ছিল ; তাহা হইলে বুঝিব আমার লক্ষ্মী বাঁদর বেশ পোষ মানিয়াছে । তাহাকে ভাল করিয়া কলা খাইতে দিব ।”

উদ্বেজিত হৃদয়ে, কল্পিত পদে, আশায় উৎফুল্ল হইয়া, লক্ষ্মীর মার সহিত রজনীকান্ত উপরে উঠিলেন । আজ সেই সরসুবালা সেই শোভাময়ী অঙ্গরা, রজনীকান্তের পত্নী হইবেন কি ? রজনী মনে মনে ভাবিতে লাগিলেন, নারায়ণ ! এই ক’র, যেন লক্ষ্মীর মার মন বদলাইয়া না যায় ।

এক সুসজ্জিত কক্ষ মধ্যে পর্যাক্ষের উপর রজনীকান্তকে বসিতে বলিয়া লক্ষ্মীর মা চলিয়া আসিল ।

রজনী ভাবিতে লাগিলেন, অনতিদূরে কক্ষান্তরে হয় তো এই ভিত্তির বিপরীত দিকে, তাঁহার হৃদয়ের দেবী, বসিয়া আছেন ; তিনি সেই গুণবতীর নিমিত্ত বৈরাগ্য ব্যাকুল হইয়াছেন, সে দেবীও কি তেমন না হউক, তার শত ভাগের এক ভাগও আগ্রহযুক্ত হইয়াছেন ? লক্ষ্মীর মা বলিয়াছে, তিনি রজনীকে সচ্ছরিত্র বলিয়া স্থির করিয়াছেন, তিনি রজনীকে প্রেমিক বলিয়া স্থির বুঝিয়াছেন এবং তিনি ইচ্ছাপূর্বক রজনীকে বিবাহ করিতে সম্মত হইয়াছেন । কিন্তু লক্ষ্মীর মা গেল কোথা ! আয়োজন সকলই স্থির হইয়াছে, পুরোহিত মহাশয় প্রস্তুত আছেন, তিনি বলিয়া রাখিয়াছেন যে কোন দিন গোধূলী লগ্নে বিবাহ হইতে পারে ; তবে লক্ষ্মীর মা কি ব্যবস্থা করিতে কোথায় চলিয়া গেল ?

তখন বাহিরে অলঙ্কারের ঝনৎকার রজনীর কর্ণে প্রবেশ করিল, রজনী চমকিয়া উঠিলেন ; সঙ্গে সঙ্গে লক্ষ্মীর মা, এক সর্বালঙ্কার বিভূষিত-কায়া, অবগুণ্ঠনবতী যুবতীর হাত ধরিয়া সেই কক্ষ মধ্যে প্রবেশ করিল । যুবতী কম্পমানা এবং রোদিনজনিত কণ্ঠাবরোধ হেতু রুদ্ধ-স্বাসা ।

রজনী সসম্মুখে উঠিয়া দাঁড়াইলেন ; তখন কি বলিতে হইবে, কি করা উচিত, কিছুই তাঁহার মনে হইল না ।

লক্ষ্মীর মা বলিল,—“জামাই বাবু ! যাঁহাকে দেখিয়া,

যাঁহাকে পাইবার জন্ত, আপনি এতদিন ব্যাকুল হইয়াছেন, ইনিই সেই তিনি । ইনি আপনারই বিবাহিত পত্নী—৮চন্দ্রমোহন বাবুর কণ্ঠা সরযুবালা ।” রজনী কাঁপিতে কাঁপিতে সেই শয্যার উপর বসিয়া পড়িলেন । লক্ষ্মীর মা আবার বলিতে লাগিল, “সকলেই জানিতে পারিয়াছিলেন, ইনিও বুঝিয়াছিলেন যে, আপনি ইহা স্বামী ।”

রজনী বলিলেন,—“আমার হৃষ্টিতির সীমা নাই আমি কেমন করিয়া সরযুর নিকট আজ মুখ দেখাইব ?”

লক্ষ্মীর মা বলিল,—“এ কথার উত্তর আমি জানি না । চিনিয়াছিলেন বলিয়াই দিদি আপনাকে দেখিয়াছিলেন—দেখিতে দিয়াছিলেন ; আমরাও আপনাকে চিনিয়াছি বলিয়াই এতদিন আসিতে দিয়াছি । আপনার হুঃখিনী স্ত্রী আপনার সম্মুখে ।”

তখন সরযু রোদনে অন্ধপ্রায় এবং উৎসাহে সংজ্ঞাহীনপ্রায় হইয়া রজনীকান্তের চরণ সমীপে পড়িয়া গেলেন । লক্ষ্মীর মা সেস্থান হইতে প্রস্থান করিল বাহিরে আসিবার সময় সে ঘরের দরজা টানিয়া দিয়া আসিল ।

দশম পরিচ্ছেদ ।

পরদিন মধ্যাহ্নকালে ললিতমোহন একাকী তাঁহার বৈঠকখানায় বসিয়া ভাবিতেছিলেন, কর্তব্যের সমাপ্তি নাই ; এ জীবন কেবল কর্তব্যেরই সমাপ্তি । এই কর্তব্যের অবসান হবে, কোথায় হইবে তাহার স্থির নাই । কার্যের সমাপ্তি কবাই আবশ্যিক, তাগাতে পরিণাম কি হইবে সে চিন্তা করিবার জন্ত অপেক্ষা করা অনাবশ্যিক ! হুঃখিনী সরসুর মনোরথ সিদ্ধ হইয়াছে । আমার প্রধান কর্তব্য শেষ হইয়াছে । আর আমি এখানে থাকি কেন ?

সরসুর স্বামী-সম্মিলন ঘটিলেই ললিতমোহন এখানে আন থাকিবেন না স্থির করিয়াছেন । কোথায় যাইবেন বা কি করিবেন সে সম্বন্ধে তাঁহার কোন নিশ্চয়তা ছিল না ; কিন্তু আসক্তিযুক্ত হইয়া আর কোন কর্তব্যের ভার স্বন্ধে লইবেন না, ইহা তাঁহার স্থির ছিল । ললিতমোহন ঘোরতর ভোগী এবং ঘৃণিত কর্ম্মানুষ্ঠানকারী, কিন্তু তিনি চিরদিনই অনাসক্ত। বাল্যে ধনসম্পত্তিতে তাঁহার আসক্তি হয় নাই, বিবাহ করিয়া সস্তানাদি সহ সংসার-ধর্ম্ম করিতে তাঁহার প্রবৃত্তি হয় নাই, কোন পুরুষ বা নারী বিশেষের প্রতি কখনই আসক্তিতে তিনি বদ্ধ হন নাই, বিদ্যাজনিত

আত্মপ্রসাদ বা ধর্ম্যানুষ্ঠান-জনিত খ্যাতি বা পুণালাভে তাঁহার কোন অনুরাগ দেখা যায় নাই। তিনি ভোগ পরায়ণ হইয়া জীবনপাত্ত করিয়াছেন বটে, কিন্তু তাহাতে তিনি অভ্যস্ত বা আসক্ত হন নাই, কোন ঘৃণিত কর্ম্মে কদাপি তিনি অনুরক্ত বা মগ্ন হন নাই, তাঁহার ভোগ ও ঘৃণিতানুষ্ঠানও তাঁহাকে কখনও আকৃষ্ট বা বন্ধ করিতে পারে নাই।

আজীবন একমাত্র কর্ম্মে তাঁহার আন্তরিক অনুরাগ দেখিতে পাওয়া যায়। বিপন্নের বিপন্নোচন, কাতরকে শান্তি প্রদান এবং যথাযোগ্য স্থানে যথাসাধ্য সাহায্য প্রদান বিষয়ে, তিনি অত্যাসক্তি ও অত্যনুরাগ প্রদর্শন করিয়াছেন; কিন্তু তাহার ফলাফল ভোগ করিবার নিমিত্ত, তজ্জনিত সুখ্যাতি লাভের অভিপ্রায়ে বা অনুষ্ঠিত কর্ম্মের পরিণাম বিবেচনা করিয়া তিনি কখন তৎসাধনে প্রবৃত্ত হন নাই, কখনই তত্তৎকর্ম্মের ফলাফলের সহিত আপনার সম্বন্ধ রাখেন নাই; সুতরাং এই পরোপকার রূপ মহৎ কার্যের অনুষ্ঠাতা ললিতমোহন তাহাতে অনাসক্ত।

ঘোরতর পাপাসক্ত ছক্কতি পরায়ণ ললিতমোহন, মানবসমাজের বিচারে অতিশয় অপবিত্র ও ঘৃণিত হইলেও চিন্তোন্নতি সম্বন্ধে বোধ হয়, বহু সাধুনাথধারী অসাধুর অপেক্ষা অনেক শ্রেষ্ঠ। শাস্ত্রাচার্য্যেরা স্পষ্ট

ভাষায় বলিয়াছেন, অনাসক্ত কন্বীরাই সাধু এবং চরমে চিত্ত শুদ্ধিজনিত পরম ফলের অধিকারী। ললিতমোহন আজন্ম অনাসক্তি হেতু চিত্তকে একান্ত নিশ্চল করিতে সক্ষম হইয়াছেন এবং সেই নিশ্চলতা তাঁহাকে ক্রমাগত অঙ্গুলী সঙ্কেতে সম্মুখবর্তী অত্যাঙ্গুল রমণীয় ক্ষেত্র নিরন্তর দেখাইয়া দিতেছে।

শ্রীভগবান্ ভগবদ্গীতায় গম্ভীর ভাষায় বলিয়াছেন, “হুঃখেদ্বনুদ্বিগমনাঃ সুখেষু বিগতস্পৃহঃ। বীতরাগ-ভয়ক্রোধ-স্থিতধামুনিরচ্যতে।”

আমরা দেখিয়াছি, ললিতমোহন এগম্যস্ত কখনও কোন হুঃখে উৎকর্ষাকুল হন নাই, কখনও কোন সুখের আকাঙ্ক্ষায় মগ্ন হইয়া কার্য সাধন করেন নাই এবং অনু-রাগ, ভীতি এবং ক্রোধের কদাপি কোন কার্যেই পরিচয় দেন নাই। এইরূপ মহাত্মাই মুনি নামের যোগ্য। কাৰ্য্য-কার্যের বিচারে প্রয়োজন নাই, কেবল আবশ্যিক, চিত্তের ভাব ও আসক্তির পরিমাণ আলোচনা। আমরা দেখিয়া আসিতেছি, ললিতমোহন রূপ তুলাদও পাপের দিকেও নত হয় না, পুণ্যের দিকেও উন্নত হয় না। ব্যক্তি বিশেষের প্রতি আসক্ত হইয়া চলিয়া পড়ে না অথচ অনাসক্তি হেতু কাহাকে উপেক্ষা করেন না।

অনাসক্ত ললিতমোহন একই স্থলে আপনার দুর্বল-হৃদয়তার পরিচয় প্রদান করিয়াছেন। রাধিকামুন্দরীর প্রতি

তিনি অন্তরে অনুরাগ পোষণ করিয়াছিলেন ; কিন্তু সে অনুরাগ তাঁহার হৃদয়কে কখনও কর্তব্য পথ হইতে ভ্রষ্ট করিতে পারে নাই এবং একদিনও সেজ্ঞা তিনি আপনাকে আবদ্ধ বলিয়া জ্ঞান করেন নাই। তিনি যেরূপ স্বাধীন ভাবে কর্মময় জগতে যথাসাধ্য কর্মসেবা করিতেছিলেন, কদাপি তাহাতে বিরত হন নাই। এই আসক্তি তাঁহার হৃদয়কে অভ্যন্তরিত করিবার সহায়তা করিল ; এই আসক্তি তাঁহাকে দেখাইয়া দিল যে, হৃদয়ের প্রেম, পদার্থ বিশেষে ঢালিয়া দিতে পারিলে, ক্রমে মানব ভগবৎ প্রেমেও অধিকারী হইয়া থাকে। এই প্রেম ললিতমোহনের সম্মুখে ক্রমশঃ ভক্তিরাজ্যের অতি রমণীয় দ্বার খুলিয়া দিল এবং মানুষকে দেবতারূপে পূজা করিতে শিখাইল। ভোগ-স্পৃহা বিবর্জিত আসন্ন লিপ্সা পরিশূণ্য হৃদয়ে ললিতমোহন প্রাণের ভক্তি, হৃদয়ের প্রীতি, অন্তরের আদর মিলাইয়া দেব পূজা করিতে শিখিলেন। যাহা তাঁহার যাতনার হেতুভূত হইয়াছিল, ক্রমে তাহা তাঁহার আনন্দের কারণ হইয়া উঠিল, বিধে অমৃতের উৎপত্তি হইল, ললিতমোহন সুখী হইলেন। গুরুতর কর্তব্য তাঁহাকে আহ্বান করিতে লাগিল। তিনি অবিলম্বে কলিকাতা ত্যাগ করিয়া ভগবন্নির্দিষ্ট কর্তব্যপথে স্রোতস্বিনী নিপতিত কাষ্ঠ ধণ্ডের গায় ভাসমান হইতে কৃত-সংকল্প হইলেন।

টহল সিং আসিয়া তাঁহার নিকট নিবেদন করিল,—

“মাঠাকুরাণীর বাসা হইতে আপনাকে ডাকিতে আসিয়া-
ছিল ।”

ললিতমোহন বলিলেন,—“আমি এখনই সেখানে
যাইব স্থির করিয়াছি, তোমার সহিত কয়েকটা কথা
আছে । এখানকার কাজ যাহা হাতে ছিল, তাহা এক
প্রকার শেষ হইয়াছে, আপাততঃ এখানে থাকিবার আর
প্রয়োজন দেখিতেছি না ।”

টহল সিং বলিল,—“ঠিক কথা । এখানকার আব
হাওয়া ভাল লাগে না ।”

ললিতমোহন বলিলেন,—“তাই বলিতেছি, আজ
পর্যন্ত লোক জনের বেতন ও বাড়ীর ভাড়া তুমি এখনই
মিটাইয়া দেও । বাক্সে ৪০০ শত টাকা আছে বলিয়াছ,
বোধ হয় তাহাতে সব মিটিয়া যাইবে ।”

টহল বলিল,—“এত টাকা কেন লাগিবে ? আমাদের
দেনা বেণী নাই ।”

ললিতমোহন বলিলেন,—“বেশ । তুমি এখনই এ সব
কার্য শেষ কর, আমি মা’র বাটা হইতে দেখা করিয়া
আসিতেছি ।”

চির পরিচিত পশ্চিম প্রদেশে পুনরায় যাইবার সুযোগ
হইতেছে বুঝিয়াও টহল প্রসন্ন হইল না । তাহার মনে
কেমন একটা আতঙ্কের ছায়া আসিল । ললিতমোহনের
কথা-বার্তা ও ভাব-ভঙ্গি সে বড়ই অমঙ্গলসূচক বলিয়া

মনে করিল। সে আবার বলিল,—“ও বাসার কি হইবে ?”

ললিতমোহন বলিলেন,—“ও বাসা এখনও থাকিবে। রজনীকান্ত বাবু বাসা সম্বন্ধে যেরূপ ব্যবস্থা করিবেন তাহাই হইবে। তিনি ধনধান লোক, বোধ হয় আমার কোন সাহায্য তিনি গ্রহণ করিবেন না। আমি যতদূর জানি তাহাতে বোধ হয়, সরষু মাতার হাতে এখনও অনেক টাকা আছে, সুতরাং ও বাসার জন্য কোন চিন্তায় প্রয়োজন নাই। তুমি এ দিকের সমস্ত মিটাইয়া রাখ, আমি সরষু মাতার সহিত সাফাৎ করিয়া আসিতেছি। কালি প্রাতে আমরা বাজী ডাড়িয়া দিব, লোক-জনকেও বিদায় দিব।”

টহল সিং প্রভুর অনেক অব্যবস্থিত কার্য ও ব্যবহার দেখিয়া আসিতেছে, কিন্তু তাহাতে তাহার মনে কখনই বিস্ময় জন্মে নাই; আজই তাহার ব্যবহার চিরানুগত টহল সিংহের হৃদয়কে কিঞ্চিৎ বিচলিত করিল।

ললিতমোহন সরষুবালার বাসায় আসিলেন এবং নীচে হইতে লক্ষ্মীর মাকে আহ্বান করিলেন। লক্ষ্মীর মা তাঁহাকে উপরে আসিবার নিমিত্ত আদরের সহিত অনুরোধ করিল। রজনী তখনও সেখানে ছিলেন; তিনি বাহিরের বারাতায় থাকিয়া আশুন আশুন শব্দে ললিতমোহনকে আহ্বান করিলেন। ললিতমোহন উপরে

উঠিলে, রজনী কক্ষান্তরে প্রস্থান করিলেন । তখন সরযু-
বালা সম্মুখে আসিয়া ভূতলে মস্তক স্থাপন পূর্বক ললিত-
মোহনকে প্রণাম করিলেন ।

ললিতমোহন দেখিলেন, সেই দুঃখিনী সরযু আজ
বিধাতার কৃপায় আনন্দময়ী । সরযুর হাস্যময় সলজ্জ
মধুর ভাব ! সরযুর প্রাণের আনন্দ যেন শত সঙ্কোপন
চেষ্টা অতিক্রম করিয়া ফুটিয়া উঠিতেছে । সরযু সুখী ।
ললিতমোহনের নয়নে আনন্দাশ্রুর আবির্ভাব হইল ।
তিনি বলিলেন,—“মা, দুইটা কথা বলিতে আসিয়াছি ।”

সরযু বলিলেন,—“আপনি এই আসনে বসিয়া যাহা
বলিতে হয় বলুন ; কিন্তু আপনি নাকি আমাকে আর
চরণাশ্রয়ে থাকিতে দিবেন না বলিয়াছেন ? এইরূপ
নির্দয় কথা আপনার মুখ হইতে কেন বাহির হইল
বাবা ?”

ললিতমোহন আসনে না বসিয়াই বলিলেন,—“আমি
তোমাদিগের নিকট বিদায় লইতে আসিয়াছি মা !
আমার পূর্ব বৃত্তান্ত তোমার অগোচর নাই । আমি
চিরদিনই বনের পশু । শৃঙ্খলে বদ্ধ হইয়া থাকিতে
পারিব কেন মা ?”

সরযু চমকিত হইয়া বলিলেন,—“একি কথা ! “সস্তান
সন্ততির স্নেহের বন্ধন সকল পিতাকেই তো পরিতে হয়
বাবা ! আপনি কেন এ শৃঙ্খল ছিঁড়িবেন ?”

ললিতমোহন বলিলেন,—“কণ্ঠা সন্তানকে জামাতার হাতে অর্পণ করিলে, পিতা-মাতার কর্তব্যের শেষ হয়। রজনীকান্ত উপযুক্ত, রজনীকান্ত সক্ষম। আমার বড় আনন্দ যে তিনি তাহার কর্তব্য বুঝিতে পারিয়াছেন। তিনি তোমার ভার লইতে প্রস্তুত হইয়াছেন। তবে মা! কেন তোমরা আমাকে এখনও ছুটি দিবে না?”

সরষু সেকথার কোন উত্তর না দিয়া বলিলেন,—“এসময়ে একবার কাশী যাওয়া উচিত নয় কি বাবা? কয়েক দিন মার কোন সংবাদ পাওয়া যায় নাই। বড়ই ভাবনা হইয়াছে। হয়তো পীড়া অতিশয় বাড়িয়াছে, আমাদেরিগের আর এখানে এরূপ নিশ্চিত ভাবে এক দিনও থাকা উচিত নহে।”

ললিতমোহনের দেহ কাঁপিয়া উঠিল। বলিলেন,—“যাইতে পার।”

সরষু বলিলেন,—“আর আপনি?”

ললিতমোহন বলিলেন,—“আমি কি করিব, কোথায় যাইব তাহা জানি না। কাশীতে আমার যাইবার কোনই প্রয়োজন নাই।”

সরষু সকলই বুঝিতে পারিলেন, এ সম্বন্ধে কিছু বলিতে তাঁহার আর সাহস হইল না, তিনি নীরবে বসিয়া রহিলেন।

গম্ভীর ভাবে ললিতমোহন বলিলেন,—“জানি না

কি করিব। আমার জীবনের কোন উদ্দেশ্য নাই ;
স্বপ্নে কোন কর্তব্যও নাই। এ অবস্থায় ভগবান আমাকে
যাহা করাইবেন আমি তাহাই করিব।” তাহার পর
ডাকিলেন, “লক্ষ্মীর মা !”

“কি বাবা !” বলিয়া লক্ষ্মীর মা সেইস্থানে আসিল।
ললিতমোহন বলিলেন,—“লক্ষ্মীর মা ! তুমি বড়ই ভাল
মেয়ে। আমি হয় তো কালি হইতে এদেশে আর
থাকিব না। আমার মা রহিলেন, বাবা রহিলেন, তুমি
ইহাদিগের সঙ্গে থাকিও। সর্বপ্রকারে ইহাদিগের যত্ন
করিও ”

লক্ষ্মীর মা বলিলেন,— “আপনি কাশী যাইতেছেন কি
বাবা ?”

ললিতমোহন বলিলেন,—“না ।”

তাহার পর উচ্চৈঃস্বরে ডাকিলেন,—“রজনীকান্ত !
একবার এদিকে আইস বাবা !” সরযু অবগুণ্ঠন টানিয়া
উঠিয়া যাইবার চেষ্টা করিতেছেন দেখিয়া ললিতমোহন
বলিলেন,—“ঘাইওনা মা ! আমার আর একটু কথা
আছে। তোমাকে এখানেই থাকিতে হইবে।”

তখন রজনীকান্ত আসিয়া অধোমুখে দাঁড়াইলেন।
ললিতমোহন উঠিয়া রজনীকান্তকে সরযুর সমীপে
আনয়ন করিলেন। তাহার পর রজনীকান্তের হস্তের
সহিত সরযুর হস্ত মিলন করাইয়া বলিলেন,—“বাবা

রজনীকান্ত ! এই সতী লক্ষ্মী সবযুবালা এখন আমারই কন্যা ; ইনি তোমারই সামগ্রী, তোমারই দাসী ; তোমার চরণে আমি অর্পণ করিতেছি ।”

সরযু অবগুষ্ঠনের মধ্য হইতে ফুলিয়া ফুলিয়া কাঁদিতে লাগিলেন । আর লক্ষ্মীর মা অঞ্চলে বদনাবৃত করিয়া রোদন করিতে লাগিল । রজনীকান্তের মুখ গম্ভীর ও নয়ন অশ্রুজল হইল ।

ললিতমোহন আবার বলিতে লাগিলেন,—“আমার এই দুঃখিনী মা জীবনে অনেক কষ্ট ভোগ করিয়াছেন । কিন্তু রজনীকান্ত ! তোমার চরণাশ্রয় লাভ করিয়া, তোমার এই দাসী অতীত দুঃখ কাহিনী ভুলিয়াছেন । প্রার্থনা করি, তোমার দোষে আর কখনও যেন এই দেবীর চক্ষুতে জল না আইসে ।”

তখন রজনীকান্ত ও সরযুবালা উভয়েই একযোগে ললিতমোহনকে প্রণাম করিলেন, এবং তাঁহারা তাঁহার চরণ ধূলি মস্তকে ধারণ করিলেন । ললিতমোহন বলিলেন,—“আশীর্বাদ করি, তোমরা চিরসুখী হও । আমার কর্তব্য সমাপ্ত হইয়াছে । এখন আমি বিদায় হইতেছি ।”

কেহ কোন কথা বলিবার পূর্বেই ললিতমোহন সেই স্থান হইতে প্রস্থান করিলেন । বাহিরে আসিয়া দেখিলেন, টহল সিংহ তাঁহার অপেক্ষায় দ্বার পাশে দণ্ডায়মান । জিজ্ঞাসিলেন,—“কি সংবাদ টহল ?”

টহল বলিল,—“সকলের সকল দেনা মিটাইয়া দেওয়া হইয়াছে।”

ললিতমোহন জিজ্ঞাসিলেন,—“বাক্সে কত টাকা ছিল ?”

টহল উত্তর দিল,—“চারি শত।”

“কত টাকার মিটিয়া গেল ?”

“একাত্তর টাকায়।”

ললিতমোহন বলিলেন,—“উত্তম। বাকী সমস্ত টাকা তোমার। অন্যান্য যে কিছু জিনিস বাসায় আছে সমস্তই তোমার। আমার আর কোন সামগ্রীতে প্রয়োজন নাই টহল !”

তখন টহলসিংহের প্রাণ শিহরিয়া উঠিল। সে প্রভুর মুখের দিকে একবার দৃষ্টিপাত করিল; তাহার পর বলিল,—“হুজুর কি মনে করিতেছেন ?”

ললিতমোহন বলিলেন,—“মনে কিছুই করি নাই; মনে করিবার কোন বিষয়ও নাই। আমি আর কলিকাতায় থাকিব না।”

টহল বলিল, “বেখানেই যাইবেন, আমিত সঙ্গেই যাইব।”

একটু চিন্তা করিয়া ললিতমোহন বলিলেন,—“সুবিধা হইবে না। টহল! আমার সঙ্গে তোমার থাকিবার আর আবশ্যক হইবে না।”

তখন কাঁদিতে কাঁদিতে টহল ললিতমোহনের পা
জড়াইয়া ধরিল। বলিল,—“ছজুর গোলামের কি কসুর !
কোন্ অপরাধে এদাসকে আপনি ছাড়িয়া দিবেন ?”

অতীব ব্যথিতভাবে ললিতমোহন হাত ধরিয়া টহলকে
উঠাইলেন এবং নিজের কোঁচার কাপড়ে তাহার চক্ষু
মুছাইয়া দিলেন। বলিলেন,—“আইস টহল ! তোমার
সহিত অনেক কথা আছে। পথের মধ্যে সেৎকল কথা
বলিবার সুবিধা হইবে না।”

পরদিন প্রাতে টহলসিং কোথাও ললিতমোহনকে
দেখিতে পাইল না। তখন সে কাঁদিতে কাঁদিতে সরযু-
বালার বাসায় আসিয়া সংবাদ জানাইল। তখন পূরণ,
টহল, রজনীকান্ত এবং অন্যান্য অনেক লোক নানা স্থানে
ললিতমোহনের সন্ধান করিল, কোথাও তাহার সন্ধান
পাওয়া গেল না।

ଲଳିତଲୋହନ ।

ତୃତୀୟ ଖଣ୍ଡ ।

প্রথম পরিচ্ছেদ ।

বহু রক্ষক দাস দাসী প্রভৃতি সঙ্গে লইয়া রাধিকাসুন্দরী
তীর্থ পর্যাটনে গমন করিয়াছেন ; গিম্মি মাও তাঁহার সঙ্গে
আছেন । তিনমাস তিনিনামাস্থানে পরিভ্রমণ করিলেন,
নানা দেবতার নিকট প্রণাম করিলেন, নানাস্থানে নানা
ভক্তির লীলা দর্শন করিলেন, অনেক প্রকার ভীষণ ও
রমণীয়, বিকট ও প্রীতিজনক দৃশ্য তাঁহার নয়নে পড়িল ।
কিন্তু কিছুতেই তিনি চিত্তকে প্রসন্ন করিতে পারিলেন
না । গর্কাত্ম সকল ব্যাপারের মধ্যেই তিনি ললিত-
মোহনকে দেখিতে লাগিলেন এবং যেখানে ললিতমোহন
নাই, সেইস্থান রমণীয় হইলেও তাঁহার বিরক্তিকর হইতে
লাগিল । হিমালয়ের অতি রমণীয় প্রদেশ সমূহের স্থান
বিশেষে তিনি উচ্চ বেদিকার উপর ললিতমোহনকে
প্রতিষ্ঠিত করিয়া মনের নয়নে প্রাণ ভরিয়া দেখিতে
লাগিলেন ; হরিদ্বারের গিরিপৃষ্ঠ বিদারণকারিণী পুণাতোয়া
কাঙ্কবীর পার্শ্বে, ললিতমোহনের প্রশান্তমূর্ত্তি দণ্ডায়মান
রহিয়াছে মনে করিয়া তিনি গদ গদ চিত্তে প্রণাম করি-
লেন । কন্থলে উপস্থিত হইয়া দক্ষ প্রজাপতির মহা-
বজ্রমূল তিনি দর্শন করিলেন, চিত্তে নিতান্ত আত্মগানি

উপস্থিত হইল। যে ক্ষেত্রে সতী-শিরোমণি শিবানী পতিনিন্দা শ্রবণে প্রাণভাগ করিয়াছিলেন, সতীত্বের সেই সুবিমলক্ষেত্রে উপস্থিত হইয়া রাধিকার চিত্তমধ্যে তুমুল সংগ্রাম উপস্থিত হইল, তিনি আপনার দুর্বলতা হেতু, আপনাকে আপনি শত ধিক্কার প্রদান করিতে লাগিলেন। অনেক স্থান পরিভ্রমণ করা হইল—অনেক স্থান দর্শন করা হইল, অনেক দেবতার নিকট রাধিক! শান্তির প্রার্থনা করিলেন; কিন্তু ফলে কিছুই হইল না, মন কোনমতেই আয়ত্তে আসিল না।

রাধিকা স্বাস্থ্য হারাইয়াছেন, রূপ হারাইয়াছেন, লাভণ্য হারাইয়াছেন এবং শান্তি হারাইয়াছেন। লোকতঃ না হউক, ধর্মতঃ তিনি ধর্মও হারাইয়াছেন; অথচ প্রাণের সহিত যুদ্ধ করিয়া তাহাকে প্রকৃতিস্থ করিবার আশা তিনি ছাড়েন নাই। মনকে শান্ত ও অধীন করিয়া ধর্মপথে চালিত করিবার চেষ্টা তিনি ছাড়িতে পারেন নাই। অসৎ পথে চলিয়া, পাপের সাগরে ভাসিয়া, সুখের অন্বেষণ করিতেও তিনি সক্ষম হইতে পারেন নাই; সুতরাং এই বিষম ব্যাপারের সংঘর্ষে তিনি মৃতকল্প।

এখন রাধিকাকে দেখিলে আর চিনিবার উপায় নাই। সে প্রসন্নতা গিয়াছে—সে কোমলতা গিয়াছে,—সে পবিত্রতা গিয়াছে। ক্লশ, দুর্বল দেহের সর্বত্র নিদারুণ বিষাদের কালিমা ছাইয়া পড়িয়াছে। চিণ্ডায়, বহুগায়

এবং অশান্তির প্রাবল্যে, ললাটের দুইপার্শ্বে, চক্ষুর নিম্নে এবং চিবুকে চন্দ্রাবৃত অস্থি দেখা যাইতেছে। সেই লাবণ্যময়ী রাধিকাসুন্দরী এক্ষণে বিকট কায় হইয়াছেন।

বহুস্থান, বহুতীর্থ, পর্যটন করার পর, রাধিকা সঙ্গী সঙ্গিনীগণ সহ শ্রীবৃন্দাবনে আগমন করিয়াছেন। যে স্থান প্রেমের স্মৃতিতে পরিপূর্ণ, যে স্থানের স্থাবর অঙ্গম অত্যাপি অত্যদ্ভুত প্রেমলীলার সাক্ষ্য প্রদান করিতেছে এবং যে স্থানের ধূলি কণায় পরম প্রেমিক—শিরোমণির চরণ রক্তঃ এখনও সংযুক্ত রহিয়াছে, সেই অত্যদ্ভুত রমণীয় স্থানে রাধিকা সমাগত হইলেন। বর্ষাকালীন ক্ষীতবক্ষ নদীর স্রোতাভিঘাতে তট সমূহ যেমন চূর্ণ হয়, রাধিকার ক্ষুদ্র দুর্বল হৃদয়, প্রবল বাসনা স্রোতে সেইরূপ নিরন্তর আহত হইতেছিল। কোমল বস্তুর সহিত কঠোর বস্তুর সংঘর্ষ ঘটিলে যে রূপ দুর্দশা হয়, রাধিকার হৃদয়েরও সেই দুর্দশা হইয়াছিল। প্রতিকূল ও অনুকূল উভয় প্রকার যুক্তি স্রোত তাঁহাকে ভাসাইতে ভাসাইতে কখনও বা নরকের দিকে লইয়া যাইতেছিল, আবার কখনও বা স্বর্গ রাজ্যের অভিমুখে টানিয়া লইয়া আসিতে ছিল। যন্ত্রণা অসহনীয় !

বৃন্দাবনে আসিয়া যুক্তি তাঁহাতে বুঝাইতেছিল, এই পুণ্যতীর্থে বৃষভানুসূতা সধবা হইয়াও উপপতি গ্রহণ করিয়াছিলেন, তাঁহার প্রেমলীলার কাহিনীতে, ভারত

পরিপূর্ণ । তিনি দেবতার সহিত, সৰ্ব্বত্র পূজিত এবং সকল ভক্তই তাঁহার নিকট অবনত মস্তক ; অতএব এই স্থানের এই পুণ্যময় প্রেমক্ষেত্রের অভিনীত লীলার অনুকরণে রাধিকা কেন ইচ্ছামত প্রেম ভোগ করিতে অধিকারিণী হইবেন না ? বিরুদ্ধ যুক্তি, ঘণার হাসির সহিত বলিতেছে,—“ধিক্ এ কথায় ! যাহারা লীলাময় শ্রীকৃষ্ণের তত্ত্ব বুঝিতে অক্ষম ও যাহারা প্রেমের গূঢ়তা প্রণিধান করিতে অশক্ত, যাহারা প্রকৃত ব্যাপার সম্বন্ধে অনভিজ্ঞ, তাহারা এইরূপ কুৎসিত যুক্তি অবলম্বন করিয়া থাকে এবং না বুঝিয়া পূর্ণস্বরূপ নন্দ-নন্দনকে এবং তাঁহার স্নেহাদিনী শক্তিস্বরূপা শ্রীমতীকে ব্যভিচারী পুরুষঃ ব্যভিচারিণী নারী বলিয়া উল্লেখ করে ।

বৃন্দাবনে বহুদিন কাটিয়া গেল, কিন্তু রাধিকার হৃদয় কোন ক্রমেই পাপের পথে মগ্ন হইয়া স্মৃথের অন্বেষণ করিতে ইচ্ছা করিল না ।

একটা সাম্য তাঁহাকে সময়ে সময়ে চঞ্চলচিত্ত করিতে লাগিল । তাহার মনে হইল তিনিও রাধিকা । যে শ্রীমতীর নাম পরম-পুণ্যপ্রদ বোধে ভগবনামের পূর্বে যোজিত হইয়া থাকে, তাঁহার সহিত রাধিকার নাম সমান ; আর যাহাকে তিনি মনে মনে ভাল বাসিয়াছেন, তিনিও ললিতমোহন রূপমদনমোহন ; কিন্তু এ সকল বলনার স্মৃথ ও আকাঙ্ক্ষা রাধিকা পূর্ব হইতেই নিবারণ করিতে

জানিতেন এমনও তত্তাবতকে সহজেই দমন করিতে পারিলেন, কিন্তু প্রাণের জ্বালাতো যায় না ! সব শাসন হয়, কিন্তু ভুলিবার উপায়তো হয় না ! সকলেই কপা শোনে, পোড়া স্বৃতি কেন এত অবাধা !

বৃন্দাবনে ধীর সমীর, যমুনাগুলীন, কেলোকদধ, রাধাকুণ্ড, শ্রামকুণ্ড, বংশীবট, নিধুধন প্রভৃতি নানাদৃশ্য তিনি দর্শন করিলেন । প্রেমের স্বৃতিতে প্রেমলালার ক্ষেত্র ও চিত্র সমূহ দর্শনে তাঁহার হৃদয় আন্দোলিত হইতে লাগিল ; তথাপি দুঃখিনী বিধবা যুদ্ধে বিরত হইতে পারিলেন না ।

দিন কাটিতে লাগিল । সুদীর্ঘ ছয়মাস চলিয়া গেল । একদিন রাধিকা গোবর্দ্ধনগিরি দর্শন করিয়া, মথুরায় অবস্থিতি করিতেছেন ; সেইদিন তাঁহার জীবনে আবার এক ঘটনা উপস্থিত হইয়া হৃদয়কে ভয়ানক আহত করিল ।

সায়ংকালের কিঞ্চিৎ পূর্বে রাধিকানন্দরী আরতি দর্শনের ইচ্ছা করিলেন । যেখানে কংসারি কেশব, মাতুল কংসের নিধনসাধন করিয়া, বিশ্রামের নিমিত্ত উপবেশন করিয়াছিলেন, যমুনাতীরস্থ সেই স্থান অद्याপি বিশ্রাম ঘাট নামে প্রসিদ্ধ । সন্ধ্যা সমাগমে সেই স্থানে এক বেদিকার উপর দণ্ডায়মান হইয়া ব্রাহ্মণ বহু দীপযুক্ত দীপাধার হস্তে কালিন্দীর আরাধিক করিয়া থাকেন ;

সেই পবিত্র ব্যাপার দর্শনের নিমিত্ত তথায় তৎকালে
লোকারণ্য হইয়া থাকে । সন্নিহিত অধিবাসিগণের সৌধ-
শিরে, অঙ্গনে, চত্বরে, দেবালয়ে, অলিন্দে সর্বত্র কেবল
মনুষ্য মস্তক ব্যতীত আর কিছুই পরিদৃষ্ট হয় না । পুরুষ
দর্শকের অপেক্ষা বোধ হয় দর্শনাধিনী নারীরই বাহুল্য
হইয়া থাকে । এইরূপ ব্যবস্থা বোধ হয় সর্বত্রই দেখিতে
পাওয়া যায় । সকল তীর্থে সকল অনুষ্ঠানে এবং
আন্তিকতার সকল কার্যেই বোধ হয় পুরুষের অপেক্ষা
নারীরই আগ্রহ ও প্রাচুর্য্য অধিক । মৌখিকই হউক বা
আন্তরিকই হউক, সনাতন ধর্ম্মের লৌকিকী অনুষ্ঠান নারী-
গণ পালন করিয়া আনিতেছেন ; কিন্তু সে অপ্রাসঙ্গিক
কথার এক্ষণে প্রয়োজন নাই । আরতি সমাপ্ত হইলে
বিশ্রাম ঘাটে আর এক অপূর্ণ ব্যাপারের অভিনয় হয় ।
রমণীগণ দূর হইতে পুষ্প বা পুষ্পমালিকা দ্বারা আরতির
দীপ নির্দান করিতে থাকেন । মহারাষ্ট্র কামিনী, তৈলঙ্গ
সীমন্তিনী, কাণ্ডকুজ বাসিনী, বিহারবিহারিণী এবং বঙ্গীয়
মহিলা, সকলেই তথায় সৌন্দর্য্যের পসরা লইয়া উপস্থিত
থাকেন এবং সকলেই ফুল বা ফুলের মালা প্রক্ষেপ করিয়া
দীপ নিভাইতে চেষ্টা করেন । দূর হইতে, নিকট হইতে,
পশ্চাৎ হইতে ও পার্শ্ব হইতে রাশি রাশি কুসুম বর্ষার
ধারার গায় পড়িতে থাকে ; সঙ্গে সঙ্গে চারিদিকে হাশ্বের
লহর ছুটিতে থাকে । কেহ নিষ্ফল হইলে সন্নিহিত

সঙ্গিনীরা হাসির রোল তুলিয়া তাহাকে টিটকারী দেয়, কেহ সফল হইলে আত্মীয়ারা হান্ত সহকারে জয়োল্লাস বাক্ত করে ।

এই আরতি দেখিবার নিমিত্ত, রাধিকাসুন্দরী দিবা-বসানের পূর্বেই আপনার সঙ্গিনী ও রক্ষিগণসহ সন্নিহিত এক অট্টালিকার বাহুরেণ্ডায় স্থান গ্রহণ করিয়াছিলেন । তাঁহার পশ্চাৎ পূর্বে হইতেই তাঁহার জন্ত এই স্থান স্থির করিয়া রাখিয়াছিল । রাধিকা অবগুণ্ঠনে বদনারূত করিয়া গিন্নিমা ও দুইজন ঝির মধ্যবর্তিনী হইয়া অপরের অলক্ষিত ভাবে সম্মুখস্থ জনতা দর্শন করিতেছিলেন । লোক আসিতেছে—আরও আসিতেছে, ঠেলাঠেলি করিয়া স্থান গ্রহণ করিতেছে । স্থির হইয়া দাঁড়াইতেছে, কলরব করিতেছে, আরও নরনারী চারিদিক হইতে আসিতেছে ।

রাধিকাসুন্দরীর সংজ্ঞা তিরোহিতপ্রায় হইল ; দেহ অবসন্নপ্রায় হইল ; তিনি অবশভাবে গিন্নিয়ার গায়ের উপর ঢলিয়া পড়িলেন । রাধিকা দেখিতে পাইলেন, তাঁহারই ঠিক সম্মুখে, সেই বাহুরেণ্ডার অনতিদূরে, অট্টালিকার সমন্বিত সৌম্যমূর্তি এক সন্ন্যাসী দণ্ডায়মান, তাঁহারই পাশ্বে তাঁহারই সহিত বাক্য কখনে নিরত আর এক প্রশান্ত দর্শন, রমণীয় যুবা । সেই যুবা ললিতমোহন ।

আরতি হইয়া গেল । শঙ্খ, ঘণ্টা বাতুধ্বনি থামিয়া গেল । ফুলের ধারায় দীপ নিকাগোৎসব সম্পন্ন হইল ।

হাসির রোল ও আনন্দোচ্চ্বাস থামিল। সমাগত জন-
প্রবাহ ভিন্ন ভিন্ন দিকে চলিয়া গেল। রাধিকা কিছুই
দেখিলেন না, তখন তাহাতে তিনি নাই।

গিন্নিমা তাঁহাকে নিদ্রাগত মনে করিয়া গায়ে হাত
দিয়া নাড়িলেন, তখন রাধিকার চৈতন্য হইল। গিন্নিমা
বলিলেন,—“সুমাইয়া পড়িয়াছিলে মা ! চল এখন বাসায়
যাই।”

নয়ন মার্জন করিয়া রাধিকা বারংবার যেখানে ললিত
মোহনকে দেখিতে পাইয়াছিলেন, সেই দিকে দৃষ্টিপাত
করিতে লাগিলেন। কিন্তু হায় ! কোথায় সে দেবতা !
সে সন্ন্যাসী সেখানে নাই ; দেবকান্তি ললিতমোহনও
সেখানে নাই।

দীর্ঘনিশ্বাস ত্যাগ করিয়া আর্তস্বরে রাধিকা বলিলেন,
—“চল।”

সকলে সেস্থান হইতে প্রস্থান করিলেন।

দ্বিতীয় পরিচ্ছেদ ।

রাধিকাসুন্দরী মিথ্যা দেখেন নাই; সত্যই ললিত-মোহন একমাস পূর্বে মথুরায় আগমন করিয়াছেন এবং যে স্থানে, উত্তানপাদ-নন্দন ধার্মিকোত্তম কুব পিতৃপুরুষ-গণের শ্রদ্ধা করিয়াছিলেন, সেই ক্রম ঘাটের সন্নিধানে ললিতমোহন অবস্থিতি করিতেছেন ।

তিন মাস হইল ললিতমোহন কলিকাতা পরিত্যাগ করিয়াছেন । টহল বা সরযু, রজনীকান্ত বা রাধিকা-সুন্দরী কাহারও সংবাদ তিনি জানেন না । কোন সংবাদের জগুই তাঁহার হৃদয় আর ব্যাকুল নহে ; কোন রূপ আসক্তি বা অনুরাগের তিনি আর অধীন নহেন ।

লোকে উন্নতির মার্গ কণ্টকাকীর্ণ ও দুর্গম বলিয়া জ্ঞান করে, কিন্তু বস্তুতঃ তাহার গায় সরল, মনোরম ও অবাধ পথ আর কিছুই নাই । অনাসক্ত ললিতমোহন চিত্তশুদ্ধির পর ভক্তির অধিকারী হইয়া স্বতঃই জ্ঞানার্থী হইয়াছেন । রাধিকাকে আসঙ্গলিপ্সা বিবর্জিত ভাবে তিনি হৃদয়ের মধ্যে লুকাইয়া ভাল বাসিতেন, সেই ভালবাসা ক্রমে তাঁহাকে শ্রেষ্ঠতর, পবিত্রতর এবং মধুরতর ভাল-বাসা শিখাইয়াছে, সেই ভালবাসা তাঁহাকে দেবতার

প্রতি ভক্তি করিতে, দেবতাকে ভাল বাসিতে উপদেশ দিয়াছে ; এবং সেই ভালবাসা তাঁহাকে নশ্বর কামনা জড়িত অকিঞ্চিৎকর পদার্থের প্রতি প্রেম পরিত্যাগ করিয়া অবিনাশী, চিরস্থায়ী পরম বস্তুকে ভাল বাসিবার উপায় দেখাইয়া দিয়াছে ।

ললিতমোহন পূর্বে হইতেই স্বভাবতঃ ক্রোধ, ভয় এবং আসক্তি বর্জিত ছিলেন । অধুনা কাল চক্রের আবর্তনে তিনি পরম প্রেমিক হইয়াছেন এবং আপনাকে ক্ষুদ্রাদপি ক্ষুদ্র জ্ঞান করিয়া, দীনতা অবলম্বন করিয়াছেন । এই সকল পরিবর্তনের জন্ম তাঁহাকে কোন গুরুপদেশ-গ্রহণ করিতে হয় নাই । কোন সাধনার অনুসরণ করিতে হয় নাই । এইরূপ নিশ্চলতা তাহার আপনা হইতে ক্রমে ক্রমে উপভূত হইয়াছে । জ্ঞান স্বপ্রকাশ ও ভাস্বর ; আপনিই হৃদয়ে তাহার উন্মেষ হয় এবং আপনিই তাহা বর্দ্ধিত ও পরিপুষ্ট হয় । কেবল চিন্তা প্রস্তুত ও উপযোগী হইলে, অন্যান্য উন্নতি আনারাস সাধ্য হয় । জলের গ্ৰায় স্বচ্ছ ও নিশ্চল হৃদয় হইলে, সুদূরস্থিত সূর্য্যের প্রতিবিম্ব, আপনিই আসিয়া তাহার মধ্যগত হয় । হৃদয় স্ফটিক বা তৈলসের গ্ৰায় উপযোগী হইলে, আপনি দীপের দীপ্তি গ্রহণ করে । সেই ভাগ্যবান অনাসক্ত ললিতমোহনের হৃদয় বাল্যকাল হইতেই উন্নতির নিমিত্ত আপনি প্রস্তুত হইতেছিল, শত শত

কুকাণ্ড তাঁহাকে মাতাইয়া ছিল, কিন্তু কখনও বন্ধ করিতে পারে নাই । বহু প্রলোভন--বাপুরা বিস্তার করিয়া তাঁহাকে ধরিবার চেষ্টা করিয়াছিল, কিন্তু তাঁহাকে ধরিতে পারে নাই ।

একমাস কাল ললিতমোহন বসুদেব-নন্দন শ্রীকৃষ্ণের জন্মভূমি মথুরাধামে পরমশুণে কালাতিপাত করিতেছেন । সঙ্গে কোন ভৃত্য নাই কোন অনুচর নাই ; তিনি একাকী আপনার আহাৰ্য্যের আয়োজন করেন, আপনার দেহ রক্ষার ব্যবস্থা করেন এবং আপনার বিবিধ-নিত্যক্রিয়া সম্পাদন করেন । এখানকার বহুলোক তাঁহাকে চিনিয়াছে । তাঁহার সরলতা ও দীনতা, তাঁহার পরোপকার প্রবৃত্তি ও নিরহঙ্কৃত ভাব, তাঁহার প্রিয়দর্শন মূর্তি ও শান্তস্বভাব তাঁহাকে অল্প সময়ের মধ্যে অনেকের নিকট পরিচিত করিয়াছে । অনেক মাধু সন্ন্যাসী তাঁহার সহিত আলাপ করিতে আইসেন, অনেক দুঃখী ও বিপন্ন ব্যক্তি তাঁহার সহায়তা প্রার্থনা করিতে আইসে এবং অনেক ধনবান বা মধ্যবিত্ত গৃহস্থ তাঁহাকে দর্শন করিতে আইসেন । সেই অল্পভাষী হাশ্রমুখ, পরদুঃখ কাতর পুরুষ সতত মানবের প্রসাদনে নিযুক্ত ।

প্রত্যুষে ললিতমোহন পূর্বোন্নিখিত বিশ্রাম ঘাটের অনতি দূরবর্তী শ্রেষ্ঠীদিগের বিগ্রহ দর্শন করিয়া ফিরিতে ছিলেন । শ্রেষ্ঠীদিগের সেই বিগ্রহ মণিমুক্তা অড়িতালঙ্কারে

অত্যাঙ্গন । দেবমুক্তি দর্শন করিয়া ললিতমোহন যখন নিজের ক্ষুদ্র আবাস গৃহের অভিমুখে ফিরিতেছেন, তখন তাঁহার সঙ্গে অনেক লোক । সন্ন্যাসী ও পরিব্রাজক, গৃহস্থ ও ভিক্ষুক তাহাকে বেষ্টিত করিয়া চলিতেছে ।

সম্মুখে একস্থানে বল্ললোক সমবেত হইয়া অতিশয় উচ্চরবে বাক্য বিতণ্ডা করিতেছে । ললিতমোহন নিকটস্থ হইয়া দেখিতে পাইলেন, একব্যক্তি সহস্র হস্তদ্বিত প্রকাণ্ড যষ্টি দ্বারা অপর একব্যক্তির মস্তকে প্রেচণ্ড আঘাত করিল । হায় ! হায় ! করিলে কি ! করিলে কি ! বলিতে বলিতে ললিতমোহন সেই জনতার মধ্যে প্রবেশ করিলেন । আহতব্যক্তি রুমিরসিক্ত অবস্থায় ভূপতিত হইল । আঘাতকারী বেগে পলায়ন করিল । অনেকলোক “ধর ধর,” শব্দে তাহার পশ্চাতে ধাবিত হইল ।

আহত ব্যক্তি অপরিচিত । কেন তাহার সহিত আঘাতকারীর বচসা উপস্থিত হইয়াছিল, তাহার পর কেনইবা সে একরূপ আঘাতে ইহাকে ভূতলশায়ী করিল, তাহা কেহ বলিতে পারে না । তখন ললিতমোহন ও তাঁহার দুইজন সন্ন্যাসী সঙ্গী সেই আহত ব্যক্তির অতি নিকটে গমন করিলেন । বুঝিলেন, আঘাত গুরুতর হইলেও আহত ব্যক্তির সহস্র প্রাণান্ত ঘটবার কোনই সম্ভাবনা নাই এবং গুরুত্বা করিলে ইহার জীবন রক্ষা

হইবে। তখন ললিতমোহন সন্নিহিত এক দোকান হইতে জল লইয়া আপনার উত্তরীয় সিক্ত করিলেন এবং তদ্বারা আহত ব্যক্তির মস্তক দৃঢ়রূপে বান্ধিয়া ফেলিলেন, তাহার পর তাহার মুখে চক্ষুতে ও ললাটে জল দিলেন ; একটু চিন্তা করিয়া, পার্শ্ববর্তী দর্শকগণকে একখানি ডুলি আনাহইয়া দিবার প্রার্থনা জানাইলেন কিন্তু ফল কিছুই হইল না। তখন অনর্থক সময় নষ্ট করা অবৈধ মনে করিয়া ললিতমোহন সন্নিহিত দোকান হইতে এক খানি কঞ্চন ক্রয় করিলেন, সেই কঞ্চন দুই ভাঁজ করিয়া আহতকে তাহার উপর স্থাপন করিলেন। একজন সন্ন্যাসী কঞ্চলের একদিক ধারণ করিলেন, ললিতমোহন এবং অন্য এক সন্ন্যাসী কঞ্চলের অপর দিক ধরিয়া লইলেন। আহত ব্যক্তিকে এইরূপ বহন করিয়া ললিতমোহন আপনার ক্ষুদ্র আবাসে উপস্থিত হইলেন। পীড়িতের তখন সংজ্ঞা হইয়াছে। কিঞ্চিৎ উষ্ণ দুগ্ধ আহরণ করিয়া ললিতমোহন তাহাকে সেবন করাইলেন। আহত অনেকটা প্রকৃতিস্থ হইল। সন্ন্যাসী দ্বয় তাহার মস্তকে প্রলেপ দিবার নিমিত্ত লতা বিশেষের অশেষে গমন করিলেন। ললিতমোহন একাকী সেই কাতর পুরুষের সেবার নিযুক্ত রহিলেন।

সহসা মবিশ্বয়ে ললিতমোহন দেখিলেন, এক অব-
শুষ্ঠনবর্তী নারী, দুইজন দ্বারবান বেশধর পুরুষের সঙ্গে

তাঁহার দিকে অগ্রসর হইতেছেন । নারীর বেশ বঙ্গদেশ বাসিনীগণের ন্যায়, তিনি বিধবা । অতি নিকটস্থ হইয়া নারী মুখের অবগুণ্ঠন মুক্ত করিলেন । সবিপ্লয়ে ললিতমোহন দেখিলেন, এই নারী রাধিকাসুন্দরীর সহচরী সেই গিন্নি মা । ললিতমোহন চমকিত হইলেন ।

গিন্নি মা রক্ষিতরকে সরিয়া যাইতে ইঙ্গিত করিলেন । তাঁহারা একটু দূরে চলিয়া গেলে গিন্নি মা বলিলেন,—
“ললিত বাবু ! চমকিতেছেন কেন ?”

ধীর ভাবে ললিতমোহন বলিলেন,—“আপনাকে বহুদিন পূর্বে কাশীতে দেখিয়াছি । এখানে হঠাৎ আপনার সহিত আবার সাক্ষাৎ হইবে এরূপ বোধ ছিল না । আমি কলিকাতায় একবার শুনিয়াছিলাম, আপনারা সকলে তীর্থ পর্য্যটনে গিয়াছিলেন ।”

গিন্নি মা বলিলেন,—“ঠিকই শুনিয়াছিলেন । আমরা অনেক তীর্থে ভ্রমণ করিয়া সম্প্রতি এখানে আসিয়াছি ।”

ললিতমোহন জিজ্ঞাসিলেন,—“আপনাদের সমস্ত কুশল ত ?”

গিন্নি মা মুখ ভার করিয়া বলিলেন,—“কুশল দূরে থাকুক, আমাদিগের সর্বনাশ অতি নিকটে । ললিত বাবু ! আমি কাশীতেই আপনাকে জানাইয়াছি, রাধিকা সুন্দরী অসম্ভব আশায় পাগল হইয়া, মরিতে বসিয়াছেন । বহুদিন কাটিয়া গেল, নানা স্থানে ভ্রমণ করা হইল ;

মনের ভিতরে তিনি নানা প্রকারে সাবধান হইবার চেষ্টা করিলেন, প্রাণকে ফিরাইয়া আনিয়া সংপথ দেখাটবার অনেক ব্যবস্থা করিয়াছেন, কিন্তু কিছুতেই কিছু হয় না।”

ললিতমোহন অধোমুখ, চিন্তিত।

গিন্নি মা আবার বলিলেন,—“গতকাল্য বিশ্রামঘাটে আরতির পূর্বে রাধিকামুন্দরী আপনাকে দেখিয়াছেন। তিনি পরে আমাকে সে কথা জানাইয়াছেন। আমি তখন হইতে আপনার সন্ধানে লোক লাগাইয়াছি। অদ্য প্রাতে একটা মারামারির সময় আনাদিগের একজন দ্বারবান আপনাকে দেখিয়াছে। সে রাসায় ফিরিয়া সংবাদ জানাইবামাত্র আমি আপনার নিকট আসিয়াছি। রাধিকা আপনার সহিত সাক্ষাত করিতে বলেন নাই, আমি যে আপনার নিকট আসিতেছি তাহাও তিনি জানেন না।”

ললিতমোহন জিজ্ঞাসিলেন,—“এক্ষণে তাঁহার শরীরের অবস্থা কিরূপ ?”

গিন্নি মা উত্তর দিলেন,—“কি বলিয়া বুঝাইব ? আমরা দেখিতেছি, তাঁহার মৃত্যু অতি নিকটবর্তী। শরীরের অবস্থা অতি মন্দ।”

ললিতমোহন বলিলেন,—“আমাকে আপনি কি করিতে বলেন ?”

গিন্নি মা বলিলেন,—“কিছুই করিতে বলি না। অতি

অল্প সময়ের পরিচয়েই আমরা বুঝিয়াছিলাম, আপনি মহাশয় লোক । এ ব্যাপারে আমরা সকলেই জানি, আপনার কোন দোষ নাই বরং আপনি এ বিষয়ে অত্যাশ্চর্য্য ধৈর্যের পরিচয় দিয়াছেন । পুরুষে এ বিষয়ে এমন ত্যাগ স্বীকার কখনও সহজে করিতে পারে না । আপনি আমাদের হিতৈষী বন্ধু । বিপদে পড়িয়া সর্বনাশ নিকটে দেখিয়া, আপনার কাছে আসিয়াছি ।”

ললিতমোহন নীরব, অধোমুখ ।

গিন্নি মা আবার বলিলেন,—“কল্যা হঠাৎ আপনাকে দেখিয়া তিনি মুচ্ছিত হইয়াছিলেন, তাহার পর হইতে তাঁহার ভাব ভঙ্গী আরও ভয়ানক হইয়া উঠিয়াছে, কিন্তু তিনি ক্ষতি সাবধান । আপনাকে পুনরায় দেখিবার বা আপনার সহিত একটি কথা কহিবার আকিঞ্চনও একবার প্রকাশ করেন নাই, কিন্তু তাঁহার দেহ ও মনে যে ভয়ানক আঘাত লাগিয়াছে, তাহার কোনই ভুল নাই ।”

ললিতমোহন বলিলেন,—“মা ! যদি বিশ্বাস করিয়া অনুমতি দেন, তাহা হইলে আমি একবার দেবীর সহিত সাক্ষাৎ করিতে চাই ।” সজল-নয়নে গিন্নিমা বলিলেন, “—আপনার কল্যাণ হউক ; আমিও এইরূপ অভিপ্রায়ে এখানে আসিয়াছিলাম ; বিশ্বাস আপনাকে যথেষ্ট করিয়া থাকি ; আপনি যেরূপ বিশ্বাসের পরিচয় দিয়াছেন, তাহা মনুষ্যালোকে অতি দুর্লভ ।”

ললিতমোহন বলিলেন,—“আমি দেখা করিব, এই সংবাদ পূর্বে তাহাকে জানাইয়া রাখিবার কোনই প্রয়োজন নাই । কখন কি ভাবে আমি দেখা করিতে পারিব তাহার এখনও স্থিরতা নাই । আপনি চিন্তা করিবেন না ; বাহাতে তাহার চিন্তে শান্তি আইসে আমি তাহার চেষ্টা করিব ; কলিকাতার সংবাদ আপনারা জানেন কি?”

গিন্নিমা বলিলেন,—“আমরা সকলই শুনিয়াছি । সরযু দিদি সুখী হইয়াছেন । আপনার চেষ্টায় সকলই শুভ হইয়াছে । আপনি এই বিষয়ের যেরূপ হউক একটা সুব্যবস্থা করিয়া দিতে পারিবেন বলিয়া আমার বিশ্বাস আছে । বাহা ভাল হয় করুন ।”

কথা সমাপ্ত হইতে না হইতে এক দীর্ঘকায় বিশালবক্ষ প্রসন্নানন সন্নানী আগিয়া সেইস্থানে দণ্ডায়মান হইলেন । গিন্নিমা অবগুণ্ঠন টানিয়া দিয়া প্রস্থান করিলেন ।

তৃতীয় পরিচ্ছেদ ।

সরযুবালা আশার অতীত সুখী হইয়াছেন । রজনীকান্ত তাঁহাকে পত্নীরূপে গ্রহণ করিয়াছেন, নিজের দুষ্কৃতির নিমিত্ত বারংবার ক্ষমা প্রার্থনা করিয়াছেন । তাঁহার নিকট কুণ্ঠিত হইয়া পুনঃপুনঃ আপনাকে অপরাধী দেখাইতেছেন, তাঁহাকে সর্বপ্রকারে বিনোদিত করিবার চেষ্টায় ব্যাপৃত আছেন ।

ললিতমোহন প্রস্থান করার পর নানাপ্রকারে তাঁহার অনুসন্ধান করা হইল ; কিন্তু কুত্রাপি তাঁহার সন্ধান পাওয়া গেল না । চারিদিন পরে ডাকে রজনীকান্তের নামে এক পত্র আসিল ; সে পত্র ললিতমোহন বাবুর হস্ত-লিখিত । তিনি তাহাতে রজনীকান্ত ও সরযুবালাকে প্রাণ ভরিয়া আশীর্বাদ জানাইয়াছেন ; তাঁহাদিগকে সাবধান থাকিতে উপদেশ দিয়াছেন ; টহল সিংহকে জন্মভূমিতে ফিরিয়া যাইবার পরামর্শ দিয়াছেন ; তিনি স্বয়ং কখন কোথায় থাকিবেন, তাহার স্থিরতা নাই লিখিয়াছেন : স্মরণ্যঃ ললিতমোহন বাবুর আর কোন সন্ধান হইল না । তখন অগত্যা রজনীকান্ত সরযুবালা ও টহল সিংহ, ললিতমোহনের প্রত্যাগমন আশা পরিত্যাগ করিলেন ;

কিন্তু টহল সিংহ সে আশা ছাড়িল না। সে দেশে চলিয়া আসিল, ললিতমোহনের প্রদত্ত অর্থে সুখে দিনযাপন করিবার আশায় সে দেশে ফিরিল না, যেরূপে হউক প্রভুর সন্ধান করিয়া তাঁহার সহিত পুনর্মিলনই তাহার সঙ্কল্প হইল।

পাঁচদিন পরে বাসা উঠাইয়া দিয়া সরযুবালাকে লইয়া রজনীকান্ত শ্রীগবাজারে আপনার পৈত্রিক ভবনে আসিলেন। স্বামীর ভবনে সরযুবালা কর্ত্রীরূপে প্রতিষ্ঠিত হইলেন। সুখ ও আশা পূর্ণমাত্রায় তাঁহাকে আশ্রয় করিল, লক্ষ্মীর মাও সঙ্গে থাকিল।

এত সুখের মধ্যে এক চিন্তা সময়ে সময়ে সরযু-
বালাকে ব্যাকুল করিতে লাগিল। রাধিকাসুন্দরীর কি
হইল ? তীর্থ পর্য্যটনে গিয়াছেন শুনিয়াছি, আর কোঁন
সংবাদ পাওয়া যায় নাই। চিন্তকে তিনি স্থির করিতে
পারিয়াছেন কি ? বোধ হয় না। বোধ হয়, যুদ্ধ সমানই
চলিতেছে, বোধ হয় সে বুদ্ধে তাঁহার আত্মনাশ ঘটবে,
জানিনা কি হইল। আর ললিতমোহন ! তিনি সহসা
আমাদিগকে ত্যাগ করিলেন কেন ? সেই অনাসক্ত সাধু
এধানকার কর্তব্য সমাপ্ত হইয়াছে বুঝিয়া প্রস্থান করিয়া-
ছেন। কোথায় গিয়াছেন ? আবার রাধিকাসুন্দরীর
সহিত সাক্ষাতের অভিপ্রায়ে ফিরিতেছেন কি ? অসম্ভব !
সে প্রবৃত্তি থাকিলে তিনি পূর্বেই তাহার ব্যবস্থা করিতেন।

না, চিত্তের উপর তাঁহার আধিপত্য অসীম ! তিনি কখনই কোন মন্দ উদ্দেশ্যে যান নাই, তবে কি হইল ! ইহাদিগের সংবাদ পাঠবার কি কোনই উপায় নাই ? কাশাতে ইহারা নাই; কোথায় আছেন জানিলে স্বামীকে বুঝাইয়া তাঁহাকে সঙ্গে লইয়া সরষু বাল! একবার ললিতমোহন ও রাধিকা-সুন্দরার সঙ্গে সাক্ষাৎ করিতে যাইতেন ।

গরবিণী ও মতিলাল সকলই জানিয়াছে । কুলটা বুঝিয়াছে, রজনীকান্তকে হস্তগত করিবার আর উপায় নাই । সে তখন মতিলালকেই এই সর্বনাশের কারণ স্থির করিয়া, আপনার কপালে আপনি করাঘাত করিয়াছে । সে যদি মতিলালের পরামর্শে যোগ দিয়া রজনীকে ছাড়িয়া না দিত, মতিলালের ব্যবস্থাক্রমে রজনী যদি সরষুকে দেখিতে না পাইত, তাহা হইলে এরূপ অনিষ্ট কখনও ঘটত না । মতিলালের উপর ভয়ানক ক্রোধ হইল । অধম মতিলাল আর দেখা দেয় না, এক্ষণে উপায় কিছুই নাই । কোন পরামর্শ স্থির করিতে না পারিয়া, গরবিণী আপন মনে গর্জিতে লাগিল । শেষে সে সঙ্কল্প করিল যে, যে ভাবেই হউক সরষুকে নিপাত করিতেই হইবে । এই শত্রুকে রসাতলে পাঠাইতে পারিলে, তাহার বাহা ছিল, সকলই আবার হইবে ।

মতিলাল বড়ই হতাশ হইল । এরূপ মনকষ্ট তাহাকে

আর কখনও পাইতে হয় নাই। সে জীবনে যখন যে নারীকে দেখিয়া লুকু হইয়াছে, ধনদ্বারা হউক, লোকদ্বারা হউক, কৌশল দ্বারা হউক, তাহার সর্বনাশ না করিয়া কখনও ক্ষান্ত হয় নাই। এবার সরযুকে দেখিয়া তাহার কু-প্রবৃত্তি অতিশয় বলবতী হইয়াছিল, সরযুকে এক দিনের নিমিত্ত পাইবার উপায় হইলেও সে আপনার অগাধ সম্পত্তি ব্যয় করিতে প্রস্তুত ছিল; কিন্তু যে উপায়ে মনের সাধ সহজেই মিটিবে বলিয়া জানিয়াছিল, তাহা হইল না। যাহাকে উপলক্ষ করিয়া সেই ভল্লুক, সরযুকে গ্রাস করিবে মনে করিয়াছিল, সেই রজনী একাকীই তাহা পাইল এবং পরম সুখে সে দিন কাটাইতে লাগিল। তাহার আর দেখা পাওয়া যায় না। ভাবিতে ভাবিতে মতি-লাল স্থির করিল, আশা কোন রূপেই ছাড়া হইবে না, মিটাইতেই হইবে। ইহার জন্ত অসাধা সাধনেও সে প্রস্তুত হইল। সর্বনাশ ঘনীভূত হইয়া আসিতে লাগিল।

" কঁকুড়গাছিতে রজনীকান্তের মনোহর এক উদ্যান বাটী ছিল। সরযুবালাকে লইয়া তিনি অনেক সময় সেই বাগানে যাতায়াত করিতেন। সঙ্গে পাচক, দাসী, দ্বার-বানাदि থাকিত। শ্রাবণ মাসের মধ্যভাগে একদিন রজনী-কান্ত সস্ত্রীক বাগানে গমন করিয়াছিলেন।

সরযু স্বামীর সহিত রাত্ৰিকালে উদ্যান বাটীকার এক কক্ষ মধ্যে কথাবার্তা করিতেছেন। হাশু ও সন্তোষ যেন

উভয়কে আচ্ছন্ন করিয়া রহিয়াছে । বাহিরে ঘনাকার । এখনই খুব রষ্টি হইয়া গিয়াছে, আকাশ এখনও মেঘে আচ্ছন্ন রহিয়াছে—বিছাৎ চমকিতেছে, আবার বোধ হয় এখনই রষ্টি নামিবে ।

দম্পতি যখন ভিতরে পূর্ণানন্দ-মগ্ন, তখন বাহিরে অগ্ৰত্ব একটা ভয়ানক কাজের অনুষ্ঠান হইতেছিল । মতিলাল বহু লোক সঙ্গে লইয়া রজনীকান্তের উদ্যান সন্নিহিত অপর একটা উদ্যানে অপেক্ষা করিতেছিল, সেই উদ্যানেরই এক স্থানে অশ্রদ্ধ যোজিত গাড়ী সাজান ছিল । গভীর নিশীথে সরষু ও রজনী নিদ্রিত হইলে, মতিলাল দ্বার ভাঙ্গিয়া লোকজন সহ কক্ষ মধ্যে প্রবেশ করিবে স্থির করিয়াছিল এবং নিদ্রিতা সরষুকে নিঃশব্দে বহন করিয়া পলায়ন করিবার সঙ্কল্প তাহার মনে ছিল । যদি শব্দাদিতে রজনীর নিদ্রাভঙ্গ হয় এবং সে যদি অভীষ্ট সাধনে ব্যাঘাত উপস্থিত করে, তাহা হইলে তাহাকে তদুৎপেই হত্যা করিতে হইবে, ইহাও মতিলাল স্থির করিয়াছিল । বাগানের ফটকে দ্বারবান নিদ্রিত থাকে । কিন্তু ফটক দিয়া বাগানের মধ্যে প্রবেশ করিবার প্রয়োজন হইবে না । বাগানের উত্তর পার্শ্বের প্রাচীর উচ্চ নহে, সেই প্রাচীর লঙ্ঘন করিয়া অনায়াসে বাগানে যাওয়া যাইবে । বাগানের নিকটে কোন দিকেই কোন অধিবাসী নাই ; সুতরাং কোন গোলমাল উপস্থিত হইলেও, হঠাৎ শুনিতে

পাইয়া, কোন লোক সাহায্য করিতে আসিবার সম্ভাবনা নাই। পুলীস-প্রহরীও নিকটে থাকে না; অতএব আশঙ্কার কোন কারণ নাই; অনেক ভাবিয়া, অনেক বুঝিয়া, মনের সাধ মিটাইবার নিমিত্ত হুরমু মতিলাল, এই ব্যবস্থা করিয়া স্বেযোগের প্রতীক্ষা করিতেছে।

বৃষ্টি আসিল, ছাতের উপর টপ্ টপ্ শব্দ হইতে লাগিল, যক্ষ-লতাদির উপর সপ্ সপ্ শব্দে বৃষ্টি পড়িতে লাগিল। নন্দামা দিয়া ঝর্ ঝর্ শব্দে জল গড়াইতে লাগিল। ভয়ানক অন্ধকার! ওঃ! কি ভয়ানক মেঘের ডাক! একটা জানালা খোলা ছিল, সরযু তাহা বন্ধ করিতে উঠিলেন, কি গাঢ় অন্ধকার! অন্ধকার দেখিয়া সরযুর ভয় হইল। তাড়াতাড়ি জানালা বন্ধ করিয়া রজনীকান্তের নিকটে আসিলেন; বলিলেন,—“বর্ষা না যাইলে আর তোমাকে বাগানে আসিতে দিব না। এখানে বড়ই ভয় করে।”

রজনী বলিলেন,—“ভয়ের কোন কারণ নাই। আমি তো বর্ষাকালে বাগানে আসিতে ভাল বাসিনা, তুমিইতো বল, এক একদিন পল্লীগ্রামে না আসিলে শরীর ও মন ভাল থাকে না।”

সরযু বলিলেন,—“দোষ আমারই বটে। তুমি আমাকে বুঝাইয়া দেও নাই কেন যে, বর্ষাকালে চারিদিকে গাছ পালার মধ্যে অন্ধকারে থাকিতে ভয় হয়।”

রজনী বলিলেন,—“আমার ভয় হয় না, কিন্তু তোমার ভয় হইতে পারে, ইহা আমার বুঝা উচিত ছিল । যাহাই হউক এখনই জল ছাড়িয়া বাইবে, আস্তাবলে গাড়ী, ঘোড়া, সহিস, কোচম্যান রহিয়াছে । এখন রাত্রি ৮টার বেশী নহে ; তোমার যখন ভয় হইতেছে, তখন আর এখানে থাকিয়া কাজ নাই ।”

তখনই রজনী দাসী দ্বারা আস্তাবলে গাড়ী তৈয়ার করিতে সংবাদ পাঠাইলেন । আধঘণ্টা পরে বৃষ্টি ছাড়িয়া গেল, মেঘ ও অন্ধকার সমানই রহিল ; গাড়ী বারান্ডায় আসিল । সরযুকে লইয়া রজনীকান্ত গাড়ীর মধ্যে প্রবেশ করিলেন ; ঝিও গাড়ীর মধ্যে স্থান পাইল, দ্বারবান গাড়ীর উপরে উঠিল । অন্ধকার ভেদ করিয়া গাড়ী চলিতে লাগিল । গাড়ীতে বসিয়া সরযু রজনীকান্তকে বলিলেন,—“কেন বলিতে পারি না, আমার আজ বড়ই ভয় করিতেছিল । এই বাগানে আমি কত দিনই আসিয়াছি, কত দিনই কাটাইয়াছি, কিন্তু এমন ভয় কোন দিনই হয় নাই ।”

রজনী বলিলেন,—“তোমার ভয়ের কথা শুনিয়াইতে বাগানে রাত্রিপাত করিতে আমার ইচ্ছা হইল না । এখন তোমার ভয় দূর হইয়াছে বুঝিয়া আমি নিশ্চিন্ত হইলাম ; কিন্তু কেন যে তোমার এইরূপ ভয় হইল, তাহা বলিতে পারি না ।”

সরষু বলিলেন,—“আমিও বলিতে পারি না। আমার
প্রাণ হঠাৎ কেমন বিচলিত হইয়া উঠিল।”

রাগানের পথ ছাড়াইয়া গাড়ী পাকা রাস্তায় উঠিল এবং
সেই নিবিড় অন্ধকারের মধ্য দিয়া অপেক্ষাকৃত বেগে
চলিতে লাগিল। মতিলাল ও সঙ্গিগণ এ ব্যাপারের
কিছুই জানিতে পারিল না।

চতুর্থ পরিচ্ছেদ ।

রাত্রি প্রায় ১১টা। রজনীকান্তের সেই উদ্যান নিস্তর ;
দ্বারবান চলিয়া গিয়াছে ; কেবল মালীরা নিম্নতলের এক
ঘরে ঘুমাইতেছে। আর কোথাও কোন লোক নাই, কোন
কক্ষেই কোন আলোক নাই ; ঘোর অন্ধকার রাত্রি ;
অতি সামান্য বৃষ্টিপাত হইতেছে। আকাশে মেঘ যথেষ্ট,
নক্ষত্র ও তারকারাজি মেঘে আচ্ছন্ন।

এইরূপ সময়ে এক যুবতী নারী বাগানের মধ্যে প্রবেশ
করিল ; অন্ধকারে সে ধীরে ধীরে অগ্রসর হইতে লাগিল।
বাগানের পথ ও বৃক্ষলতাদি তাহার সুপরিচিত। সে
অন্ধকার মধ্যেও অনায়াসে বাগান ও তৎপার্শ্ববর্তী
পুকুরিণীর পাশ দিয়া সহজেই উদ্যান বাটীতে উপস্থিত
হইল। নারী সোপানাবলী অতিক্রম করিয়া বারাণ্ডায় উঠিল,
বারাণ্ডা হইতে উপরে উঠিবার সিঁড়ি। নারীর সমস্তই
জানা ছিল, সে সেই সিঁড়ি অবলম্বনে নিঃশব্দে উপরে
উঠিল। উপরে কক্ষের দ্বার ভিতর হইতে রুদ্ধ।
সকল সন্ধিই নারী জানিত। একটা দ্বারের খড়খড়ে
তুলিয়া সে বাহির হইতে কোশলে দ্বার খুলিয়া ফেলিল।
নারী ঘরের মধ্যে প্রবেশ করিল। সে সেই ঘরে

প্রবেশ করিয়া কিয়ৎকাল স্থির হইয়া দাঁড়াইল । আপনার দেহের বন্ধাদি সে একবার ঠিক করিয়া লইল । এই নারী গরবিণী ।

যে ঘরে গরবিণী প্রবেশ করিল, তাহা শয়ন কক্ষ নহে ; আর দুইটা ঘর অতিক্রম করিলে, শয়ন কক্ষে উপস্থিত হওয়া যাইবে । যে বাগানে বহু দিন সে রজনী কাস্ত ও তাহার বয়স্গণের সহিত বিবিধ আয়োদে অতি-বাহিত করিয়াছে ; যেখানে তাহার আদেশ ও বাসনা পূরণ করিতে গৃহস্বামী হঠতে তাহার ভৃত্য পর্য্যন্ত সকলেই বাস্তু থাকিত ; যেখানের সকল দ্রব্য ও সকল আয়োজন তাহারই বিনোদনের নিমিত্ত নিযুক্ত হইত, আজ সেখানে সে তঙ্করের ঞায় প্রচ্ছন্ন ভাবে, পরের ঞায় নিঃসম্পর্কিত ভাবে প্রবেশ করিয়াছে ; কেন তাহার একরূপ ঘটিল ? কোথা হইতে ধূমকেতু রূপে সরযুবালা আসিয়া তাহার সকল সুখে গরল ঢালিয়া দিল, তাহার জীবনের সকল আনন্দ ছিন্ন করিয়া লইল । সরযুবালাকে নিপাত করিতে হইবে । অদৃষ্টে বাহা থাকে হউক, এই সরযুবালাকে নাশ করিতে গরবিণী কৃতসংকল্প । আজ রাত্রিতে সরযুবালার জীবন-লীলা সাক্ষ হইবে, আজই সরযুবালার সকল বাসনার সমাপ্ত হইবে ; আজই তাহার স্বামী সমস্তাগের শেষ দিন । উৎকট কন্দ-সাধনে যে ব্যাপ্ত, তাহার মূর্তিও উৎকট । গরবিণীর মূর্তি-রক্তিমা-রঞ্জিত । তাহার অঙ্গ-

প্রত্যঙ্গ ঈষৎ বিকম্পিত, বদনে নিদারুণ হিংসার রেখা প্রকটিত ।

সে কক্ষ ত্যাগ করিয়া গরবিণী নিঃশব্দে কক্ষাস্তরে প্রবেশ করিল । নিদ্রাকালে রজনীকান্তের নাসিকা-ধ্বনি হইয়া থাকে, সে শব্দ শুনা যাইতেছে না, তবে কি এখনও ইহার ঘুমায় নাই ? গরবিণী স্থির হইয়া দাঁড়াইল । ভাবিতে লাগিল, রজনীকান্ত ! আজ তোমার সুন্দরী স্ত্রীর সকল লীলা শেষ হইবে । ভোগ কর, হতভাগ্য রজনী ! ভোগ কর । মৃত্যু স্ত্রীর শব্দ দেহ আলিঙ্গন করিয়া আরও ঢই মূর্ত্ত সুখের নিদ্রায় অভিভূত থাক ।

গরবিণী সে কক্ষ ত্যাগ করিয়া কক্ষাস্তরে উপস্থিত হইল ; ইহারই অব্যবহিত পর কক্ষেই শয়নের স্থান । আলোক নাই, বাহিরে ও ভিতরে সমান অন্ধকার । সহসা ভয়ানক মেঘ-গর্জন হইল, গরবিণী চমকিয়া উঠিল । ভাবিল, বুঝি তাহারই মস্তকে বজ্রপাত হইতেছে । প্রবলবেগে বৃষ্টি আসিল । বৃষ্টিপাতের বিষম শব্দ ভিন্ন আর কিছুই শুনিলে উপায় থাকিল না । গরবিণী মনে করিল, এই স্থান হইতে রজনী কান্তের নাসিকাধ্বনি নিশ্চয়ই শুনা যাইত, কিন্তু বোধ হয় দারুণ বৃষ্টির শব্দে তাহা শুনা যাইতেছে না । সে শয়ন কক্ষে প্রবেশ করিল ।

যে শয়ন-কক্ষের যে পর্যাঙ্কে—যে শয্যায় সে বহু দিন

সুরাপহতচেতনা হইয়া অথবা বিলাস-প্রমত্ত হইয়া সুখ-
 যামিনী অতিবাহিত করিয়াছে, আজ তথায় তাহার স্থান
 অধিকার করিয়া অণু নারী শায়িতা ! দৃঢ় হৃদয়ে, ধীর
 পদে গরবিণী পর্যাক্ষের পার্শ্বে আসিয়া দাঁড়াইল । তাহার
 পর বঙ্গ-মধ্য হইতে সে এক তীক্ষ্ণধার প্রকাণ্ড ছুরিকা
 বাহির করিল । মনে মনে ভাবিল, এই ছুরিকা এখনই
 সরযুর হৃদয়কে ভেদ করিয়া দিবে, এখনই তাহার রক্তে
 শয্যা ও গৃহ প্লাবিত হইবে ; কিন্তু শয্যার এত নিকটে
 আসিয়াও নিদ্রিতগণের নিশ্বাস ধ্বনি কেন শুনা
 যাইতেছে না ? তাহারা কি এ দিকে নাই ? আবার
 গরবিণী আপনার বঙ্গ মধ্যে ছুরিকা লুকাইল ; তাহার
 পর সে শয্যায় হস্তার্পণ করিল, সমস্ত শয্যায় কুত্রাপি
 কোন মনুষ্য নাই, তখন গরবিণীর মাথা ঘুরিয়া
 পড়িল ।

কোথায় গেল তাহারা ? আজই তাহারা বাগানে
 আসিয়াছে, বাগানেই রাত্রি কাটাইবে এই সংবাদ গরবিণী
 বিশেষরূপে জানিয়াছে ; কিন্তু কোথায় তাহারা ? কক্ষান্তরে
 থাকিলেও থাকিতে পারে । নূতনের জন্ম নূতন আয়োজন
 হইয়া থাকিতে পারে ; হয়তো অণু কোন কক্ষে নবীনা
 সুন্দরীর নবীন শয়ন মন্দিরে নবীন শয্যা প্রতিষ্ঠিত
 হইয়াছে । অনেকক্ষণ বাহু দ্বারা আপনার কপাল ধারণ
 করিয়া গরবিণী চিন্তা করিল ; তাহার পর উঠিয়া অতি

সাবধানে সে সকল কক্ষ ঘুরিয়া আসিল, কোথাও তাহারা নাই, তাহাদের কোন চিহ্নও নাই ।

হতাশ হইয়া গরবিনী পুনরায় পূর্বকথিত শয়ন কক্ষে ফিরিয়া আসিল । আবার সেই শয্যায় বসিয়া সে ভাবিতে লাগিল, তাহার সকল আয়োজন ব্যর্থ হইল । তাহারা নিশ্চয়ই বাগানে আসিব বলিয়া অন্য কোন স্থানে গমন করিয়াছে । আজ সরথু! আজ তুমি বাঁচিয়া গেলে ; কিন্তু ভাবিওনা, গরবিনী তোমাকে ছাড়িবে । আজ হইল না, কিন্তু কালই হউক বা দশ দিন পরই হউক গরবিনীর হস্তে নিশ্চয়ই তোমার মৃত্যু ঘটবে । যদি রজনী তোমার সহিত সম্পর্ক ত্যাগ করে, যদি সে ঘৃণা করিয়া তোমাকে দূর করিয়া দেয়, তাহা হইলে হয়তো আমি তোমাকে ক্ষমা করিতে পারি । নতুবা জানিবে আমি তোমার বম । আমার হাতে তোমাকে ছট্ফট্ করিতে করিতে মরিতে হইবে ।

ফিরিবার কোন উপায় নাই । এই গভীর রাত্ৰিতে অনেক কষ্টে গরবিনী একাকিনী আসিয়াছে । ঘোর অন্ধকার, ভয়ানক বৃষ্টি ; এ অবস্থায় প্রভাত না হইলে ফিরিয়া যাওয়া অসম্ভব । নানারূপ চিন্তা করিতে করিতে গরবিনী সেই শয্যায় উপাধানে মস্তক স্থাপন করিয়া শয়ন করিল । অবিলম্বে নিজা তাহাকে আচ্ছন্ন করিল ; তখন রাত্ৰি প্রায় সাড়ে বারটা ।

অর্ধঘণ্টা পরে পাঁচ ব্যক্তি সেই কক্ষ মধ্যে প্রবেশ করিল । তাহারা অতি সাবধানে, দীপশলাকা প্রজ্জ্বলিত করিল । দেখিল, অগ্নি দিকে মুখ ফিরাইয়া এক নিদ্রিতা নারী শয্যায় পড়িয়া আছে ; রজনীকান্ত নিকটে নাই । যে পাঁচজন আসিয়াছিল, তাহার মধ্যে এক কৃষ্ণকায় পুরুষ অগ্রণী ; সেই পুরুষ মতিলাল ।

মতিলাল ভাবিল, ভগবানের কি অনুগ্রহ ! হয়তো প্রেমের কোন কলহে অথবা অগ্নি কোন কারণে আজ এই নিদ্রিতা সরস্বতীর পার্শ্বে রজনীকান্ত নাই । আর বিলাসের কি প্রয়োজন ! যখন সরস্বতীকে একাকিনা পাওয়া গিয়াছে, তখন বুদ্ধিতে হইবে যে, বাসনা সিদ্ধির কোনই ব্যাঘাত নাই । সে ফুস্ফুস করিয়া অনুচরগণকে কি বলিয়া দিল । তাহার পর স্বয়ং একটু সরিয়া দাঁড়াইল ।

অনুচরেরা ধীরে নিদ্রিতা নারীর পার্শ্বে গমন করিল এবং কেহ কোন কথা না বলিয়া, চক্ষুর নিমিষে রমণীর মুখ বাঁধিয়া ফেলিল । নারী ছটফট করিতে লাগিল ; কিন্তু তাহারা তাহার হস্তপদ চাপিয়া ধরিল ; তাহার পর শয্যায় জড়াইয়া তাহাকে শবের গায় বাঁধিয়া ফেলিল ; তদনন্তর সেই গাঢ় অন্ধকারে নারী-দেহ বহন করিয়া তাহারা প্রস্থান করিল । সকলই নিস্তব্ধ হইল ।

মহোলাসে মতিলাল, সেই নিবন্ধ নারীকে লইয়া পূর্ব নির্দিষ্ট বাগানে উপস্থিত হইল । বাহিরের ফটক রুদ্ধ

হইল। পশ্চাত্তের দ্বার রুদ্ধ করিতে করিতে দেহ-
বাহকগণ সহ মতিলাল অনেক কক্ষ অতিক্রম করিল।
শেষে যে কক্ষে তাহারা উপনীত হইল, সে কক্ষ
সুসজ্জিত ; তথায় উজ্জ্বল আলোক জলিতেছে। কক্ষ মধ্যে
গিয়া অনুচরেরা নারীর সমস্ত বন্ধন মোচন করিয়া
দিল এবং আপনারা প্রস্থান করিল।

মতিলাল নারীর মুখের কাপড় খুলিয়া দিষ্ট সবিস্ময়ে
দেখিল, সর্বনাশ হইয়াছে ! এ যে গরবিণী ! তখন সে
ক্রোধে ও মনস্তাপে অভিভূত হইয়া পড়িল ; বলিল,—
“তুই হতভাগি, বাগানে কেন আসিয়াছিলি ? আমার এত
আয়োজন, এত কষ্ট সকলই তুই মাটি করিলি। আমার
ইচ্ছা হইতেছে, তোকে এখনই মারিতে মারিতে তাড়াইয়া
দিই।”

অনেকক্ষণ গরবিণী কথা কহিতে পারিল না। অনেক
ক্ষণে তাহার নিশ্বাস-প্রশ্বাস প্রকৃতিস্থ হইল। তাহার পর
সে বলিল,—“পাষণ্ড ! নরাধম ! তোমারই পরামর্শে
আমার সর্বনাশ হইয়াছে। তুই আমাকে কুমন্ত্রণায়
ভুলাইয়া রজনীকে কাড়িয়া লইয়াছিস। আমার সর্বনাশ
করিয়া, ছরায়া মতিলাল, তুই আবার আমাকে মারিতে
মারিতে তাড়াইতে চাহিতেছিস ? আর তোর সাক্ষাৎ
পাওয়া যায় না ; আর তুই ডাকিলে আসিস না—আর
তুই আমার সন্ধান করিস না।”

ক্রোধের সহিত মতিলাল বলিল,—“কেন করিব ?
তোমর মত নারী পথে ঘাটে শত শত পাওয়া যায় । বেশী
কথা কহিস না । তাহা হইলে চাকর দিয়া মারিতে
মারিতে এই রাত্রিতেই তোকে তাড়াইয়া দিব । রজনী
সুখী হইয়াছে । সে যে সুন্দরীকে পাইয়াছে, তুই তাহার
পায়ের নখেরও যোগ্য নহিস, কেন সে আর তোমর নিকটে
আসিবে ?” আমি ইচ্ছায় হউক, অনিচ্ছায় হউক বন্ধুর
উপকার করিয়াছি, সে জন্ত তুই কথা কহিবার কে ?
আর কথা কহিলে তোমর মুখে রক্ত উঠাইয়া দিব ।
তোমর যদি একটুও বুদ্ধি থাকিত, তাহা হইলে তুই
কখনই আমার সহিত এইরূপ ভাবে কথা কহিতিস না ।
বুঝিয়া দেখ, আমি এতকষ্ট করিয়া, এই জল কাদায়,
অন্ধকারে যে কাজ করিতে আসিয়াছি, তাহা যদি নির্ঝিল্লি
হইয়া যাইত, তাহা হইলে সকল দিকেই তোমরই ভাল
হইত ।”

গরবিণী একটু ভাবিয়া দেখিল, মতিলালের কথা
মিথ্যা নহে । বলিল,—“তুমি কাজ শেষ করিতে পারিলে
আমার সুবিধা হইত বটে ; কিন্তু অনেক দিন ধরিয়া
কেবল চেষ্টাই করিতেছ, চেষ্টার কথাই বলিতেছ, কাজে
তো কিছুই হইতেছে না ।”

মতিলাল বলিল,—“সে কি আমার দোষ ? সুযোগ
না পাইলে, এমন একটা কাজ করা যায় কি ?”

গরবিণী বলিল,—“তুমি সূযোগের অপেক্ষায় দেবী^১ করিতে অনায়াসেই পার, কিন্তু আমি আর পারি না, এইজন্য আমি আজি একেবারে নিকাশ করিতে আসিয়া ছিলাম। এই দেখ ছুরি! কি বলিব, দেখা পাইলাম না, দেখিতে পাইলে কোন্ কালে তাহাকে যমের বাড়ী পাঠাইতাম।”

গরবিণী বস্ত্র মধ্যে হইতে ছুরি বাহির করিল; মতিলাল বলিল,—“এমন কাজ করিও না, গারিয়া কোন লাভ নাই। বাঁচিয়া থাকিলে আমার উপকারে লাগিবে, আরও পাঁচ জনের উপকারে লাগিতে পারে। তাহাকে রজনীকান্তের হাতছাড়া করার দরকার, তাহারই মতলব করা তোমার উচিত, দেজন্য আমাকে সাহায্য করাই তোমার অবশ্যক।”

তাহার পর উভয়ে সুরাপান করিতে করিতে এক যোগে সরযুবালার সর্বনাশ করিবার পরামর্শ করিতে লাগিল। তাহারা তখন স্বার্থের জন্য এবং সুরার প্রভাবে উভয়েই উভয়ের পরম হিতৈষী হইয়া উঠিল। একটা চক্রান্ত স্থির করার পর তাহারা রাত্রিশেষে সুরাপহত চেতন হইয়া পড়িয়া রহিল।



পঞ্চম পরিচ্ছেদ ।

রাধিকাসুন্দরীর মুখে ললিতমোহনের মথুরাধামে আগমন বার্তা শুনিয়াই, গিন্নিমার মনে এক নূতন আশার সঞ্চার হইয়াছিল। তিনি মনে করিয়াছিলেন, এতদিন পরে হয়তো রাধিকার দৃঢ়তা অনেক কমিয়া গিয়াছে ; হয়তো এখন ললিতমোহনের সহিত সাক্ষাৎ করিতে বা কথোপকথনে তিনি ইচ্ছা পূর্বক সম্মত হইবেন এবং হয়তো একরূপ সাক্ষাৎ ও কথোপকথন ঘটিলে বিবাহের প্রস্তাবও নিতান্ত অসম্মত বলিয়া কোন পক্ষ মনে করিবেন না। আবার হয়তো রাধিকার মৃতদেহে জীবনের সঞ্চার হইবে, আবার তাহার জীবন আনন্দ ও উৎসাহ পূর্ণ হইবে। এইরূপ বিধামে স্নেহমগ্নী গিন্নি মা রাধিকার অগোচরে ললিতমোহনের আবাসস্থানের সন্ধান করিয়াছিলেন এবং স্বয়ং ললিতমোহনের সহিত প্রাতে সাক্ষাৎ করিয়াছিলেন।

অতী তঁাহাদের পুনরায় বৃন্দাবনে ফিরিয়া যাইবার কথা ছিল ; কিন্তু ললিতমোহন আসিয়া রাধিকার সহিত সাক্ষাৎ করিবেন বলিয়াছেন। বৃন্দাবনে প্রস্থান

করিলে, হয়তো সে স্বেযোগ নষ্ট হইবে মনে করিয়া গিন্নি
মা নানা প্রকার ওজরে যাওয়া বন্ধ রাখিয়াছেন ।

সন্ধ্যার কিঞ্চিপূর্বে গিন্নিমা ও রাধিকাসুন্দরী বাসার
এক কক্ষে বসিয়া কথা কহিতেছেন । মথুরা হইতে
আগ্রা যাইবার যে প্রশস্ত রাজপথ আছে, তাহারই পার্শ্বে
এক সুন্দর অট্টালিকার তাঁহাদিগের বাসা হইয়াছে ।
পথ হইতে বাসবাটী কিছু দূরে অবস্থিত । বাটী ও পথ
এতদুভয়ের ব্যবধান স্থান নানাবিধ ক্ষুদ্র ও বৃহৎ বৃক্ষ-
লতাদিতে পূর্ণ, তাহার মধ্য দিয়া গমনাগমনের রাস্তা ।

ললিতমোহনের সহিত গিন্নিমা সাক্ষাৎ করিয়াছেন,
তিনি আসিবেন বলিয়াছেন, এই সকল কোন কথাই
রাধিকাকে জানান নাই ; কিন্তু এ সম্বন্ধে রাধিকার
মন একটু প্রস্তুত করিয়া রাখিবার উদ্দেশে অত্যাণ্ড
অনেক কথার পর গিন্নিমা বলিলেন, “মা ! একদিন
বলিয়াছিলাম, আজি আবার বলিতেছি, এমন করিয়া
অকারণে দেহ পাত করিলে কি লাভ হইবে ?”

হতাশভাবে প্রশ্ন হইল,—“তবে কি করিব ?”

গিন্নিমা উত্তর দিলেন,—“যাহা করিলে সকল দিক
রক্ষা হয়, তাহাই কর ; এরূপ তুষানলে পুড়িয়া মরার
অপেক্ষা জীবনকে রক্ষা করাই উচিত ; তোমার ধন
আছে, যৌবন আছে, রূপ আছে ; ললিতমোহনের সহিত
তোমার মিলন হইলে, জগতে কাহারও কোন ক্ষতি নাই,

বরং উপকার যথেষ্ট । তিনি দয়ার অবতার, তুমি ধনে রাজরাজেশ্বরী ; একরূপ লক্ষ্মী-নারায়ণের মিলনে সমাজের অনেক হিত হইবে ।”

রাধিকা বলিলেন,—“হইতে পারে ; কিন্তু মা ! সমাজ শাসনের, ধর্ম শাসনের, এবং ন্যায় শাসনের মস্তকে পদাঘাত করিয়া, জগতের হিত করা কাহারও কর্তব্য নহে ; মানবের হিতাহিতে বিধাতারই অধিকার ; তিনি যদি হিতের ইচ্ছা করেন, তাহা হইলে আমার মত কীটের সহায়তা না পাইলেও তাঁহার বাসনা পূর্ণ হইবে ; তিনি যদি অহিতের ইচ্ছা করিয়া থাকেন, তাহা হইলে সহস্র সহস্র ধনশালিনী বিরুদ্ধ চেষ্টা করিলেও রক্ষা করিতে পারিবে না । অতএব মা ! একটা মিথ্যা ওজরে মনকে প্রবোধ দিয়া, কেন অন্য় করিব ?”

গিন্নি মা একটু চিন্তার পর বলিলেন,—“ললিতমোহন স্বর্গের দেবতা ; তাঁহার কন্য়ময় জীবনকে তুমি নিরুদ্ভন করিয়া দিলে ; তাঁহা দ্বারা জগতের প্রভূত হিত হইতেছিল, তুমি তাহা নষ্ট করিলে ; সেই আনন্দময় যুবার হৃদয়ে, তুমি চির বিষাদের বিষ ঢালিয়া দিলে, ইহা কি তোমার অন্য় হইল না মা ?”

রাধিকা বলিলেন,—“না । আমি জ্ঞানে বা অজ্ঞানে তাঁহার নিকট কোন প্রণয়ের প্রসঙ্গ উত্থাপন করি নাই ; তাঁহার সহিত একটিও কথা কহি নাই ; ইচ্ছা করিয়া

কখনও তাঁহাকে আমার মুখ দেখিবারও সুযোগ করিয়া দিই নাই, সুতরাং ধর্মতঃ আমি তাঁহার চিত্ত পরিবর্তনের কারণ নহি। তিনি পুরুষ, অবিবাহিত, স্বাধীন ব্যক্তি; শত সহস্র উপায়ে তিনি চিত্তের গতি ফিরাইয়া আনিতে পারিবেন। যতক্ষণ তাহা না পারিতেছেন, ততক্ষণ তাঁহার কষ্ট বটে, কিন্তু লক্ষণে বুঝিয়াছি, তাঁহার চিত্ত শান্ত হইয়াছে। তিনি বেগে উন্নতির পথে ফিরিতেছেন। ভাল হউক মন্দ হউক, আমি তাঁহার ভাবান্তরের জন্য দায়ী নহি।”

গির্জা মা বলিলেন,—“তুমি মা অর্থ দ্বারা তাঁহার সাহায্য করিয়াছ, নানা প্রকারে তাঁহার হিত চেষ্টা করিয়াছ। ইহাতে সকলেই বুঝিতে পারে যে, তাঁহার প্রতি তোমার যথেষ্ট ভালবাসা জন্মিয়াছে। তিনিই বা কেন একরূপ না বুঝিবেন?”

রাধিকা বলিলেন,—“এরূপ বুঝিলে ভুল বুঝা হইবে। লোকের উপকার করিতে তাঁহারও যেমন অধিকার আছে, আমারও তেমনই অধিকার আছে। তিনি দেবতা, পরোপকারই তাঁর ব্রত; আমি স্বয়ং পরোপকারের ভাল সুযোগ পাই না। এইরূপ অবস্থায় যদি আমি বুঝিয়া থাকি যে, তাঁহাকে সাহায্য করিলে পরোপকারের সহায়তা হইবে, তাহাতে দোষ কি হইয়াছে মা? আর যদি আমি বুঝিয়া থাকি, তিনি নির্বিশ্বাস থাকিলে, জগতের অশেষ

হিত হইতে থাকিবে, তাহাতেই বা আমার কি অন্য় হইয়াছে মা ? এ সকল কাণ্ডে প্রণয় প্রকাশ হয় না ; আমি নারী বলিয়াই আমার কার্য বিকৃতভাবে তোমরা গ্রহণ করিতেছ ; কিন্তু ভাবিয়া দেখ, ইহাতে আমার প্রাণের মধ্যে যে লুকান ছাই ঢাকা আগুন দিবানিশি স্ফলিতেছে, তাহা কিছুই বাক্য করা হয় নাই ।”

গিন্নি মা বলিলেন,—“এক্ষণে উপায় ?”

রাধিকা বিষয়ভাবে বলিলেন,—“উপায় অতি সহজ, অতি নিকটস্থ ; চিতার অনলে এই ছার দেহ ভস্ম হইলেই উপায় হইবে । মন কলঙ্কিত হইয়াছে ; দেহ কদাপি কলঙ্কিত হইতে দিব না । পিপাসায় চট্ চট্ করিয়া মরিব, কিন্তু সে বিষ-বারি পান করিব না । নারী-জন্ম লাভ করিয়া চিত্তকে স্থির রাখিতে পারিলাম না । ধিক্ আমাকে ! বুঝিয়া দেখ মা ! মৃত্যুই আমার উপযুক্ত প্রায়শ্চিত্ত ।”

রাধিকা নীরব হইলেন, গিন্নি মা নীরবে অশ্রু বর্ষণ করিতে লাগিলেন ; কম্পিত হস্তে রাধিকা তাঁহার হস্ত ধারণ করিয়া বলিলেন,—“কাঁদিও না মা ! কাঁদিও না, হুঃখ করিও না ; মরণে নারীর গৌরব ভিন্ন ভয় নাই । নারী কখনও মরিতে ডরায় না । ধর্মের অভাব-ই নারীর মৃত্যু ; ধর্মের জগ্ন হাসিতে হাসিতে মরা-ই নারীর ধর্ম ।”

অশ্রু সংস্কৃত ধরে গিন্নি মা বলিলেন,—“তুমি তো

বাসনা নিবৃত্তির সকল উপায় থাকিতেও মরিতে বসিয়াছ, মরায় যদি ধর্ম থাকে, তাহা হইলে সে ধর্মতো শীঘ্রই তুমি পাইবে। এই শেষ সময়ে একবার ললিতবাবুকে এখানে আনাইলে হয় না ?”

রাধিকা বলিলেন,—“ছিছি! কেন মা এমন কথা বলিতেছ? তিনি দেবতা, তাঁহাকে আমি প্রাণের সহিত প্রণাম করিতেছি; কিন্তু তাঁহার সহিত সাক্ষাতে আমার কোনই লাভ নাই। আমি মরিতে বসিয়াছি, মরণ কালেও আমার হৃদয়ের দুর্বলতা, অসঙ্গত চপলতা দেখাইয়া মরিব কেন? আমার মরণের পর তোমরা তাঁহার হিত চেষ্টা করিও, তাঁহার বিবাহ দিবার যত্ন করিও, আমার এই ধন সম্পত্তি তাঁহার চরণ-তলে স্থাপিত করিও; কিন্তু আমার এ দুর্বলতার কথা তাঁহাকে আর জানাইও না। আমার এ দেহের সহিত চিতা-ভস্মের মধ্যে যেন এই অধঃপতনের কাহিনী লুকাইয়া থাকে আনি আপনাকে অ বিশ্বাস করিয়া, তাঁহাকে আনাইতে বারণ করিতেছি, এমন মনে করিও না; তিনি সম্মুখে আসুন, হাসি মুখে আমার শিয়রে বসুন, আমি পরোপকারী মহা পুরুষ বোধে, তাঁহার চরণ ধূলি মস্তকে লইব; কিন্তু যাহা ভাবিয়া আমার এই দুর্দশা উপস্থিত হইয়াছে, যে বাসনায় আমি নরকে ডুবিতে বসিয়াছি, তাহার প্রশ্রয় কোন মতেই দিব না। তিনি আমার মুখ হইতে

যুগাঙ্করে সেরূপ কথা শুনিবেন না ; আমি দ্রুত গতিতে যে নিয়তির পথে চলিতেছি, তাহারও কোন ব্যতিক্রম হইবে না ।”

গিন্নিমা বলিলেন,—“তবে তাঁহাকে আনাইবার চেষ্টা করিলে দোষ কি মা ?”

রাধিকা বলিলেন,—“আমার কোন ক্ষতি না হইলেও তাঁহার হয়তো কোন ক্ষতি হইতে পারে ; তিনি পর-দুঃখ কাতর মহাত্মা ; আমার এ দুর্দশা দর্শনে, তাঁহার অন্তর হয়তো বিচলিত হইবে । আর এই চপলতা—এই অধঃপতনের ব্যাপার লইয়া কোন আন্দোলন করিতে আমার ইচ্ছা হয় না ।”

গিন্নিমা কোন কথা কহিলেন না । কেবল একটা দীর্ঘ নিশ্বাস পরিত্যাগ করিলেন ।

রাধিকা আবার বলিলেন,—“দিন ফুরাইয়াছে, এখন আর চিন্তার কারণ নাই । তোমাদিগের আশীর্বাদে অন্তরের যে দুর্গতিই হউক, বাহ্যে আমি সামাজিক ধর্ম বজায় রাখিতে পারিয়াছি ইহাই নৌভাগ্য । আমার জন্য দুঃখের কোন কারণ নাই । এ অবস্থায় অসঙ্কট হইয়া আমি যদি সুখের পথ খুঁজিয়া লইতাম, তাহা হইলেই দুঃখের কারণ ঘটিত । আর এ কথাই কাজ নাই । অনেকদিন অনেক প্রকারে বারবার এই কথাই ভাবিতেছি । ভাবিয়া যাহার কোন উপায় হয় না, সে ভাবনা, সে

কথা ছাড়িয়া দেওয়াই উচিত । নীচে হয়তো পাণ্ডাঠাকুর বসিয়া আছেন । এখানে এক হাজার ব্রাহ্মণকে কলা এক টাকা করিয়া দান দিবার কথা ছিল, সন্ধ্যার পূর্বে আসিয়া পাণ্ডাঠাকুর তাহার ব্যবস্থা করিবেন বলিয়াছেন । তুমি যাও, যদি তিনি আসিয়া থাকেন, তবে তাঁহার সহিত সমস্ত পরামর্শ ঠিক করিয়া আইস । কাহাকেও এই ঘরে আলোক দিতে বসিও । আমি একটু পরেই নীচে বাইতেছি ।

গিন্ধি মা প্রশ্ন করিলেন ; দাসী আলোক লইয়া আসিল । রাধিকার ইচ্ছিতে যথাস্থানে আলোক স্থাপন করিয়া সে চলিয়া গেল । বিশ্বসংসার অন্ধকারে আচ্ছন্ন হইল । রাধিকা এক বাতায়ন সমীপে অন্ধকারের দিকে মুখ করিয়া, ভাবিতে লাগিলেন, ভালবাসায় দোষ নাই, দোষ কেবল ভোগ বাসনায় । দেবতাকে হউক, সমস্ত মানব জাতিকে হউক, ব্যাক্ত বিশেষকে হউক, সকলকেই ভালবাসিতে অধিকার আছে । অধিকার নাই কেবল ভোগ কামনা মনেও আনিতে । আমি যদি কেবল ভালবাসিয়া নিরস্ত থাকিতে পারিতাম, তাহ হইলে কতই সুখ, কতই আনন্দ হইত । কিন্তু পাপিষ্ঠ আমি, ভোগের আশা মনে স্থান দিয়া মরিতে বসিয়াছি । এত তীর্থ পর্য্যটন করিলাম, এত দেখিলাম শুনিলাম, কিন্তু মনকে ফিরাইতে পারিলাম না । কামনা বর্জিত

হইয়া ভালবাসিতে মন কোন মতেই শিথিল না । ইহার আর উদ্ধার নাই । এখন পাপেই ডুবিয়াছি, পাপ চিন্তাতেই ডুবিয়া থাকিব ।

বাহিরের গাঢ় অন্ধকার ভেদ করিয়া, এক অলক্ষ্য মূর্তি গম্ভীর স্বরে বলিল,—“রাধিকা ! তুমি সতী, এ গৌরব হারাইও না ।”

রাধিকা চমকিয়া উঠিলেন । কাহার এ কণ্ঠস্বর ! কে এই মহৎ বাক্যের উপদেষ্টা ! স্বর রাধিকার সুপরিচিত, ইহা সেই নিরন্তর চিন্তার কেন্দ্র স্বরূপ ললিত-মোহনের কণ্ঠস্বর !

রাধিকার দেহ স্রোতস্বিনী মধাগতা লতিকার স্রায় খর খর করিয়া কাঁপিতে লাগিল । তিনি হস্ত দ্বারা মুখ আবৃত করিয়া সে স্থানে বসিয়া পড়িলেন । কোন উত্তর দিতে তাঁহার সাধ্য হইল না । স্থান কাল অবস্থা সকলই তিনি ভুলিয়া গেলেন ।

অদৃষ্টের পুরুষ আবার বলিলেন,—“রাধিকা ! তুমি দেবী, নরকে যাইবার বাসনা ত্যাগ কর, স্বর্গ তোমাকে পাইয়া উজ্জ্বল হইবে ।”

রাধিকার কণ্ঠে প্রত্যেক শব্দ সুস্পষ্টরূপে প্রবেশ করিল । কিন্তু তাহার অঙ্গ-প্রত্যঙ্গ, রসনা, ওষ্ঠ সকলই যেন বিকল । তিনি এখনও কোন উত্তর দিতে পারিলেন না ।

অদৃষ্টচর পুরুষ আবার কহিলেন,—“ভোগে ধর্ম্য নহে, ধর্ম্য ত্যাগে । সাধিব! পুণ্যবতি! অন্তরকে তাগের ধর্ম্য শিক্ষা দেও; তোমার আদর্শে জগৎ ধন্য হউক ।”

এবার রাধিকা অতিকষ্টে অস্পষ্ট স্বরে বলিলেন,—
“আপনাকে চিনিয়াছি । আপনাকে দেবতা বলিয়া জানি, আমি উদ্দেশে আপনার চরণে প্রণাম করিতেছি, আশীর্বাদ করুন, যেন শীঘ্র আমার মৃত্যু হয় ।”

পূর্ববৎ গভীরস্বরে অদৃষ্টচর পুরুষ বলিলেন,—“অস্তরের সহিত আশীর্বাদ করিতেছি, এই মুহূর্ত্ত হইতে তোমার কামনার মৃত্যু হউক । সতি! তুমি হৃদয়কে স্থির করিতে অভ্যাস কর, স্বর্গের পথ তোমার সন্মুখে উন্মুক্ত রহিয়াছে । একটু সামান্য মোহে অভিভূত হইয়া তুমি তাহা দেখিতে পাইতেছ না ।”

রাধিকা বলিলেন,—“আপনি আমার ভগবান, আপনি আমার গুরু, আপনি আমার মনের ভাব জানিয়াছেন । বলিয়া দিন দয়ার অবতার ! মহাপুরুষ ! বলিয়া দিন, কি উপায়ে এই মহাপাপিষ্ঠ চিত্তকে ফিরাইতে পারিব ?”

অদৃষ্টচর পুরুষ বলিলেন,—“সত্যই যদি আমি তোমার ভগবান হই, সত্যই যদি দেবি, তুমি আমার প্রতি প্রেমাসক্ত হইয়া থাক, তাহা হইলে আমার উপদেশ গ্রহণ কর, আমাকে ভগবৎ জ্ঞানে আমার পূজা করিতে থাক ; নিরন্তর আমার প্রেমে মগ্ন থাকিয়া আমার সঙ্গ-

সুখ অনুভব কর । নিরন্তর আমার মূর্তি অন্তরে ও বাহিরে স্থাপন করিয়া কামনা বর্জিত হৃদয়ে আমাকে দর্শন করিতে অভ্যাস কর ।”

রাধিকা বলিলেন,—“ভগবানের উপদেশ শিরোধার্য ; কিন্তু এ অসাধ্য সাধনা আমার ঘটিবে কি ?”

অদৃষ্টচর পুরুষ বলিলেন,—“অবশ্য ঘটিবে, তোমার যদি এ সাধনায় সিদ্ধি না হয়, তাহা হইলে সংসারে দেবতা বা মনুষ্য কেহই সিদ্ধিলাভ করিতে পারিবে না । আমি প্রশ্ন করিতেছি, আবার আবশ্যক সময়ে আমি তোমার নিকটে আসিব ।”

রাধিকাসুন্দরী গলদক্ষ লোচনে প্রণাম করিতে করিতে বলিলেন,—“দাসী চরণে প্রণাম করিতেছে, শিষ্যা গুরুর আশীর্বাদ গ্রহণের কামনা করিতেছে ।”

আর সেই সুমধুর কণ্ঠস্বরে কোনই উত্তর হইল না । সকলই নীরব । অধোমুখে ক্রন্দন করিতে করিতে তত্রত্য ধূলায় পড়িয়া রাধিকা আপনাকে পরম ভাগ্যবতী মনে করিতে লাগিলেন ।



যষ্ঠ পরিচ্ছেদ ।

সহপায় বটে—রাধিকাসুন্দরী সেই স্থানে বসিয়া অনেকক্ষণ চিন্তা করিতে করিতে বুঝিলেন, অদৃষ্ট পুরুষ যাহা বলিয়াছেন, এ অবস্থায় তাহা সহপায় বটে । এ ভাবে হৃদয়কে ফিরাইবার, এই উপায়ে মনের গতি পরিবর্তন করিবার তিনি কখনও চেষ্টা করেন নাই । গিন্নিমার নিকট হইতে তিনি যে উপদেশ পাইয়াছেন, তাহাতে তাঁহার অন্তরের আলোড়ন আরও বাড়িয়াছে । বাল্যকাল হইতে যে শিক্ষা তিনি পাইয়া আসিয়াছেন, তাহাতে এরূপ উপদেশ কোথাও নাই । উপদেশ অতি মহৎ এবং যে ব্যক্তি তাঁহার হৃদয়ের দেবতা, তাঁহারই উপযুক্ত বটে ।

কখনও কাঁদিয়া কখনও হাসিয়া কখনও ভাবিয়া, রাধিকা সেই বাতায়ন সমীপে সুদীর্ঘকাল কাটাইলেন । গিন্নিমা আসিয়া বলিলেন,—“মা ! ওখানে কেন ? বিরা কেহ কাছে নাই কেন ?”

রাধিকা যাহা যাহা ঘটয়াছে, তাহার কোন কথাই গিন্নিমাকে জানাইলেন না । বলিলেন,—“চিন্তা অনেক ; শরীরের কষ্ট ততোধিক । এই স্থানে বসিয়া একটু

আরাম পাইতেছিলাম । তুমি যে কাজে গিয়াছিলে, তাহার সমস্ত ব্যবস্থা ঠিক হইয়াছে তো ?”

গিন্নিমা বলিলেন,—“পাণ্ডাঠাকুর একহাজার ব্রাহ্মণ বাছিয়া স্থির করিয়াছেন । ব্রাহ্মণেরা এ বাটীতে আসিয়া দান গ্রহণ করিবেন না, তাঁহাদিগের বাটীতে বাটীতে টাকা পাঠাইয়া দিতে হইবে ? এ বিষয়ে তোমার কি ইচ্ছা ? আ বুঝিয়া আমি ইহার উত্তর দিতে পারি নাই ।”

রাধিকা বলিলেন,—“সামান্য একটি টাকার জন্ত তাঁহাদিগকে কষ্ট করিয়া আসিবার কোন প্রয়োজন দেখি না । বাটীতে পাঠাইয়া দেওয়াই সৎপরামর্শ । আর এই সামান্য কার্যের জন্ত অনেক লোক জড় করিয়া একটা ঝাড়ুদার করা উচিত নহে ।”

গিন্নিমা বলিলেন,—“বেশ ! তুমি এটীদিকে উঠিয়া আইস । জানালার কাছে সন্ধ্যার পর একা বসিয়া থাকিও না । আমি পাণ্ডাঠাকুরকে তোমার অভিপ্রায় জানাইয়া আসি, যতক্ষণ না আসি ততক্ষণ তোমার কাছে থাকিবার জন্ত দুঃজন ঝিকে পাঠাইয়া দিতেছি ।”

রাধিকা কথা কহিলেন না । গিন্নিমা প্রশ্নান করিলেন ।

সমস্ত রাত্রি রাধিকার একবারও নিদ্রা হইল না ; নিরন্তর আপনার মনে মনে তিনি ললিতমোহনকে ভোগাসক্তি শূন্য হইয়া ভাবিতে চেষ্টা করিলেন ।

সমস্ত রাত্রি মনের নয়নে ললিতমোহনকে সূদূরের দেবতুল্য দর্শনীয় পদার্থ বোধে, দেখিবার চেষ্টা করিলেন । সমস্ত রাত্রি শ্রীবৃন্দাবনে গোবিন্দজি, গোপীনাথ, মদন-মোহন, সাহজি, শেঠজি প্রভৃতি যে সকল বিগ্রহ তিনি দেখিয়াছেন, তদ্রূপে ললিতমোহনকে দেখিবার নিমিত্ত চেষ্টা করিতে লাগিলেন ; কিন্তু হায়, ফল কিছুই হইল না । একবারও তিনি আসক্তি-শূণ্য ভাবে, হৃদয়ের মধ্যে ললিতমোহনের দেব-মূর্তি প্রতিষ্ঠিত করিতে পারিলেন না । একবারও তিনি মনের নয়নে দেবতা-বোধে তাঁহাকে দর্শন করিয়া, দূর হইতে অন্তরে তাঁহাকে প্রণাম করিয়া তৃপ্ত হইতে পারিলেন না । হিমালয়ের শৃঙ্গ হইতে সকল তীর্থে, সকল রমণীয় স্থানে, সকল দৃশ্যের মধ্যে তিনি কল্পনার নয়নে ললিতমোহনকে দেখিয়াছেন ; সর্বত্র তিনি ললিতমোহনের মূর্তি স্থাপন করিয়া তাঁহাকে দর্শন করিয়া আসিতেছেন, তিনি আজি হৃদয় হইতে সেই ভোগের বস্তুকে বাসনা বিরহিত ভাবে দর্শন করিতে সক্ষম হইলেন না । সকল আয়াস বৃথা হইল ! দুঃখিনী ক্লেশ-পীড়িতা রাধিকা উপাধানে মস্তক স্থাপন করিয়া রোদন করিতে লাগিলেন ।

রাধিকা তথাপি হতাশ হইলেন না । রোদন ও চিন্তা তাঁহার নিত্য সঙ্গী । রোদনের পর আবার তিনি চিন্তা করিতে লাগিলেন । কি মনে করিবেন ? সেই দেবতা,

সেই গুরু কি মনে করিবেন ? আমি তাঁহার আদেশ পালন করিতে পারি নাই, ইচ্ছামত কার্য্য করিতে পারি নাই, তবে সেই প্রভু দয়া করিবেন কেন ? তাঁহার কৃপায় আমি কি বঞ্চিত হইব ?

আবার সরলা সেই কঠোর সাধনে প্রবৃত্ত হইলেন ; কিন্তু ললিতমোহন মনুষ্য ; প্রাণের আনন্দ, নয়নের আলোক, জীবনের অমৃত, সুখের আধার, হৃদয়ের ভোগ, প্রেমের প্রসবণ, ভাল বাসার ভাঙার এইরূপ ভিন্ন ভিন্ন ভাবই তাঁহার মনে উদয় হইতে লাগিল ।

রাধিকা আপনাকে আপনি শতধিকার দিতে লাগিলেন, আপনার লজ্জায় সেই নিশাকালেও তিনি মুখ ঢাকিতে লাগিলেন ।

ঊষা সমাগমের কিঞ্চিৎ পূর্বে, সুমধুর শীতলবায়ু সংস্পর্শে রাধিকার একটু তন্দ্রা আসিল ; সেই তন্দ্রা-কালে তিনি স্বপ্ন দেখিতে লাগিলেন । দেখিলেন, এক পরম শোভাময় প্রদেশ ; তাহার একদিকে নাতিউচ্চ সুসমা-পূর্ণ মনোহর লতা-বিটপী-সমাচ্ছন্ন শৈল । সেই শৈলের একপাশ্বে ভেদ করিয়া রজত ধারার ঞ্চায় প্রসবণ-বারি ঝরঝর শব্দে প্রবাহিত হইয়া, ভূজঙ্গ সদৃশ বক্র গতিতে কতদূরে ধাবিত হইতেছে । শৈল ও নির্ঝরিনী-পাশ্বে সুশ্রামল বহুদূর বিস্তৃত সমতল ক্ষেত্র । ক্ষেত্রের স্থানে স্থানে রমণীয় স্বাভাবিক কুঞ্জ । বৃক্ষশাখা মিলিত হইয়া

লতা বল্লরীর বন্ধনে বন্ধ হইয়া, আপনি অতি রমণীয়
কুঞ্জাকারে পরিণত হইয়াছে। স্থানে স্থানে চম্পক,
কুরুবক, কদম্ব, সেফালিকা, করবী, স্থলপদ্ম প্রভৃতি পুষ্প-
বৃক্ষের সমাবেশ; সকল বৃক্ষই কুমুমিত সকল লতাই
পুষ্প ভাবনত। পুষ্পরা হাসিতেছে, ছলিতেছে,
পড়িতেছে, খেলিতেছে। গন্ধে সমস্ত দিক আমোদিত।

রাধিকা স্বপ্নে আরও দেখিতে লাগিলেন, গিরিপার্শ্বে
মদুর-মদুরী নৃত্য কবিতেছে, মৃগশিশুরা লাফাইতেছে,
কুঞ্জ কুঞ্জ কোকিল কুহরিতেছে, শুক সারিকা উড়ি-
তেছে, বসিতেছে, আবার উড়িতেছে। কাহারও ভয় নাই,
সকলেই শান্ত, প্রসন্ন ও ক্রীড়াশীল।

রাধিকা আরও দেখিলেন, তথায় অতি মৃদু সুগন্ধপূর্ণ
দক্ষিণ বায়ু ধীরে প্রবাহিত। তথায় রোদ্র নাই, অন্ধকার
ও রোদ্রের সন্মিলনকালে, মনোহর প্রভাত-সূর্য্য পূর্বাকাশে
প্রকটিত হইবার সময়, বসুন্ধরা যে সুধাসিক্ত আলোক
মাখা হইয়া থাকে, এই রমণীয় দৃশ্যের উপর সেই মধুর
আলোক বিকীর্ণ; আলোকেই হ্রাসবৃদ্ধি নাই। সমান
আলোক সমান রহিয়াছে।

রাধিকার নিদ্রাচ্ছন্ন কর্ণ শুনিতে পাঠিল, সেই স্থানে
যেন সুদূর প্রদেশ হইতে ছলিতে ছলিতে কাঁপিতে কাঁপিতে
বহু বংশীধ্বনি সন্মিলিত হইয়া উড়িতেছে, আবার চলিয়া
যাইতেছে। কি সুমধুর! কি সুমিষ্ট ধ্বনি! ঐ আসে!

ঐ যায় ! এইরূপ অলৌকিক শোভা, এইরূপ ভোগের স্থান রাধিকার কল্পনা কখনও গঠিতে পারে নাই । স্বপ্নাবেশে রাধিকা কল্পিত নন্দনের সুখ সম্ভোগ করিতে লাগিলেন ।

শোভা আরও কুটিয়া উঠিল । সর্বশোভার মার, সকল মৌন্দর্যের সম্মিলন স্বরূপ ললিতমোহন সেই দৃশ্যের মধ্যে আবির্ভূত হইলেন । রাধিকা দেখিতে লাগিলেন, সেই শৈলসান্ত্বদেশে এক পাষণ বেদিকার উপর দেব-প্রতিম ললিতমোহন আসিয়া উপবেশন করিলেন । তাঁহার বদনে মুহূ হাস্য, নয়নে শান্তিপূর্ণ সুমধুর দৃষ্টি, তাঁহার কলেবর জ্যোতির্গয়, তাঁহার তেজে, তাঁহার শোভায়, তাঁহার সমাগমে সেই রমণীয় দৃশ্য যেন আনন্দপূর্ণ হইল । যেন প্রেমময় রাজরাজেশ্বরের আগমনেই রাজ্য পুলকিত ও আনন্দময় হইল ।

এ কি ! ইঁহারা কে ? ইঁহারা কি দেব-বালা ? মরি মরি ! কি রূপ, কি মাধুরী—কি শান্তি মাথা, কি প্রসন্নতাপূর্ণ মুখশ্রী ! রাধিকা দেখিলেন, চারিদিক হইতে শোভাময় বিচিত্র পরিচ্ছদ-ধারিণী আনন্দময়ী অগণিতা যুবতী পুষ্পরাশি ও কুমুম মালিকাহস্তে লইয়া সেই শোভাময় দেবতার অভিমুখে অগ্রসর হইতেছে । তাঁহাদিগের কি মনোহর গতি ! কি ধীর শান্ত ভাব ! কি অতুলনীয় প্রসন্নতা ! সত্যই তাঁহারা দেব-বালা ।

রাধিকা দূরে—অতি দূরে। সেই দেব-পুরুষের নিকটে যাইতেও তাঁহার সাধ্য নাই। হা বিধাতঃ! তিনি দেখিলেন, যে সকল দেব-বালা সেই দেবতার দিকে অগ্রসর হইতেছেন, তাঁহাদিগের শোভার সহিত তুলনা করিলে, রাধিকাকে বিকট-কায়া অতি কুরূপা ভিন্ন অন্য কিছুই মনে হইবে না। অনেক আয়াসে, বিপুল ক্রেশে রাধিকা আরও একটু অগ্রসর হইলেন; কিন্তু তখনও দূর—অনেক দূর।

দেব-বালারা ক্রমেই সেই দেবতার নিকটস্থ হইলেন এবং ভক্তি ও প্রেমাশ্রুপূর্ণ নয়নে, আবেশ সহকারে সেই দেবতাকে নির্নিমেষ ভাবে দেখিতে লাগিলেন, তাহার পর ভক্তি-বিহ্বল হইয়া, তাঁহার! নাচিতে নাচিতে গাহিতে গাহিতে সেই প্রসন্নানন মূর্তি প্রদক্ষিণ করিতে লাগিলেন। কি সুন্দর! কি স্বর্গীয়!

তাহার পর দেব-বালা দূর হইতে, নিকট হইতে, সেই দেবতার চরণে ভক্তি-বিকম্পিত হস্তে পুষ্প ও পুষ্প-মালিকা নিক্ষেপ করিতে লাগিলেন। তাহার পর, তাঁহারা যে যেখানে ছিলেন, সেই স্থান হইতেই ভূতলে মস্তক স্থাপন করিয়া সেই দেবতাকে প্রণাম করিতে লাগিলেন। কিন্তু এ কি! তাঁহারা সকলে কোথায় অন্তর্হিতা হইলেন? কেহ নাই! সেই অসংখ্যপ্রায় দেব-বালার একটীও নাই, কি অচিন্তনীয় অলৌকিক কাণ্ড! . তাঁহারা কি আকাশে

মিশিয়া গেলেন ? সেই চরণের সহিত কি তাঁহাদের
পূর্ণ-সন্মিলন হইল ? কেহ নাই, আছেন কেবল
সেই দেবতা—সেই বেদিকার প্রশান্ত ভাবে
সমাসীন ।

হৃদয়ের সকল শক্তি সঞ্চয় করিয়া দৃঢ় সংকল্প
হইয়া রাধিকা অগ্রসর হইবার চেষ্টা করিতে লাগিলেন,
কিন্তু কিয়ৎকুর যাওয়ার পর পা আর উঠে না, দেহ
আর চলে না, তিনি সেই স্থানে কাতরভাবে বসিয়া
পড়িলেন । রোদনে তাঁহার চক্ষু অন্ধ হইল, আর তিনি
সেই দিব্য পুরুষকে দেখিতে পান না । তখন সেই
দিব্য পুরুষ মধুমাথা বাক্যে বলিতে লাগিলেন,—“কেবল
ভক্তি লইয়া—আইস—আসিতে পারিবে । এই দেব-
বালাগণের মত তোমার সর্বাসীন সন্মিলন হইবে,
আমাতেই মিশিতে পারিবে ।”

নয়নজল মার্জন করিয়া রাধিকা আবার দেখিলেন,
সেই প্রসন্নানন মহাপুরুষ বেদির উপর বসিয়া আছেন,
অনেকক্ষণে তিনি হৃদয়কে প্রকৃতিস্থ করিলেন, অনেকক্ষণে
তিনি মনকে কেবলমাত্র ভক্তিরসে আপ্নত করিলেন ।
সেই ভক্তিপূর্ণ হৃদয় লইয়া রাধিকা আবার উঠিলেন,
দিব্য পুরুষের নিকটে আসিতে তাঁহার আর কষ্ট হইল না ;
কিন্তু নিকটে আসিয়াই রাধিকার মনে হইল, এই সৌন্দর্য-
সম্পন্ন দিব্য পুরুষকে এই দণ্ডেই বক্ষে ধারণ করিতে

হইবে, এই অতুলনীয় পুরুষ-রত্নকে এখনই হৃদয়ে লইয়া মনের সকল ভোগ-বাসনা মিটাইতে হইবে।

কি ভয়ানক ! তৎক্ষণাৎ শত শত ভয়ঙ্কর যমদূত রাধিকাকে নিষ্ঠুরভাবে ধারণ করিল এবং অতিশয় হৃদয়-হীনতার সহিত তাহাকে দূরে ফেলিয়া দিল। রাধিকা দেখিলেন, ললিতমোহনের স্থানে সেই বেদিকার উপর শঙ্খ-চক্র-গদা-পদ্ম-ধারী চতুর্ভুজ কিরীট-কুণ্ডলালঙ্কৃত শ্রীম-সুন্দর দণ্ডায়মান।

রাধিকার নিদ্রা ভঙ্গ হইল। কাঁপিতে কাঁপিতে কাঁদিতে কাঁদিতে তিনি উঠিয়া বসিলেন, তখন প্রভাত-সূর্যের মধুর রশ্মি বাতায়ন ভেদ করিয়া কক্ষমধ্যে প্রবেশ করিয়াছে।

গিন্নিমা বাস্ততাসহ রাধিকার পৃষ্ঠে হস্তার্পণ করিয়া বলিলেন,—“কি হইয়াছে মা ? সমস্ত রাত্রি চট্‌ফট্‌ করিয়াছ ; প্রাতে একটু নিদ্রা আসিয়াছিল, হঠাৎ এমন করিয়া উঠিলে কেন মা ?”

রাধিকার ললাটে স্থূল ঘর্ষবিन्दুর আবির্ভাব হইয়াছিল, গিন্নি মা বজ্রাঙ্কলে তাহা মুছাইয়া দিলেন। রাধিকা বলিলেন,—“মা আমি দেব-দর্শন পাইয়াছি, পাইয়া হারাষ্ট-য়াছি, আবার কখনও কি পাইব না ?

রাধিকা পুনরায় অধোমুখে শয্যায় পড়িয়া গেলেন।

সপ্তম পরিচ্ছেদ ।

পরদিন প্রাতে রজনীকান্ত বাবুর বাগানের মালী শ্রমিকটিকে নিবেদন করিল যে, গতকল্য রাত্ৰিকালে বাগানে চোর ঢুকিয়াছিল ; কোশলে উপরকার ঘর খুলিয়াছিল, কিন্তু আশ্চর্যের বিষয়, একখানি তোষক ও বিছানার চাদর ছাড়া আর কোন দ্রব্য চোরেরা লইয়া যায় নাই। এ কথা শুনিয়া রজনীবাবু অত্যন্ত চিন্তিত হইলেন। তিনি বুঝিয়া দেখিলেন, সরষুবালা যে সে রাত্ৰিতে বাগানে থাকিতে অনিচ্ছা প্রকাশ করিয়াছিলেন এবং অকারণে ভীতা হইয়াছিলেন, তাহা ভগবানেরই দয়া বলিতে হইবে। চোরেরা নিশ্চয়ই সরষুবাগার অলঙ্কারের লোভে সেখানে উপস্থিত হইয়াছিল। উপযুক্ত সময়ে তাহারা বাগান হইতে চলিয়া আসিয়া ভালই করিয়াছিলেন।

রজনীকান্ত স্বয়ং মধ্যাহ্ন কালে বাগানে আসিলেন ; কিন্তু নানারূপ অনুসন্ধান করিয়াও কিছুই স্থির করিতে পারিলেন না। বাগানে অনেক মূল্যবান সামগ্রী ছিল, তাহার কিছুই চোরেরা লয় নাই। কেবল একখানি তোষক আর বিছানার চাদর তাহারা লইয়া গিয়াছে।

কেন একরূপ করিল, ইহার কোনই কারণ তিনি স্থির করিতে পারিলেন না। বাগানের জন্ত একজন প্রহরী নিযুক্ত হইল। কিছুদিন ভাবগতক না বুঝিয়া রজনী আর বাগানে আসিবেন না এবং আদিলেও সেখানে আর রাত্রিবাস করিবেন না স্থির করিলেন।

দিন কাটিতে লাগিল। রজনী এবং সরযুবালা নিশ্চিত মনে ও মহানন্দে কালযাপন করিতে লাগিলেন। কোন দিকে কোনরূপ আশঙ্কার অনুমাত্র সম্ভাবনা আছে বলিয়া রজনীকান্ত বা সরযুবালা জানিলেন না। মতিলালের সহিত রজনীবাবুর আর সাক্ষাৎ হয় না। গরবিনে লোক পাঠাইয়া বা সাক্ষাতের অভিপ্রায় জানাইয়া আর তাঁহাকে ত্যক্ত করে না।

সরযুবালার আনন্দময় হৃদয়ে, একটী চিন্তা সময়ে সময়ে নির্মূল আকাশে কালো মেঘের মত উদিত হয়। রাধিকাসুন্দরীর কোন সংবাদ সরযু জানেন না, যাঁহার দয়ায়, যাঁহার সুব্যবস্থায় সরযুবালার এই সকল সৌভাগ্য ঘটিয়াছে, যিনি অতি অসময়ে ক্রোড়ে স্থান দিয়া সরযুবালার সকল অভাব মোচন করিয়াছেন, তাঁহার কোন সংবাদ না পাইয়া কালপাত করা বড়ই অসম্ভব। আর ললিতমোহন—যিনি পিতার গ্ৰাম যত্নে সরযুর সকল সুখের আয়োজন করিয়াছেন, যিনি হৃদয়ের শত চিন্তার মধ্যে কেবল সরযুর ভাবনাই ভাবিয়াছেন, যিনি আপনার

কর্ভুবা, সুখ, সম্ভ্রাম বিসর্জন দিয়া কেবল সরস্ব হিত-
চেষ্টায় নিবুক্র হইয়াছেন, সেই দেবতা ললিতমোহন এখন
কোথায় ? আর এ জীবনে তাঁহাকে দেখিতে পাওয়া
যাইবে না কি ? আর কি কখনও তাঁহার সংবাদটোও সরস্ব
কাছে আসিবে না ? সর্ষস্বথের মধ্যে এই চিন্তা সরস্বকে
সতত বিচলিত করিতে লাগিল । রাধিকাসুন্দরী কাশীতে
ফিরিয়াছেন জানিলে, রজনীকান্ত পত্নীকে লইয়া সেই
পুণ্যতীর্থে গমন করিবেন স্থির করিয়াছেন । সরস্ব
হৃদয়ের সকল ক্ষোভ মিটাইতে তিনি এখন প্রস্তুত ।

আজি হুগলীর জজ আদালতে রজনীকান্তের
একটী মোকদ্দমা আছে । সে জন্ত রজনীর হুগলী না
যাইলেই নহে । অগত্যা রজনী বাবুকে আজি হুগলী
যাত্রা করিতে হইয়াছে । তিনি বলিয়া গিয়াছেন, যদি
মোকদ্দমা শেষ হইতে সক্ষ্যাত হইয়া যায়, তাহা হইলেও
তিনি যেক্ষেপেই হটক হুগলী হইতে ফিরিয়া সরস্ব
সম্মুখে হাজির হইবেন । এক দিনেও যদি মোকদ্দমা
না হয়, তাহা হইলে তিনি আবার কালই যাইবেন ; কিন্তু
হুগলীতে কোনমতে রাত্রি কাটাইবেন না ; সরস্ব মাথার
দিব্য দিয়া বলিয়া দিয়াছেন, যদি ঝড় জল হয়, যদি
আকাশে ভয়ঙ্কর মেঘ ডাকে, তাহা হইলে রজনীকান্ত
হুগলীর উকীলের বাসা ছাড়িয়া চলিয়া আসিতে পাই-
বেন না ।

বেলা নব্বটার সময় আহারাদি শেষ করিয়া রজনীকান্ত
 প্রস্থান করিয়াছেন ; সরযু একাকিনী । বাড়ীতে অনেক
 দাস-দাসী আছে, দ্বারে দ্বারবান আছে ; কিন্তু আজি যেন
 বাড়ীতে কেহই নাই ; মিলনের পর হইতে রজনীকান্তের
 সহিত সরযুর একদণ্ড ছাড়া ছাড়ি আর কখনও হয় নাই ।
 সরযু আজি একদণ্ড কোথাও স্থির হইয়া থাকিতেছেন
 না । দিন যেন কুয়াইতেছে না, হাতে যেন কোনই কাজ
 নাই । সরযু ভাবিতেছেন, কতক্ষণে তিনি ফিরিবেন !

বেলা চারিটার সময় হইতে আকাশে ভয়ানক মেঘের
 ঘটা হইল এবং কিঞ্চিৎকাল পরেই মুষলধারে বৃষ্টি পড়িতে
 আরম্ভ হইল । ভাঙারে যত জল ছিল সমস্তই যেন
 দেবতা একদিনে ছাড়িবেন সংকল্প করিয়াছেন । বুপ্-বুপ্-
 বুপ্, ছপ্-ছপ্-ছপ্, বৃষ্টির বিরান নাই । সরযু ভাবিতে
 লাগিলেন, আমার যত কষ্ট হয় হোক, তিনি যেন
 আজি কোন মতে বিদেশ হইতে বাড়া ফিরিবার মন না
 করেন । বৃষ্টি থামিল না, সন্ধ্যা হইয়া গেল ; রজনীকান্ত
 ফিরিলেন না ।

দ্বারবান রুদ্ধকক্ষে খাটিয়ার উপর শয়ন করিল ।
 ভৃত্যেরা বাবু বাটা নাই জানিয়া, নিশ্চিন্ত মনে এক জার-
 গায় বসিয়া খোস গল্প করিতে করতে তামাকু খাইতে
 লাগিল । যে স্থলে পাটিকা ঠাকুরাণী পাক করিতে
 ছিলেন, সেখানে ঝিরা মিলিয়া ঝগড়া করিতে লাগিল ।

সরষ, একাকিনী সুসজ্জিত আলোকিত কক্ষমধ্যে পর্যাঙ্কে বসিয়া আপন মনে ভাবিতে লাগিলেন।

রাত্রি ৯টা বাজিয়া গেল। সংসারের সকলের আহা-
রাদি শেষ হইল, একজন দাসী আসিয়া সরষুর নিকট
হাসিতে হাসিতে বলিল,—“বাপু, কি মোটা !”

সরষু সাগ্রহে জিজ্ঞাসিলেন,—“কি মোটা দিনি ?”

দিনী উত্তর দিল,—“একটা মাগী আমাদের দরজায়
আসিয়া দাঁড়াইয়াছে। জল কাদা অন্ধকারে সে পথ
চিনিয়া বাড়ী ফিরিতে পারিতেছে না। মাগী যেমন
মোটা—তেমনই কাল।”

সরষু বলিলেন,—“তাহা হউক, তাহার সঙ্গে কেহই
নাই কি ? বোধ হয়, বড় বিপদে পড়িয়াই, জ্বালোকটী
এখানে দাঁড়াইয়াছে। দুইটা কথা কহিলেই সব বুঝা
যাইবে। তাহাকে উপরে ডাকিয়া আন, আমি তাহার
সহিত কথা কহিব।”

দিনী বলিল,—“আমি ডাকিয়া আনিতে পারিব,
কিন্তু আপনি কথা কহিতে পারিবেন না। মাগীর একগলা
ঘোমটা ; সে ঘোমটাও খুলে না, কথাও কহে না। বোধ
হয়, গলাকাটা কি হাবা হইবে।”

সরষু বলিলেন,—“তা হউক, তুমি তাহাকে আনার
নিকট ডাকিয়া আন।”

দিনী প্রস্থান করিল এবং অবিলম্বে সত্যসত্যই সে

এক জমাদারনী গোছের লম্বা-চওড়া স্ত্রীলোককে সঙ্গে লইয়া সরষু বাবার সম্মুখে আসিল । নবাগতা স্ত্রীলোককে দেখিয়াই সরষুর মনে কেমন একটা আশঙ্কা হইল কিন্তু তিনি তাহা বাক্ত করিলেন না ! জিজ্ঞাসিলেন,—
“আপনি আমাদের দরজায় দাঁড়াইয়া ছিলেন কন ?”

নবাগতা কথা কহিল না । সে সরষু বাবার অনতিদূরে বসিয়া পড়িল এবং তাঁহাকে একটা প্রণাম করিল ।

সরষু বালা আবার জিজ্ঞাসিলেন,—“একটা লোক সঙ্গে দিলে কিম্বা গাড়ী করিয়া দিলে আপনি বাড়ী যাইতে পারিবেন কি ?”

নবাগতা ঘাড় নাড়িয়া বুঝাইল যে, সে বাড়ী যাইতে পারিবে না ।

তখন সরষু জিজ্ঞাসিলেন,—“আপনি কথা কহিতেছেন না কেন ?”

নবাগতা কোন উত্তর না দিয়া আরও মুখ নত করিল ।

সরষু বালা মনে করিলেন, হয়তো পল্লীগ্রামের লোক, কলিকাতায় নূতন আসিয়াছে, কাহারও সহিত কথা কহিতে ভরসা হইতেছে না, পথ হারাইয়াছে, চিনিয়া বাড়ী যাইতেও পারিবে না । জিজ্ঞাসিলেন,—“কালি প্রাতে আপনি বাড়ী যাইতে পারিবেন কি ?”

নবাগতা ঘাড় নাড়িয়া বুঝাইল যে, সে পারিবে ।

তখন সরযু বালা বলিলেন,—“দিনি ! এই জীলোক-টীকে খাবার দিতে হইবে । তুমি বায়ন মার কাছে ইঁহার আহ্বারের ব্যবস্থা করিতে যাও । তাহার পর ইঁহার শোওয়ার জায়গা ঠিক করিয়া দিতে হইবে ।”

দিনি প্রস্থান করিল ।

সরযু বলিলেন,—“আপনি একটু বসুন, আমি এখনই আসিতেছি।”

সরযু নবাগতার শব্দের জন্ত ব্যবস্থা করিতে গমন করিলেন । তখন রাত্রি প্রায় সাড়ে দশটা । ঘরে আর কেহ থাকিল না ; নবাগতা মুখের কাপড় খুলিয়া ফেলিল, কি ভয়ানক ! সে মতিলাল ! মতিলাল মনে মনে বলিল,—“সরযু ! তোমার রূপ দেখিয়া আমি মোহিত হইয়াছি ; আমার হিতাহিত জ্ঞান লোপ হইয়াছে । আজ তোমার সতীত্বের শেষ হইবে । আর মতিলাল অপেক্ষা করিতে পারে না, চারিদিকে লোক রাখিয়াছি, রজনী বাটী নাই, ভয়ানক বৃষ্টি. ভয়ানক অন্ধকার, এমন সুযোগ আর কবে হইবে ? আজ তোমাকে একপে সরাইব যে, দুনিয়ায় আর কেহ তোমার খবর পাইবে না । আসিতেছে—সরযু বুঝি আসিতেছে ।”

মতিলাল আবার ঘোমটায় মুখ ঢাকিল, আবার অতিশয় নত হইয়া বসিল । কৈ, না, কেহই তো আসিল না ? গরবিনীর সহিত সেই দিনের পর আর দেখা করি নাই ।

সে ভাবিতেছে, আমি বুঝি নিশ্চিত আছি, সকল কথা ভুলিয়া গিয়াছি। একরূপ কার্যে মতিলাল যে নিশ্চিত থাকিবার পাত্র নহে, তাহা সে বুঝি জানে না। আজ তাহার বাসনা মিটিবে, আমার সাধ পূরিবে, রজনীর মুখে ছাই পড়িবে, আর সরযুর সতীত্ব ধ্বংস হইবে। একটিলে অনেক পাখী মারা যাইবে। ধন্য মতিলাল !

মতিলাল আবার বাস্ত হইয়া ঘোমটার মুখ টাকিল, আবার হইয়া বাসিল, এবার নিশ্চয়ই কে আসিতেছে। সতীতার নারী সাবধানে ধীরে ধীরে কক্ষদ্বারে আসিল, যত্নে কোমল পদশব্দ শুনিয়া মতিলাল বুঝিল—সরযুবালা আসিতেছেন।

কক্ষদ্বারে যে নারী আসিল, সে রাক্ষসীর গায় ভয়ঙ্করী ! তাহার লোচন-যুগল যেন স্থানভ্রষ্ট হইয়া বাহিরে আসিতেছে, তাহার ললাটে উন্নত শিরা প্রকটিত হইয়াছে। তাহার মুখ কুঞ্চিত, সেই নারী গরবিণী। সে জীবনে কখনও সরযুবালাকে দেখে নাই ; বিনত জীবনধারী আচ্ছাদিত বদন মতিলালকে পশ্চাৎ হইতে দেখিয়া সে মনে করিল, এই নারীই সরযুবালা। এই নারী তাহার সকল সুখ শান্তি নষ্ট করিয়াছে, এই নারী তাহার হাত হইতে পরমধন কাড়িয়া লইয়াছে। তখন গরবিণী উন্মাদিনীর গায় এক লক্ষ্মে মতিলালের নিকটস্থ হইল এবং বস্ত্রমধ্য হইতে তীক্ষ্ণধার ছুরি বাহির করিয়া, মতিলালের পৃষ্ঠদেশে

আমূল বিক্র করিয়া দিল ; সঙ্গে সঙ্গে বলিল,—“যাও সয়-
তানি ! স্বামী-ভোগ করিবার সাধ নরকে গিয়া মিটাও ।”

কিন্তু কি ভয়ানক ! তৎক্ষণাৎ মতিলাল ‘বাবাগো’
শব্দে বহন চৌংকার করিয়া পড়িয়া গেল । যন্ত্রণায় ছটফট
করিতে লাগিল, রক্তের স্রোত বহিতে লাগিল । গর্বাণী
উভয় হস্তে কর্ণমূল চাপিয়া বলিল,—“কি সর্বনাশ ! আমি
কি করিতে কি করিলাম, কাহাকে মারিতে কাহাকে
মারিলাম ! দেখিতে দেখিতে সকলই ফুরাইয়া গেল ।
প্রচণ্ড অধোতে হৃদপিণ্ড বিদ্ধ হইয়াছিল । পাষণ্ড মতি-
লাল কুলটার হস্তে তৎক্ষণাৎ প্রাণত্যাগ করিল ।

গরবিণী তখন পালাহবার জঞ্জ ব্যাকুল হইল । সে
দ্রুতপদে কক্ষের বাহিরে আসিল । এ বাটীতে অনেকবার
সে যাতায়াত করিয়াছে । পথ সিঁড়ী সকলই তাহার
সুপরিচিত । সে নাচে নামিয়া আসিল । সদর দরজার
নিকট পৌছিল ; তখন দ্বারযান্জি দরজা বন্ধ করিয়া,
“সমস্ত দিনে যত তামাক ভস্ম করিয়াছেন, তাহার উপরে
শেষ ছিলিম যোগ করিতেছিলেন । দেউড়ির আলোক
তখনও জ্বলিতেছে ।

গরবিণী নিকটস্থ হইলে, সে সবিস্ময়ে বলিল,—“তুমি
এখানে !”

গরবিণী বলিল,—“বাবু আমাকে আসিতে বলিয়া-
ছিলেন ।”

দ্বারবান বলিল,—“এ কথা আমার কোনমতেই বিশ্বাস হয় না। বাড়ীর নিকটেও তোমার আসার হুকুম নাই। আমি মা-জীর হুকুম না লইয়া তোমাকে বাহিরে যাইতে দিব না।”

উপর হইতে ভয়ানক চাঁৎকার উঠিল। দিনী চেঁচাইয়া বলিল,—“খুন হইয়াছে; বাহাকে জ্বীলোক ভাবিয়া ঘরে আনিয়াছিল, সে পুরুষ।”

দান তখন গরবিনীকে চাপিয়া ধরিল; দাম-দামী ~~কেনেই~~ উপরের দিকে ছুটিল, গরবিনী কাঁদিয়া ফেলিল। বলিল,—“আমাকে ছাড়িয়া দাও; আমি তোমার পায়ে ধরিতেছি। যে খুন হইয়াছে, তাহার নাম মতিলাল; সে মতি ছুট লোক, তোমাদিগকে ফাঁসাইবার নিমিত্ত সে আপনায় বুকে আপনি ছুরী নারিয়াছে।”

কথা রাখিয়া, এই কথা শুনিয়া দ্বারবান গরবিনীকে বাধিয়া ফেলিল। দ্বার খুলিয়া বোররবে পাহারাওয়ালার ডাকিল। অনেকক্ষণ ডাকাডাকির পর তালপাতার ছাতা মাথায় দিয়া পাহারাওয়ালার আসিলেন। সমস্ত ঘটনা শুনিয়া তিনি তাহার জুড়িদারকে ডাকিলেন। গরবিনী পাহারাওয়ালার নিকটে সকল কথা স্বীকার করিয়া ফেলিল এবং মুক্তির নিমিত্ত তাহাদের চরণে ধরিয়া কাঁদিতে লাগিল। অনেক রাত্রিতে ইন্স্পেক্টার জমাদার প্রভৃতি আসিলেন; তদন্ত শেষ হইল, লাস চালান হইল,

মুক্তির আশায় গরবিণী ইন্স্পেক্টরের নিকট অনেক কাদাকাটা করিল। সুরসিক ইন্স্পেক্টর আপনার গাড়ীতে গরবিণীকে লইয়া প্রস্থান করিলেন। গরবিণী হাজতে থাকিল, নিষ্কৃতির নিমিত্ত অনেকের নিকট সেই দিন হইতে দায়রার দিন পর্য্যন্ত সে কাতর ভাবে প্রার্থনা করিল।

গরবিণী রূপসী; তাহার রূপে অনেকেই আকৃষ্ট হইল। অনেকে তাহার সেই অশেষ পাপ-পঙ্কিল কলেবর ভোগ করিবার লালসায় তাহার বন্ধু হইয়া দাঁড়াইল। অনেক কুমন্ত্রণা সূক্ষ্মণা ও নিষ্কৃতির উপায় বলিয়া দিয়া অনেকে তাহার উপর অনেক অত্যাচার করিল। ইংলণ্ডের ইতিহাসে একটা লোমহর্ষণ নিষ্ঠুরতার উল্লেখ আছে। এক যুদ্ধের অবসানে অনেক বন্দী লইয়া বিজয়োন্মত্ত সেনাপতি প্রত্যাগত হইয়াছিলেন, বন্দিগণের প্রাণনাশ করিবার আজ্ঞা প্রচারিত হইয়াছিল, সেই বন্দিগণের মধ্যে এক অনুচা যুবতীর সহোদর ছিলেন, যুবতী কোন উপায়ে সেনাপতির সহিত সাক্ষাৎ করিয়া, কৃতাজলিপুটে কাঁদিতে কাঁদিতে আপনার ভ্রাতার জীবন ভিক্ষা চাহিল; অনেক অনুরোধের পর সেনাপতি মহাশয় প্রস্তাব করিলেন—সে সুন্দরী যদি তাহার সহিত এক শয্যায় রজনীপাত করিতে সম্মত হয়, তাহা হইলে তাহার সহোদরকে ভগ্নীর হস্তে প্রদান করা হইবে।

এইরূপে সতীত্ব নষ্ট হইলে, কুমারীর আর বিবাহ হইবে না, সমাজে ও স্থান হইবে না, এই প্রকার বহুবিধ যুক্তি প্রয়োগ করিয়া তিনি সেনাপতি মহাশয়ের পদতলে রোদন করিতে লাগিলেন ; কিন্তু সেনাপতি তাহার করুণ ক্রন্দনে কর্ণপাত করিলেন না । তখন অগত্যা সুন্দরীকে সেনাপতির হৃদয়হীন প্রভাবে সম্মত হইতে হইল । সেনাপতির শয্যার ভ্রাতৃ-প্রেম-মুগ্ধা কুমারী আপনার ধর্ম ও জীবনের ভাবা আশা বিসর্জন দিল । প্রাতে কামিনী কাদিতে কাদিতে সেনাপতি মহাশয়ের নিকট আপনার ভ্রাতাকে পাইবার নিমিত্ত প্রার্থনা জানাইল । তখন সেনাপতি বলিলেন যে, দেখিতেছি তুমি বড়ই ভ্রাতৃভক্ত ; যদি একান্তই ভ্রাতাকে তোমার না পাইলে চলিবে না, তাহা হইলে এই বাতায়ন উন্মুক্ত কর ; তোমার ভ্রাতাকে দেখিতে পাইবে । সুন্দরী ব্যস্তভাবে বাতায়ন খুলিয়া ফেলিলেন । কি ভীষণ ব্যাপার ! বাতায়নের অগ্রপার্শ্বে কাঁসী কাষ্ঠে বিগত-জীব ভ্রাতৃ-দেহ ঝুলিতেছে । যখন সেনাপতি সুন্দরীর সহিত প্রণয় লীলায় নিমগ্ন, তখনই সেই শয্যার অনতিদূরে তাঁহারই আজ্ঞায় যুবতীর ভ্রাতাকে বধ করা হইয়াছে । তাহার পর সতীত্বহীনা ভ্রাতৃহীনা এই যুবতীর দশা কি হইল, তাহা জানিবার কোন প্রয়োজন নাই ।

গরবিণী দেহ বিক্রয় করিয়া জীবিকাপাত করে,

সুতরাং অনাহত বন্ধুগণের অভ্যাচারে তাহার ক্ষতি-বৃদ্ধি কিছু হইল না। সে নিষ্কৃতির ভরসায় অবাধে সকলের সকল প্রকার বাসনা মিটাইতে থাকিল। কিন্তু আশা সফল হইল না। দীর্ঘকালের পর তাহার ষাণ্ডীকীর্ষন স্বীপান্তর বাসের আদেশ হইল।

অষ্টম পরিচ্ছেদ ।

রাধিকাসুন্দরীর শরীর অতিশয় দুর্বল, মন অত্যন্ত অবসন্ন ; সেই স্বপ্ন দর্শনের পর হইতে তাঁহার হৃদয় সেই স্বপ্ন দৃষ্টা দেববালাগণের ভাবে পরিণত করিবার নিমিত্ত তিনি নিরতিশয় ব্যাকুলিতা হইয়াছেন । অন্তরে তিনি একটা পথ দেখিতে পাষ্টয়াছেন । একটু প্রসন্নতা পাইয়াছে, কিন্তু দেহ বড়ই কাতর । ললিতমোহনের কঠোর, সেই কঠে অপ্রত্যাশিত উপদেশ, 'প্রার্থনীয় পথ' উপদেশ তাঁহাকে অতিশয় বিচলিত করিয়াছে ; হৃদয়ে অশ্রুতর আঘাত উপস্থিত হইয়াছে । তাহার পর মনোহর সুমধুর স্বপ্নে তিনি আপনার অপূর্ণতা সুন্দররূপে প্রণিধান করিয়াছেন । ভাগ্যবতী দেববালাগণের অপেক্ষা আপনি কতই ভ্রম, কতই ঘৃণিত তাহা তিনি অনুভব করিয়াছেন । আলোড়ন বড়ই প্রবল হইয়াছে, শরীর একেবারে ভাঙ্গিতে বসিয়াছে ।

গিণি মা প্রভৃতি সকলেই রাধিকাসুন্দরীর এই পরিবর্তন লক্ষ্য করিয়াছেন । তাঁহার প্রসন্নতা দেখিয়া সকলেই প্রসন্ন হইয়াছেন, তাঁহার দৈহিক দুর্বলতা দেখিয়া সকলেই বিষণ্ণ হইয়াছেন ; কিন্তু উপায় তো নাই ।

ললিতমোহন আসিবেন বলিয়াছিলেন, আপনি ইচ্ছা পূর্বক আসিতে চাহিয়াছিলেন ; যে ললিতমোহন কখনও কোন রূপ বাক্য বা ইঙ্গিতে প্রণয় প্রকাশ করেন নাট, যে ললিতমোহন আপনার হৃদয়ের দুঃসহ যাতনা লইয়া দূরে পলায়ন করিয়াছিলেন, যে ললিতমোহন কখনও কোন প্রসঙ্গে রাধিকাসুন্দরীর নাম উল্লেখ করেন নাট, রাধিকার কুঠিন পীড়ার সংবাদ শুনিয়াও যে ললিতমোহন কখনও স্বভাব সুলভ আগ্রহের অধিক কোনরূপ অনুরাগের পরিচয় দেন নাট, সেই ললিতমোহন আবার এতদিন পরে, অসম্ভব স্থলে রাধিকাসুন্দরীর নয়নে পড়িয়াছিলেন ; এতদিন পরে অনায়াসেই সেই ললিতমোহন রাধিকাসুন্দরীর সহিত সাক্ষাৎ করিতে প্রস্তুত হইয়াছেন, কোন অনুরোধ করিবার পূর্বেই তিনি স্বয়ং সাক্ষাতের প্রস্তাব করিয়াছেন, বড়ই আশার কথা । রাধিকার চিত্তবিকার দূর হইবার তাহা একটা উপায় বটে ; কিন্তু কৈ, সে আশাও তো ফলিল না ।

চারিদিন অপেক্ষা করিয়া গিন্নি মা আবার ললিতমোহনের সন্ধানে সেই ধ্রুবঘাটে গিয়াছিলেন ; কিন্তু সেখানে কেহই নাই । যে সন্ন্যাসী আসিয়া দেখা দিয়াছিলেন, তিনিও সেখানে নাই ; আর ললিতমোহন কোথায় গিয়াছেন কেহই জানে না । হতাশ হৃদয়ে গিন্নি মা ফিরিয়া আসিয়াছেন । ললিতমোহন হৃদয়-হীন

নহেন, তিনি পরদুঃখে সতত কাতর, তাঁহার বাক্যের কখনও অন্যথা হয় না, তবে কেন এমন হইল !

আজি প্রাতঃকালে রাধিকা স্নান করিয়াছেন । বছদিন তিনি পূজা-আহ্নিক পরিত্যাগ করিয়াছেন, আজি তিনি পূজা করিবেন । রাশি রাশি বিবিধ কুমুম সংগৃহীত হইয়াছে, চন্দন ও গন্ধদ্রব্য আহরণ করা হইয়াছে, ধূপ ও ধূনার ধূম চারিদিকে সুগন্ধ বিস্তার করিতেছে । ~~কুমুম~~ ~~রাধিকা~~ উজ্জল প্রদীপ জলিতেছে । সুরমা কক্ষে হইয়াছে ।

পরে রাধিকা আজি বেশ-বিচ্যাস করিয়াছেন । ~~বেশ-বিচ্যাস~~ তিনি আর কখনও বেশ-বিচ্যাস করেন নাই । ~~কুমুম~~ দাসী সযত্নে তাঁহার কবরী বাঁধিয়া দিয়াছে । ~~আজি~~ মালিকায় তিনি মস্তক বেষ্টিত করিয়াছেন । তাঁহার কর্ণে কুমুম ছলিতেছে; প্রকোষ্ঠে, বাহুমূলে, বিবিধ বর্ণের কুমুম দেহের শোভা বৃদ্ধি করিয়াছে । কর্ণে নানা-বিধ কুমুম মালিকা বক্ষ আবরণ করিয়া ঝুলিতেছে । রাধিকা স্বয়ং স্বহস্তে অনেক কুমুম মালিকা রচনা করিয়াছেন । ধ্যান-নিমগ্না রাধিকা কৌষিক বসন পরিয়া দেবতার ধ্যান করিতেছেন, দেববারা গ্রাম তাঁহার শোভা হইয়াছে । সেই ক্ষীণ বদনে প্রসন্নতার জ্যোতি প্রকাশিত হইয়াছে । দুর্বল দেহ নবোৎসাহে বলীয়ান হইয়াছে ।

অনেকক্ষণ ধ্যান করা হইল ; কিন্তু ধোয় বস্তু নিজ মূর্তিতে হৃদয়ে দেখা দিলেন না। রাধিকা দেখিলেন, সেই স্বপ্ন দৃষ্ট রমণীয় ক্ষেত্র, সেই ললিতমোহন। রাধিকা কেবল মাত্র ভক্তি লইয়া সেই বেদিকার সমীপে উপস্থিত হইবার প্রবৃত্তি করিলেন ; অতি নিকট পর্য্যন্ত তিনি আসিতে পারিলেন। কিন্তু তাহার পর তাঁহার ভক্তির রঞ্জু ছিঁড়িয়া গেল। কামনায় তাঁহার হৃদয় পূর্ণ হইয়া তিনি সেই বেদিকাসীন পুরুষকে বাসনা নিবৃত্তির করণ বোধে হাসিয়া ফেলিলেন, মূর্তি মিশিয়া গেল। কল্পনায় যে ধোয় বস্তুর আবির্ভাব হইয়াছিল তাহা কল্পনাতেই বিলীন হইল।

হায় রাধিকা ! সকল যত্ন বিফল হইল। তখন রাধিকা পূজার আসনে বসিয়া বালিকার আয় রোদন করিতে লাগিলেন। বলিলেন,—“ভগবন্ ! ললিত মোহন ! আমি তোমাকে দেববালা সেবিত পরম পুরুষ বোধে ধ্যান করিয়াছি ; দেববালাগণের ন্যায় যদি আমার হৃদয়ে তুমি শান্তি না দেও তাহা হইলে, মহাপুরুষ ! আমার প্রায়শ্চিত্তের ব্যবস্থা করিয়া দাও। মৃত্যু নিত্য রাশি রাশি সাধু ও অসাধুকে গ্রাস করিতেছে। আমাকে কেন লয় না ?

অনেকক্ষণ রোদন করিলেন। অনেকক্ষণ পরে তিনি শুনিতে পাইলেন, দূর হইতে কে যেন বলিতেছে,—“চেষ্টা

কর, হতাশ হইও না । সাধনার পথ প্রথমে এইরূপই কঠিন হইয়া থাকে ।” রাধিকা চমকিয়া উঠিলেন । এ যে তাঁহার প্রার্থিত দেবতা ললিতমোহনেরই কণ্ঠস্বর !

আবার অনেকক্ষণ রাধিকা চিন্তা করিতে লাগিলেন, মনে আশ্চর্য ভরসা ও সাহস হইল ; তিনি আছেন— অতি নিকটেই আছেন । আমার প্রতি তাঁহার অসীম অনুগ্রহ । রাধিকা পুনরায় চিত্তকে স্থির করিয়া সকল ভাবনা হৃদয় হইতে দূর করিয়া ধ্যান করিতে বসিলেন ।

রাধিকা মগ্ন হইলেন, ব্যাহত্য়ান তিরোহিত তিনি দেখিতে লাগিলেন, তাঁহার হৃদয়ে স্বপ্ন দৃষ্ট শোভার ক্ষেত্র অপেক্ষা অধিকতর রমণীয় এক ক্ষেত্রের আবির্ভাব হইল । সেই ক্ষেত্রে হীরক বেদিকার উপর ললিতমোহন, কিন্তু কি শোভাময় ! স্বপ্নে দৃষ্ট ললিতমোহনকে সকল সৌন্দর্যের আধার বলিয়া বোধ হইয়াছিল ; কিন্তু এখন হৃদয়ে দৃষ্ট ললিতমোহন তদপেক্ষাও বহুগুণে শোভাময় ।

নয়নে প্রেমাশ্রু, অঙ্গপ্রত্যঙ্গ শিথিল । রাধিকা তখন ধ্যায় ভিন্ন অন্য় বস্তুর অবধারণ করিতে অক্ষম । রাধিকার চিত্তে দেখিতে দেখিতে সেই ধ্যায় ললিতমোহন মূর্তির অঙ্গে অঙ্গে পরিবর্তন হইতে লাগিল । ক্রমে ক্রমে ধীরে ধীরে সেই মূর্তি সম্পূর্ণরূপে রূপান্তরিত হইল । রাধিকা দেখিতে পাইলেন, সেই ললিতমোহন

ক্রমে এক বৃদ্ধের আকার ধারণ করিলেন । তাঁহার পক
কেশ, কোটর গত নয়ন, শুষ্ক গণ্ড, পলিত চর্ম, নত দেহ ।
ললিতমোহনের রূপ এইরূপে রূপান্তরিত হইলেও
রাধিকার ধ্যান ভঙ্গ হইল না । তিনি প্রাণের সমান
ভক্তির সহিত ললিতমোহনের স্থলাভিষিক্ত সেই বর্ষীয়ান
শীর্ণকায় পুরুষকে দর্শন করিতে লাগিলেন ।

সহসা রাধিকার মনে হইল, এই বৃদ্ধপুরুষ তাঁহা
স্বর্গগত স্বামী । তিনি স্থির মীমাংসা করিলেন যে,
মোহনের স্থলে তাঁহার স্বামী দণ্ডায়মান হইয়া করুণ
নয়নে তাঁহার প্রতি দৃষ্টপাত করিতেছেন । রাধিকার
ধ্যান ভঙ্গ হইল । কঁাদিতে কঁাদিতে বিকল ভাবে
রাধিকা সেই স্থানে পতিত হইলেন । কঁাদিতে কঁাদিতে
বলিতে লাগিলেন,—“দেবতা দেখা দিয়াছেন—ভ্রষ্টা
কলঙ্কিনী পত্নীকে দেখা দিয়াছেন । আমরা ধন্য গিয়াছে,
কর্ম্ম গিয়াছে । নরকের দ্বার আমার জন্ত খুলিয়াছে ।
আপনি কৃপাময়, আপনি আমার পরম দেবতা, এই পাপ
লীলায় এ পাপান্ত্রানে আপনি কেন আসিলেন ? এ
পাপিষ্ঠার এ দুর্গতির সময় দেব-দর্শন কেন ঘটিল ! যদি
আসিয়াছ দয়াময় ! তাহা হইলে পাপীয়সী সেবিকাকে
কৃতার্থ কর, তাহার পূজা গ্রহণ কর ।”

অনেকক্ষণ রাধিকা সেই স্থানে পড়িয়া রোদন করিতে
লাগিলেন । প্রিয়বস্তু হারাইলে শিশু যেমন কঁাদে, প্রিয়

পুত্র নাশ হইলে জননী যেমন কাঁদে, সেইরূপে রাধিকা অনেকক্ষণ কাতরভাবে রোদন করিলেন। এইরূপ অবস্থায় তিনি ভাবিতে লাগিলেন, দয়াময় ললিতমোহন! তোমার প্রদর্শিত পথে চলিতে গিয়া ভয়ানক লজ্জায় পড়িয়াছি; আর এ মুখ জ্ঞানে অজ্ঞানে কাহাকেও দেখাইতে ইচ্ছা নাই। আমার স্বামী এখনও বর্তমান রহিয়াছেন, আমি তাঁহাকে ভুলিয়া আর একজনকে প্রাণে বসাইয়া চিন্তা করিতেছিলাম, তিনি সকলই মন্থিরাছেন। ছি! ছি!

সহসা কে যেন বলিল,—“লজ্জা নাই—ঘৃণা নাই; জ্ঞানের আবির্ভাব হইলেই অজ্ঞান বলা যায়—জ্ঞানানলে সমস্ত সঞ্চিত পাপ ভস্মীভূত হয়। কাতর হইও না, অবসন্ন হইও না, আবার ধ্যান কর।”

সবিস্ময়ে রাধিকা বুঝিলেন, পরম হিতৈষী ললিত মোহন অলক্ষিতে থাকিয়া তাঁহাকে পথ দেখাইয়া দিতেছেন। আবার হতাশ হৃদয়ে আশার সঞ্চার হইল। আবার ক্ষীণ দেহে শক্তি আসিল। আবার হৃদয়কে প্রকৃতিস্থ করিয়া নবীভূত উৎসাহে রাধিকা ধ্যানে মগ্ন হইলেন। একাগ্রভাবে অতি অল্পক্ষণ চিন্তা করার পরই রাধিকা দেখিতে পাইলেন, সেই মনোহর ক্ষেত্রে হীরক রচিত অপূর্ব বেদিকোপরি, প্রশান্তানন বৃদ্ধ, কিন্তু এ কি অলৌকিক দৃশ্য! এ কি আনন্দপ্রদ ব্যাপার! সেই

বৃদ্ধের দেহ হইতে সুধাংশু কিরণোপম মনোহর জ্যোতি
বিকীর্ণ হইতেছে ; সেই বৃদ্ধের নয়ন হইতে অঙ্গু-
ধারে শান্তি ও প্রেম বিগলিত হইতেছে, সেই বৃদ্ধের
শুষ্ক কলেবর হইতে অমৃত বিন্দুর ঞ্চায় করুণাধারা সান্দিত
হইতেছে ; সেই বৃদ্ধের দেহে সর্বত্র দেব ছল্লভ শোভার
সমাবেশ হইয়াছে । সেই বৃদ্ধের শরীরে রাধিকা
দেখিতে লাগিলেন, ক্রমে ক্রমে নবোদ্যত শ্রীসংলিপ্ত
হইতেছে, সেই বৃদ্ধের নয়ন জ্যোতির্ময় ও প্রদীপ্ত হইতেছে ;
সেই বৃদ্ধের সমস্ত কলেবর যুবকাদিক দীপ্তিমান হইতেছে ;
সেই বৃদ্ধের মস্তকে ঘনকৃষ্ণ কুঞ্চিত কেশকলাপ স্তবকে
স্তবকে নামিয়া অঙ্গ দেশ পর্য্যন্ত আচ্ছাদিত করিয়াছে ;
সেই বৃদ্ধের শরীরে চন্দন চিহ্ন পরিদৃষ্ট হইতে
থাকিল । নন্দনের সুষমাময় কুসুম মালিকা বৃদ্ধের বক্ষ-
দেশে শোভা পাইতে লাগিল । সেই বৃদ্ধের দেব ছল্লভ
রূপে, সেই রমণীয় দৃশ্য যেন হাসিতে লাগিল । সেই
বৃদ্ধের শোভার তুলনা নাই । ছার ললিতমোহন সেই
বৃদ্ধের তুলনায় অতি কুংসিত ! এত পরিবর্তন হইলেও
যে বৃদ্ধ সেই বৃদ্ধই রহিলেন । বাহ্যতঃ এইরূপ হইলেও
রাধিকা দেখিতে লাগিলেন, সেই বৃদ্ধ অন্তরে সমানই
রহিয়াছেন । তখন রাধিকার ধ্যানমগ্ন অন্তর কাঁপিতে
কাঁপিতে সেই বৃদ্ধকে আলিঙ্গন করিবার নিমিত্ত বাহ-
প্রসারণ করিল । হাসিতে হাসিতে সেই জ্যোতির্ময়

বৃদ্ধও বাহুপ্রসারণ করিয়া বাধিকাকে বক্ষে ধারণ করিলেন।

আনন্দে রাধিকা উন্মাদিনী হইয়া উঠিলেন। দেহ অবশ ও কণ্টকিত হইল। মৃদুত লোচন ভেদ করিয়া অবিরল অশ্রুজল পড়িতে লাগিল। দূরাগত এক অস্পষ্ট ধ্বনি তাঁহার কর্ণে প্রবেশ করিল। তিনি অতি অস্পষ্ট ভাবে শুনিত পাঠলেন, যেন অতিনূর হইত ললিত মোহন বলিতেছেন, 'এই ধ্যান তোমার অবলম্বনীয়, এই ধ্যানে তোমার ইহকাল পরকালে সঙ্গতি হইবে ; এই ধ্যানে তোমার অন্তে সুখ হইবে ; এই ধ্যান ছাড়িও না।'

নবম পরিচ্ছেদ ।

রাধিকাসুন্দরী আর কাহারও সহিত বড় একটা কথা কহেন না । লৌকিক কোন কার্যের সংবাদ রাখেন না । নিরন্তর এক নিভৃত কক্ষে বসিয়া আপনার ধ্যানানন্দে মগ্ন থাকেন, যে সুখের পথ তিনি দেখিতে পাইয়াছেন, পাপ-তাপ বিরহিত যে আনন্দ তিনি অনুভব করিয়াছেন, তাহার অনুরূপ কোন সুখই জীবনে তিনি ভোগ করেন নাই ; পূর্ণানুরাগের সহিত তিনি প্রায় সকল সময়ই এই নবসেবিত আনন্দ উপভোগ করিতেছেন । আহার নাই, স্নান নাই, নিদ্রা নাই, দেহ রক্ষার কোনরূপ প্রযত্ন নাই । রুগ্ন, কাতর দেহ, নিতান্ত শীর্ণ ও কঙ্কালাবশেষে পরিণত হইয়াছে, শরীরে ত্বণের শক্তিও নাই, কিন্তু রাধিকাসুন্দরী প্রসন্ন, আনন্দে বিহ্বলা ।

গিনি মা বুঝিতে পারিয়াছেন, রাধিকা অন্তরে প্রসন্নতা লাভ করিয়াছেন, তাঁহার হৃদয়ে শান্তি আসিয়াছে । কিরূপে এই পরিবর্তন ঘটিল, তাহার বিশেষ সংবাদ তিনি জানেন না, কিন্তু রাধিকা সুন্দরীর মনের যে অত্যাশ্চর্য্য শুভ পরিবর্তন হইয়াছে, তদ্বিষয়ে কোন সন্দেহ নাই,

কিন্তু মন ভাল হইয়াই বা ফল কি হইবে! জীবন তো থাকে না; যে অবস্থা ক্রমে দাঁড়াইতেছে, তাহাতে রাধিকা যে আর অধিক দিন বাঁচিবেন এরূপ আশা কোন মতেই মনে হয় না।

সময় বুঝিয়া একদিন গিন্নি মা বলিলেন,—“তোমাকে বার বার বলিয়া ফল কিছুই দেখিতেছি না। তুমি বুদ্ধিমতী, বুঝিয়া দেখ, জীবন যে বাইতে বসিয়াছে।”

রাধিকা বলিলেন,—“তাহাতে তোমারও কোন ক্ষতি নাই, আমারও কোন ক্ষতি নাই। আমার দুঃখের দিন শেষ হইয়াছে। এখন আমি পরম সুখে আছি। আশীর্বাদ কর মা! এই সুখ ভোগ করিতে, করিতে যেন আমার জীবনের দিন ফুরাইয়া যায়।”

গিন্নি মা দীর্ঘ নিশ্বাস ত্যাগ করিয়া মস্তক নত করিলেন। রাধিকা আবার বলিতে লাগিলেন,—“আমার মরণের পর তোমার বড় কষ্ট হইবে। তুমি আমাকে অতি স্নেহে লালন পালন করিয়াছ মা; কিন্তু যম আমার হাত ধরা নহে। আমি মরিব না বলিলেই সে আমার কথা শুনিয়া ফিরিবে কি?”

গিন্নি মা বলিলেন,—“শরীর রক্ষার জন্ত যত্ন করিতে হয়; অথলে শরীর নষ্ট করিলে আত্মহত্যার পাপ হয়; মা! তুমি কেন জানিয়া শুনিয়া, দেহ রক্ষা করিবার চেষ্টা করিতেছ না?”

রাধিকা বলিলেন,—“কি চেষ্টা করিব ? তুমি আহার করিতে বল ; কিন্তু মা ! আমি নিরন্তর যে ভোগে আছি, তাহার তুলনায় আহার অতি সামান্য কাজ । সামান্যই হটুক আর মহৎই হটুক, আহারে আমার অনিচ্ছা নাই, কিন্তু আমি যে আর কোন পদার্থই খাইতে পারি না, আমার আর ক্ষুধা হয় না । যে আহার আমি করিতেছি তাহা ছাড়া আর কিছুই ভাল লাগে না ; আমি খাই কিরূপে ? আর নিদ্রা ! আমি শয্যায় শয়ন করিয়া দেখি-য়াছি, নিদ্রা আইসে না । পরম সুখের আবেশে মগ্ন হইয়া আমি জাগিয়া থাকি ; জাগিয়া বিছানায় পড়িয়া থাকার অপেক্ষা, বসিয়া রাত্রি কাটানই ভাল বলিয়া বুঝি-য়াছি, তাই আমি আর শুই না মা । আমি ইচ্ছা করিয়া দেহ নষ্ট করিতে বসি নাই ; ঘটনা এইরূপ ঘটাইতেছে, আমি কি করিব ?”

গিন্নিমার উত্তর নাই । কথা সকলই সত্য । রাধিকা বাস্তবিকই কিঞ্চিন্মাত্র দুগ্ধ পান করিতেও কষ্ট বোধ করেন । শয্যায় পড়িয়াও রাধিকা অনিদ্রায় রাত্রি যাপন করেন ।

রাধিকা আবার বলিতে লাগিলেন,—“পূর্বে আমি ভগবানের নিকট বার বার মৃত্যুর প্রার্থনা করিয়াছি, এখন মা মৃত্যু আসুক বলিয়া আমার আর কামনা নাই, এখন মৃত্যু হইলেও আমার আনন্দ নাই, না হইলেও

ক্ষতি নাই। যদি এ অবস্থায় মৃত্যু ঘটাই ভগবানের ইচ্ছা হয়, তাহা হইলে আমি কিরূপে তাহা প্রতিকার করিতে পারি।”

গিন্নি মা বলিলেন,—“ঔষধ ছাড়িয়া দিয়াছ, চিকিৎসা অনেক দিন বন্ধ হইয়াছে, ঔষধের দ্বারা উপকার হইতে পারে, তাহার চেষ্টা আবার করা উচিত।”

রাধিকা ঈষৎ হাসিয়া বলিলেন,—“বুধা মে চেষ্টা। ঔষধের মৃত্যু নিবারণ করিবার ক্ষমতা থাকিলে জগতে কাহারও মৃত্যু হইত না। তথাপি যদি তোমরা আমাকে ঔষধ দিয়া সুখী হও, আমি তাহাতে কোন বাধা দিব না। কেন না আমি বুঝিতেছি, আমার জীবন আর থাকিবে না। এ অবস্থায় তোমাদিগের মনে কষ্ট দিতে আমার প্রবৃত্তি নাই।”

গিন্নি মা বলিলেন,—“কেবল এক কথাই যখন তখন তোমার মুখে শুনি। কখনও বা মৃত্যুর কামনা, কখনও বা জীবন থাকিবে না বলিয়া উল্লেখ; এ কথা আর শুনিতে পারি না।”

রাধিকা বলিলেন,—“কথা মিথ্যা নহে। তোমার নিকট বলাই আবশ্যিক। সত্যই মা আমি দেবতার সাক্ষাৎ পাইয়াছি; সত্যই মা, আমার স্বামী আমাকে দেখা দিয়াছেন; কেবল দেখা দিবেছেন নহে, তিনি কৃপা করিয়া আমাকে চরণে স্থান দিয়াছেন, সেবিকা বলিয়া

গ্রহণ করিয়াছেন । আমাকে প্রেমের সহিত আলিঙ্গন করিয়াছেন ।”

গিনি মা চমকিয়া উঠিলেন । তিনি প্রাচীনা । যুগব্যক্তির সহিত সাক্ষাৎ, আলাপ, মিলন, বড়ই দুর্লভ বলিয়া তাহার বিশ্বাস । একদা ঘটিলে শোভাই যে জীবন নাশ হইয়া থাকে, ইহা গিনি মা বেশ বুঝিলেন । বলিলেন,—“বড়ই চিন্তার কথা । ইহার জন্ত কোন মঙ্গলিক ক্রিয়া করা আবশ্যিক ; এ অবস্থায় তোনার আর এক মুহূর্ত্ত ও একা পাকা উচিত নহে । আমি অভাগিনী না বুঝিয়া অনেক সময় তোমাকে একলা থাকিতে দিই, আর আমি তোমার কাছ ছাড়া হইব না ।”

রাধিকা বলিলেন,—“চিন্তার কোনই কারণ তো নাই ! যে ভাগ্যবতী সর্বদা আপনার স্বামীর কাছে থাকিতে পায়, তাহার এ জগতে কোন ভয়ের কারণ নাই তো মা ! স্বামী দেবতা এখন আনার প্রাণের মধ্যে সকল অঙ্গে বিরাজমান । কখনও কখনও তিনি দূরে সরিয়া যাইতেছেন, আমি তখনও তাঁহাকে দেখিতে পাইতেছি । তিনি সেই দূর হইতে হাত তুলিয়া বুকে ধরিবার জন্ত আমাকে ডাকিতেছেন । কি আনন্দ মা ! কি ভাগ্য মা ! এত দয়া ! পাপিষ্ঠা নরকের কীট আদরে বিহ্বল হইয়াছে ।”

আনন্দে রাধিকার গণ্ড বহিয়া অশ্রু ঝরিতে লাগিল । গিনি মা নিকটস্থ হইয়া তাঁহার মুখ মুছাইয়া দিলেন ।

তাঁহার মনে ভয়ানক আশঙ্কা হইল, কিন্তু সে অবস্থায় কি কর্তব্য তাহা তিনি ঠিক করিতে পারিলেন না। বলিলেন,—“এ দেশে আর থাকা আমাদের ভাল নহে। অনেক দিন হইল, কাশী ছাড়া হইয়াছি, আবার কাশীতে ফিরিয়া যাওয়াই আবশ্যিক।”

রাধিকা বলিলেন,—“ঠিক কথা বলিয়াছ। সকলেই এখন বুঝিতেছে আমার জীবন আর বেলীদিন থাকিবে না, তখন আমার বিষয় সম্পত্তির একটা ব্যবস্থা করা উচিত হইতেছে। কাশীতে না ফিরিলে তাহার সম্ভাব্য হইবে না।”

গিন্নি মা বলিলেন,—“আমি সেজন্য কোন কথা বলিতেছি না। তুমি ছেলে মানুষ, এখনই তোমার বিষয়-সম্পত্তির ব্যবস্থা করিবার দিন হয় নাই। আমি বলিতেছি, বিদেশে থাকিয়া নানা প্রকার উপসর্গ ঘটতেছে ; এরূপ অবস্থায় দেশে ফিরিয়া যাওয়াই ভাল।”

রাধিকা বলিলেন,—“যাহা বুঝিয়াছ তাহাই ভাল। তবে মা তোমার নিকট কতকগুলি প্রাণের কথা এই সময় জানাইয়া রাখা আবশ্যিক। এ জগতে তোমার মত আপনার লোক আমার আর কেহই নাই। মনের কথা তোমাকে বলিলে বড়ই তৃপ্তি পাই। আমার বিষয়-সম্পত্তি কি করা উচিত, তাহার সম্বন্ধে তোমার সহিত পরামর্শ করিতে আমার ইচ্ছা হয়। মনে কর কাশীতে

গিন্নি আমি রোগমুক্ত হইব। সুস্থ শরীরে শতবৎসর বাঁচিয়া থাকিব। তাহা হইলে বিষয়ের ভাবনা সময় থাকিতে ভাবিলে কোন ক্ষতি আছে কি ?”

গিন্নি মা বলিলেন,—“কোন ক্ষতি নাই। বিশ্বনাথ করুন তুমি সুস্থ শরীরে একশত বৎসর বাঁচিয়া থাক।”

রাধিকা বলিলেন,—“তবে বল মা! এই সম্পত্তিরাশির কি করা উচিত।”

গিন্নি মা বলিলেন,—“যাহাকে তুমি ভাল মনে কর, তাহাকেই দেওয়া উচিত।”

রাধিকা বলিলেন,—“এক মহাপুরুষের হাতে সম্পত্তি রাখিয়া দিলে বড়ই সদ্যবহার হইত, কিন্তু তিনি বোধ হয় কোন বিষয় আর স্পর্শই করিবেন না।”

গিন্নি মা বুঝিলেন, ললিতমোহনকে লক্ষ্য করিয়াই রাধিকা এই কথা বলিতেছেন। বলিলেন,—“তুমি এখানে তাঁহাকে দেখিতে পাইয়াছ, তোমাকে বলি নাই মা! আমিও সন্ধান করিয়া তাঁহার সহিত দেখা করিয়াছি, তিনি চিরদিনই সকল ব্যাপারে নির্লিপ্ত। এখন তাঁহাকে যে ভাবে দেখিলাম, তাহাতে তিনি যে সাংসারিক বিষয়ে কখনও আর মিশিবেন, এরূপ বোধ হয় না।”

রাধিকা মনে মনে যাহা বুঝিলেন, মুখে তাহা ব্যক্ত করিলেন না। বলিলেন,—“তাঁহার হাতে যদি বিষয় রাখিবার উপায় না হয়, তাহা হইলে যাহার দ্বারা যথার্থ

সদ্যবহার হইতে পারে, এমন আর কাহারও হাতে বিষয় রাখিবার ব্যবস্থা করা উচিত ।”

গিনি মা বলিলেন,—“একুপ লোক আর কে আছে ?”

বলিলেন,—“দেশের রাজার একুপ লোক ।

কোন উত্তরাধিকারী নাই, কাজেই

পর ইহা রাজারই হস্তগত হইবে, কিন্তু

রাজেশ্বর ; আমার এ সামান্য সম্পত্তি তাঁহার

কোন উপকারে লাগিবে না । তবে যদি আমি

ভার্যপণ করিয়া রাজার হাতে সম্পত্তি রাখিয়া
যাই, তাহা হইলে সকল দিক রক্ষা হইতে পারে ।”

গিনি মা বলিলেন,—“কিৰূপ ভার অর্পণ করিতে
চাহ ?”

রাধিকা বলিলেন,—“আমার এই সম্পত্তির যে আয়
হইবে তাহা দেশ-হিতকর কোন কার্যে গবর্ণমেন্ট ব্যয়
করিবেন, ইহাই আমার ইচ্ছা ।”

গিনি মা বলিলেন,—“তাহা করিতে পার ।”

রাধিকা বলিলেন,—“আর একটা কথা । সরযু-
বালাকে আমি বড় ভালবাসিয়াছি । শুনিয়াছি তাহার
স্বামী তাহাকে আদরে গ্রহণ করিয়াছেন । স্বামী ধনবান,
অর্থের কোন অভাব তাঁহার নাই, তথাপি আমার ইচ্ছা
যে, আমার সম্পত্তির আয় হইতে তিনি প্রতিমাসে, নিজ

ধরচের জন্ত যাবজ্জীবন একশত টাকা হিসাবে পাইবেন ।
মানুষের চিরদিন সমান অবস্থা না থাকিতেও পারে ।
একুশ ভাবিয়া আমি সরদ্বালার নামে মাসিক একশত
টাকা দিতে ইচ্ছা করি । যদি তাঁহার এ টাকা লইবার
প্রয়োজন না হয়, তাহা হইলে তিনি অনায়াসে ইহা পরের
উপকারের নিমিত্ত ব্যয় করিতে পারিবেন ।”

গিন্নি মা বলিলেন,—“এ ব্যবস্থাতে কোন আপত্তি
নাই ।”

রাধিকা বলিলেন,—“আর একটা কথা, তুমি মনে
কোন দুঃখ করিও না । জীবন মরণের কথা কে বলিতে
পারে মা ! আমি যদি মরিয়া যাই, তাহা হইলে তুমি যে
আমার পরে অধিক দিন বাঁচিয়া থাকিবে, এরূপ বোধ হয়
না, তথাপি আমার ইচ্ছা যে, তুমি যতদিন বাঁচিবে আমার
বিষয় হইতে মাসিক একশত টাকা করিয়া পাইবে । ঐ
টাকা তোমার যে ভাবে ইচ্ছা খরচ করিবে ।”

গিন্নি মা কাঁদিয়া ফেলিলেন । বলিলেন,—“তোমার
মরণের পর বাঁচিয়া থাকার কথা শুনিতে হইল, আর
তোমার কোন কথা শুনিতে চাহি না, অর্থে আমার
কোন প্রয়োজন নাই ।”

রাধিকা কম্পিত হস্তে গিন্নিমার কণ্ঠালিঙ্গন করিলেন ।
বলিলেন,—“মা ! দুঃখ করিও না, মৃত্যু তোমারও হইবে,
আমারও হইবে, মরণ ছাড়া মানুষের পথ নাই ; মরণের

কোন কালাকাল নাই। এক্ষণে শীঘ্র কাশীতে ফিরিবার ব্যবস্থা কর। ইহার পর হয়তো আমাকে রেল লইয়া যাইতে তোমাদের অতিশয় অসুবিধা হইবে।”

গিন্নিয়া মনে মনে অতিশয় আশঙ্কিত হইলেন। মুখে

লাই! এমন কথা মুখেও আনিও না।

হইর হইয়া থাক, আমি এখনই পাণ্ডাকে

যাত্রার ব্যবস্থা করিয়া আসিতেছি।”

গিন্নিয়া চলিয়া গেলেন। রাধিকা নয়ন মুদিয়া চিন্তা

করিতে লাগিলেন।

দশম পরিচ্ছেদ ।

ছয় দিন হইল রাধিকাসুন্দরীকে মথুরা হইতে কাশী ধামে আনয়ন করা হইয়াছে । অতি কষ্টে নানাপ্রকার ব্যবস্থা করিয়া তাঁহাকে আনিতে হইয়াছে । জীর্ণ, ক্ষীণ ও কাতর শরীরে এই সুদূর পথ, রেলের গাড়ি ও অশ্রান্ত যানে অতিক্রম করিতে, রাধিকার অতিশয় ক্লেশ হইয়াছে ; সেই যন্ত্রণায় তাঁহার দেহ আরও প্রপীড়িত হইয়াছে ।

রাধিকাসুন্দরীর কাশীতে প্রত্যাগমন করার পরদিনই রজনীকান্ত ও সরযুবালা আসিয়া সেখানে উপস্থিত হইয়াছেন । সরযুবালার সাক্ষাৎ পাইয়া এবং তাঁহার আনন্দের সংবাদ শুনিয়া, রাধিকাসুন্দরীর অবসর দেখে অপরিমাম সন্তোষ হইয়াছে । সেট অবস্থাতেও রজনীকান্তের যথোচিত সমাদরের তিনি কোন ক্রটি করেন নাই । তিনি সরযুবালাকে বিবিধ উপদেশ দানে কর্তব্য পথ দেখাইয়া দিতে বিরত হন নাই ।

মথুরাধামে গিন্নি মাকে বিষয়-সম্পত্তি সংক্রান্ত যেরূপ দানাতির ব্যবস্থা জানাইয়াছিলেন, কাশীতে আসিয়াই রাধিকাসুন্দরী সেইরূপ লেখা-পড়া সমাধা করিলেন । লেখা-পড়ার মধ্যে একটা কথা বাড়িয়া গেল, দেওয়ান

জীবনহরি সেন হইতে সামান্য পরিচারিকা পর্য্যন্ত
প্রত্যেকেরই সশ্বন্ধে কিছু না কিছু দানের ব্যবস্থা হইল ।
দেওয়ানজী এককালে দশ হাজার টাকা পাইবেন এবং
রিচারিকা হাজার টাকা পাইবে, এইরূপ
চারী ও দাস-দাসীর সশ্বন্ধে দানের ব্যবস্থা.

প্রত্যাগমনের পর জীবনহরি" প্রভৃতির
জ্ঞানাপ্রকার চিকিৎসার আয়োজন করা
কবিরাজ, হাকিম এবং হোমিওপ্যাথিক
চিকিৎসক আসিয়া রাধিকাকে পুনঃপুনঃ জ্বালাতন
করিতে লাগিল । কিন্তু রাধিকাসুন্দরী মনুগত ব্যক্তি-
গণের মনোরঞ্জনার্থ নির্ঝিবাদে সকল চিকিৎসককে আপ-
নার অবস্থা জানাইতে ও দেখাইতে আপত্তি করিলেন
না । তাঁহার দেহের অভ্যন্তরে যেরূপ বিজাতীয় দুর্বলতা
উপস্থিত হইয়াছে, তাহা অপনোদিত করিতে কাহারও
সাধ্য নাই, সুতরাং চিকিৎসার কোন ফল হইবে না ।
তথাপি তাঁহার আরোগ্য কামনায় যে সকল ব্যক্তি ব্যাকুল,
তাঁহাদিগের অনুরোধ রক্ষা করা আবশ্যিক ।

রাধিকাসুন্দরী যাহা বুঝিয়াছিলেন, চিকিৎসকেরাও
তাহাই বুঝিলেন । তাঁহারা দেখিলেন, রোগীর দেহ যেরূপ
রক্তহীন ও দুর্বল হইয়াছে, তাহাতে জীবন রক্ষার কোন
আশা নাই । তবে আহারাদির সুব্যবস্থায় যদি অনতি-

কাল মধ্যে শরীরে শোণিত সঞ্চয় ঘটে এবং যদি পীড়িতা শক্তিশালী করিতে পারেন, তাহা হইলেই জীবন রক্ষার আশা করা বাইতে পারে। কিন্তু সে সম্ভাবনা নাই, কারণ রুগ্নার আদৌ ক্ষুধা নাই, আহারে কোন প্রবৃত্তি নাই এবং কোন দ্রব্য গলাধঃ করিবার শক্তি নাই। এইরূপ ব্যবস্থা ব্যক্ত করিয়া ঔষধের অনাবশ্যকতা বুঝাইয়া দিয়া এবং পীড়িতাকে যথেষ্টভাবে পথ্য প্রদানের উপদেশ দিয়া চিকিৎসকেরা বিদায় হইলেন।

কেবল এ কথা বুঝিলেন না, হোমিওপ্যাথিক চিকিৎসক মহাশয়। তিনি বিশ্বাস করেন যে, তাঁহার অর্ধবিন্দু ঔষধ সেবন করিলে, স্থিতিস্থিতি রসাতলে পাঠাইতে পারা যায়। সামান্য দৈহিক দুর্বলতা তাঁহার প্রদত্ত সর্ষপ প্রমাণ এক ক্ষুদ্র বটিকা সেবনে, অচিরে অপগত হইবে এ সম্বন্ধে তাঁহার কোন সন্দেহ নাই, অতএব হোমিওপ্যাথিক মহাত্মা আপনার অদ্ভুত চিকিৎসা চালাইতে লাগিলেন।

ফল কিছুই হইল না। রোগীর অবস্থা উদ্ভরোদ্ভর মন্দ হইতে লাগিল। পীড়িতা সমস্ত দিনে, চারি পাঁচ বিন্দুক দুগ্ধ সেবন করিতেন, তাহাও কমিয়া আসিল। কবিরাজ মহাশয় উপদেশ দিলেন, যে এ অবস্থায় কেবল একটু একটু মকরধ্বজ সেবন ভিন্ন অন্য ঔষধ নিষ্প্রয়োজন। আবার আত্মীয়গণ, কবিরাজ মহাশয়ের ব্যবস্থার অনুসরণ করিতে লাগিলেন।

শরীরের অবস্থা বাহাই কেন হউক না, রাধিকাসুন্দরী
কিন্তু পূর্ণানন্দময়ী ! মথুরাধামে তিনি যে দিবা দর্শন লাভ
করিয়াছেন, তাঁহার সে দর্শন-শক্তি একবারও বিলুপ্ত হয়

তিনি নিরন্তর মনের নয়নে, স্বামীকে দর্শন

তাঁহার সহিত সম্মিলন জনিত সুখ উপ-

। আর তাঁহাকে আয়োজন করিয়া ধ্যানে

তাঁহাকে অল্প চিন্তা পরিত্যাগ করিয়া

করিতে হয় না, আর তাঁহাকে প্রাণের

যুক্ত করিতে হয় না, এই দারুণ ক্লেশতা ও

রাধিকাসুন্দরীর বদন সততই আনন্দ-

প্রদীপ্ত এবং তাঁহার দেহ স্বর্গীয় সৌন্দর্য্য বিভূষিত। তাঁহার

কোটিরগত নয়ন, এখন আয়তভাবে ভাসিয়া উঠিয়াছে ;

গগন উজ্জল এবং শোভাময় হইয়াছে, তিনি অন্তরে ও

বাহিরে সর্ব প্রকারে সুখী হইয়াছেন।

কবিরাজ মহাশয় নীচে দেওয়ানজীর নিকট বলিয়া

গিয়াছেন যে, রাণীমার নাড়ী পরীক্ষা করিয়া আজি যে

ভাব তিনি বুঝিয়াছেন, তাহাতে তাঁহার বিশ্বাস হয় না, যে

পীড়িতার দেহের সহিত প্রাণের সম্বন্ধ বেশী দিন থাকিবে।

অল্প হইতে তিন দিনের মধ্যেই তাঁহার জীবনান্ত হওয়া

সম্ভাবিত। সংবাদ ক্রমে ক্রমে গিনিমা ও সরযুবাণীর

কাণে প্রবেশ করিয়াছে, তাঁহারা চিন্তায় আকুল হইয়াছেন

এবং অলক্ষ্যে উভয়েই রোদন করিতেছেন।

রজনীকান্ত বাহিরে থাকিয়া চিকিৎসকদিগের অভি-
প্রায় সকলই শুনিতেছেন, সরযুবালার সহিত তাঁহার
সততই সাক্ষাৎ ঘটে, যখন যেরূপ সংবাদ রজনীকান্তের
কর্ণে প্রবেশ করিতেছে, তাহা তিনি বথাযথভাবে সরযু-
বালার গোচর করিতেছেন । আপনার সন্তান নাশের
সম্ভাবনা হইলে লোক যেরূপ দ্যাকুল হয়, সহোদরার মরণ
ভয়ে ভয়ী যেরূপ কাতর হয়, এই সকল সংবাদ
শ্রবণে, সরযু সেইরূপ কাতর হইলেন ; কিন্তু প্রতিবিধান
কিছুই নাই । সরযুবালার এক একবার রজনীকান্তের
আহ্বান অনুসারে পীড়িতার পার্শ্ব হইতে উঠিয়া আই-
সেন, তদ্ব্যতীত কোন সময়ই তিনি রাধিকাসুন্দরীর
নিকট হইতে স্থানান্তরে যান না, আহাির রাধিকা-
সুন্দরীর সমক্ষেই সম্পন্ন হয় । কিন্তু মনের যেরূপ প্রবল
উৎকর্ষ তাহাতে আহািরের প্রবৃত্তি কোথায় ? তথাপি
রাধিকাসুন্দরী বিবিধ অনুরোধে সরযুকে ভোজনে প্রবৃত্ত
করিয়া থাকেন ।

যে দিন কবিরাজ মহাশয় কঠোর বার্তা প্রচার করিয়া-
ছেন, সেই দিন অপরাহ্ন কালে সরযুকে লক্ষ্য করিয়া
রাধিকাসুন্দরী বলিলেন,—“আজি তোমাকে বড়ই কাতর
দেখিতেছি কেন মা !”

সরযু বলিলেন,—“তোমাকে ভাল হইতে দেখিতেছি
না ; ক্রমেই তোমার অবস্থা মন্দ হইতেছে, ইহা

দেখিয়া কেমন করিয়া আমরা কাতর না হইয়া থাকিব
মা !”

রাধিকা বলিলেন,—“আমি বড়ই ভাল বুঝিতেছি :
আমার শরীরে আর একটুও রোগ নাই, তবে তোমরা
চিন্তিত হইতেছ কেন ?”

যখন রোগের মাত্রা পূর্ণভাবে বৃদ্ধি হয় এবং পীড়িত
ব্যক্তি যখন মৃত্যুর কবল-গত-প্রায় হইয়া উঠে, তখন প্রায়ই
দেখিতে পাওয়া যায় যে, সে আপনাকে স্বচ্ছন্দ ও রোগমুক্ত
বলিয়া বোধ করে : গিন্নিয়া এই স্থলে উপস্থিত ছিলেন :
রাধিকাসুন্দরীর এই বাক্য তিনি অতি ভয়ানক বলিয়া
মনে করিলেন । সুবিজ্ঞ কবিরাজের মীমাংসার বিরোধী
এবং সকলেরই অনুমানের বিপরীত এই উক্তি শ্রবণে,
সরষু বালার মনেও একটা আতঙ্ক উপস্থিত হইল ।

রাধিকাসুন্দরী আবার বলিলেন,—“মা সরষু ! আমার
মৃত্যু হইবে বলিয়া ভয় করিও না; মৃত্যু প্রার্থনীয় অবস্থা ।
মৃত্যুর পূর্বে পাপের বোঝা সরাইয়া দিতে না পারিলে,
হৃদশার শেষ থাকে না । তোমার কল্যাণে মা, আমি গুরুর
উপদেশ পাইয়াছি, সেই উপদেশে আমি পরমগুরু লাভ
করিয়াছি । গুরুর দয়ায় আমার চিত্ত হইতে পাপের চিহ্ন
মুক্ত হইয়াছে । তবে মা আমার মৃত্যু ভয়ে কেন তোমরা
কাতর হইতেছ ?”

সরষু কোন উত্তর দিতে পারিলেন না, মুখে কাপড়

দিয়া কাঁদিতে লাগিলেন । রাধিকা আবার বলিলেন,—
“কাঁদিও না মা ! নারী যদি স্বামীপদে মতি রাখিয়া মরিতে
পারে, তাহা হইলে সে ধন্য হয় । মা সরষু ! তুমি
ভাগ্যবতী হইয়াছ, স্বামী-চরণে তোমার স্থান হইয়াছে,
আশীর্বাদ করি, যেন এই স্বামী-চরণ ধ্যান করিতে
করিতে তুমিও মরিতে পার ।”

সরষু কথা কহিতে পারিলেন না, কাঁদিতে কাঁদিতে
তিনি সে স্থান হইতে উঠিয়া গেলেন, গিল্মীমারও নয়নে
তখন অবিরল জল-প্রবাহ । তিনি বলিলেন,—“মা ! মৃত্যু
তো হইবেই, ঔষধ সেবনের জন্ত আমরা আর তোমাকে
পীড়াপীড়ি করিতেছি না । যিনি অসাধা সাধনে সক্ষম,
যাহার ইচ্ছায় সকল ঔষধের উৎপত্তি হইয়াছে, তুমি এ
সময়ে কায়মনোবাক্যে সেই বিশ্বনাথকে চিন্তা কর, তাহা
হইলেই সকলদিকে তোমার মঙ্গল হইবে ।”

ঈশৎ হস্তা করিয়া রাধিকাসুন্দরী বলিলেন,—“মা !
আমি নিরন্তর স্বামী-চিন্তা করিতেছি, স্বামীর সহিত মিলিয়া
রহিয়াছি, নারীর স্বামী ভিন্ন দেবতা নাই, এমন প্রত্যক্ষ
দেবতাকে মন হইতে সরাইয়া অন্য দেবতার চিন্তা কেন
করিব ? ভয় করিও না মা, পরম মঙ্গল আমার সম্মুখে ;
আশীর্বাদ কর, যতক্ষণ আমার দেহে প্রাণ থাকে, ততক্ষণ
যেন, স্বামীর চরণ চিন্তা করিতে আমার ভুল
না হয় ।”

গিন্নী মা অধোমুখে রোদন করিতে লাগিলেন ।
রাধিকা আবার বলিলেন,—“মা ! তুমি যাও, সরযু বোধ
হয় কোথাও বসিয়া কাঁদিতেছেন ; তাঁহাকে আমার
নিকট লইয়া আইস ।”

গিন্নী মা প্রশ্নান করিলেন ।

শেষ ।

পরদিন প্রাতে কবিরাজমহাশয় পীড়িতা রাধিকা সুন্দরীকে দেখিলেন, বিষণ্ণবদনে তিনি রোগীর শয্যাপার্শ্ব হইতে বাহিরে আসিলেন । রজনীকান্ত ও জীবনহরি তাঁহার আগমনের প্রতীক্ষা করিতেছিলেন । কবিরাজ মহাশয় দুঃখ সহকারে ব্যক্ত করিলেন, যে অল্প অপরাহ্ন-কালে, রোগিণীর জীবন-প্রদীপ নিৰ্ব্বাণ হইবে ।

এ সংবাদ কর্ণগোচর হইবার পূর্বেই, গিন্নীমা ও সরস্বালার প্রাণে বড়ই আতঙ্ক জন্মিয়াছিল । তাঁহারা বুঝিয়াছিলেন, অল্পকাল দিন অতি ভয়ানক । প্রাতঃকাল হইতেই পীড়িতা অনেক সময়ে, মুকুলিত নয়নে, মোহাচ্ছন্ন ভাবে কাণ কাটাইতে লাগিলেন ; ডাকা ডাকি করিলে ধীরে ধীরে তাঁহার দেহে হস্তার্পণ করিয়া নাড়িলে, তিনি এক একবার একটু আনন্দসূচক ধ্বনি করিতে লাগিলেন মাত্র । একবার তিনি বলিয়া উঠিলেন, ‘আমাকে ডাকিও না, আমি দেব-বালাগণের মত হইয়াছি, স্বামী-চরণের সহিত আমার পূর্ণ মিলন হইতেছে ।’

সরস্বালা, গিন্নী মা, লক্ষ্মীর মা এবং আরও দুইজন পরিচারিকা পীড়িতার শয্যা বেষ্টন করিয়া বসিয়া

রহিলেন । কাহারও মুখে কথা নাই,—সকলেরই নয়নে
জন ।

বেলা এক প্রহরের পর হইতে রাধিকাসুন্দরীর
নিশ্বাস প্রশ্বাসের ক্রিয়া অতিশয় অস্বাভাবিক হইয়া
উঠিল । সকলেই বুঝিলেন, যৎপরোনাস্তি অশুভ লক্ষণ
উপস্থিত হইয়াছে, এইভাব অনেকক্ষণ চলিল । পীড়িতার
নিশ্বাস প্রশ্বাসের বিকৃত গতি বাতীত জীবনের লক্ষণ
আর কিছুই রহিল না, হস্তপদ সকলেই অবসন্ন, তিনি
সেই পূর্ববৎ অর্দ্ধমুদ্রিত নয়নে, ধ্যান নিমগ্না দেবীর
শ্রায় শয্যায় পতিত । বড়ই উদ্বেগে সময় চলিতে
লাগিল ।

বেলা আড়াই প্রহরের সময় রোগীর ভাবের পরিবর্তন
হইল । তিনি বিস্ফারিত নরনে, একবার চারিদিকে চাহি-
লেন, সঙ্গে সঙ্গে বলিয়া উঠিলেন, কি মধুর ! কি রমণীয় !
ভগবন্ ! তোমার কি দয়া ! দাসীকে—সেবিকাকে এত
আদর ! গুরুদেব ! তোমার চরণে শত প্রণাম, তোমার
রূপার আজি আমার এই দৌভাগ্য !

সকলে সবিস্ময়ে দেখিলেন, সেই কক্ষ মধ্যে গৈরিক
রঞ্জিত পরিচ্ছদধারী এক প্রশান্ত মূর্তি জ্যোতিষ্মান
সন্ন্যাসী উপস্থিত হইলেন । সকলেই চিনিলেন—সেই
সন্ন্যাসী ললিতমোহন ।

সরযু কঁাদিতে কঁাদিতে সন্ন্যাসীকে প্রণাম করিলেন ।

বলিলেন.—“বাবা ! আসিয়াছেন, বড় অসময়ে দেখা-
দিয়াছেন । আমাদের কি হইবে বাবা ?”

সন্ন্যাসী নিৰ্ঝাক, বদনে হস্ত দিয়া তিনি সঙ্কেতে
নকলকে নিৰ্ঝাক থাকিতে আদেশ করিলেন ।

ক্রমে ক্রমে রাধিকাসুন্দরীর বিফারিত নয়ন, সেই
জ্যোতির্গুরু সন্ন্যাসীর বদনের সহিত মিলিল । তিনি
বলিলেন.—“আসিয়াছেন—দয়া করিয়া পিতঃ ! এই
অন্তিম সময়ে সন্তানকে দেখা দিতে আসিয়াছেন !
করুণাময় গুরুদেব ! আপনার আশীর্বাদে আমার কামনা
সফল হইয়াছে ।”

তখন সুম্পষ্ট সুমধুর গম্ভীর স্বরে বলিতনাহন
বলিলেন,—“যাও সাধি ! পাপ-তাপ বিরহিত অনন্ত
সুখের রাজ্যে গমন কর । তোমার দৃষ্টান্তে বসুন্ধরার নারী-
গণ সংযম শিক্ষা করুক, কামনা দগ্ধ করিয়া বিধবা মৃত
স্বামীর সঙ্গসুখ ভোগ করুক, আমার গ্রাম অধম জনেরা
বাসনা নিবৃত্তি করিতে শিক্ষা করুক, দেবি ! মা ! তোমার
কার্য্য দেখিয়া জগতের নর-নারী আপনাদিগের কর্তব্য
স্থির করুক ।”

রাধিকা আবার বলিলেন,—“বাবা ! যদি আসিয়াছেন
—শিষ্যাকে দর্শন দিয়া চরিতার্থ করিতে যদি আসিয়াছেন,
গুরু ! তবে কৃপা করিয়া আমার নিকটে আসুন, আমি
চরণ-ধূলার প্রার্থনা করি বাবা ।”

ললিতমোহন পীড়িতার অতি সন্নিকটে আসিলেন : বলিলেন,—“মা ! তোমার দৃঢ়তায় আমি দৃঢ়তা শিখিয়াছি, তোমার ধৈর্য্যে আমি ধীরতা পাইয়াছি, তোমার সংযমে আমার সংযম প্রবৃদ্ধি হইয়াছে । দেবি ! তুমি ধন্যা ।”

রাধিকা কম্পিত ক্ষীণ কর প্রসারণ করিয়া ললিতমোহনের চরণ সমীপে স্থাপন করিলেন । সঙ্গে সঙ্গে উর্দ্ধে দৃষ্টিপাত করিয়া বলিয়া উঠিলেন—“এই যে ! বাই, কি দয়া ! কষ্ট করিয়া এতদূর আসিয়াছ স্বামিন্ ! কি শোভা ! তোমার কি রূপ !”

রাধিকার আনন্দপ্রদীপ্ত বদন আরও আনন্দময় হইয়া উঠিল, সঙ্গে সঙ্গে সকলে দেখিল, সকলে বুঝিল, তাঁহার নশ্বরশরীরের সহিত প্রাণের চিরবিচ্ছেদ ঘটিয়া গেল । যখন সেই ক্ষীণ দেহাশ্রয় ত্যাগ করিয়া প্রাণপক্ষী উর্দ্ধে পলায়ন করিবার উত্তোগ করিতেছিল, সেই সময় ললিতমোহন সেই দেবীর চরণে ভক্তিসহকারে প্রণাম করিলেন, তাহার পর আর কেহই তাঁহাকে কোথাও দেখিতে পাইল না ।

গৃহমধ্যে তুমুল ক্রন্দনের রোল উঠিল । বাহির হইতে জীবনহরি রজনীকান্ত প্রভৃতি কয়েকজন পুরুষ বেগে সেই কক্ষ মধ্যে আসিয়া উপস্থিত হইলেন । দেখিলেন, সকলই শেষ হইয়াছে, রাধিকার বিগত-জীব কলেবর নিশ্চলভাবে শয্যায় পড়িয়া রহিয়াছে । আনন্দের জ্যোতি সেই

দেহের চারিদিকে শোভা বিকীর্ণ করিতেছে ।
 মগ্নর পর একরূপ স্বর্গীয় সৌন্দর্যের সমাবেশ দর্শনে
 মনে বিমোহিত হইল ।

বহু লোক মিলিত হইয়া রাধিকাসুন্দরীর বিগত-জীব
 হু বারাগসীর সুপবিত্র শ্মশানে আনয়ন করিল । পুণ্য-
 স্থানের নন্দর কলেবর চিতায় আরোপিত হইল, সর্ব-
 ক্রমিক হতাশন স্বকার্য সাধনে প্রবৃত্ত হইলেন, অনল-
 ধী উর্ধ্বে আরোহণ করিয়া সেই সতীর সংযম ও ত্যাগ
 ণীকারের মাহাত্ম্য দেবলোকে ঘোষণা করিতে লাগিল ।
 আয়মান পবনদেব ধ্রু করুণস্বরে এই পবিত্র কাহিনী
 সুন্দরায় প্রচার করিতে লাগিলেন । আর কলনাদিনী
 গীর্থা পবিত্র ভাষায় এই কীর্তিগীতি গাহিতে গাহিতে
 মনস্তের অভিমুখে ছুটিতে . লাগিলেন, সকলই শেষ
 হইল । পাপ-প্রধোতা রাধিকাসুন্দরীর দেহ ভয়ে মিশিয়া
 গেল ।

সমাপ্ত

अपूर्व्यामणमचलप्रतिष्ठं

समुद्रमापः प्रविशन्ति यद्द्वं ।

तद्द्वं कामा यं प्रविशन्ति सर्वे

स शान्तिमाप्नोति न कामकामौ ॥

विहार कामान् वः सर्वान् पुमांश्च

निष्प

निर्ममो निरहकारः सुशान्तिमधिगा

— श्रीमद्भगवद्गीता, द्वितीय अध्याय, १०।११

(भावार्थ।—सदा परिपूरित समुद्रे विस्तृत
प्रवेश करिलेও যেমন তাহা সমভাবেই অবস্থিত
তদ্রূপ কামনা সমূহ হৃদয়ে প্রবেশ করিলেও বে
বিচলিত করিতে পারে না, তিনিই শান্তিকে প্র
থাকেন। কিন্তু যিনি কামনাসক্ত তাঁহার কথ
সৌভাগ্য ঘটে না। যে পুরুষ বাবতীয় কামনা
দিয়া মমতা শূন্য নিরহকৃত ভাবে বিচরণ করিতে
তিনিই শান্তি লাভ করিয়া থাকেন।)

